

kat kamp

CIMELIA

0

903

Crellius Joh.

THEOLOGIA.

N. ~~792~~





903

CIVILIA

X. 2. 76.

34. VII. 106.





COMMENTARIUS

In Epistolas

PAULI APOSTOLI

Ad Thessalonicenses.

Ex prælectionibus

IOHANNIS GRELLII FRANCI

conscriptus

à

PETRO MORSKOVIO

à Morskovv.



RACOVIAE, Typis Pauli Sternacii
Anno à Christo nato 1636.



Cim. O. 908



PETRUS MORSKOVIVS

a Morskovv.

Christiano Lectori S.

OFFERIMUS tibi Christiane Lectore
Commētarium in utramq; Apo-
stoli Pauli ad Thessalonicenses e-
pistolam, à nobis è prælectionibus *μὰνὰ*
πρὸς illius Iohannis Crellii Franci elucu-
bratum: utinam tanto tuo fructu & e-
molumento, quanto studio, & animi in
te propensione nostra. Materiæ certè in
qua primùm vires præeunte illo nun-
quam satis laudato viro nostras experi-
ri volumus, is est genius, ut tantò magis
unumquemq; allicere & trahere ad se de-
beat, quantò acrioribus ille se stimulis
ad veræ pietatis orbitam inoffenso pe-
de calcandam agitari sentit. Tametsi e-
nim, non ea hic seges est abstusiorum
illorum Christianæ religionis mysterio-
rum, nos in sacratissima ipsius adyta in-
troducendum, qualem in aliis huius A-
postoli scriptis conspicias; at illorum
quæ solidæ pietati & constantiæ in re-
ligione

P R Æ F A T I O

ligione commendandæ & fovendæ faciunt, ideoq; istis minimè cedunt, proventus longè uberrimus. Ita divinus iste gentium Doctor, qui verum nobis Christianum sermonis sui penicillo depinxit alibi; hîc in exempli quasi quodam speculo, vivam & spirantem eius imaginem spectandam proposuit; quodq; præstare cœli candidatum debere docuit alibi; id etiam posse, hîc luculentissimè demonstravit. Animaturus nimirum Thessalonicenses ad constantiam in religione Christiana, seu ad *παρρησίαν* & gloriationem, (ut divinus ille author ad Heb: loquitur) *spei usq; ad finem firmam retinendam*, ea cùm de sua & inter illos conversatione, & in illos voluntate, tum de illorum vicissim & in se animo & in religionem Christianam affectu prædicat, quæ & Pastorem nobis undequaq; absolutum exhibent, & auditorem. Nam quid in illo Pastore desideres amplius, qui nō ut caput referat unctius, aut plausum mereatur, & se assignet famæ, sed ut gloriæ Dei, & hominum saluti velificetur, curam suscipit gregis eoq; nihil quod salutare putat, reticet,

AD LECTOREM:

reticet, sed candidè, sed ex animo oracula divina pandit, ac ut à veritate prædicanda nullis periculis absterretur, ita prædicationem suam tanta sanctitate & morum integritate fulcit, ut omnem calumniatori aditum ad se præcludat, potiusq; cum summa sua molestia & labore de jure suo remittat multùm, quàm offensionis ansam præbeat aliquam; eorum verò quos gubernat, amore ardeat tanto, ut & præsentibus non secus atque nutrix mater solet, foveat, & absentium desiderio teneatur incredibili, pro iis oret, & gratias agat indefinenter, nullam rationem implendi defectûs illorum fidei prætermittat, illos coronam suæ gloriationis, spem, gaudium suum esse credat, se deniq; animamq; suam usibus eorum impendere, & devovere sit paratus! Atqui hæc omnia in se à Thessalonicensibus conspecta, non illorum solùm, sed ipsius etiam Dei, qui intimorum mentis nostræ recessuum arbiter & inspector est, testimonio comprobatur Apostolus. Iam quid ad justam veri Christiani staturam desit ei, qui veritatem circumstantibus

PRÆFATIO

nantibus undiq; periculorum procellis, imò cum persecutione ipsa, & tanta alacritate, ac animi robore receperit, ut nō credentium tantum circa se omnium exemplar, sed ipsius etiam Christi Apostolorūq; in eo æmulus ac imitator esset, & tantā constantiā tantāq; fiduciā ac spe profiteretur, ut velut per ipsas afflictiones fides in Deum cresceret, & spes, patientiā, radices altiūs ageret, omnes circumstrepentis Satanae turbines impavidus & imperterritus frangeret; charitate verò, quæ legis perfunctio & veri Christiani character est certissimus, tam ardenti, tam nulla hypocriseos & privati quæstus ærugine infuscata, cum in omnes in universum, tum in singulos privatim ferretur, ut eam à natura haulisse, imò à Deo ipso didicisse videretur! aut si quid tandem tam generose, tam coelesti, imò tam Deo suo plenæ defuerit animæ, quis non videt, vel non tanti id esse momenti ut de summa spei suæ periclitari propterea possit, vel certè, qualis qualis ille defectus fuerit, tam in proclivi esse illum complere, atq; imber quando plu-

it. At.

A D L E C T O R E M.

it. Atqui horum omnium laudem Thes-
salonicensibus suis non modio neq; tri-
modio, sed horreo, quod aiunt iplo, hîc
admetitur Apostolus; adeò ut non tam
novam aliquam eis virtutem per istas E-
pistolas inferere voluisse, quàm ne ob af-
flictionum magnitudinem de studio re-
mitterent, & tempore in cursu langve-
scerent timuisse, atq; ideò ut ad cœpti
tanto cum omniû plausu & admurmu-
ratione curriculi calcem, se ipsos quoti-
die votaq; de se concepta superâtes pro-
perare vellent, orationis suæ velut quo-
dam classico impulisse & animasse vide-
atur. Et hinc sunt illæ tam liberali manu
in eos cōgestæ, totiesq; repetitæ laudes;
hinc tam effusa Pauli de suo in illos & il-
lorû in se animo prædicatio, hinc deniq;
tot tam crebra, tamq; ardēter pro iis con-
cepta vota, ut vix aliquid huius simi-
le in reliquis Apostoli huius epistolis
animadvertas. Quanquam sunt & aliæ
harum Epistolarum dotes, illis vel pecu-
liares, vel certè cum paucissimis cōmu-
nes. Nam ubi, si Epistolas ad Corinthios
excipias, sive de mysterio resurrectionis
nostræ,

P R Æ F A T I O

nostræ, sive de animadversione Ecclesiastica plenius tractatur & uberius: atqui ut illud est prora quod ajunt & puppis fidei speiq; nostræ; ita hæc unicū ordinis in Ecclesia cōservandi remedium, & instrumentum. Iam de Apostasia adventum Christi ad judicium antecessura, revelandoq; illo homine peccati, & quòd jam tum iniquitatis perageretur mysterium, in omnibus huius Apostoli, ne dicam omnium scriptis altissimum silentium. Nam etsi S. Iohannes in Epistolis suis innuat, in Apocalypsi verò etiam pluribus nonnulla persequatur, harum tamen Epistolarum verba, lucem illis omnibus fœnerantur: absq; quibus fuisset, omnes hîc velut in illuni nocte erraremus, & horrêdis illis scopulis tot Christianorum ossibus albis, conscientiæ navis allidenda foret: quos nunc ista signa, licet rectè propter temporum rationem ab Apostolo posita, candido & veræ pietatis amore flagranti oculo intuentibus sine periculo, divina ope invocata, prætervehi haud ita operosum. Sed quid ego harum epistolarum decora, culpa detero po-

P R A E F A T I O

ita quæ tum ex illius differentis ore hauriebam in chartam conijcerem, ut quædam etiam quæ non dicta videbantur, de meo, sensus illius expiscandi gratia adderem, tradebam illi recognoscenda: quæ ille postea ad suum arbitrium finxit & refinxit, multis inductis, nonnullis etiam de suo additis. In primis verò illa in posteriori Epistola c. 3. à v. 6. ad finem usq; omnia sunt planè illius. Nam cum in his, doctrinæ de Excommunicatione in qua multi cæcutiunt plenius pertractandæ, campus mihi aperiri videretur, nix^o ego an abusus dicam facilitate, & in omnes de quolibet benè merendi partes accincta propensione viri, spatium tantum nudum & sine literis in charta reliqueram, addito, velle me, ut istam materiam suis ipse verbis pro ut ipsi videretur pertractandam susciperet. Nec detrectavit ille, qui omnibus cuperet esse omnia, & suo ipse stylo prout ambiveram omnia persequutus est; addito tamen, tam plenam doctrinæ de excommunicatione tractationem non huius esse loci, & velle postmodum Ethicæ suæ recognita inseri, quæ commenta-

A D L E C T O R E M.

mentationis huius pomœria excedere viderentur. Verùm ut ipsum commentarium scribebam ego, & recognoscebat ille, non sine edendi; ita nec ista postquã tradiderat mihi, aut ille in manus resumpsit unquam, aut ego vel in minimis mutare fas mihi putavi; exceptis tamen iis quæ temporibus condonanda videbantur. Quæ tibi Lector, tam multis à me memorantur, ut si minùs fortè tibi in hoc commentario arriserint omnia, speq; forsitan tua minora fuerint visa, æquior sis cùm illi qui facem prætulit nobis, nec tamen morte præventus, ita ut par erat, rudem hanc & informem carunculam relambere potuit, tum verò nobis ipsis, quibus religio fuit, aut addere aliquid post ipsius recognitionem ne cornicum oculos configere diceremur, aut cùm tamdiu Ethices illius editio differatur, omittere quæ ille hîc de Excommunicatione utilissimè adjecerat. Inde videlicet nec stylus ubiq; decurrit equabiliter, & nonnulla pendere, nec satis ubiq; adstricta videntur. Nam quòd nō attollatur & humi plerumq; serpat, id nec excusan-

P R Æ F A T I O A D L E C T.

excusandum videtur; cùm rem nobis nō
verba proposita haberemus, & genus i-
stud descriptionis, lautitias illas elegantiarum,
si non respuat, ambiat certè ac de-
sideret minimè. Quod super est, si in his,
quæ tuocandore nixa, lucem aspicerenō
erubescunt, aliquid, quod sit ad palatum
tuum inveneris, pro iis Deo Optimo ma-
ximo, cujus glorię omnis nostra defudat
opera gratias agito, pro nobis ardentè
ad eundem suspiria mittens, ut vitam no-
bis & otium largiatur, quò alia generis
huius quæ domi affecta habemus, reco-
gnoscere & tecum communicare possi-
mus. Domin⁹ autem dirigat cor tuum in
charitatem Dei, & expectationem
sui. Vale. 3. Maii. Anno
Christi. 1636.



COMMENTARIUS

IN EPISTOLAM PAULI APOSTOLI

AD THESSALONICENSES

Priorem.

Argumentum

Qum Thessalonicenses, persecutionem à civibus suis paterentur, ob Evangelium, quod per Divi Pauli predicationem tanta cum alacritate receperant, & constantia profitebantur, ut exemplo essent omnibus in Macedonia, & Achaia credentibus; Apostolus veritus, ne sub afflictionis onere fatiscerent, & per impostores, ab illo qui tentat seducti, à religione Christiana reslirent, in eo quidem initio erat semel & iterum, ut ipse illos inviseret; Sed cum id præstare non posset, Timotheum suum in Evangelio illis prædicando socium ad illos miserat, ut statum illorum propius inspiceret, & ad afflictiones illas infracto animo perferendas animaret. A quo deinde ad se reverso, cum nihil illos afflictionibus illis moveri, & in fide erga Deum ac charitate erga se invicem permanere cognovisset, hinc scribendi ad illos occasionem arripit, & quæ præteritâ eorum in recipiendo Evāgelio alacritate,

Occasio
Epistolæ.
Thessalonicensium
persecutio.

Prolegomena.

Scopus.

Confirmatio, & ad pietatem cohortatio. Quem ut asequatur. Primò eos cõmendat, ut se illis insinuet.

Deinde

Variæ pietatis officia præscribit, doctrinam de resurrectione priorum interferens. Partes Epistolæ,

quã præsentem in eo firmiter retinendo constantia collaudata, ad illos ulterius confirmandos, & uberius in iis quæ maximè illos scire intererat, instruendos progreditur. Est igitur hæc Epistola Apostolo propositum incitare Thessalonicenses, primùm ad constantiam in fide, & perseverantiam in patientiâ: deinde ad pietatem Christianis hominibus dignam. Verùm prius via quodammodo obliqua præstat, neque enim hortationem ad fidei ac patientie constantiam apertè proponit: sed velut molles aditus querens, & sensim sine sensu animis illorum irrepere, & quod cupiebat insinuare volens, suum erga eos studium prædicat, iis rebus partim excitatum, partim ostensum ac demonstratum, quarum commemoratio magnam vim habere poterat ad Thessalonicensium animos in fide confirmandos, & ad patientiam impellendos. Tum deinde varia pietatis officia præscribit, inserens doctrinam de resurrectione mortuorum, Christi, ad iudicium adventu; ut huic velut fundamento structura pietatis innixa tantò surgeret felicius; cum præsertim appareat inter Thessalonicenses non defuisse, qui ea de re non satis rectè essent instructi, vel potiùs non satis rectè sentirent, Et ad hæc duo summa capita, vel (si ea quæ de resurrectione fidelium, deq; adventu Christi ad iudicium dicuntur, pro peculiari parte numerare velim) ad hæc tria revocari potest rota ista Epistola: Extra quæ, ut in aliis Epistolis a solet, ponitur Exordium. in quo nomen authoris à quo, & Ecclesie ad quam scripta est ista Epistola.

Comment: in Cap. I. Ep. prior. ad Thes. 1
pistola, una cum voto sive salutatione, quæ Epistolis
premitti solet, exprimitur: Et Epilogus salutatio-
ne ac voto claudens Epistolam.

IN CAPUT PRIMUM.

Post Exordium Epistolæ benevolentiam Thessa- Partes eam
lonicensium captat, sui erga eos amoris, tum es- pitis duæ
secta, tum causas aperiens.

v. 1. Paulus Nomen est Auctoris Epistolæ, seu, ut
vulgò vocant, moris nostri habita ratione, subscri-
ptio. Adjungit autem sibi Sylvanum & Timo-
heum, approbatores eorum quæ scriberet: quos ma-
gnam apud Thessalonicenses auctoritatem habuisse
certum est, quia comites fuerant, atque etiamnum e-
rant Pauli, ac laborum, quos Evangelii propagandi
causâ suscipiebat socii, & in ipsis Thessalonicensibus
ad Christum convertendis, inq; iis erudiendis ac con-
firmandis unâ cum Paulo, & post ipsum sedulam col-
locaverunt operam: ut partim ex Actis, partim ex
hac ipsa Epistola constat. Præterquam quod eorum
pietas Thessalonicensibus satù perspecta, et Apostoli er-
ga illos affectus ac charitas planè paterna, eos Thes-
salonicensibus vehementer commendare posset. Quæ
causâ etiam inter alias esse potuit, cur usitatum sibi
in aliis Epistolis Apostoli titulum hoc loco apponere
neglexerit, ne videlicet illis Apostolorum nomen ne-
gare videretur, qui si aliis non erant Apostoli, Thes-
salonicensibus videri poterant, apud quos existima-

Partes eam
pitis duæ

I. Exordi-
um Epi-
stolæ.

Cur sibi
adjungit
Sylvanum
& Timo-
themum,

Cur Apo-
stoli titu-
lum hic nō
apposue-
rit.

Sylvanus
idem qui
Silas.

tionem eorum, non tantum non minuere, sed etiam augere cupiebat Apostolus. Sylvanum verò hunc eundem esse, quem Silam Lucas in Actis vocat, ostenderunt ante nos alii, nomine Hebraico, in Romanam terminationem flexo. Ut enim ipsum imperium tunc in orbe potentissimum fuit, ita nomina quoque Romana maius aliarum gentium & lingvarum nominibus pondus habuisse, iusve illustriora fuisse credibile est. Ecclesiæ Thessalonicensium, i. e. congregationi sanctorum fidelium, quæ est Thessalonica: Inscriptio, seu nomen eorum, ad quos scripta Epistola. In Deo Patre & Domino Iesu Christo, vel, cuius Deus Pater & Dominus Iesus author est, ut & sic positum pro d'icæ, vel, quæ Deo, qui Pater est, & Domino, qui Iesus Christus est, conjuncta & consecrata est, quæq; non aliam ob causam unita & collecta est, quàm Dei Patris Dominiq; Iesu Christi colendi causâ. Nota autem, cum absolute Deus vocatur Pater, relationem ferè haberi ad nos, qui in Christum credimus, nisi aperte ad Dominum Iesum superius nominatum referatur, aut ipse Dominus Patrem eum absolute vocet. Gratia vobis & pax i. e. favor, ac benevolentia, & ex ea fluens omnigena felicitas, à Deo Patre nostro tanquam causa prima, et Domino Iesu Christo, tanquam media & secunda. Est salutatio seu votum, de quo abundè dictum alibi.

Altera
pars capi-
tis.

v. 2. Gratias agimus. Incipit prima Epistole
seu

Epist. prior. ad Theſſal:

ſeu tractationis precipue, & altera capitū pars, in qua benevolentiam Theſſalonicenſium ab Apoſtolo captari diximus, indicatione ſui erga eos amoris: Cujus hīc cū effectum, ex quo quantus eſſet facile cognoscere poterant, tum cauſas, quæ illum peperissent, exprimit. Effectum amoris erga Theſſalonicenſes Paulini, ex quo illius magnitudo facile perſpici poſſet, hoc erat, quòd Deo gratias ageret. ſemper, i. e. quotiescunque ad preces, privatas præſertim accederet, vel ſubinde, ac quàm ſepiſſimè. Pro omnibus vobis, i. e. pro integra veſtra Eccleſia, non pro certis tantū pietate inter vos eminentioribus, aut aliquam ob cauſam mihi privatim charioribus. Nam ſingulos nominatim recensuiſſe, nec erat neceſſe, nec forte poſſibile. mentionem veſtri facientes. i. e. vos nominatim veſtramq; Eccleſiam in precibus meis commemorans. Apparet autem hinc non ſolūm aſſiduitas Pauli in precibus, ſed & pervigil ad Deum, pro iis, quos Chriſto lucri ſecerat, interpellatio. Nam in compluribus, ut vidimus, epiſtoliſ, id de ſeipſo teſtatur. Quodſi, ut ex Epiſtola ad Coloff: apparet, pro iis etiam orabat & gratias agebat, quos ne viderat quidem, quantò magis excubabat pro ſalute eorum, quos ipſe plantaverat?

v. 3. Indefinenter memores. i. e. nunquam ex animo memoriā ejicientes, ſemperq; ante oculos habentes. Deſcendit ad cauſas, quæ hunc affectum in ſe producerent. Quas ponit duplices. Inſignes videlicet illorum virtutes, & ingens Dei in ipſos

Magnitudo amoris Paulini in Theſſalonicenſes.

Gratiis Deo pro iis agendis expreſſa.

Pauli pro iis, quos Chriſto lucri ſecerat: in precibus aſſiduitas. 1. Cor. 1. 4. Eph. 1. 16. Philip. 1. 3. & c. Coloff: c. 2. v. 1. & Rom. 1. v. 8. Ejus cauſæ,

Prima vir- collatum beneficium. Ac virtutes quidem (ut ita di-
gutes Thes- camus cardinales) commemorat tres: etsi cum ter-
salonic. tia quartam quoque insinuet. Quarum prima est:
Fides, Memores vestri operis fidei. Quae verba duplici-
 ter explicari possunt: vel ita: memores vestri illius
 tam praecleari operis ac facinoris, quod edidistis, cum
 fidem adhibuistis doctrinae Christi, eamque recepistis,
 tanta cum alacritate animi, tanta cum fortitudi-
 ne, tam intrepide, cum omnes remoras & obstacula
 perumpentes, contemptisque omnibus periculis, quae
 vobis imminebant: fidem in Dominum Iesum comple-
 xi estis: ut vox fidei sit genitivus speciei. vel ita: me-
 mores vestri operis, id est, animose illius profes-
 sionis ex fide, quam Domino dederatis, in corde ve-
 stro ei assentientes, proficiscentis, cum videlicet nihil
 morati hostium Evangelii perversitatem, & ex ea
 imminens vobis presentissimum discrimen, palam
 vos esse Christianos estis professi. Ut voce operis,
 professionem fidei primam appellet, quae operosa e-
 rat, propter circumstantia undique pericula, religi-
 onis Christi sectatoribus; ut sit genitivus causae. Res
 eodem redit, sed prior explicatio videtur esse accom-
 modatior. Altera virtus, et laboris charitatis: i. e.
Chariti- charitatis laboriosa: vel, laborum illius ex charitate
tas eaque vestra erga sanctos proficiscentis; dum videlicet nulli
laboriosa. nec sumptui nec operae parcat, omnique in eo conten-
 tione virium elaboratis, quod charitatem vestram
 erga sanctos exerceatis, illorumque usibus serviatis.
 Genitivus causae. Vox laboris, indicat non otiosam
 aut se-

aut segnem erga proximos Thesalonicensium charitatem fuisse: sed efficacem, sed ardentem, & nihil arduum fratrum causâ detrectantem. Quod etiam clariùs exprimere videtur Apostolus infra cap. 4. ver. 9. 10. Tertia virtus, et sistentiæ spei: i. e. & vestra in afflictionibus, cum summa animi equitate patientia, ac perseverantia, ex immortalis vitæ spe, quam animò soveti, ortæ. Atque hæc est illa quarta virtus, spes puta immortalitatis firma & inconcussa, in Deo ac Christo collocata, quæ animos ipsis fecerat, ut (quemadmodum inferiùs hæc ipsorum virtutem quodammodo explicans ait,) cum gaudio afflictiones illas propter Evangelium perferrent & sustinerent. Iterum genitivus causæ. Domini nostri Iesu Christi, i. e. spei illius, cujus author & conciliator ac veluti fundamentum est Dominus Iesus: unde & spes nostra dicitur, 1. Tim: 1. 1. ante Deum & Patrem nostrum. Verba ista vel ita accipi possunt, ut referantur ad remotius, vocem videlicet mentionem facientes seu memores, sitq; transpositio: vel ut referantur ad propiùs nominatas virtutes, quas ab illis dicit exeri in conspectu Dei, id est, Deo velut earum arbitro, easq; inspectante & approbante, non simulatè, non fide, sed verè & re ipsâ.

v. 4. Scientes. i. e. Vi qui sciamus. Altera gratiarum actionis pro Thesalonicensibus Paulina causa, & quidem magis propria quam illa superior, collatum videlicet in eos insigne Dei beneficium; ideoq; illam sine ulla nota quæ aliam esse innuat adjungit.

3. Patientia.

4. Spes immortalitatis firma.

Christus cur spes nostra dicitur.

Gratiarum actionum Pauli pro Thesalonicæ causa, altera eaq; potior.

Ut illa prior occasionem tantum gratiarum actioni præbuerit, hæc verò propria ipsius causa sit. Regitur enim vox ἐὶς ὁ Θεὸς à superioribus, & refertur ad vocem ἐν χάρις ὁμοῦ. Quam tamen ita tractat, ut non solum quantum in eos Dei beneficium redundarit exprimat, sed etiam quàm dignos se illo ostenderint indicet, atq; ita fusiùs eorum laudes à quibusdam ex iis virtutibus ductas persequitur, quas superius strictim & concise attigerat; quasi diceret: Indefinitis autem istius mee pro vobis gratiarum Deo actionis causa est, insigne illud Dei beneficium, quod in capita vestra effudit, cum vos è reliquorum hominum censu segregatos ad se pertraheret; vestraq; in eo sequacitas, & ea probitas animi, qua non indignos tanto munere vos fuisse satù abundè declarastis, & adhuc declaratis. Fratres dilecti. Serviunt hæc voces captandæ benevolentia, de quibus alibi cum quibus alii iungunt subsequentià verba, à Deo; ut sensus sit, ut pote quibus, (fratres à Deo unice dilecti, scilicet quos Deus habet charissimos;) optime cognitum & exploratum est, qualis fuerit electio vestra. Sic scire electionem eorum, erit scire, qualis sit aut fuerit electio ipsorum. Alii verò, inter quos Beza, verba ista à Deo jungunt cum sequentibus electionem vestram; ut sensus sit, ut qui sciamus à Deo profectam esse electionem vestram, seu à Deo vos electos esse. Vide Act. 16 v 10. Priori interpretationi favet locus similis, in 2. ad eosdem Thesalo.

cap. 2.

Beneficium
divinum in
illos, cum
vocaretur,
collatum.

Vocum.
Fratres di-
lecti à Deo.
duplex
constru-
ctio.

cap. 2. 13. ubi est Fratres Dilecti. (ἀγαπημένοι)
 à Domino: faret ipsa vox ἀγαπημένοι, pro quâ a-
 liâs videretur positurus fuisse vocem ἀγαπητοί; fa-
 vent & sequentia. Nam paulò durior est illa conne-
 xio verborum, ὑπὸ θεοῦ τὴν ἐκλογὴν ὑμῶν à
 Deo electionem vestram; Et vox ipsa electionis
 tacitè includit Deum authorem, ita ut si constet ali-
 quos fuisse electos, non sit necesse insuper docere eo-
 rum electionem esse à Deo profectam. Adde, quòd
 in sequentibus non tantum exponuntur ea, quæ do-
 cent Deum fuisse electionis ipsorum authorem, sed e-
 tiam quam promptè ipsi quoq; Deo paruerint, & sic
 eligenti Deo fuerint obsequuti: quòd longè meliùs
 quadrabit, si priori modo connectas verba, & ita ac-
 cipias, quasi dictum sit; Scientes, fratres à Deo dile-
 cti, qualinam electio vestra (quæ à Deo est) extite-
 rit, videlicet eximia & singularis, in qua non obscu-
 ra & divine erga vos benignitatis argumenta, &
 vestre erga Deum pietatis documenta eluxerint.
 Iam electionis voce infirmior illa, ut quidem illam
 vocare solemus, intelligitur: quæ revera cùm vocati-
 one idem est: nisi quòd illa innuit ex reliquorum cen-
 su istos, qui eliguntur eximi: quòd vocatione non insinu-
 at. Hoc sensu, electi seu vocati sunt ii, qui doctrinam
 Christi sunt amplexi, & ad ejus præscriptum sese
 componere cogitant. Hoc igitur vult Paulus; ad gra-
 tias Deo pro iis assidue agendas se impelli, partim il-
 lo singulari Dei opt. Max. in eos beneficio, quòd iis

Electio in-
firmior.

Vocati qui.

Evangelium annunciari curavit, eosq; ad sempiternam vitam invitavit, variisq; modi effecerit, ut oblatam ab ipso gratiam amplecterentur; partim eximii, quae tum in illis exsplenduerunt, virtutibus; quod utrumq; in sequentibus declarabitur.

v. 5. Quia. Si Bezae interpretationem sequamur, rationem reddit ejus quod versiculo precedente dixerat, hoc est, ostendit eorum electionem à Deo revera fuisse profectã; si vero priorem retineamus interpretationem, quã nobis magis diximus probari, illustrat tantum dicta, & explicat qualenam fuerit illa electio. Idq; tum ex parte Dei, tum ex parte ipsorum Thesalonicensium. Quibus interserit quedã ad ipsorum qui Dei in ea ministri fuerunt personã pertinentia; ut ita omni ex parte dignã esse rem ostendat, pro qua Deo gratias semper agat. Ex quo tacite colligi vult Apostolus, ut semel datam Christo fidem servant ad extremũ constantissimè, nec ob ea ullis deinceps afflictionum acerbitatibus dimoveri se patiantur. Qui enim cõveniret deserere fidem ad quam divinitus essent perducti, & quae tot à Deo argumētis esset comprobata? quàm turpe esset à virtute ac pietate sua degenerare, & religionem, quam certissimis argumentis convicti, summa cum alacritate animiq; fortitudine receperint, abjicere. Evangelium meũ, i. e. predicatio apud vos Evangelii mea nõ fuit ad vos in sermone tantum. i. e. nõ constitit intra sola verba, quibus doctrinã Christi vobis explicabamus, & ad eam capeßendam vos hortabamur, Sed & in virtute.

Finis ob quem istud beneficium commemorat.

Quantum autem fuerit, apparuit primo in persona predicantium.

n.

tc.

te. i. ſed ad prædicationem adjunximus etiam ſtupenda miracula, quæ ad ejus veritatem demonſtrandam, Deus per nos inter vos operabatur, Rom. 15. 19. vocat potentiam ſignorum, vide, & 1. Cor. 2. v 4, 5, & cap. 4. v. 20. Quanquam in hijs poſterioribus locis, præter potentiam miraculorum ampliùs quid intelligi poteſt, videlicet ſapientia cælitus infuſa, & doctrinæ ſoliditas, ac quidam veluti nervi. Et in Spiritu ſancto. Duplici ratione id accipi poteſt, vel de divino Spiritu in ipſis Apoſtoliſ, hoc eſt in Paulo & ſocijs ejus ſeſe exerente, tunc cùm Evangelium Theſſalonicenſibus annunciarent. Solebat enim interdum, ut in Actiſ non uno in loco legimus, divinus eos Spiritus quodammodo invadere, eosq; penitus occupare, ut non ipſi, ſed ſpiritus, divinus linguam eorum regeret, & tum ſententias, tum verba illis ſupeditaret, ac ſimul animos eorum ita accenderet, ut in mediũ licet periculi, animi fortitudo, dicendi libertas, & in promulgando Evangelio alacritas in iis conſpiceretur; omnibusq; appareret divino quodam eos afflatu duci; Vel intelligi poteſt divinus ſpiritus, in ipſos Theſſalonicenſes, per impoſitionem manuum Apoſtolicarum effuſus, poſtquam doctrinam Chriſti receperant, vel ſaltem in eorum aliquos qui primi doctrinam Chriſti eſſent amplexi; unde & ipſi credentes fuerunt in fide confirmati, & alii quoq; ad eam amplectendam excitati, q. d. Quibus acceſſit & illud viſibile (eſi nec inviſibile excludendum ſit) Spiritus S. in vos collati donum, quod varios eosq;

mirabiles

2.
Prædicatione
Pauli in
Spiritu S.
quomodo.
vide A&.
cap. 2. tot.
cap. 4. v 2.
cap 5. 6. &c.
Spiritus S.
Apoſtoloſ
prædicatõſ
invadebat,
& linguam
eorum re-
gebat.

Spiritus S.
donum vi-
sibile in pri-
mitiva Ec-
clesia fide-
libus gene-
ratim om-
nibus da-
ri solitum.

mirabiles & stupendos in vobis pariebat effectus. Scimus enim in primitiva Ecclesia dari solitum Spiritus S. donum, generatim omnibus doctrinae Christi assentientibus. Vnde & author divinus Epistolae ad Hebr. cap. 2. v. 4 ait, Deum Evangelii sui praedicationem contestatum signis & portentis, & variis virtutibus, & Spiritus S. distributionibus secundum suam voluntatem: de quo etiam 1 Corinth. 12, diserit Apostolus. Et in πληροφορία multa i. e. plena persuasione, alii plena certitudine i. e. & in omnibus iis, quaecumq; ad Evangelii certitudinem omni ex parte ostendendam faciebant. Ea autem fuerunt, cum illa animositas Pauli, ejusq; sociorum in praedicando Evangelio, propter quod paulo ante afflicti fuissent Philippum (quod ipse explicat cap. 2. 2.) tum vero vitae integritas, de qua eodem cap. v. 10. Huc autem ipsum respexisse indicant sequentia verba, cum statim addit. Sicut scitis quales fuerimus, i. e. id vero ita esse, nec me quicquam hic comminisci, vel vos ipsi luculentissimi nobis testes esse potestis, ut qui sciatis, quae quantaq; fecerimus, quales nos Deus vobis exhibuerit, & quomodo ipsi quoq; nos gesserimus in vobis i. e. inter vos. propter vos. i. e. idq; nullam aliam ob causam, quam, ut vobis vestraeq; saluti prodessemus, vos videlicet ad amplectendam Evangelii doctrinam pertrahendo. Videntur enim haec verba referrri ad totum id, quod eodem hoc versiculo praecesserat, nempe ad patrationem miraculorum, ad ostensionem aut effusionem
Spiritus

Spiritus S. & cetera argumenta quæ per Apostolum ejusq; comites ac laborum socios fuerunt Thessalonicensibus exhibita, ut fides doctrinæ Christi fieret, & porro ipsi Thessalonicenses ad eam recipiendam adducerentur. Nam si ad mores tantum & vitam ipsorum Apostolorum id velis referre, declarabitur tantum proxima hujus versiculi particula, nimirum & in certitudine multa. Sed prius est credibilis.

v. 6. Et vos i. e. Sed nec vos tanto Dei beneficio indignos esse vos ostendistis, aut id quod vestrarum erat partium, ulla ex parte neglexistis, quandoquidem imitatores nostri facti estis; mei videlicet, Sylvani, & Timothei, qui vobis Evangelium predicavimus. Et domini, videlicet Iesu Christi, qui doctrinæ istius dux & antesignanus est. Sensim ad illorum commendationem delabitur, illudq; paulò fusiùs persequitur, quod initio paulò brevius expresserat.

v. 3. Accipe autem id non de imitatione in latissimo significatu, respectu omnium virtutum & vitæ integritatis in genere, quomodo alibi imitatores esse jubemur Christi & Apostolorum: sed in certa tantum virtute; ad quam Apostolum respexisse indicant subsequentiâ verba, quibus explicat quam in re imitatores cum sui, tum Christi facti essent. excipientes verbum seu sermonem in tribulatione multa. i. e. doctrinam Evangelicam (quæ istud verbum seu sermo est) amplectentes cum multis afflictionibus; quatenus videlicet in præsens periculum se conjiciebant, imò statim & persecutionem patiebantur

Deinde in persona Thessalonicensium.

Iterum ad eos fusiùs laudandos delabitur.

Thessalonicensium Christi & Apostoli imitatores.

1. Cor. 4. 17.

11. 1.

Eph. 5. 1.

Filip. 3. 17.

Quòd Evangelium receperint. 1. cum multis afflictionibus.

tantur ob editam professionem suam, quâ Christi religionem se se amplecti, eumq; se pro Domino suo agnoscere testabantur. Vide Act. 17. 5. & seq. Tribulationem autem vocat multam, vel simpliciter quatenus varia paterentur ob Christi nomen: vel

Vox πολλῶν
ἢ pro magna.

πολλῶν voce pro magna usurpata, ut 2. Cor. 3. 12: 7. 4. 8. 22. Eph. 2, 4. Philem: v. 8, & alibi sæpè. Cæterum imitatio ista Christi & Apostolorum non in ipsâ receptionis ratione consistit, quasi perinde atq; Thessalonicenses Christus etiam aut Paulus recipiens doctrinam, afflictionem aliquam pateretur, sed in sola afflictionum pro veritate patientia; quòd sicut olim Christus, Apostoli autem ad eum usque diem illas sustinerent, ita & illi. Non contentus autem dixisse quod Evangelium receperint cum tribulatione, & quidem multâ seu magnâ, ascendit altiùs. Cum gaudio: i. e. nihil animo deiectioni, propterea quòd simul atq; ad istam doctrinam accessistis, imò, ut accederetis, patiendum vobis erat, sed leti, alacres, & exultantes; Ad Coloss: 1. v. 11. tres veluti gradus istius divine virtutis constituit, tolerantiam, longanimitatem, & deniq; gaudium. Et sanè quidem magna virtus est pati aliquid propter nomen Domini, præsertim statim, simul atq; doctrinam hanc receperis, & nec dum ad ejus adyta penitus accesseris & penetraveris: major si diutiùs & constantiùs patiaris: maxima, si non solùm id non facias gemens, aut fortune ob id tuæ iratus & reluctanter, sed cùm lætitia ac gaudio, felicem etiam te reputans eo nomine. Spi-

Patientia
propter nomen
Domini, gradus tres.

- 1.
- 2.
- 3.

ne. Spi-

ne Spiritus Sancti. i. e. quod gaudium creabatur in vobis & excitabatur à Spiritu S. in cordibus vestris habitante; quanquam non sine vestra opera ac studio. Scintille enim est similis; quæ ut vim suam exercat, & excitatione per flabellum, & materiae aggregatione indiget; sic etiam ille qui Spiritus S. ope adjuvari ac corroborari vult, necesse est aprum se huic divino igni præbeat, & ut Paulus ad Timotheum scribens loquitur, exsuscitet donum ac vim in se latentem, quæ ita excitata mirabiles effectus in pectore producit, paritq; id gaudium, de quo hic Paulus ait.

v. 7. Ita ut facti sitis forma seu exemplaria omnibus credentibus. Intendit ampliùs cõmendationem fortitudinis & tolerantia ipsorũ, eamq; ab effectu eximio illustrat; quasi dicat, quæ quidem animositas & patientia vestra adeo fuit excellens, & eximia, adeoq; conspicua extitit, ut omnes fideles à vobis exempla capiant, vosq; sibi tanquam exemplar quoddam proponant ad quod ipsi sese componere debeant. Quanquam ita extendi hæc verba possint, ut intelligamus ceteros in Macedonia & Achaia fideles, non tantum postquam jam fidem essent amplexi, eorum constantiam & patientiam sibi proposuisse imitandam: sed etiam ad fidem ipsam, proposito licet periculo recipiendam, eorum exemplo incitados fuisse, quemadmodum sequentia videntur indicare. In Macedonia, cujus caput Theſſalonica, & Achaia quæ contermina Macedonia, potestq; per Synecdochen sumi pro tota Græcia.

Quæ proficiſcebatur à Spiritu S.

Spiritus S. Scintilla ſimilis.

2. Tim. c. 1. v. 6.

3. Aded us essent credentibus exemplaria.

quomodo?

Evangelii
cur dicitur
Domini?

v. 8. A vobis enim. Explicat & illustrat, quomodo facti sint exemplaria omnibus credentibus; quia inquit à vobis personuit sermo Domini, doctrina nempe Evangelica. Quae Domini dicitur, quia à Domino primùm in terras allata & promulgata est, & ejusdem jussu atq; ope postmodum ab Apostolis per orbem fuit divulgata. Id est; à vobis disseminata est fama, & ubiq; percrebuit esse quandam novam & eximiam doctrinam, quam tanto animi ardore ac robore Thessalonicenses, viri ob loci celebritatem non obscuri, & magni nominis receperint, nec ab ea se ullis periculorum & afflictionum minis & acerbitatibus abstrahi sint passi. Ab illis autem ait sermonem Domini personuisse, licet prius Philippis predicatum esset Evangelium, & assensum invenisset, quia sorte & pauciores isti fuerant, & non ita conspicui ut Thessalonicenses, quorum, ut illustri loco positorum, exemplum longè majorem proculdubio ad alios in societatem trahendos vim habere poterat. Non solùm in Macedonia & Achaia, quae viciniore sunt, sed & in omni loco, puta quò fama nominis vestri pervenit, eodem etiam rumor de doctrina Evangelica pervenit. Ita universalis locutio restringenda; nisi hyperbolen subesse malimus. Credibile autem est longè lateq; dimanasse samam de fide Thessalonicensium, & passim non sine admiratione & narratum & auditum fuisse, novam eos quandam religionem amplexos fuisse. Fuit enim urbs illa non tantum totius Macedoniae

nia precipua atq; opulentissima, sed simul etiam pro-
ut hodieq; est emporium celeberrimum, quod ex omni-
bus terrarum partibus, magnus subinde fieret homi-
num confluxus. fides vestra quæ ad Deum exiit,
ad omnium quicumq; vos nórunt aures, fama de fide
vestra, quam in Deo collocástis, assensum videlicet
doctrina Evangelica præbendo, permanavit: ut non
sit necesse nobis loqui quicquam, i. e. adeò ut
non sit opus à nobis, qui horum omnium oculati testes
fuimus, quicquam cuiquam tanquam novum & in-
auditum indicari; ita omnes omnia probè nórunt.

v. 9. Ipsi enim. Proximè dicta confirmat, ut si-
mul declares ea quæ v. 5. & 6, superiùs dixerat. Vo-
cùla autem ipsi, vel respicit credentes, v. 7. nomina-
tos, vel per Synthesin (sensum videlicet non constru-
ctionem attendendo) refertur ad illa verba in o-
mni loco; ut voce ipsorum intelligat homines illa
loca incolentes; maximè tamen fideles. quasi dicat:
Ipsi enim locorum illorum quæ nominavi incole, ad
quos rei hujus fama permanavit, de nobis annun-
ciant, ultrò de nobis prædicant, & passim narrant
qualem introitum habuerimus ad vos, i. e. qua-
lù nostra inter vos prædicatio fuerit, quamq; non so-
lum audactèr & animosè, summa animi constantia
ac robore, doctrinam Evangelii cùm ad vos venisse-
mus prædicavimus, sed etiam quibus miraculis eam
confirmavimus, & quibus modis vos ad fidem illi præ-
bendam permoverimus. Respicit ad ea quæ versu 5.
dixerat. Hæc autem de industria interserit Aposto-
lus,

Ius, ut ad alterum caput transeundi occasionem sibi
 faciat, quò omiſſis illis miraculis, quibus non tam ipſe,
 quàm Deus ac Chriſtus doctrinam ſuam inter Theſ-
 ſalonicenſes comprobabat, commemoraret ſuas quo-
 que virtutes, quibus doctrinam ſuam Theſſalonicen-
 ſibus plurimùm commendaverat. Nam miraculorum,
 rerumq; planè divinitùs ad comprobandam Chriſti
 doctrinam factarum, ſat aperta mentio jam fuerat.
 v. 5. Quid verò ipſemet Apoſtolus unà cum laborum
 ſociis, ex ſua quoq; parte ad commendandam ac
 comprobandam ſuam (quæ Chriſti erat) doctrinam
 fecerit, leviter tantùm atq; obſcurè fuerat indica-
 tum; exponitur autem clarè capitù ſecundi parte
 prima, ad quam hoc loco aditum ſibi ſtruit. Hujus e-
 nim dicti explicandi illuſtrandiq; cauſà, caput ſecun-
 dum annectit: ut hic vinculum dici poſſit contineri,
 quo caput ſecundum ſuperiori ſermoni annectitur.
 Et quòd converſi eſtis ad Deum i. e. & quàm
 non fuerit noſter ad vos adventus, & ſuſceptus inter
 vos labor vanus atq; irritus, ſed fructum in vobis in-
 gentem pepererit; De quo ſuperiùs v. 6. & ſeq. dixe-
 rat: hic autem eum velut pugillo includens, totam
 converſionis rationem, & religionis Chriſtiane ſum-
 mam, aliquot verbis aperit, & quidem ita, ut ipſà
 hęc deſcriptione factum ipſorum inſigniter commen-
 detur, ac porrò ipſi ad conſtantiam in re tam præ-
 clarà excitentur. Quia verò converſio eſt in melius
 mutatio, & omnis mutatio eſt à termino, ut aju-
 nt, à quo, ad terminum ad quem: utrumq; hic exprimit
 Apoſto-

Tota con-
 verſionis
 Theſſratio,
 & Chriſti-
 ane relig.
 ſomma.

Apoſtolus, & que religionis Chriſtiane natura ſit e-
 docet. Terminum à quo exprimit, dum ait, ab ido-
 lis. i. e. tùm ab imaginibus, que propriè idola dicun-
 tur, tùm ab iis numinibus quibus illa ponuntur, quo-
 rumq; quaſi ſignificativa ſunt; ut non excludantur
 etiam Demones, quatenus (cùm illa numina cerebri
 revera humani ſigmentum eſſent, nec in rerum na-
 tura extarent) pro illis ſeſe ſiſtebant, & in cultum
 illorum Deorum quos hominibus obtrudebant, ipſi
 ſuccedebant. Terminum ad quem exprimit, dum ait,
 ad Deum, illum nempe qui Pater eſt, ut ex ſeqq. in-
 telligetur: Quem ſtatim deſcribit, duos fines conver-
 ſionis ad Deum exprimens. Prior eſt: Ut ſerviretis
 Deo vivo & vero. i. e. ut pro eo, quod antea res
 mortuas, puta imagines, & fictas colebatis, illarum
 obſequiis penitus addicti, nunc vos totos Deo manci-
 paretis: qui & vivus eſt, quo differt propriè ab imagi-
 nibus ſenſu omni deſtitutis: & verus, i. e. qui ut ve-
 vera eſt, ita eſt id quod eſſe dicitur; quo diſtat ab illis
 fictitiis numinibus, que nomine tantùm, & non re e-
 rant. Vnde ſacra ſcriptura ſaxa & ligna colit, ab
 Ethnicis pro diis aſſeverat, quia revera illa quorum
 ſignificatrices erant imagines, in rerum natura non
 extabant. Nota autem vocem $\delta\ \delta\ \lambda\ \epsilon\ \upsilon\ \sigma\ \alpha\ \tau\ \epsilon$ loco $\lambda\ \alpha\ \tau\ \epsilon\ \upsilon\ \sigma\ \alpha\ \tau\ \epsilon$
 uſurpari, cùm de religioſo cultu loquatur qui
 Deo comperat: qua ratione de Galatiſ dicitur $\delta\ \delta\ \lambda\ \epsilon\ \upsilon\ \sigma\ \alpha\ \tau\ \epsilon$
 $\lambda\ \epsilon\ \upsilon\ \sigma\ \alpha\ \tau\ \epsilon$ ii: qui non eſſent natura Dii.

v. 10. Et expectaretis filium ejus. Alter finis
 iſtius converſionis ad Deum, Fides videlicet in Do-

Terminus
 à quo.

Terminus
 ad quem.

Fines con-
 verſionis
 duo.

I.

Deus *cur*
 dicatur,
 vivus, &
 verus.

$\delta\ \delta\ \lambda\ \epsilon\ \upsilon\ \sigma\ \alpha\ \tau\ \epsilon$
 pro $\lambda\ \alpha\ \tau\ \epsilon\ \upsilon\ \sigma\ \alpha\ \tau\ \epsilon$.

ii.

Christianæ
religiosis
differentia
specifica.

Expectatio
adventus
Christi pa-
rit pieta-
tem.

Cur hic re-
suscitatio-
nis Christi
meminit.

minum Iesum, filium Dei vivi & veri: que est religi-
onis Christianæ differentia specifica, quâ Christiani
à Iudæis: ut superiori, ab Ethnicis distinguuntur. Po-
nitur autem hic pars pro toto; nempe pro universa in
Dominum Iesum fiducia. Expectatio ejus adven-
tus, que obtemperacionem sacrosancti ejus manda-
tu ex se parit. Notum enim est ex Evangelica doctri-
na, eum in finem venturum esse Christum, ut unicui-
que reddat secundum opera ejus, & piis quidem vi-
tam æternam largiatur, impios ignis æterni suppli-
cio afficiat. At qui hoc ex animo credit, & expectat,
eum necesse est, & pro Domino ac Rege suo Christum
agnoscere, & ei penitus confidere, mandatiq; ejus
obtemperare. De cœlis, cum videlicet adveniet ex-
tremo die, vivos mortuosq; indicaturus. Significat
Christum in cœli nunc degere, ibiq; regnare. quem
suscitavit ex mortuis, nempe ille Deus vivus, cujus
filius ipse est Christus. Vnde intelligitur Christum à
Patre suo esse à mortuis suscitatum, quemadmodum
& Gal. 5. 1. expressè scribitur. Antequam proprio i-
psum nomine insigniat, dupliciter describit, & ut à
Patre distingvat, cum filium vocat, & ut certitudi-
nem religionis Christianæ insinuet, cum à Deo re-
suscitatum ex mortuis esse dicit illum, qui prima ipsi-
us in terris semina iecit. Est enim resuscitatio Chri-
sti, cum illis præsertim que illam consequuta sunt
juncta, ejus quam per Christum in Deo habemus fi-
dei, speiq; certissimum fundamentum. Tandem eum
nominat, Iesum. Quem iterum describit ab effectu,
sed qui

sed qui causa est cur adventus ejus à Thessalonicen-
sibus expectetur, & ab omnibus fidelibus expectari
debeat. Liberantem nos ab ira ventura. i. e. Qui
nos liberaturus est à pœna peccatorum nostrorum, ob
quæ in iram Dei incurreramus. Pœna, inquam, quam
in adventu suo irrogaturus est iis, qui ipsi non obedi-
erunt, hoc est, supplicio ignis æterni, interitu. Iræ Ira Dei, pro
vocem pro pœna, causam videlicet pro effectu poni, pœna.
habes exempla Rom: 1. v. 18. cap: 2. ver. 9. 13, 5. &
alibi. Iam ῥῶσιν ἐννοῦν & ἐρχομένους, presentia pro
futuris ponuntur, propter certitudinem, more sacris
litteris usitato: quanquam id aliàs quoq; in voce ἐρ-
χέσθαι nulla habita ratione certitudinis, sacris lit-
teris familiare est. Ex hac autem conversionis Thes-
salonicensium descriptione patet, quàm præclarum
hoc ipsorum factum fuerit, quamq; felix hæc religio-
nis mutatio extiterit: unde porro consequitur, ipsos
in eo quod ceperant debere constanter perseverare,
pessimeq; facturos ac sibi consulturos si pedem refer-
rent. Etenim quis non videt optimè factum, quòd
ab inanimis idolis, & à falsis fictiq; numinibus, ad
Deum vivum verumq; se converterint, & illis relictis
huius sese cultui atq; obsequio penitus addixerint?
Quam verò stultum, quamq; impium foret, Deo vivo
ac vero deserto, ad inania simulachra, ac numina
commentitia reverti? Deinde, qui non cernit rectè
eos amplexos Christum, ejusq; sanctissimam religio-
nem, & in eo fiduciam suam collocasse: cùm eum &
filium Dei esse, & à Deo à mortuis excitatum, &

nunc in cælis vivere ac regere, & inde aliquando ad
 judicium venturum, certis argumentis deprehende-
 rint? præsertim cum tantum ab ipso bonum sint ob-
 tenturi, ut aliquando ab ignis supplicio sempiternoq;
 interitu ab eo liberentur. Quanta verò stultitia atq;
 adeo insania foret, eum denuò deserere, & se in eo-
 rum numerum recipere, quibus ultimum illud ac ma-
 ximè horrendum supplicium est irrogaturus?

IN CAPUT II.

Partes ca-
 pitis tres.

Hujus capituli tres sunt partes: In prima uberiùs
 explicat, & confirmat id, quod superiori capite
 ver. 5. & 9. breviter de suo ad Thessalonicenses
 ingressu, & ratione inter ipsos vivendi indicave-
 rat. Docet enim quomodo se inter Thessalonicen-
 ses gesserit, quoq; animi robore, sinceritate, &
 denique contentione Evangelium illi prædicarit.
 In secunda ingenuam illorum in Evangelio reci-
 piendo alacritatem, suæ in docendo fidei ac dili-
 gentiæ egregiè respondentem, & quæ cum illa
 conjuncta erat, afflictionum patientiam, denuò
 commendat, usque ad ver. 17. In tertia excusat
 sese, cur ad eos, uti status ipsorum, ac salutis ratio
 in tam gravibus afflictionibus postulare videba-
 tur, non venerit; idq; non defectu voluntatis, aut
 amoris ac studii erga illos sui, sed ob impedi-
 menta sibi à Sathana objecta, factum fuisse docet.

Nexus ca-
 pitis hujus
 cum prioris.

v. 1. Ipsi enim scitis. Indicavimus jam paulò
 antè, hoc caput cum prioris ita connecti, ut quod su-
 perio-

periorū cap. ver. 5. de sua inter Thessalonicenses conversatione innuerat, hic apertius, & quasi per partes declaret, quæ verò asseruerat ver. 9. confirmet; quasi dicat. Et rectè quidem, cum Macedones & Achaici omnes, tum omnes etiam illi ad quos fama huius rei pervenit, ista commemorant, nec quicquam in ea re fama in majus, ut solet, auxit: sive nostras, qui vobis Evangelium predicavimus, sive vestras, qui illud amplexi estis, personas spectes. Ac nos quidem quod attinet, ipsi scitis. vestram ipsorum appello memoriam, vos ipsos in testimonium advoco, cum probè nōritū introitum nostrum ad vos. i. e. quomodo nos gesserimus inter vos, toto illo tempore quo apud vos degentes Evangelium vobis annunciamus, ab illo usque tempore, quo oppidum vestrum sumus ingressi: quia, vel quòd non vanus fuit: scilicet introitus. i. e. quòd commoratio nostra inter vos, Evangeliiq; prædicatio, non fuerit vacua illi argumentis, quæ vobis veritatem doctrine, quam prædicabamus, persvadere, & vos ad illam amplectendam pertrahere poterant, ac proinde nec effectu etiam ac eventu optato caruerit. Non fuit, inquam, vanus, sive consideres efficaciam respectu prædicantium, sive successum respectu audientium. Ad prius, ut sequentia verba indicant, potius respexisse videtur, effectum pro causa ponens; sed tamen ita, ut nec ipso effectus, quod ex secunda capituli parte apparebit, excludatur; ut veluti consulto hac voce usus videatur apostolus, qua utriq; sensui faveat, unius propositionis

Prima capituli pars ad v. 13 conversationem inter Thessalonicenses Pauli commendans.

Ab his virtutibus, quæ in illo conspecta certitudinem illius doctrine demonstrabant.

nū vinculo, quæ postea in duas veluti partes dissectitur, membra capitū duo connectere volens.

v. 2. Sed antè passī: Probat id, quod antecedenti versiculo asseruerat, nō caruisse videlicet prædicationem suam iis argumentū, quæ doctrinæ ipsius certitudinem ob oculos ponere, & Thessalonicenses ad eam amplectendam allicere poterant. Quæ quidem argumenta ita producit, ut unum ex alio velut deducens, & alteram in alterius patrocinium advocans, inter se devinciat, & rationem quandam ex iis conficiat, dum videlicet semper posterius à priori pendens, novum quid illi adjicit. In fronte autem collocat fortitudinem, & invictum in annunciendo Evangelio animi robur, ut quæ longè maximam vim ad eorum mentes expugnandas habuerit; dum scilicet viderent Paulum cum suis comitibus, nec illis quas Philippis proximè pertulerant afflictionibus fractos, nec instantibus Thessalonice periculū deterritos, in prædicando publicè Evangelio constantissimè perseverasse. Erat enim evidens argumentum fidei ac sinceritatis ipsorum in doctrina Christi promulganda, & ea illos suspicioneus apud cordatos liberare faciliè poterat, quasi aliquid fingere, aut commenta sua aliis obtrudere vellent, quemadmodum et sequentia ostendunt. Causam enim procreantem istius fortitudinis subjicit, nempe sinceritatem suam, animiq; candorem, ut suo loco apparebit. Sed antè passī, & contumeliis affecti. i. e. sed licet & paulè antè quàm pedem Thessalonicam intulimus, mul-

Quo artificio hic pro-
ducta.

Earum prima Fortitudo in prædicando et invictum animi robur.

ra eo ipſo tantum nomine quod Evangelium prædicâſſemus paſſi, multiq; contumeliis affecti adeo eſſemus, ut ipſa tam recentis calamitatis recordatio, nos ab urgendo propoſito deducere facile poſſet. ſicut ſcitis Philippiſ. i. e. quod non eſt neceſſe vobis fuſius referre, cum ipſimet optimè ſciatis, quæ nobis contigerint Philippi, ejusdem regionis urbe, vide Act: 16, 12, & ſeqq. libertate uſi fuimus. i. e. nihilominus tamen adeo confidenter & intrepidè apud vos egimus: ut animum noſtrum ſupra omnia ejusmodi mala eſſe, omnibus appareret. in Deo noſtro. i. e. freti auxilio Dei, cujus ſervi ſumus, cujuſq; negotium egimus. vel, Deo ipſo animum nobis ac robur inſpirante. loqui apud vos Evangelium Dei. i. e. ut prædicaremus vobis Evangelium, cujus cum auctorem Deum ipſum eſſe ſciremus, promotorem etiã futurum non dubitabamus. In multo certamine, licet multos gravesq; haberemus adverſarios, cum quibus eſſet decertandum, & ſtatim multa nobis patienda eſſe, ac longè graviora inſtare liquidò videremus.

ver. 3. Nam exhortatio noſtra. Expreſſurus cauſam illius fortitudinis, quæ fuit Fides & ſinceritas in prædicando, primò ejus contraria, quæ illam fortitudinem infringere poterant, removet; quaſi dicat: Non ſolum enim de fundamento, cui hæc doctrina, quam propagari cupiebamus, niteretur, luculentiffimè perſaſi, ſed nobismetipſis optimè conſcii eramus; ut quorum exhortatio, quæ videlicet vos ad

Cauſa fortitudinis iſtius: Altera Pauli viri, tuſ Fides & ſinceritas in prædicando.

Apparuit enim alienum fuisse ab imponendi studio.

Impostura duplex.

Ne ab omni cupiditatis erugine.

Denique Fraude ac dolo.

renunciandum idolis & peccatis, doctrinam autem celestem, & que illius est anima, pietatem, capeSSendam incitabamus, non ex impostura, scilicet proficiscebatur, quasi scilicet imponendi studio obruderemus vobis ea, que aliter sese habere sciremus, aut etiam ipsi confinxissemus. Impostura duplex est. Vna, cum quis in fraudem ipse inductus ab alio, falsum, quod verum esse credit, alteri persuadere nititur. Altera, cum quis aliquid a se confictum, quodq; falsum esse optimè novit, pro vero alteri obrudit. & hic propriè imponit, adeoq; impostor est, quod hic a se amolitur Apostolus. Nam de priore suspicio esse vix poterat. Necessè enim fuisset Paulum multa confinxisse, si falsa fuissent que docebat; nimirum se à Christo tam admirabili ratione fuisse conversum, & Evangelium predicare, ac nominatim ad gentes extraneas ire iussum. Hoc enim non aliunde accipere poterat, sed ipsummet confinxisse necessè fuisset, si aliter se res habuisset. Neque ex immunditia, i. e. neque proficiscebatur ex animo sordibus, & erugine cupiditatis alicujus infecto, avaritia puta, & ambitionis. ut explicare videtur ipse ver. 5. & 6. Etsi id ad voluptates etiam extendant alii, quarum cupiditas vitiosa, impuritas solet appellari. Sed quia de sanctissima, Evangelii nimirum predicatione agebat, que aliis etiam affectibus vehementer contaminatur ac polluitur, videtur nomen hoc latius extendisse. neque in dolo, in pro cum. i. e. Sed neque in modo vobiscum agendi, ulla fraude doloq; usi su-

mus. Sinceritatem suam & fidem in predicando Evangelio indicat. Quæ tribus his violatur, si aut conficta quis pro veris venditet, & hoc imposturam vocavit: aut vera quidem predicet, sed non honesta aliqua causa, puta bono proximi; sed propria cupiditate impulsus: aut denique si in ipsa verorum predicatione fucum aliquem adhibeat, & in modo agendi fraudem usurpet, atque ita honesta predicationis causæ fuci aliquid admisceat.

v. 4. Sed sicut probati sumus à Deo. Remotum à predicatione sua vitium candori & sinceritati contrarium, quandam ipsius sinceritatis descriptionem per oppositionem subijcit, & quidem ita ut duplex simul sinceritatis illius argumentum afferat. Quorum prius valde concise proponit, hujus versu initio. Sensus est, quasi dicat; sed quem animum se in nobis invenisse Deus ostendit, cum nobis exploratum, & recessibus mentium nostrarum inspectis, Evangelii predicandi munus nobis concedidit, (neque enim hominibus callidum & fraudulentum, aut non satum candidum, tam sanctum munus committeret,) eundem etiam servamus, & in predicando Evangelio tum apud vos adhibuimus, tum ad hunc usque diem adhibemus. Vel. Quam sinceritatem in nobis vidit, & concedendo Evangelio se reperisse ostendit Deus, eam in predicando usurpamus. non quasi hominibus placentes: sed Deo qui probat corda nostra. Alterum sinceritatis illius argumentum: q. d. ita loquimur, ut ipsis facere par est, qui non id agunt ut hominum gratiam

Fides in predicandis tripliciter violatur.

1.

2.

3.

Quin eum candorem, quem ipse Deus concedendo Apostolatus illi inesse ostendit, semper usurpavit.

Deo placere studendo non hominum gratiam aucupando.

gratiam

gratiam aucupentur, sed ut Dei sibi favorem concilient; hunc enim nos unice querimus. Novimus autem probe, nobis, si Deo velimus placere, & ejus gratia potiri, omnino necesse esse, ut candidè ac sincerè agamus, non aliud verbis aut factis externis simulemus, aliud pectore clausum habeamus; quandoquidem scimus Deum, animi etiam nostri cogitata, intimosq; pectoris nostri recessus explorare, atq; inspicere, & ex illis iudicium de nobis facere. Hæc ergo cogitatio nos perpetuò impellit ut sincerè ac candidè loquamur.

v. 5. Neq; enim aliquando. Ex re atq; effectu ipso probat Apostolus id quod proximo versiculo asseruerat, nempe candidè ac sincerè se in Evangelio predicando fuisse versatum, & iis se caruisse vitii, quæ versiculo 3. à se removerat, sinceritati contrariis. Quod si ad illud solùm quod versiculo precedente dixerat Apostolus, se non id agere ut hominibus placeat, comprobandum, hæc verba reserere volueris; non multùm pugnabimus. Ita autem id probare censendus erit, ut removeat à se tum modum agendi quo animi hominum pignerantur, tum causas propter quas eorum favor captari solet. Illud præstat in his verbis. Neq; enim aliquando in sermone adulationis facti fuimus. *i. e.* Neq; enim unquam vobis supparasitati, aut eo sermone ad vos usi sumus, qui assentationem aliquam redoleret. Sed eadem etiam verba ostendunt, eum nullo dolo, nulla fraude atq; astutia, ut vers. 3. dixerat, fuisse usum. Sicut scitis.

Ve qui nullo
Thessalonicensium
supparasitatus est.

scitis. i. e. id quod ita se habere, vos ipsi luculentissimi nobis testes esse potestis. Meminerant enim nunquam Apostolum eos præter meritum laudare, aut ad ipsorum peccata vitiaq; connivere solitum, sed ea liberè reprehendisse, & eos qui meruerant, nullo personarum discrimine, verbis castigasse. Rationem ab ipsorummet testimonio petitam, ideoq; apud ipsos longè firmissimam, adjicit. Hoc verò, nempe ut causas propter quas favor hominum captari solet, removeat, in sequentibus præstat. Quod quia duas partes habet, cùm favor hominum vel corradendarum opum, vel etiam ambitionis studio colligi soleat; utriusq; suspicionem separatim à se remover, & eadem operâ id probat quod versu 3. asseruerat, hortationem doctrinamq; suam, non profectam esse ex impuritate, seu affectu aliquo turpi, & à muneris Apostolici ac doctrine Evangelicæ sanctitate abhorrenti. Neq; in prætextu avaritiæ. i. e. neq; verbi divini predicatione ad nostra privata incrementa, remq; augendam sumus abusi, ut sub specioso religionis ac salutis vestræ prætextu, avaritiam nostram expleverimus, sensimq; in animos vestros irrepentes, nummū vos emungeremus. Deus testis. i. e. Cujus rei Deum ipsum, qui cordium scrutator est, testem advoco. Avaritiæ suspicionem amolitur juramento, cùm adulationis crimen solo ipsorum testimonio repulisset, quia hoc, ut manifestius, ab aliis quoq; facile deprehendi potest, illud verò multas latebras & sinuosos anfractus habet. Quare juramento se purgat, ne

Ipsis etiam
testibus.

Nec enim
predicatione
ad avaritiam
abusus.

Deo ipso
teste.

Cur Paulus
avaritiæ
suspicionem
juramento
à se amolitur.

qua

qua in alicujus fortè animo suspicio hareat, ut ut Apostolus non possit avaritiæ convinci, non tamen protinus ab ea immunem esse.

v. 6. Nec quærens ex hominibus gloriam.

Nec gloriam ex ea venabatur à quoquam.

i. e. Sed neq; etiam gloriam ex eo nobis ullam venabamur; Ne quis fortè ita nos avaritiæ crimine liberet, ut tanquam ventose gloriæ ancillarios, os populi mereri, & volitare per ora virum, cupivisse insimulet. Addit, Neq; à vobis, neq; ab aliis. i. e. à nullo penitus; ne quis & hic cavillari posset; non respexisse quidem Apostolum ad Thesalonicensis, quod nomen sibi apud illos illustre compararet, respexisse tamen ad alios, à quibus propterea summis laudum encomiis celebrari posset, quod in suam sententiam Thesalonicensis tam celebri urbis incolas pertraxisset.

v. 7. Cùm possemus in pondere esse. ἐν βάρει.

Vnde nec pro potestate sua victum ab illis exegit.

περὶ βάρει, vetus interpres, oneri esse: quam lectionem retinet & propugnat Beza, ita tamen ut imprudens ad illam quæ nobis verisimilior videtur, sensim delabatur; cùm ait ἐν βάρει, huc refero, quod cùm suo jure uti potuissent, sicut in Epistola utraq; ad Corinth. Paulus testatur, & Ecclesiarum sumptu vivere, suis tamen manibus victum quæsiuissent, manifesto sanè argumento, se ab omni tum avaritia, tum ambitione maximè esse alienos. Atqui id sine indicatione authoritatis & potestatis Apostolorum fieri non poterat; id quod vocibus oneri esse minime innuitur, ut quæ solum alicujus in erogandis sumptibus,

tribus, ut ita dicam gravamen ob oculos ponant. Rectius itaq; ἐν Βάπτει εἰπεί interpretabimur in pondere esse: quasi dicat, Licet enim possemus pro auctoritate & potestate nostra vobiscum agere, & jure nostro vobis precipere, ut nos propriis sumptibus sustentaretis. Ut ita vocula ista utriq; membro versus antecedentis opponatur, confirmetq; id quod ultimo loco gloriam se ex hominibus non quesivisse dixerat. Quò illum omnino respexisse antithesis ipsa sequentium indicat. Ut Christi Apostoli. i. e. tanquam ii, qui sumus legati ejus qui vester Dominus est, eoq; summo honore digni; digni qui vestris sumptibus, sine ullo nostro labore ac molestia aletemur, ac liberaliter sustentaremur. Sed facti sumus lenes in medio vestrum. In his verbis tertiam sibi virtutem tribuit, quam Theſſalonicensibus probavit, nimirum lenitatem ac humanitatem, que si vera est, à modestia sejungi non potest, sed eam quodammodo in se includit. Que causa est cur eam opponat iis factis, que, si vitiosa sint, ad arrogantiam aut ambitionem spectant. Itaq; modestiam illis potius, quam mansuetudinem videtur opponere debuisse. Sed quia Apostolus veluti catenam quandam, ut antea diximus, necesse voluit, maluit virtutem modestie vicinam, & cum eà arctissimo vinculo nexam, factis illis opponere; ut ita non uni virtuti immoraretur, sed ab alia ad aliam subinde transiret. Sensus verborum est: Sed nullo supercilio, nulla verborum acrimonia, & asperitate, que arrogantia speciem præbere posset, sumus

inter

Tertia Pauli virtus, lenitas ac humanitas.

Vera humanitas modestiam in se includit.

inter vos usi, multumq; de nostro jure remittentes, in
 iis etiam rebus, lenitatem, mansuetudinem, huma-
 nitatem nostram vobis approbare studuimus, in qui-
 bus minimè vobis obstricti eramus: ut omnem à nobis
 ambitionis suspicionem amoliremur, ac mansuetudi-
 ne potiùs, comitate, & demissione, animos vestros no-
 bis conciliaremus, quàm auctoritate premeremus,
 jurisq; nostri strictà usurpatione, vos à nobis abalie-
 naremus. Tanquam si nutrix foveat suos ipsius
 filios. i. e. Ita comiter, ita blandè vobiscum agentes,
 atq; solet mater nutrix cum prole sua agere, quæ vi-
 lissima ac admodum sordida ministeria prolis sue
 causa non dedignatur; nec sua, sed ea quæ factus sui
 sunt querit, soli ejus fomentationi, & alimentis uni-
 cè intenta. Illustrat quod superiùs dixerat, à simili,
 & auget mensuram lenitatis suæ, ponens eam quæ in
 matribus erga proprios factus conspicitur. Nutricis e-
 nim nomine, non semina nutriendo infanti mercede
 conducta, aut pretio empta, sed mater infantem a-
 lens significari videtur.

Paulus cum
 Thessaloni-
 censibus e-
 git ut age-
 re solet ma-
 terna pro-
 le sua.

Quarta vir-
 tus Pauli
 charitas ar-
 dens erga
 Thessal:

v. 8. Ita cupidi vestri. i. e. vestris usibus & in-
 crementis ita addicti. Quartam his verbis sibi virtu-
 tem adscribit, Charitatem videlicet erga Thessalo-
 nicenses ardentem: quæ causa quoq; fuit illius, quæ
 erga eosdem usum se fuisse versu præcedenti dixit,
 lenitatis, ac modestæ comitatis. Comprobat autem id
 quod de sua erga illos charitate ac studio dixerat, ab
 effectu, per collationem imparium, dum ait, aveba-
 mus tradere vobis non solùm Evangelium
 Dei,

Dei, sed etiam nostras ipsorum animas. i. e. ut parati essemus, non Evangelium solum, quod nobis Deus concedidit, quodq; ipsius proprie donum & beneficium est, vobis tradere, hoc est ejus cognitione vos imbueret; sed nosmet ipsos vitamq; nostram vobis emolumentisq; vestris penitus devovere, & consecrare, seu vite etiam nostrae jacturam vestri usibus, salutisq; vestrae servire. Quoniam chari nobis facti estis. i. e. quia eximio in vos amore flagravimus, vosq; egregie hanc animo nostro habuimus. Causam proximè nominati effectus aperit.

v. 9, Memores enim estis. Cùm ea, quae ultimo loco dixerat, tum etiam remotiora, (non enim est insolens Paulo ut unicam voculam γὰρ, non proxima tantum confirmet, sed etiam ad superiora respiciat,) comprobat ab effectu, laboribus videlicet suis: atq; iura quintam precedentibus virtutem annectit, nimirum laborum tolerantiam, & in munere fungendo diligentiam. Quod ipsum rursus, primò ipsorum testimonio roborat, dum ait memores estis: deinde ipsos labores suos exprimit, eosq; duplici generis, sed utrosq; Thessalonicensium gratiam susceptos. Alii enim manuum erant, alii animi ac linguae, hoc est labores docendi ac predicandi Evangelii. Priores ita exprimit, ut eorum simul gravitatem ostendat, dum non contentus una voce laboris, addit & fatigationis, quòd priori significantius est. Nam potest esse labor sine fatigatione ac lassitudine. Deinde & assiduitatem, cùm ait. Nocte enim & die operantes.

Quarta virtus Pauli, Laborum Tolerantia et inobeundo muovere diligentia.

Labores Pauli in Thessalon. gratiam.

Alii manuum quoque graves et assidui.

C

id est,

i. e. sine intermissione; Non quidem quasi nunquam interjungerent, & à labore requiescerent, quod erat impossibile; sed quod quicquid superesset à predicandi Evangelii labore, ac necessaria quiete, viriumq; refectione temporis, id totum labori huic impenderent, ut quo seipsos sustentarent & victum sibi prospicerent, ad non gravandum quenquam vestrum i. e. ne cuiquam vestrum molesti essemus, nec à quoquam sumptum ad vitam sustentandam necessarium exigere cogeremur. Causam exprimit cur illis laboribus tantoperè essent intentis; quia, ut mox explicat, gratis Evangelium ipsis predicare voluerunt. Alterum igitur laboris genus adjicit. Prædicavimus in vos Evangelium *ἑἰς ὑμᾶς* vel vobis per Hebraismum, qui Lamed & Beth inter se non raro permutat. Beth autem præfixum, pro ratione ac circumstantia locorum, nunc per *ἐν*, nunc per *ἑἰς* efferunt Græci. vel apud vos *ἑἰς* pro *ἐν*posito, ut supra cap. 1. v. 5. & Hebr. 2. 3. 1. Pet. 1. 25.

cur suscepti

Altilingve
Prædicatio
Evangelii.

Diſta duplici videl.
iptorum &
Dei testimonio comprobatur.

v. 10. Vos testes, & Deus. Hucusq; speciales quoddam ipsorum virtutes recensuit Apostolus, quibus doctrinam ac prædicationem suam apud Theſſal. commendavit, & efficacem reddiderit; nunc omnia illa velut in fasciculum colligens, in tota sua vita & actionibus universis nihil ejusmodi apparuisse ostendit, quod prædicationis, ut ita dicam, luminibus quomodo obstrueret, ejusq; cursum remoraretur, & non potius eam vehementer commendaret, ac cur-

ſum ejus promoveret. Idq̄ ostendit argumento, à du-
 plici, ipſorū videlicet, & Dei testimonio petito, qua-
 ſi dicat: Quid multa? vel in ſumma, ut rem in pauca
 conſeram, nec argumenta plura conquiram; vos i-
 pſos, & ne qua ſuſpicio forte in vobis h̄reat, ipſum e-
 tiam Deum, qui abditiffima quęq; cernit, teſtem o-
 mni exceptione majorem citare poſſum. Scitū enim
 vos, novit optimè ille cordium ſcrutator Deus, ut
 ſanctè i. e. quān nos geſerimus religioſè, quān &
 ſermo noſter, & facta omnia, ſummum cultum & re-
 verentiam divini numini ſpirarint, palamq; noſtra
 omnia ſtudia & conatus illius honori & glorię uni-
 cè dicatos & conſecratos eſſe teſtata fuerint. Et ju-
 ſtè, i. e. integrè, honeſtè. Juſtitia enim hæc, qua ſe u-
 ſum fuiſſe Apoſtolus indicat, (ut ſæpe aliās,) pro in-
 tēgritate, ac honeſtate vite in univerſum ſumi vide-
 tur. Quanquam nil prohibet, quo minùs de juſtitia
 particulari, ut vocant, ea vox ſumatur: quaſi dicat,
 omnibus, ſcilicet proximū, ſuum cuiq; tribuendo, ne-
 minem ulla injuria afficiendo, imò unicuiq; quantum
 in nobis erat commodando; quanquam hoc poſtre-
 mum ad benignitatem potiùs ſpectat. Et inculpate
 vobis credentibus. conſequens hoc eſt priorum.
 Qui enim ſanctè ac juſtè vivit, ū etiam vivit inculpa-
 re. q. d. nihil prorsus in ſermonibus aut actionibus
 noſtris apparuit, quod veſtram etiam qui credidiſtis,
 ac proinde majorem noticiam recti & pravi tenetis,
 nedū extraneorum ullam reprehensionem merito
 incurrere poſſet; ſed eam ſemper orbitam preſſimus,

nempe quod
 ſanctè.

Juſtè.

Et inculpa-
 tentibus
 vixeris.

ita mores nostros, ad ejus quam prædicavimus doctrinam amissam exegimus, ut nihil in nobis culpæ habentes, exempla à nobis tutissime capere possent.

v. 11. Sicut scitis. i. e. Prout & hoc etiam scitis.

Ostendit Apostolus, ita eos vitæ ipsius testes esse, quemadmodum fidelissimæ institutionis, & diligentissimæ animarum ipsorum curæ. Quam ita sibi tribuit, ut effusum in illos amorem studiumq; suum, quod uberius versu 8, declaraverat, repetat, quo modo unumquemq; vestrum sicut pater filios suos, hortantes vos scilicet: eramus, vel fuimus; Ellipsis verbi substantivi, vel Hebraismus, quo participium ponitur pro verbo, seu indicativo. Pronomen autem vos redundat: præcesserat enim unumquemq; vestrum. Significat autem his verbis, se paternam planè pro salute Thesalonicensium curam gessisse, & paterno amore, affectu, ac sollicitudine, eos non tantum generatim omnes nunc monuisse, nunc solatum fuisse, sed etiam singulos cum opus esse videret nominatim; & in ipsis monitionibus, verbis quoq; usum esse paternum plane affectum spirantibus. Effecta autem paterni sui in illos affectus, ac pie pro salute ipsorum sollicitudinis, duo exprimere videtur; quam eorum alterum duobus verbis describitur, quorum alterum altero est ἐμφορτικῶς ποιοῦν.

Paternam
pro Thes-
lonic. solli-
citudinem
exprimens.

1. Hortan- do. hortari, quod postea exprimitur significantiori, ac
2. Obtestā- do. prægnantiori verbo obtestari, quod fervorem quendam ac studium Apostoli, quod in adhortando adhibuerit, exprimit: significat, autem, origine inspecta, testibus

teſtibus adhibitis aliquem monere aut rogare; ſed ſumitur ſimpliciter pro graviter hortari, aut enixè rogare. Poſterius eſt conſolari. Cùm enim veritatis cauſa affligerentur, etiam conſolandi erant, & hac ipſa ratione ad patientiam ac conſtantiam animandi atq; excitandi. Quanquam vox Græca $\pi\alpha\rho\mu\epsilon\upsilon\theta\acute{\iota}\sigma\mu\epsilon\upsilon\upsilon\iota$ etiam adhortationem ſignificare ſolet; quo pacto eandem rem tribus vocibus deſcriberet, eo ipſo ſuum in ea re ſtudium ac diligentiam expreſſurus. Et ſanè, quia ea vox inter duas alias eſt poſita, adhortandi vim ac ſignificationem quandam habentes, non ſatis congruens videtur, ut ea, voce aliam ſignificationem habente, dirimantur. Sed tamen, ſi & ſtatum Theſſalonicenſium, quidq; ſalus eorum, cùm hæc ipſorum eſſet conditio, requiſerit; & quid paternus Apoſtoli erga eos affectus flagitarit, conſideres: conſolandi vox ſatis commodè interſeritur; præſertim cùm ipſa quoq; conſolatio monendi vim haberet, ne ob afflictiones deſicerent à fide, aut de ejus ſtudio remitterent. ad ambulare vos. i. e. ut vitam traduceretis; (phraſi Hebræis, ut alibi notavimus uſitata:) dignè Deo, prout dignus eſt Deus; ut ſcil: in honorem ejus vita veſtra cedat, & prout digna eſt iſta vocatio, qua vos vocavit. Virunq; enim conciſa hæc loquendi ratio denotat: ut nimirum & ad Deum ex factis noſtris honor redeat, tanto ejus beneficio dignus, & vita noſtra reſpondeat huic ſtatu ac conditioni noſtra, ſitq; illi felicitati conveniens, ad quam vocatione divina nobis aditus aperitur.

Obteſtari
proprie
quid ſit.
3. Conſo-
lando.

Conſolatio
monendi
vim habet.

Ut dignè
Deo ambu-
larent,

Finem anxie de illius cura sue exprimit; qui porro ulterio- rem respicit, quem satis expressit descriptione Dei proposito ipsius valde apposita. Ea enim ratio- nem exprimit, ob quam illi vitam dignè Deo tradu- cere debeant, nempe quia vocavit vos in suum i- psius Regnum & gloriam. i. e. qui vobis obtulit non rem aliquam levem, aut minime tanta vite in- tegritate dignam, sed id quod ipsius est, quodq; sum- mum apud ipsum est; regnum videl: & gloriam su- am, quibus participatio illa natura divina, & vita aeterna, cum celestium bonorum affluentia & sum- ma gloria conjuncta describitur. Regnum enim pro beatissimo habetur statu. Gloria autem gloriosissi- mum statum ac conditionem hic denotat. Quæcunq; autem Apostolus hucusque de se dixit, eò spectant, ut ipsius tum personæ, tum doctrine sua constet apud Thessalonicenses autoritas, nec ulli ii se machinis ab ea dimoveri patiantur.

Propter sum- mum illius in ipsos be- neficium.

Obtulit e- nim eis re- gnum

et gloriam.

Altera ea- pitis pars, quâ Thes- salonic. in recipienda Evangelii doctrina a- lacritatem Pauli labo- ribus respō- disse doce- tur.

v. 13. Propter hoc Transit Apostolus ad secun- dam capituli hujus partem, ostenditq; ex Thessaloni- censium etiam parte non fuisse vanum, neque succes- su suo caruisse, suum ad illos introitum, ipsorumq; a- lacritatem in recipienda veritate, fidei, ac diligen- tiæ ipsius, quam in Evangelio ipsis prædicando adhi- buerit, egregiè respondisse. Qua quidem in re ipsorū Thessalonicensium insignis commendatio continetur. Vocula propter hoc, significat in præcedentibus causam contineri, ob quam gratias Deo agat, licet eâ non contentus aliam adjiciat, cum ait: quoniam accipi-

accipientes &c. Duas enim sibi causas esse indicat, quæ se ad gratias agendas impellant, quarum prior in ipso sit aut fuerit, posterior in Thessalonicensibus. Quæ quidem posterior simul materia erat atque argumentum gratiarum actionis. Priorem jam explicuit, indefessum videlicet & pertinax in iis Deo mancipandis studium. Tanto enim charior unaquaque res nobis esse solet, tantoque acrius ad gratias Deo pro ea, si voto nostro responderet, agendum excitamur, quanto majori nobis impendio constat. Posterior est ipsorum in Evangelio alacriter & animose amplectendo ingenuitas. Et nos: vocula et, aut comparandi nota est, quasi dicat: Non solum vos, sed & nos. Aut tantum res diversas connectendis; paritatem veritatis superiorum cum posterioribus indicans, ut Col: 1. 9. Gratias agimus Deo indefinenter, scilicet pro vobis, de quo supra vidimus cap. 1. 3. Laudaturus eos, initio effectum quendam in se, cum ex labore circa illos suscepto, tum vero ex illorum virtutibus ortum exprimit, qui & affectus in eos Paulini ingens erat documentum, & ipsi eorum commendationi pondus addebat. Ut enim egregie charos Paulo necesse est fuisse eos, pro quibus ille Deo gratias ageret indefinenter, ita nec vulgares, sed excellentes eorum virtutes, quibus ad tam jugem gratiarum actionem excitaretur: quasi dicat, quanto autem acrius vobis Christo consecrandis insudavi, & quanto majori virium contentione in id conduxus sum, tanto majori persundor latitiâ, tam seli-

Nexus ejus
cum parte
prima.

Quanta
fuit, ut gra-
tias Deo
Paulus age-
ret pro illis.

tem in vobis successum animadvertens, adeò, ut semper mihi in ore sitis, quoties Deo meo ad geniculor, gratiasq; pro vobis agam sine intermissione, quoniam accipientes verbum auditus à nobis. Verbum accipientes, *Græcè παραλαβόντες*, vel, nihil aliud hoc loco significat, quàm edoceri, erudiri, quo pacto tradere & accipere sunt correlata. (vide 1. Cor. 11. 23.) vel significat assensum præbere & amplecti. neque enim huic posteriori interpretationi obstat, quod sequitur *ἐδέξαθη* excepistis, seu recepistis, in quo assensus ille continetur. Nam non simpliciter ibi dicitur eos recepisse sermonem illum, sed additur: non ut sermonem hominum, sed Dei.

Accipere
pro edoce-
ri.

Receperant
quippe Ev-
angelium,
non ut ser-
monem ho-
minum.

Verbum
auditus.

quasi dicat, cum doctrinam illam amplexi fuistis, & assensum ei præbuisistis, non amplexi fuistis ut hominum inventum, sed ut doctrinam divinius profertam. verbum vel sermonem auditus, vocat doctrinam, quam ex ore loquentis Pauli auribus suis hausissent. Dei. i. e. quod verbum seu sermo est Dei, hunc authorem habet. excepistis non [ut] verbum hominum. i. e. non ita illud recepistis atque solent recipi humana inventa & commenta, seu non quasi humanum aliquid, ac idèò minus curandum, est amplexi. In Græco deest particula *ὡς*, [ut 2. Pet: 3. 4. Psal: 11. 1. 14, 4: 22. 14; 68. 18: Osee 7. 5.] Sed sicut verè est verbum Dei. i. e. Sed tanquam verbum Dei, quemadmodum etiam revera verbum Dei est. Receperant autem doctrinam Evangelicam ut divinam.

Exempla
ubi deest
particula
ὡς.

Sed tanquam
verbum
Dei,

divinam; quia, ut in seqq. dicitur, ab ea recipienda nulli periculis, nullis afflictionibus passi sunt abster-
 reris; sed omnia alacri animo doctrine illius causa ^{quomodo id intelli-}
 sustinenda sibi iudicârunt, ac re ipsâ etiam sustinue-
 runt; ut versiculo sequenti declarabitur: Hoc enim ^{gendum.}
 nequaquam fecissent, nisi doctrinam illam divinitus
 profectam fuisse iudicâssent. Nam cur, si hominum
 inventa esse putâssent, in tantum dâcrimen tantasq;
 angustias se coniecissent. Illud ergo dum fecerunt,
 sermonem illum ut divinum sese amplecti clarissimè
 sunt testati. Illorum autem sive factum, sive de do-
 ctрина hac iudicium, comprobatur, dum subjicit: qui &
 operatur in vobis. Pronomen relativum qui, vel
 ad sermonem, vel ad Deum proximè nominatum
 referri potest. Si ad sermonem Dei referatur, esse-
 ctus ex illa, tanta cum alacritate, fortitudine, ac pa-
 tientia, verbi divini receptione proficiscens expri-
 metur; ut ex suavitate fructus facti eorum prestan-
 tia tantò magis elucescat, quasi dicat: Cujus quidem
 facti vestri rationem vel ex ipso effectu animadver-
 tere potestis, quem in vobis operatur verbum Dei,
 nempe virtutibus iis, quæ in vobis post agnitam veri-
 tatem resplenduerunt, & ad hanc usque diem con-
 spiciuntur. Nisi malis statuere, Apostolum ex effectu
 probare, eos doctrinam suam non ut humanam, sed
 ut divinam recepisse, quia uberrimos in iis pietatis
 ac virtutis fructus proferat; quos non proferret, si e-
 am non ut divinum, sed ut humanum quoddam in-
 ventum recepissent. Sed haud scio, an satiùs sit de i-

Quod iudicium illorum
 Deus spiritu suo illis
 infuso approbavit.

pro Deo, cuius proximè fuerat facta mentio, id accipere, ut ex hoc effectu, Deum revera sermonis illius authorem esse, intelligatur. Duo enim in proximis verbis asseruerat Apostolus. Primum est, Thessalonicenses doctrinam à se predicatam, ut divinam recepisse. Alterum, eam doctrinam revera etiam divinam esse, quod posterius pertinet ad approbationem prioris, seu ad ostendendum Thessalonicenses minimè falsos, aut iudicio lapsos fuisse, cum doctrinam illam divinam esse iudicarent, & ut talem receperunt. Hoc igitur posterius, tanquam accessorium, breviter ac veluti in transitu comprobatur, Deum, cuius ille sermo vel doctrina sit, ab effectu describens, quasi dicat, qui Deus variis Spiritus sui donis, quibus vos copiosè donavit, & quorum vi sese in vobis assidue exerit, se istius, quam recepistis, doctrina authorem esse, luculentissimè vobis ostendit & demonstrat. Prius autem, quod principale hoc loco est, susius demonstratur in sequentibus, ubi ex afflictionibus, quas doctrina illius causâ pertulerant, eam illos ut divinam recepisse demonstrat.

Illi verd
patientiam
suam manife-
staverunt.

Iudaicarum
in eo Eccle-
siarum imi-
tator es,

v. 14. Vos enim imitatores facti estis. Rationem, ut diximus, ejus quod de Thessalonicensibus asseruerat, affert ab effectu, quem illustrat à simili. Suprà cap: 1. 2. 6. eos cum Christo, & secum contulerat, ipsos imitatores sui, & Christi fuisse asserens; nunc eos cum Ecclesiis in Iudæa existentibus confert, ejusdem patientie, & afflictionum tolerantie nomine. Ecclesiarum Dei, quæ sunt in Iudæa in Christo

Christo Iesu. i. e. que ad Christum Iesum pertinent, eiꝯ addicte & consecrate sunt, ut cap: 1. 1. ad distinctionem Synagoge Iudaice, que Dei etiam Ecclesia suo tempore fuit, sed non Christi; quasi dicat, illarum Ecclesiarum, que ita illi Deo vero adherent, eumqꝯ venerantur, ut simul Filium ejus Dominum Iesum agnoscant, in eum credant, eumqꝯ colant. quia eadem passi estis. Eadem, sive genere, sive specie: id est, illa similia; sive etiam prorsus talia. a propriis contribulibus: i. e. ab ejusdem sive lingue, sive nationi hominibus. sicut & ipsi à Iudais, nempe infidelibus, qui interdum nominatim Iudai appellantur, ad distinctionem Christi discipulorum, quod apud D. Iohannem est frequens. vide etiam 1. Cor: 1. 22, 23, 24: 10, 22.

Eadem vñ del à suis passi.

Quæ illæ à Iudæis incredulis.

v. 15. Qui & Dominum. Quia mirari poterant Theſſalonienses, qui fieret, ut Iudai, qui Dei & legis ipsius notitiam haberent, eò improbitatis progredierentur, ut homines Christianos, quorum religio nil nisi meram spiret pietatem, persequerentur; alia adhuc addit majora isti, quod commemorarat, eorum factis ceteroqui similia, que admirationem illam quodammodo tollunt, & minimè mirandum esse docent, Iudeos eò impietatis ac crudelitatis progressos, ut Christi discipulos persequantur, cum majora etiam fuerint ausi. Nam, inquit, et Dominum ipsum, nempe Iesum, ipsum Christianorum Regem ac magistrum, Dominum illum gloriæ, principemqꝯ salutis occiderunt; quid mirum igitur si membra etiam sex-

Quos talia patrare non mirum.

Quia & ipsi Christiani.

am sex-

Imò propri-
os etiam
Prophetas
occiderunt,
licet scripta
eorum ex-
osculentur.

Scriptura
solet indi-
viduis &
personis at-
tribuere,
quod eidem
generi seu
populo
compesit.

Et Apосто-
los perse-
quebanur.

Deniq; nec
Deum cu-
rant.

am servosq; ejus persequantur? Ac ne qui cogitaret,
hoc ab iis fortè ideò factum, quia fraudem aliquam
ac dolum, in ipso ejusq; doctrina deprehendissent; ad-
dit Apostolus, & proprios Prophetas, quos ipsi pro
legatis Dei agnoscunt, quorumq; memoriam vene-
rantur, & monumenta iis extruunt, scripta ex oscu-
lantur, & pro divinis habent. Quod auget improbi-
tatem eorum, cum nullam hic excusationem sceleri
suo prætendere possint. Intelligenda autem hæc sunt
nò de iisdem personis seu individuis, sed de eodem ge-
nere seu populo. Neq; enim iidem Iudæi, seu eadem
planè personæ fuerunt, quæ Christum, & quæ Pro-
phetas occiderunt: sed idem hominum genus, seu ejus-
dem gentis homines. Similes loquendi modi non raro
in Sacris litteris occurrunt. Et huic quidem planè
geminus extat in verbis Christi. Math: 23. 35. Vide
Ioh: 6. 32. Act: 3. v. 22. ex Deut: 18. 1. Cor: 15. 52.
& infra hac eadem Epistola ad Thessalonicenses
cap: 4: 17. Plura exempla vide apud Soci: contra Pa-
leologum, cum disputat de verbo Audistis cap: 5.
Matthæi aliquoties repetito. Et nos persequentibus.
i. e. quin & nos, legatos Christi, licet tot signorum
miraculorumq; testimoniis conspicuos, oderunt
& persequuntur. Amplius, & Deo non placent.
i. e. imò nec Deum quidem ipsum curant, neq; quo-
modo ejus gratiam promerereantur elaborant. Non de
eo enim videtur loqui, quomodo erga ipsos affectus sit
Deus, sed quomodo illi erga ipsum sint animati, ut &
antecedentia, & consequentia ostendunt, in quibus

non

non quid Iudæis fiat, ſed quid ii faciant exprimitur, & omnibus hominibus adverſantur. i. e. & omnium hominum in ſe odium provocant, non ſtudiis & amicitia, ſed inimicitia & ſimulatibus cum illis certantes, & odioſis factis eos irritantes, ac adverſus ſe concitantes, quaſi dicat: Et ut rem in pauca conferam; nec Domini favorem ambiunt, & hominum ſtudia factis ſuis prorsus à ſe abalienant. Tales igitur cum ſint, taliaq; cum non in Dominum ſolum, nosq; ipſius legatos, ſed in ſuosmet etiam prophetas designarint; quid mirum ſi improbitatis ſue virus in alios Chriſti ſectatores evomant.

Et omnibus hominibus adverſatur.

v. 16. Prohibentes nos gentibus loqui ut ſerventur. i. e. qui agerrime id ſerunt, neq; patiuntur nos gentibus extraneis id annunciare, quo pateſcat illis aditus ad ſalutem, atq; illos hortari, ut amplectantur iſtam doctrinam, cujus vi atq; ope ſalutem poſtea, ſi ipſi cōſtanter adheſerint, conſequantur. Ab effectu ſpeciali, & valde quidem inſigni oſtendis, quod aſſeruerat, illos adverſari omnibus hominibus, de quo vide Act: cap: 13. v. 45. 50. cap: 14. v. 4. & d. & v. 19. cap. 19. v. 19. cap: 22. v. 21. 22. & nominatim etiam cap: 17. v. 4. 5. & d. ubi quid in ipſa Theſſalonicenſium urbe contigerit narratur. In vocibus iſtis ut ſerventur, eſt metonymia effecti, pro, loqui ut amplectantur doctrinam, per quam poſtea ſerventur ad implendum ſua peccata ſemper, i. e. ut adimpleant, quemadmodum ſolent, meſuram peccatorum ſuorum; ne quid illis de ſumma improbi-

Vnde nec Evangelium gentibus annunciari patiuntur. ſalutem iſiſi videntes.

Vt meſuram ſuæ improbitatis impleant.

tatis

*Implere
peccata
quid?*

*Sed non fe-
rent ista im-
punè.*

*Voces in
finem quid
significent.*

*Tertia ca-
pituli pars.*

tati sue desit. Verba hæc non finem denotant quem ipsi haberent sibi propositum: sed effectum qui sponte ex illorum improbitate consequeretur, licet illi id minimè cogitarent. Similis loquendi modus notatur ab interpretibus, Gen: 15. 16. Nondum completæ sunt iniquitates Amorrhæorum, & Matth: 23. 32. & vos implete mensuram (intellige impietatis, aut crudelitatis) patrum vestrorum, quasi dicat: id quod adhuc deest patrum impietati aut crudelitati, ut in supplicium erumpat, addite, ut ita in vos impietatis illius pœna effundatur, nec differatur amplius rebus jam maturis. prævenit autem super illos ira in finem. i. e. sed non finet hanc tantam eorum improbitatem impunitam Deus: quia imminet illis, imò jam illos occupavit indignatio Dei, quæ super illos mansura est, in finem. i. e. indefinenter, perpetuò, ut Lucæ 18. 5. Respondet id Hebræo Lanetsach, ut est ab interpretibus quibusdam notatum. Id enim verti solet à Græcis εἰς τέλος. vide Psalm: 13. 1:44, 23:74. 1. Vide. & Syr: 10, 15, & ibidem Drusium. Adjicit hæc verba, ne impunè laturos hanc suam malitiam Iudeos arbitrarentur; ut ita omnem hæc de re sinisterius cogitandi, & exinde vel de providentia divina, vel de veritate doctrine Christi, quam Iudei tandiu impunè infestent, dubitandi, ansâ præcidat; quemadmodum & 2. Thess: 1. 6. Iustum esse apud Deum ait retribuere tribulantibus eos tribulationem &c.

*v. 17. Nos autem fratres. Tertia capituli pars,
in qua*

In qua suum erga eos studium declarat, ex ardentissimo ipsos videndi desiderio. Quod primò exprimit, deinde cur illud ad exitum non perduxerit, aperit: & deniq; causam ipsius explicat. Ad desiderii autem istius mentionem per prolepsin & occupationem quandam descendere videtur. Nam quia poterant ipsi objicere: Tu verò interea quid cogitasti; forte de nobis securus fuisti, nec te quicquam tanta angustia nostra afficiebat, aut quicquam animo ob tuum à nobis discessum commovebat? Me verò, inquit Paulus, maximoperè id afficiebat, & vehementissimè hæc distracti nostri angebat. Nos autem fratres, quasi dicat, Et hic quidem vester fuit status: Nos autem postquam orbatu fuimus vobis, hoc est separati ac disjuncti à vobis, atq; ita non secus ac parentes distracti, à liberis, aut iis privati, orbi quodammodo facti. Verbo illo orbatu significat quàm molesta sibi sit ac fuerit hæc à Thessalonicensibus distractio, & perinde eà se affici indicat, ac parentes solent liberi orbatu: quod ipsum argumento illis esse poterat, quanto operè ab ipso diligerentur, quove loco apud ipsum essent, nempe liberorum charissimorum loco. ad tempus horæ i. e. ad tempus breve: quasi dicat; paulò post quàm à vobis discessimus, cum per exiguum tempus vestro conspectu caruissemus. Facit hoc ad exaggerandum Apostoli erga Thessalonicenses amorem. Significat enim, non tum demum, cum jam diu ab illis absuisset, illorum revisendorum desiderium subsistere, & ut ad eos redire posset se laborasse; sed paulò post,

ardentissimum eos invivendi studium, et causam, cur ad exitum non fuerit perductum aperiens.

Nexus cum superiorib.

Simul ac enim ab iis abiit, ita se affici sentit a que parentes cum liberis orbantur.

postquam ab illis discessisset. Valdè charos Paulo fuisse eos apparet, quorum videndorum desiderium tam citò illum invaserit, & ut re ipsa ad eos redire cogitaret effecerit. Nam quæ non ita chara sunt, eorum absentiam diutiùs ferre possumus, eorumq; revisendorum desiderium lentè ac tardè solet subire. aspectu seu facie, non corde, & hoc Pauli erga Theſſalonicenses affectum illustrat ac commendat. Limitat enim id quod dixerat, se illis fuisse orbatum, & ostendit corpore quidem se ab illis sejunctum fuisse, sed non animo, quasi dicat; Et orbatì quidem sumus vobis aspectu tantùm, quia nimirum ora vestra contueri non licuit: at non animo ac cogitatione. Animo enim vobis semper adsui, & vos mihi; semper vos pectore circumtuli, atq; adhuc circumfero. Perpetuò enim de vobis cogitavi, & de vobis sollicitus fui. Continetur in his verbis causa seqq: hoc est desiderii ac studii Paulini, Theſſalonicenses revisendi, cum quadam prolepsi. Poterant enim cogitare, Paulum postquam corpore discessisset, animo etiam discessisse, & sui memoriam deposuisse. Respondet igitur, non ideo animo excidisti, quia ab oculis fuisti amoti, neq; cum conspectu vestro vestri etiam memoriam deposui, ut ab illis sit, in quorum animis affectus amoris nondum altas egit radices: sed absens etiam vestri perpetuò sui memor. Abundantiùs studimus faciem veltram videre, quasi dicat, tantum abest, ut discessus ille meus atq; à vobis separatio affectum erga vos meum vel extinxerit, vel minue-

Et aspectu ab illis se- junctus, a- nimo præ- sens illis fuit.

Vnde tanto maiori in- vitendorum eorum stu- dio flagra- vit.

rit, ut etiam auxerit. Tantò enim magis fui accensus ut vos reuifere cogitarem, & re ipsa conarer. in multo desiderio, i. e. magno cum desiderio, seu magno desiderio inflammatus atq; impulsus: quasi dicat, tantò majori cupiditate flagraui vestri videnti, ac porrò operam tantò majorem dedi, ut ad vos redire possem.

v. 18. Quapropter volumus venire ad vos, Et in eo, ut illos reuifere-
ret, aliquo-
ties erat.
Exprimitur hic effectus illius desiderii, cujus proxime facta fuerat mentio, cum obiectionis occupatione. Effectus est voluntas, hoc est consilium ac conatus ad Theſalonicenses eundi: quem magis illustrat Aposto- lus, dum de se nominatim ait, se semel atq; iterum, hoc est, aliquoties id voluisse, conatumvé esse. Id quod affectum Pauli erga Theſalonicenses eximium arguit. Sed quia dicere poterant Theſalonicenses: Cur ergo non venisti? Si redire ad nos seridò voluisses, conatusvé esses, etiam rediisses. Respondet Paulus, non voluntatis defectu id factum, sed quia venire ob impedimenta sibi à Sathana objecta non potuerit. A- it enim, & impedivit nos Sathanas. Et, pro sed Sed impe-
divit Satha-
nas. ut alibi sapè. Impedivit autem Sathanas, vel quia quomodo pericula obiecit varia, inter quæ proculdubio fuit & illud Berrhæe à Iudæis Theſalonicensibus ipsi cre- atum, quod nisi intervenisset, potuisset ad Theſalo- nenses cùm in propinqua esset urbe, facildè redire; vel quia alibi faceſſivit Paulo negotium, excitando homines improbos, cum quibus depugnandum esset Paulo, ne fortè fideles quos alibi collegerat, seduce-
rent

rent aut corrumpere. Quare quoties Paulum in eo esse videbat ut Thessalonicenses reviseret, eosque in fide confirmaret, animaretque, toties ei remoram aliquam iniecit, & conatum ejus impedivit. Deus autem talia non semper impedit, (qui & Sathanae, & hominum improbitati locum relictum esse voluit, nec vim illis penitus inferre decrevit.) & fidei, patientie, constantie, piorum, hac ratione exercendae campum relinquit aut aperit.

Nec immerito id tentavit.

Erant enim Thessalonicenses Pauli spes.

Gaudium.

v. 19. Quæ est enim nostra spes aut gaudium. Causam adfert impulsivam illius suæ voluntatis, hoc est consilii ac conatus ad Thessalonicenses redeundi, & hac ratione proximè dicta confirmat, ac plusquam verisimile facit, non voluntatis, sed facultatis atque opportunitatis defectu factum esse, quod ad illos non venerit. Causa autem hæc est, quia illi sint ipsius spes, gaudium, ac corona gloriationis. Dicuntur autem hæc per Metonymiam effecti de Thessalonicensibus, ultimum simul etiam per Metaphoram. Spes i. e. ii ob quos premium laborum meorum, quos in predicando Evangelio exantlo, à Domino Iesu sperare merito possum, atque adeò spero. Cur enim non speraret à Domino premium, quod tot homines, tam probos, quorum in fide amplectenda tanta extitisset alacritas, fortitudo, patientia, ipse lucrifecerit, eumque in finem tanta sustinuerit certamina, tam gravia adierit pericula, tot labores susceperit, tot devorarit molestias? Gaudium i. e. ii qui mihi gaudium adfertis, quorum fides, pietas, patientia,

ria, ac constantia, summam mihi subinde adfert letitiam. Vide infra cap. 3. v. 7. 9. Quanquam etiam eateenus gaudium ipsius censeari poterant, quia gaudio ipsi olim essent futuri in Domini adventu, siquidem propter eos premio esset à Domino donandus, ut modo diximus. Corona gloriationis. i. e. in causa eritis ut coroner à Christo, & premium tam amplum consequar, ut de eo maximopere gloriari possim: vel laudi mihi, honori, & gloria, & nunc estis, & olim estis futuri; aded ut non secus de vobis gloriari possim, quàm victor de corona solet, imò multò magis, majoriq; jure, quàm quisquam de corona. Alludit ad premia victorum, quibus corona seu sertum dabatur; quæ res magno illis honori erat, & non exiguam illis gloriandi materiem videbatur præbere. Non simpliciter autem affirmat Apostolus, Theſſalonicenses esse suam spem, gaudium, coronam gloriationis; sed ait, Nonne & vos, ne alios fideles Theſſalonicensibus similes, quos itidem lucratus esset Domino, excludere videretur; ideo ait: Et seu etiam vos: quasi dicat; vos quoque inter ceteros. Quanquam sequenti versiculo id simpliciter asserit: non quòd excludi velit ceteros, & solos Theſſalonicenses eo loco habeat; sed simpliciter, quòd tales eos esse censeat, vel inter primos esse existimet. Deinde addit eodem versiculo

Coronæ gloriationis.

19. ante Dominum nostrum Iesum Christum. Coram Domino Iesu, idq; ultimo die.
seu in conspectu Domini nostri Iesu Christi estis, in adventu ejus, quasi dicat; non apud homines tantum mihi estis honori ac laudi, ac porro gaudii mate-

dii materiam mihi præbetis, sed etiam apud ipsum Dominum Iesum: idq̄, non tantum nunc, sed etiam, idq̄, inprimis, cum veniet iudicatum vivos & mortuos, unicuique daturus secundum ipsius opera. Tunc, inquam, laudi mihi eritis, cum propter vos coronâ illâ gloriæ, hoc est, immortalis vitæ singularisq̄, dignitatis præmio donabor; tunc materiam gaudii amplissimam mihi præbebitis. Itaque tacita quedam hic est amplificatio rei, à comparatis imparibus. Magnum putatur laudem habere apud homines, sed longè sine ulla comparatione majus est, laudem ac gloriam consequi apud Christum, cœlestem Regem, atque adeò apud ipsum Deum, & quidem tum cum decretorius ille dies veniet, quo præmia cuiq̄, pro factis digna persolventur, cum summa Regis illius majestas apparebit, cum tam illustris est futura spectatorum corona, cum præsentibus aderunt universæ legiones Angelorum, & piorum hominum tot myriades. Ex quo etiam liquet, quàm charos necesse fuerit esse Apostolo Thessalonicenses, ac porrò quàm credibile fuerit, magno eum ipsorum videndorum desiderio flagrâsse, & ad eos redire non semel constituisse, nec denique à consilio destitutum fuisse, nisi fuisset impeditus.

v. 20. Vos enim estis gloria nostra & gaudium. Vim præcedentis interrogationis exprimit, atque ita eandem sententiam cum asseveratione repetit. Sensus verborum ex præcedentibus patet, quasi dicat: Ita loquor, quia vos vel inter primos estis, qui
mibi

mibi & ſunt, & olim futuri ſunt honori, apud Dominum Ieſum, in ipſius adventu, ac proinde in ſignem mibi voluptatem ac letitiam & nunc pariunt, & porro etiam parituri ſunt. In hac autem commendatione Theſſalonicenſium, latet argumentum valde efficaciſſimum, ad permovendos eorum animos, ut quemadmodum cœperant, pergant in Chriſtiana religione proſtitenda ac tuenda, neu ſpem Apoſtoli fallant, & qui gaudio ac honori hucusque fuerant, & porro futuri videbantur, dolorem ipſi, pedem referentes, aſſerant, remq; eò deducant, ut eorum pudere ipſum ſit neceſſe.

IN CAP: III.

Pergit in ſui erga Theſſalonicenſes ſtudii teſtificatione. Nam primùm reſert Timotheum à ſe miſſum, ut eos viſeret, & quid illis fieret cognoſceret. Deinde ſummâ ſe affectum letitiâ, cùm Timotheus de eorum in fide constantia & amore erga Paulum, nuncium reſerret, tantoq; majori ſe videndorum illorum deſiderio accenſum: Denique votum adjicit, ſingularis erga eos benevolentie plenum.

v. 1. Idedò non amplius. Prima capituli particula uſque ad ver. 6. porrigitur. Vbi de miſſione ad illos Timothei acturus, primò cauſam ejus efficientem indicat, atq; ita ſimul id, quod de ſuo ad eos venienti deſiderio, ſub ſinem ſuperioris capituli aſſeruerat,

Prima capituli pars, ad v. 6. Cauſa miſſionis Theſſalonicæ Timotheum impellens.

Nexus cum
superiori-
bus.

comprobat. Deinde personam missi commendat. Denique finem missionis indicat, quæ itidem eidem assertioni probandæ, suoq; erga ipsos studio declarando faciunt. Ideò non ampliùs sustinentes, scilicet desiderium videndi vestri: quasi dicat: Tam altè igitur pectori meo cum insideatis, ut gloriam vos gaudiumq; meum putem, nec verò voti mei ob Sathane impedimenta compos fieri possem; ideò cum jam desiderio videndi vestri essem impar, nec illud ferre ampliùs possem, de eo leniendo ac mitigando cogitare cœpi, & cum ipsemet proficisci non possem, me velut alterum, Timotheum ad vos visendos ablegavi. optimum duximus soli Athenis relinquere, maluiq; solus Athenis remanere, licet id magna cum molestia mea conjunctum esset, dummodo aliqua ratione incitatissima vos videndi voluntati meæ satisfacere possem. Significat Apostolus suum se commodum Thessalonicensium commodis postposuisse. Ægrè enim comitis charissimi, atque adeò Filii sui operâ carebat, & eum à se divelli grave erat, præsertim cum tam celebrem urbem esset ingressus, ubi laborum sociis indigere vel inprimis videbatur. Sed maluit seipsum tam iucundo Timothei convictu ejusq; ministerio fraudare, quàm suo erga Thessalonicenses affectui non satisfacere, quemadmodum ex sequentiùs plenius intelligetur. Nota, quod de seipso loquens plurali numero utatur. Neque enim est quod putes, eum de se ac Sila loqui. Silam enim, cujus initio mentionem fecit, ipsi tùm non adfuisse apparet ex

Epist. prior. ad Theſſal: 39

ret ex cap. 18. ver. 5. Act: ubi Silas & Timotheus, dicuntur ad Paulum Corinthum demum venisse; de quo Timothei adventu loqui videtur infra ver. 6.

v. 2. Et misimus Timotheum fratrem nostrum. i. e. Qui nobis unice dilectus est, & tanquam alter ego: charus autem & dilectus quia dignus: idè addit: & ministrum Dei, & cooperatorem nostrum in Evangelio, ut auctoritatem ipsi conciliet, simulq; ex dignitate ipsius personæ factum suum commendet, suisq; in eos studii ardorem insinuet: quòd licet sibi unice charus, et maxime accommodus, imò necessarius ob laborum societatem fuerit; maluerit tamen illo ad tempus carere, dummodo affectum erga illos suum testaretur, illorumq; necessitati consulere. Ministrum autem Dei vocat, non e a ratione, quâ omnes Christiani servi Dei sunt: sed peculiari, & in propriâ, qui præsent Ecclesiæ, & prædicando Evangelio, ac gloriæ divinæ propagandæ unice incumbunt. Quo & non vulgarem ipsum esse fratrem ostendere vult, & singulari suo amore dignum: id quod amplius adhuc indicat, cum suum in prædicatione Evangelii locum vocat. Evangelium enim hic sumitur pro prædicatione Evangelii, ut Rom: 1. 9. & 15. 19: 1. Cor: 9, 14. imò & hac ipsa Epistola cap. 1. ver. 5. & alibi sæpè. ad vos stabilios & exhortandos super fide vestra. Finem missionis Timothei exprimit, qui erat, ut ipsos ad constantiam in eo quod semel fuerant professi, & invictum animi robur in afflictionibus hortaretur, atq; ita eos in si-

Commenda-
tio missi.

Evangelii
um pro præ-
dicatione
Evangelii
Finis mis-
sionis
1. ut eos Ti-
motheus
ad constantiam horta-
retur.

D 4

de, quam

de, quam Christo semel dederant, confirmaret, & in iis, quæ ad eam sartam tectam ipsis conservandam pertinerent, instrueret. Alii legunt super fide nostra: eo sensu: super iis, quæ ad fidem, quæ mihi vobiscum est communi, pertinent.

Ne ob afflictiones animo conciderent.

v. 3. Ut nemo commoveatur ob afflictiones istas. i. e. ne quiquam vestrum turbetur, aut animo concidat, & sive de deserenda prorsus, sive etiam de dissimulanda religione Christiana cogitet, ob tantas afflictiones, quas eo nomine perferre cogimini. Finem præcedenti versiculo expressum, uberius explicat, causamq; cur de eo cogitaverit, indicat.

Scientes eam esse Dei voluntatem.

Ipsi enim scitis. Narrationi rationem ipsorum confirmationi servientem interserit; quasi dicat: Quod quidem, etiamsi tandem Timotheum non misissem, minimè vos turbare debebat, neque adeò nunc turbare debet, ut qui habeatis exploratum, quòd in hoc positi sumus. i. e. quòd ea sit conditio omnium nostrum, quicumque Christo nomen dedimus, ejusq; sacratissima militiæ adscribi voluimus, & ea Dei, qui hujus religionis author est, voluntas, ut per varias afflictiones & angustias, ad cælestis glorie culmen enitamur. Est autem hæc Dei voluntas non absoluta; quasi scilicet ille, homines malos esse velit, qui negotium postea nobis facessant: (ita enim author foret peccati.) Sed ex hypothese, seu suppositione, ut loquuntur, quia videlicet existentem in mundo afflictionum causam, nempe malitiam improborum, cujus ipsi sibi causa sunt, nolit semper coercere,

quomodo id intelligendum?

& penitus

& penitus reprimere: sed aliquando habentis improbitati ipsorum quodammodo laxatis, fideles suos, ipsorum fidei exploranda, sua verò gloriæ demonstranda causâ, ab iis nonnunquam affligi, ac vexari velit; licet interim imbecillitatu virium ipsorum respectum habeat, neque ipsis ultra quàm ferre possint, oneris imponi sinat.

v. 4. Etenim cum apud vos essemus. Scivisse illos jam antè, hanc esse conditionem fidelium, ac proinde non debuisse tanquam re nova inopinatò accidente commoveri, ostendit & sua prædicatione, & ipso statim subsequente eventu: quasi dicat. Simul ac enim vos ad doctrinam Evangelii prædicatione nostra incitare cœpimus, illud etiam prædiximus, fore ut affligeremur, tum nos qui illud prædicaremus, tum vos qui illud amplexi fuistis. quod & evenit. i. e. nec defuit prædictioni eventus. Et nostis, quòd scilicet & nos ipsi, & multi inter vos, adversa Evangelii causa sustinuerint.

v. 5. Propter hoc & ego non ampliùs sustinens, desiderium scilicet cognoscendi, quo statu res vestra, ratione habita religionis, essent. Vocula & iòc̄ T̄so, vel ad proximè præcedentia respicit, afflictionem nempe, quam ob Evangelii doctrinam perferrent; vel ad remotiora, desiderium videlicet eos videndi; ut per Epanalepsin repetat ea, quæ versiculo primo dicere cœperat, quasi dicat: Propterea, inquam, misi eum, ut cognoscerem fidem vestram. Alium missionis Thessalonicam Timothei finem exprimit, qui

2. ut de illorum statum quoad fidem cognosceret.

ipsum magis Paulum respiciebat, sicut ille prior Thes-
salonicenses. Is autem erat, ut per illum certior fieri
posset de illorum statu ratione fidei ac religionis. Cui
statim subiicit causam, qua ad id impulsus fuerit, ne
forte tentaverit vos. i. e. metuens, ne per absentiam
meam, aliorumq; mei similium, qui vos confirma-
re, atq; animare potuissent, in fraudem vos aliquam
induxerit, & tentatione sua in vobis aliquid prose-
cerit, ut videlicet vos de statu vestro dimoverit,
vosq; à fide abstraxerit. Vox tentaverit hoc loco
pragnans est, nec solum Sathane impetum & asul-
tum, sed etiam effectum & successum significat, ut
Matthæi 6. 13. in precatione Dominica, ubi signifi-
cat, ne permittas ut Sathane vi aut fraude, à fide
aut pietate abducamur, & Gal. 6. 1. is qui tentat.
i. e. Sathanas, cujus id est artificium & unica cura,
ut homines tenter, & circumveniat. $\pi\epsilon\rho\upsilon\alpha\lambda\omega\nu$ pro
 $\pi\epsilon\rho\upsilon\alpha\sigma\eta\varsigma$ Hebraico more positum, ut Matth. 4. 3.
& in vanum fiat labor noster. i. e. atq; frustranci
essent labores nostri, quos in perducendis vobis ad
Christum subiimus.

Verebatur
enim ne per
suam absen-
tiam Sathan
eos seduce-
ret.

Hi^o deserit
p^orio.

Altera ca-
pitis par-
tie. ad v. 12.
Lætus de
ipforum cō-
stantia nun-
cius.

v. 6. Nuper autem veniente Timotheo ad
nos à vobis. Veniente scilicet Corinthum, ut ex
Actis apparet. Est alterum capitū hujus membrum,
quo, quid consequutum sit missionem illam Timothei,
explicat. Id autem est, lætus de ipforum in fide con-
stantia & memoria Pauli nuncius, qui ingenti ipsum
gaudio replevit, & desiderium ipforum videndi in ip-
so vehementius accendit, & annunciante nobis
fidem,

fidem, quasi dicat; cum nobis retulisset, vos in fide adhuc persistere, ac religionem Christianam, quam semel estis amplexi, constanter sequi ac profiteri. Et charitatem vestram, nempe erga proximum, de qua cap. 1. ubi laborem charitatis illi tribuit, quam inferius cap. 4. v. 9. & 10, adhuc luculentius commendabit. & quia habetis memoriam nostri: i. e. cum illud quoque nobis retulisset, non effluxisse me ex animo vestro, sed vivere atque vigere apud vos memoriam mei, adeoque vos mei mentionem facere: eamque bonam, i. e. honorificam vos mentionem me ipsum, vitæ rationem, laboresque meos inter vos susceptos, prosequi semper. i. e. identidem quomodo me inter vos gesserim, quomodoque in me vos animati sitis commemorando: desiderantes nos videre. i. e. ita vos mei meminisse, meivè mentionem facere solere, ut simul significetis, vehementi vos desiderio teneri videndi mei, & meo colloquio ac consuetudine fruendi. Sicut & nos vos. i. e. non secus atque ego ardeo incredibili desiderio videndi vestri. vel: Qua quidem in re paria mecum facitis, qui idem ardentissime exoptem. Subinde aliquid de suo erga ipsos studio interjicit, ut tanto magis illorum sese animus insinuet.

v. 7. Propter hoc consolati sumus fratres. i. e. qui quidem Timothei nuncius, longè maximum mihi solatum attulit, in vobis i. e. propter vos, in omni tribulatione & necessitate nostra, i. e. cum in magnis tum calamitatibus versaremur, multaque adversa Evangelii causa pateremur; quasi dicat; a-

Et memoria
Pauli apud
ipfos.

Quæ ad
Paulum in
summistunc
afflictioni-
bus consti-
tutum ex-
hilararunt.

deò

deo me nuncius tam latus exhilaravit, ut omnem dolorem & molestiam, ex afflictione & angustia qua undiq; premebar proficiscentem, si non penitus sustulerit & extinxerit. maximam certè partem lenierit & mitigaverit. Vocibus istis duabus, tribulatione & necessitate, una eademq; res intelligi potest: ita ut posterior augendi vim quandam habeat, easq; in afflictionibus angustias insinuet, quibus fiat ut quid consilii capias, & quò te vertas, penitus ignores, sitq; idem quod $\sigma\epsilon\upsilon\chi\omega\sigma\tau\iota\alpha$, quam 2. Cor. 6. v. 4. distingvit ab $\epsilon\upsilon\chi\alpha\iota\sigma\tau\iota\alpha$, quæ illo loco angustiam in rebus ad victum necessariis significant, ut cap. 12. v. 10, quod cap. 11. v. 27, famis & sitis nomine (quo in loco necessitatum istarum non fecit mentionem) expressisse videtur. Quæ etiam significatio hîc locum habere potest, si duo omnino diversa his vocibus exprimi malis. Videtur autem præcipuè respicere ad illa de quibus legimus Act: 18, v. 12. Per vestram fidem i. e. propter vestram fidem. Fidei vocem in latiori quàm paulò antè significatione sumit, ut charitatem etiam complectatur.

Ut vel idipsum vitam ipsius redderet vitam.

v. 8. Quoniam nunc vivimus, i. e. Id enim nos reficit ac recreat, adeo ut nunc verè nobis vivere, & quasi à limine mortis, in hanc vitam revocari & restitui videamur. vel: Id enim est, quod ipsam vitam nobis reddat vitalem, omnemq; adeo vim morboris delet, atq; abstergat. Genus dicendi figuratum, in repentini, ejusq; maximi inter afflictiones gaudii affluxu, usurpari solitum. Cujus exemplum habes lo-

han: cap: 14. v. 19, quia ego vivo, & vos vivetis. Verbum enim vivetis, non ad futuram tantum, ut fortè videri posset, sed hanc etiam vitam respicit, respectu cujus de summo gaudio, & quod æquale quodammodo sit ejus felicitati qui postliminio quasi ad vitam redeat, accipiendum videtur. Psal. 22. v. 27. vivet cor eorum in seculum. i. e. animus eorum exhilarabitur, & letitia perenni recreabitur. Si vos statis. i. e. quandoquidem vos firmi & robusti atq; constantes estis in Domino. i. e. quod attinet ad Dominum, constanter videlicet doctrine ac religioni ab ipso tradite adherentes. Vocula si non semper rem dubiam significat, sed sæpe etiam de rebus certissimis usurpatur. Vide 1. Cor. 15. v. 12, & seqq: quanquam ferè id evenit in argumentationibus hypotheticis ut vocant. Posset autem & propriam vim suam obtinere ut id vitam suam, summamq; adeò letitiam dicat esse absolutè, si illi constanter in fide Christo data permanerent; nisi obstaret vocula nunc, quæ presentis temporis nota est, & apertè ad id, quod significaverat, Timotheus respicit.

v. 9 Quam enim gratiarum actionem possumus Deo retribuere pro vobis. i. e. Tanta enim est gaudii vis ac magnitudo, ut nullas possimus condignas gratias reperire, quas Deo agamus pro tanta letitia, quod in nos ex vobis, vestraq; constantia & fide, quæ ipsius gratiæ & auxilio imputanda est, exuberavit. Ab effectu fidem facit ei, quod se vivere, i. e. summoperè ex illorum in fide perseveran-

quod constantes essent.

si pro quam.

Vnde et gratias Deo ardentissimas agebat propterea.

tia,

Omne pro
perfecto.

Orans noctu
& die, ut e-
os videre
posset.

Pauli in
precibus
assiduitas.

tia, letari dixerat. in omni gaudio, vel super o-
mni gaudio. i. e. pro summo gaudio, omne ponit
pro eo, quod est magnum. & omnibus suis partibus ab-
solutum. propter vos. i. e. vestra causa, eas in vobis
dotes, donasq; Dei conspicientes. ante Deum no-
strum, idq; non simulate & coram hominibus tan-
tum, sed verè & coram ipso etiam Deo, qui eam gau-
dii nostri magnitudinem videt.

v. 10. Nocte ac die Redit iterum ad exaggera-
tionem desiderii sui, de quo sub finem superioru capi-
tuli apertius diseruerat, & cuius mentionem pauld
ante versu 6. fecerat, ut tanto magis studii amorisq;
in eos sui ardorem, in testatum faciat. Et hic est al-
ter effectus leti illius nuncii, de Thessalonicensibus à
Timotheo allati, cum priori ita nexus, ut ex illo ve-
lut efflorescat. Magnitudinem autem desiderii istius
censeri vult ex precum, quas eo nomine ad Deum
funderet, assiduitate. Nocte ac die. i. e. assidue, si-
ne intermissione, quamq; frequentissimè, seu quoties
Deum meum precibus adeo, toties id facio. Facio ve-
rò id & nocte & die: sermo proverbialis, sed qui sin-
gularem assiduitatem significet. Addit autem ὅτι
ἐκ περισσοῦ θεόμενοι i. e. admodum abundan-
ter, seu vehementer, atq; ardentè orantes: ut non
moris tantum causa, non frigidè id se facere osten-
dat; sed ex animo, junctumq; esse assiduitati ardo-
rem, adeo ut veluti quotidie cresceret, & incremen-
tum sui caperet orationis fervor. ad videndum ve-
stram faciem. Finis & objectum precationis, &
completo

compleve defectiones fidei veſtræ, i. e. ut quod fidei veſtræ, propter præproperum à vobis diſceſſum meum deeſſe neceſſe eſt, id præſentia mea impleam; uberoe videlicet vos earum rerum notitia imbuendo, de quibus tum non niſi carptim cogebat ob temporis anguſtiam dicere; & ſi qua vobis exciderunt, in memoriam revocando, aut ſi que non intellexiſtis, maniſeſtius declarando. Hiſi autem verbis effectus ac ſui exponitur prioris, nempe viſitationis Theſſalonicenſium, & ſic cauſa indicatur, que ipſum impellat, ut & videre eos tantopere cupiat, & Deum tam diligenter, tam ſervidè oret, ut id ſibi beneficii præſtet. Cauſam autem eſſe ſignificat, non ſuam, ſed ipſorum Theſſalonicenſium utilitatem ac commodum, ipſis admodum neceſſarium. Ideò autem hunc ejuſ rei ſontem aperit Paulus, ut inde illius erga ſe amorem perſpiciant Theſſalonicenſes, utq; eorum animos ſibi penitus devinciat & obliget; quaſi dicat: Aveo verò tantopere vos videre, non ut oculos tantum meos conſpectu veſtro mihi longè cupidiffimo paſcam, neq; mei ipſius cauſa, aut ob carnalem aliquem reſpectum: ſed propter voſmet ipſos, ut voſ erudiam, ut veſtræ ſaluti, in qua omnes ſpes veſtræ ſite ſunt, proſim & conſulam.

v. 11. Ipſe autem. Voto ſecundam hujus capituli particulam claudit, quo deſiderii ſui, de quo huc uſq; locutus eſt, compotem ſe fieri exoptat; quaſi dicat: Ego quidem ita opto ac voveo, itaq; Deum oro; Deus autem ac Chriſtus, in cujus manu eſt diſpoſitio noſtro-

Ad complẽ-
dum defe-
ctum illorũ
fidei.

Et nunc
Deo & Chrĩ-
ſto voveo,
ut viam i-
pſius dirigi-
gat.

rum con-

rum conatum, & intentionum eventum præstet, & votis meis benignus annuat, felicemq; consilio huic meo successum largiatur. Et pater noster, i. e. qui Pater noster est. Qui titulus cum ardentissimi in nos amoris divini nota sit, spem facit, fore ut Deus vota impleat, & quæ filii ipsius tam ardentibus precibus ab ipso flagitant, præstet. Et dominus noster. i. e. & ille qui à patre suo in nos imperium accepit, & cui gubernatio ac cura Ecclesie, rerumq; ad eam pertinentium, nominatim à Deo est commissa, nempe Iesus Christus. Verba enim hæc prioribus per appositionem addita. Dirigat viam nostram ad vos, i. e. secundet, expediat, impedimenta omnia amoliat, Sathane conatus, qui mihi hucusq; obstiterunt, reprimat, meum verò consilium aura divini favorum sui promoveat, & me vobis salvus incolumem sistat. Insigne ut curæ & providentiæ circa nos Domini lesu argumentum, ita invocati ipsius exemplum. Votum enim ejusmodi, quod eum, à quo aliquid voveo, audire sum persuasus, precatationis vim habet, atq; a deo ipsa, licet indirecta, precatio est.

Votum pre-
cationis
Sim ha-
bet.

Tertia ca-
pitæ pars.
Votum, quo
compreca-
turiis om-
nia secun-
dum spiri-
tum pro-
spera.

v. 12. Vos autem. Studii in eos sui testificatio-
nem voto aliq; claudit, quo comprecatur ipsis omnia
secundum spiritum fausta & prospera, quam terti-
am hujus capituli partem esse diximus: in qua etiam
aditum sibi ad eorum officia explicanda facit. quasi
dicat: Hoc quidem est desiderium meum, quod uti-
nam Deus impleat benedictione sua. Sed interim
dum id fiat, vobis unice opto & comprecor, ut vos
Domi-

nus, nempe Iesus Christus; ut ex articulo & superiori etiam versiculo patet: multiplicet: i. e. augeat & cumulet, & abundare faciat charitate invicem. i. e. sicut ut in dies magis ac magis proficiatis, & exuberetis in charitate, & erga vos invicem qui Thessalonice fraterno inter vos vinculo per Christum copulati estis, & in omnes, quicumque tandem illi sint, sive fratres, hoc est, Christiani, sive extranei, nec sacra vobiscum communia habentes; ut sunt gentiles, & Iudaei: quemadmodum & nos in vos, ut videlicet eo proximorum fratrumque amore flagretis, quo ego flagro adversus vos. Illorum erga alios charitatis mensuram suum erga ipsos amorem ponit, ut eorum animos sibi penitus pigneret, ac devinciat, insinuatque sui erga eos affectus exundantia, ad paria facienda provocet. Ita nullam occasionem praetermittere videmus Apostolum, quin suum erga illos studium atque affectum eximium testetur.

1. ut charitate abundant.

v. 13. Ad confirmanda vestra corda. Finem voti exprimit, vel potius pergit ulterius in enumeratione eorum, quae ipsis precetur: ut corda vestra. id est, vos ipsos, animos spiritusque vestros confirmet. i. e. roboret, viresque vobis largiatur, inculcata in sanctitate, quod possitis ita vitam moresque vestros componere, ut sitis irreprehensibiles; ut pote sanctitate praediti, seu ideo quia sanctitate praediti sitis, omnique crimine, quod maculam aliquam vobis aspergere possit, vacetis, ante Deum & Patrem nostrum, idque non tan-

2. ut corroborentur à Domino Iesu, quod sint irreprehensibiles.

tum in oculis hominum, qui & facile decipi possunt, nec sunt nostri iudices: sed coram ipso Deo, qui Pater noster est, sed talis qui sine prosopolepsia iudicat, secundum uniuscuiusque opus, cuiusque oculorum aciem nemo effugere potest, in adventum Domini nostri: vel, ut usque ad adventum Domini nostri Iesu Christi sitis inculpati, seu ad mortem, quæ cum adventu illo quodam modo coniungitur, nosque ante tribunal Christi sistit, vel potius, ut tum appareatis inculpati, quando maxime intererit vestra inculpatos apparere, nempe in extremo iudicio, cum retribuet unicuique secundum opera ipsius: ut non solum exprimat à quo precetur; sed etiam quid, & quam perfecte, quemque in finem cupiat id illis evenire. in adventu Domini nostri Iesu Christi. i. e. suo. Antecedens pro relativo, Hebræorum more, ut paulò ante v. 9. cum omnibus sanctis eius, nempe Angelis. Ita post: Epist. cap. 1. v. 7. ait in revelatione Domini Iesu de cælo cum angelis virtutis eius. Iudas autem v. 14. Ecce venit Dominus in sanctis millibus suis. Auget porrò spiritualibus bonis fideles suos, & confirmat corda eorum inculcata in sanctitate Dominus Iesus, non si ipsi interea otiantur, & in utramque aurem securi dormiant; sed si ipsi etiam adnitantur, & quantum possunt, vires suas extendant, ac sedulo, ut inculpatè coram Deo vivant, elaborent. Et videtur sanè Apostolus, votum hoc pro Thessalonicensibus concipiens, divinæ operi quasi quadam pollicitatione eos ad dirigenda brachia

Antecedens pro relativo.

Id tamen præstat Dominus non sine opera nostra.

chia contra torrentem peccatorum incitare voluisse. Præstat autem hæc Dominus Iesus sua ex parte, quomodo cum & uberiori fideles suos rerum divinarum notitiâ complet, & vires adversus omnes Sathane insultus subministrat, variaq; media, quibus corroborentur, porrigit: idq; vel Spiritus sancti sui afflatu, vel servorum suorum ad id excitatorum operâ; cum sepe sufficiat unus vir cœlesti sapientiâ instructus, & divino spiritu præditus, uti ad salutare lumen, vel innumeris in illi errorum nocte vagantibus præferendum, ita etiam ad eosdem pleniori veritatis notitiâ instruendos, gressusq; eorum ad pietatis tramitem dirigendos, & in ejus semita retinendos ac stabiliendos.

IN CAPUT IV.

IN altera Epistolæ hujus parte, quæ ab hoc capite incipit, primò hortatur Thessalonicenses ad officia pietatis, tum in genere, tum in specie: Deinde subjungit doctrinam de resurrectione mortuorum, quæ fundamentum est pietatis Christianæ. Et hæc sunt capituli etiam hujus partes.

v. 1. Reliquum ergo: Prima capituli hujus pars, ad ver. 13. porrigitur. In qua hortatur eos ad varia pietatis officia, quæ ipsis tacitè sub finem capituli superioris insinuaverat, ea ipsis à Domino Iesu optando, quorum compotes, nisi & ipsi manum admove- rent operi, fieri non poterant. Connexionem horum cum prioribus innuit particula reliquum. quasi di-

Partes capi-
pitis duæ.

Prima ca-
pituli pars
ad v. 13.

Nexus cum
superiorib.

cat: Hæc igitur cum ita se habeant, nec ullum possit esse dubium vos à Deo per nos ad cæleste regnum esse vocatos, vosq; tam alacriter doctrinam nostram amplexi, superatis tot tantisq; ob eam causam calamitatibus, in ea constanter ad hanc usque diem persistatis; id superest, ut in cæteris quoque officium ita faciatis, quò pietatem vestram Deo in dies magis magisq; approbetis. Vel si hæc cum proximis tantum connecti censeas; postquam vobis Domini Iesu auxilium ad pietatem colendam necessarium sum precatus, minimè dubitans id vobis præstitum iri; nil jam restat aliud, quàm ut vos ipsos quoque rogem ac moneam, ut vos quoque quod vestrarum est partium sedulo faciatis, neu officio vestro ullatenus desitis, sed divine opi, conatu ac contentione virium subserviat. Hortatur autem eos tum in genere, ut in ea, quam ipsis non obscure tribuit integritate vitæ proficiant, tum in specie ad certas quasdam pietatis partes. Ut verò id, quod intendit, tanto facilius effectum reddat, Rogamus ait, vos, & hortamur. Demissionem amanti, cum auctoritate precipientis jungit. Rogare enim est demittentis sese, & blanditiū quodammodo quod vult obtinere cupientis. Hortari autem, auctoritatem quandam usurpantis. Rogamus igitur, inquit, tanquam ii, qui vobis optime cupimus, & ingentem inde lætitiā capimus, cum vos nostrâ operâ ad Evangelicam veritatem perducti officium facitis. Hortamur autem tanquam ii, qui jus vos monendi, vobisq; præcipiendi habemus, idq; in Domino Iesu,

Varia pietatis officia
parre prima
præscripturus.

Rogat.

Et hortatur nomine
Domini Iesu.

Ieſu, id eſt, auctoritate & nomine Domini Ieſu. vel quod ad doctrinam & religionem Domini Ieſu at-
 rinet. quemadmodum recepiftis. Trajectio qua-
 dam eſt, quia vocula ut, quæ præcedere debebat, in
 fine verſiculi ſequitur. Senſum haud malè expreſſit
 vetus interpres: ut quemadmodum accepiftis à
 nobis, quomodo oporteat vos ambulare, &
 placere Deo, ſicut & ambulatis, ut abundetis
 magis. Vult videlicet ut in pietate, quam illis ſupe-
 rius ex parte tribui vidimus, cùm laborem charita-
 tis illis adſcribit, cap: 1. ver. 3. majores indies pro-
 ſectus faciant. Ait verò, quemadmodum accepi-
 ſtis à nobis. i. e. quemadmodum à nobis didiciſtis,
 & ex ore noſtro hauſiſtis. Accipere traditionis cor-
 relatum eſt. Meſuram illorum vitæ & morum, vult
 eſſe ſuam doctrinam, non illorum opinionem. quo-
 modo oporteat vos ambulare. i. e. quomodo de-
 beat vitam inſtituere, Hebraiſmus notus eſt. et pla-
 cere Deo: inſtituere, inquam, ita, ut Dei favorem
 vobis conciliare, & in illius gratiam vos inſinuare
 poſſitis. Finis actionum vitæ noſtræ eſt, ut placeamus
 Deo: quo verò pacto id conſequi poſſimus, ex iis, quæ
 nobis Apoſtoli tradiderunt, diſcimus. ut abundetis
 magis. i. e. ut non modò de priſtino pietatis ſtudio
 nihil remittatis, ſed etiam enitamini, ut in pietate
 quotidie creſcatis, & longè cumulatiùs id, quod huc-
 uque feciſtis præſtetis.

v. 2. Scitis enim. confirmat id, quod dixerat.
 accepiffe illos à ſe quomodo oporteat ambu-

Primò in
 genere ne
 nimirum
 ſervent,
 quæ ab ipſo
 didicerant.

Accipere
 traditionis
 correlatum.

Finis actio-
 num noſtra-
 rum quis, &
 quomodo
 conſequen-
 dus.

lare, eosq; ipsos testes quodammodo appellat; simul autem ostendit non posse eos ignorantiam hinc aliquam pretendere; siquidem ipsi probè sciant, quænam præcepta ipsis fuerint data, quibus virtutis ac pietatis officia continerentur. quæ præcepta dederimus vobis. i. e. quænam vobis præscripserimus & injunxerimus. Per Dominum Iesum. i. e. auctoritate non nostra propria, sed Domini Iesu, cuius servi sumus, cuiusque nomine legationem istam obimus. Sic eadem verba sumuntur 2. Theſal: 3. 12.

Voluntas
pro objecto
voluntatis.

Vocis ἀγι-
ασμῶν,
significatio
latior.

v. 3. Hæc enim est voluntas Dei. i. e. Id enim vult, & exigit à vobis Deus. Voluntas pro objecto voluntatis. Vocula γὰρ, servit declarationi. Declarat enim Apostolus, quænam sint illa præcepta, quæ Theſſalonicensibus dederit, ac porro quomodo eos ambulare seu vivere oportere docuerit. Declarat autem id primò generaliter, si vocem ἀγιασμῶν sanctificationis, ita latè sumamus, ut omnem virtutum complexum suo ambitu coercet, eam vite puritatem significans, ut ab omni peccati labe puri & immunes simus. Quo pacto ea, quæ sequuntur, species erunt hujus sanctificationis; quasi dicat; Non aliud, (ut breviter quæ jam ante dixi, repetam) à vobis exigit Deus: nec ulla alia, quæ in ipsius gratiam irrepere queat, est via, quàm ut vosmetipsos integros & illibatos ab omni vitiorum impuritate conservetis, vitamq; coram Deo in sanctitate traducatis, cuius inter alia hæc etiam sunt partes, ut scortationem & injuriam fugiatis, in fraterna verò chari-
tate

rate indies proficiatis, & ab ambitione ac rerum alienarum cura alieni; laboribus quiete incumbatis. Hac enim quatuor sunt illa specialia; ad quæ illos in sequentibus hortatur Apostolus. Quod si voce sanctitatis, sola tantum castitas intelligatur, ut alii volunt, & inferius hac eadem vox repetita postulare videtur, dicendum erit Apostolum rectè ad enumerationem specialium officiorum, declarandæ tantum generalis hortationis causâ descendere; quo sensu verba sequentia abstinere vos à fornicatione. explicatio erunt ejus, quod sanctitatis nomine appellaverat. Sed prior sententia longè verisimilior est. Cùm enim nomine voluntatis Dei significet Apostolus quicquid Deus à nobis postulat fieriq; vult, non est verisimile, Apostolum dicere voluntatem Dei esse solam castitatem. Porrò quòd ad proximè sequentia verba attinet; fornicatio adeò latè hoc loco extenditur, ut adulterium & impuritatem ac omnem lasciviam, animumq; adeò impudicum complectatur: omnia enim ista sanctitati adversantur, & hominem cæno pejus inquinant. Et hoc est primum è specialibus, ad quæ hortatur Theſſalonicenses, pietatis officii. Quod primo loco posuit, tum quia ipsius contrarium res per se est longè turpissima, & sanctitati, quæ in puritate consistit, maximè adversa, atque inimica: tum quia illud vitium adeò fuit illo seculo inter gentes vulgare, ut ne in vitiorum quidem censu poneretur, & à Christianorum vulgo, ut ex Actibus Apostolicis, & Epistola ad Cor: priori patet, inter adiphora censeretur.

Strictior.

Deinde in specie.

i. ut fugiant fornicationem.

Cujus hoc loco significatio latissima.

Cur eam primo loco posuit.

Vide Act. cap. 14. 1. Cor. c. 6.

v. 4. Scire unumquemq; Declarat manifestè quid sibi illo præcepto velit, & quò usq; pomeria illius extendat. Suum ipsius vas possidere in sanctificatione & honore. i. e. cum sanctificatione seu castitate; quasi dicat: ut unusquisq; corpus suum, quo tanquam instrumento quodam animus noster, seu manus nos ipsi utimur, conservet purum, ne quicquam eo designet quo se polluat, atq; ita & se ipsum, corpusq; adeò suum dehonestet, & ignominie maculam ei aspergat. Nam cum totum hoc voluptatum genus aliquid impuri trahat, tum verò si extra limites conjugii imbecillitati humane concessos libido evagetur, non tantum per se turpis est, adeoq; hominem coram Deo conspurcat, sed & dedecore atq; ignominia peculiari afficit. Unde honor hoc loco cum castitate conjungitur, & scortationi opponitur, & Rom: 1. v. 24. & 26, dicuntur homines ignominia affecisse corpora sua impuritate: & cupiditates impure appellantur *πᾶθη ἀτιμίαις*, affectus seu cupiditates ignominiosæ. Huc facit & illud Heb: 13. 4. Vas pro instrumento sumi familiare est sacris scriptoribus. Vide Gen: 27. v. 3. & cap: 49. v. 5. Iudic: 18. 11. 2. Paralip: 23, 7. Esaiæ 13. 5. Psalm: 7. 14. Sed locus 1. Sam: 21. 5. huic nostro simillimus est: nam & ibi vas pro corpore sumi videtur: quanquam & strictius sumere possis, pro iis, quæ generationi destinata honestè hoc nomine designantur. Iam vox Scire practicam hinc scientiam notat, quasi dicat, ut quisq; summo studio corpus suum servet, castum atq; ab omni libidine illibatum.

Est verò o-
mnium vo-
luptatum
fœdissima.

Vas pro
instrumento
30.

v. 5. Non in passione desiderii. *μη ἐν πᾶθει ἐπιθυμίας*, non in affectu cupiditatis. i. e. affectu, qui est cupiditas. Genitivus speciei. Cupiditatis autem voce eam, quæ voluptatis impuræ est incentiva, intelligit. In, posuit pro Cum, ut versiculo precedente, in sanctificatione & honore. Porro videntur hæc verba regi à superioribus, & à contrario illustrari, quid sit vas possidere in sanctitate & honore, id videlicet, ut alienissimi simus ab illo belluino affectu, quo homines cæco impetu in venerem rapiuntur, & licet à flagitio ipso, ob occasionis aut facultatis defectum, aliave impedimenta temperant, ipsam tamen cupiditatem animo fovent, & illa semet titillant ac oblectant. Sicut & gentes, quæ ignorant Deum i. e. quod faciunt gentes, quibus non affulsit veri Dei notitia. Id inquam est gentium quodammodo proprium, qui vera Dei cognitione destituuntur, quem quia vos nostis, ejusque voluntas nobis docentibus probè vobis cognita & explorata est, idè dissimiles illorum hac in parte esse debetis. Dissimilitudo status ac conditionis, dissimilia quoque facta ac mores postulat. Vocula *ἔτι* abundat, ut aliàs sæpè. Satis enim erat dicere, Sicut gentes.

v. 6. Non opprimere & circumvenire, Coniunguntur hæc cum illis, abstinere, v. 3. scire, v. 4; per asyndeton, ita ut pendeant, una cum illis, ex verbis v. 3. Hæc enim est voluntas Dei sanctificatio vestra, & ad sanctificationem illam explicandam spectent. Est enim hic alterum è speciali-

E 5

bus offi-

Vas possi-
dere in sã-
ctitate &
honore
quid?

Vocula
ἔτι abun-
dat.

2. Ne in cõ-
tractibus
quenquam
defrauden-

bus officii, quo ab injuria alteri & praesertim fratri, inferenda arcemur: ὑπερβαίνειν proprie supergredi significat. Cùm enim omne jus commutativum in aequalitate consistat, requiratq; ut tantundem reddat alter quantum accepit, & contra; qui in contractu, quem cùm aliquo habet, ut emptione, venditione, societate negotiatoria, plus de lucro sibi sumit quàm alter, seu illi tribuit, ut Aristoteles ait, minùs, sibi autem plùs sumit, illum velut superare & supergredi videtur, & eum πλεονεκτείν seu defraudare dicitur, in negotio puta συναλλακτικῶ seu contractu. Nam quod alii πράγματ' & voce fornicationem intelligi putant, & πλεονεξίαν thori interpretantur, ut sit sermo de adulterio; id nec vox πράγματ' &, nec verbum πλεονεκτείν ferre videtur. Quod enim illi locum adserunt Eph. 4. v. 19. ubi vocem πλεονεξίας hoc significatu usurpaverit Apostolus, id nullo negotio refelli potest. Nihil enim vetat ibi Apostolum vocem πλεονεξίας proprie usurpasse, & impuritati conjunxisse, tanquam vitium aequè latè atq; illud inter Ethnicos patens, & illis aequè atq; illud usitatum ac familiare. Id quod etiam alibi eum fecisse, hanc proculdubio ob causam, quam modo diximus, deprehendere licet. Vid. Rom: 1. 29. si vide Bezā. vox πονηρία, ut nonnullis placet, supposititia est: & 1. Cor: 6. v. 9. & 10. Inprimis autem Ephes: 5. v. 5. & Col: 3. v. 5: quibus in locis etiam ratio eadem planè quæ hic adjicitur. De argumento quo illi ad sententiam

riam

riam suam adſtruendam ut antur, ex voce ἀναβαρ-
 σίας & ἀγίασμός petito, mox dicitur. Fratrem
 suum non quod liceat extraneum circumvenire, sed
 quia maximè dedecet, ita cum eo agere, qui ob com-
 munem ex Deo nativitatē archissimo fraternita-
 tū vinculo tecum sit devinctus. Est enim justitia soci-
 etatis, & conjunctionis vinculum ac custos, tantoq;
 accuratior ejus habenda est ratio, quanto major est
 societas, & conjunctio arctior. At cum quo arctior
 societatis nexus esse potest, atq; cum eo, qui uno tecum
 gaudeat patre? Vide 1. Cor. 6. 8. Quoniam vindex
 Dominus de omnibus his. i. e. Hæc vero vitia i-
 deo detestari, & ab iis abstinere debetū, quia Domi-
 nus Iesus severè animadversurus est, vel animadver-
 tere solet in eos, quicumq; his sceleribus sese contami-
 naverint, mandatūq; ipsius hū in rebus spreverint.
 Ratio sumpta ab effectu admodum damnoſo, pena
 videlicet gravi irroganda iis, qui virtutum superio-
 rum septa transilire fuerint ausi. Est verò ista ratio,
 non posterioris tantum hujus officii, licet ei proximè
 annexa est, sed etiam prioris. Id quod & ex plurali
 numero, cum ait de omnibus his, conspicitur, &
 maximè ex versiculo 7. cujus verba prima fronte ad
 prius tantum respicere videntur. Vnde etiam occasi-
 onem sumserunt nonnulli, ad unum genus officii re-
 ferendi omnia, quæ hucusq; disseruit Apostolus. Vo-
 cula πρῶτον servit objecto. Vindex est de omnibus
 his. i. e. omnia ista flagitia ulciscitur. Sicut &
 prædiximus vobis. i. e. Id quod non nunc demum

Inprimis
 autem fra-
 trem.

Iustitia so-
 cietatis
 vinculum.

Ratio mo-
 nitorum
 pœna gra-
 vis in trans-
 gressores.

vobis indicavimus, ne quis forte ignorantiam prætere audeat, aut etiam sibi non esse dictum à nobis queratur; sed initio statim id prædiximus vobis, imò & testificati sumus. i. e. vel obtestati, Deo quasi teste advocato, vel simpliciter contestati sumus, id est, identidem ingeminavimus, repetimus, ursumus, adeo ut vosmet ipsi testes locupletissimi sermonum nostrorum esse possitis. Faciunt hæc non tantum tollendæ illi objectioni, quam insinuavimus, sed etiam necessitati horum monitorum ostendendæ; ut videlicet tantopere ea inculcari videntes, non parum, sed plurimum in iis esse situm crederent.

Quod liquet & ex vocationis nostræ natura.

v. 7. Non enim vocavit nos Deus, vel causam hic reddit Apostolus, cur tam diligenter ea jam antea inculcaverit, & porro etiam cur à Thesalonicensibus monita hæc tam sedulo sint observanda, & peccata de quibus hucusq; actum tam studiose cavenda, vel futurum vindicem Dominum, ut versiculo precedenti asseruerat, probat ex natura vocationis nostræ, quasi dicat: Non enim ea lege & conditione vocati sumus à Deo, ut impuritatem exerceremus, sed ut ab omnibus vitiorum inquinamentis puri simus. ἀκαθάρτοις vox persæpè iis tantum ab Apostolo tribuitur, que circa voluptates venereas versantur; latius tamen patere & ad ipsam avaritiam extendi posse, vel ex secundo hujus Epistolæ capite v. 3. liquet. Sed in sanctificatione. i. e. in sanctificationem, seu ea conditione ut sanctificationem sectaremur, id est, vitæ puritatem & innocentiam. Sic

ἀκαθάρ-
τῶν. quam
late sumat-
ur.

eadem

eadem vox sumitur Hebr. 12. 17. Quarè & ex his vocibus, quæ natura sua latiùs porriguntur, frustra præceptum v. 6, ad libidinem vagam, & inordinatam torquetur. De Particula ἐπι diximus Galat. 5. 23, significat hoc loco finem & ponitur pro eis, vel, quod si rem spectes, eodem recidit, conditionem qua vocati sumus. ἐπι pro eis.

v. 8. Itaq; hoc rejiciens. Novam quandam ex precedentib. rationem elicit, quâ Thessalonicenses à vitiiis antea memoratis abducere conatur, cum quadam prolepsî. Quia enim nimis communia & trita erant inter Ethnicos hæc duo vitia, à quibus hic dehortatur Thessalonicenses; ideò ne cogitarent, non adeò magnum periculum esse, si monita hæc negligantur, pondus illis addit, & ostendit, quàm graviter illi peccent, qui præcepta hæc contemnant, & iis suisq; deq; habitis, peccata illa designent, à quibus eos esset dehortatus. Rationem autem petit ex huiusmodi contemptus effectu quodam, ejusq; vero ac precipuo, seu majoris ultimo objecto, in quod contumelia hæc redundet. Deducit verò ipsam ex iis verbis, quibus asseruerat, hæc eos conditione esse vocatos, nempe à Deo, ut omni impuritate abdicata, sanctè viverent; quasi dicat: Talis igitur cum sit vocatio vestra, seu, cum tali sitis conditione à Deo ipso per nos vocati; nemo vestrum cogitare audeat, hæc mandata, tanquam à me, hoc est ab homine profecta, violari posse. Sed sciat, quòd quicumq; illa rejicit, & spernit, libidinibus & injuriæ aliis inferendæ fibulam la-

Et quia peccata ista Deum ipsū feriunt.

xans, non hominem rejicit, i. e. non me tantum ille qui homo sum rejicit, & spernit, nec in me tantum delinquit, ut scilicet in me, tanquam precipuo ultimove objecto terminetur istud peccatum: sed Deum. i. e. sed porrigitur ulterius, & ascendit istud delictum altiùs, ipsumq; adeò Deum ferit, in eum omnis illa redundat contumelia: ut jam nullam amplius causam dubitandi de eo habeatis, quòd Dominum ultorem horum futurum asserui; & dantem Spiritum suum sanctum in vobis. i. e. cujus rei documentum, capere potestis ex eo, quod in nos effudit spiritum suum sanctum, quo inspirante, impellente, dictante, hæc præcepta vobis tradidimus, atq; etiamnum tradimus, & mentem divinam aperimus. Rationem consequentiæ, cur videlicet qui Apostolica præcepta spernit, Deum ipsum spernat, adducit à causa præceptorum Apostolicorum efficiente, Spiritus S. in illorum pectoribus inhabitante, qui manifestissimis sese in iis exerebat indicis ac documentis, ita ut dubitare non possent Thessalonicenses, quæ Apostolus assereret, ejus impulsu dicere. Quanquam nihil prohibet, hoc argumentum ita accipere, ut non tam à causa efficiente præceptorum Apostolicorum ductum censeatur, quàm ab effectu Dei, Apostolorum autem adjuncto, ex quo apparet, Apostolos Dei ipsius legatos esse, & non suo, sed Dei nomine loqui ac præcipere, quicquid præcipiant. Spiritus enim Sanctus in illis habitans, & in iis sese manifestissimè exserens, erat apertum muneris atq; authoritatis ipso-

Cur, qui A-
postolica
præcepta
spernit, De-
um spernat.

vum ſigillum, ac veluti nota illi à Deo impreſſa, ex qua conſtaret eos eſſe viros divinos, Deive legatos. Alii legunt, dantem Spiritum S. in vobis, ſenſu ejusmodi; Id verò vel ex ipſa collatione in vos Spiritus S. animadvertere poteſtis: qui cùm in confirmati- onem doctrine, vobis à nobis prædicata, datus ſit; in- de liquidum eſt, noſtra præcepta non noſtra eſſe, ſed illius potiùs, qui ea ſpiritu ſuo confirmavit, ac proin- de contemptum eorum, in ipſum ultimò ac præcipuè redundare.

v. 9. De charitate autem fraternitatis. i. e. de eo autem ut fratres, qui ſunt ejusdem vobiscum re- ligioni, ac cœleſtis vocationis conſortes, ameti. Ter- tium è ſpecialibus præceptum, de charitate erga fra- tres, quod per quandam præteritionem tractat Apo- ſtolus, ut non tam ad eam nunc demum amplecten- dam hortetur, quàm laudem ejus ipſis prolixè tribu- ens, ad progressus in ea faciendos, blandè invitet. non opus habetis ſcribere vobis. i. e. non eſt ne- ceſſe ut vobis ſcribam, tanquam admonitionis hac in parte egentibus. Verba hæc ita laudem hujus virtu- tis tribuere videntur Theſſalonicenſibus, ut non ob- ſcurè indicent in cæteris, quas illis hucusq; commen- davit, virtutibus plus illis deeſſe, quia nimirum, ut dictum eſt, vitia illis contraria tunc fuerunt omni- um Gentilium morbi quidam Epidemici. Ipſi enim vos à Deo docti eſtis. Rationem ſuperioris verſi- tuli aſſert, à cauſis per diſſentanea elati; quaſi dicat; jam antè enim Deus effecit, ut virtutem hanc

ut in cha-
ritate erga
fratres pro-
ficiant in
dieſ.

Cujus lau-
dem ita il-
lis tribuit,
ut velut à
Deo docti
eam vide-
antur.

diſce-

disceretur, & eam vobis omnino colendam esse probe agnosceretur. Deus operam hanc in parte meam avertit, eo veluti magistro estis usi, ut mei monitis jam amplius indigere non videamini. Non est autem credibile, ita eos à Deo edoctos fuisse, ut nulla à Paulo apud eos versante præcepta de charitate in fratres exercenda acciperent. Quis enim res tam necessaria, tam eximia, quam Christianæ religionis animam non immerito dixeris, reticere à tanto hujus religionis magistro potuit? sed intelligendum est, non opus fuisse ut multa hac de re Paulus diceret, eosque ad hanc virtutem vehementius incitaret; quia nimirum ob rectum, quo erant præditi, iudicium & insignem animi probitatem, ipsi facile animadvertent, omnino convenire, ut qui tam sanctam Christi doctrinam essent amplexi, & ad eandem in cælis felicitatem à Deo vocati, ac viam ad eam tendentem unâ ingressi, se mutuo amarent & quibus possent officium prosequerentur. Et hoc esse videtur quod Θεοδιδάκτοις appellat. Θεοδιδάκτοι enim illi recte dicuntur, qui animo sunt ita probo, atque ad virtutem propenso, ut vel nemine prorsus, vel prope nemine hominum monente, quid sui sit officii videant, velut Deo ipso interius eos erudiente, & occulta quadam vi id illis persuadente. Facit hoc ad intelligendum illud Christi, Et erunt omnes docibiles Dei. Simulac enim Christus adveniens voluntatem divinam hominibus revelare cepit, ii qui essent animo improbo, ab eo velut à petra scandali & scopulo ali-

Θεοδιδάκτοι
 x̄tōi qui.

Ioh. 6. 45.

quo reſilierunt, illi verò qui probo eſſent animo, ſine ulla cunctatione ipſam ſunt amplexi, ut quaſi ab ipſo Deo, & occulta quadam vi, propter animi ſui probitatem eſſent tracti: Hanc ergo animi probitatem, quod ad charitatem attinet, Theſſalonicenſibus tribuit hic Apoſtolus, ita illos ad eam propenſos fuiſſe indicans, ut velut ab ipſo Deo eam didiciſſe viderentur.

v. 10. Etenim facitis illud. Ipſos Θεοδιδάκτων eſſe probat ab effectu, ea videlicet charitate, quam re ipſa exhiberent omnibus fratribus in Macedonia exiſtentibus, illis nimirum omnibus, cum quibus, ob locorum vicinitatem, commercium aliquod habere ſolerent. Siquidem ipſi in Macedoniae metropoli vivebant. rogamus autem vos fratres abundare magis. i. e. Hoc tamen interim non tam monemus, quam incitatam in id ſpontè voluntatem veſtram videntes, pro eo, quo vos proſequimur, amore vos obſecramus, ut in eo ipſo, quod benefacitum, indies progredi, & vos ipſos ſuperare velitis. Correctio quaedam eſt, qua calcas currentibus addit.

v. 11. Et contendere. Quartum eſt ſpecialibus præceptum, ad quietæ vitæ ſtudio, cujus aſſequenda medium oſtendit, curioſitatis & otii fugam. Hæc enim duo plurimum quietem noſtram turbare ſolent, multumque nos curis ac difficultatibus implicare, ſi aut in aliena inquiramus, rebus ve ad nos non pertinentibus nos ingeramus, aut rerum ad victum neceſſariarum inopiâ laboremus. Et contendere qui-

4. Ut quietæ vitæ ſtudiant.

erè agere. i. e. studiosè curetis, & in id sedulò incumbatis, ut dum alii seq̄, spesq̄, suas ambitione donant, vos vitam quietam & tranquillam agatis. à turba, à litibus negotiūq̄, forensibus, quoad ejus fieri potest, recedentes, & velut intra vosmetipfos secedentes. Hoc vos ambiatis, huc curam ac laborem vestrum convertatis, quasi hic honorum vestrorum summa esset sita. Ad ambitiosorum enim et gloriam consequentium studia, & prensationes, allusisse Apostolum, indicare videtur vox φιλοφρονείας, que propriè significat honoris consequendi gratiã eniti: ut tacita quedam sit inter ambitionem aliorum, turbis ac negotiis, à quibus abesse possent, ultrò se ingerentium, & studium Thessalonicensium in quiete sedanda, comparatio simul quedam & contentio. Quanquam & aliàs hac voce utitur Apostolus, pro sedulò eniti & studiosè elaborare. Rom. 15. 20. et agere propria. i. e. ut vestrum negotium curetis, alieni rebus vos minimè immiscentes, nevé alienorum curiosi scrutatores sitis. Hac enim vitæ quietem, ut diximus, turbant, & varias nobis curas conciunt. Et hoc est unum ex mediis ad vitam quietam ducentibus. Alterum est, et operari propriis manibus vestris: quod etiam ab ipsa πολυπραγμοσύνη, avocat, ut ex illo Terentiano sene apparet, cum ait: Tantum né est abs re tua otii tibi, aliena ut cures, eaq̄; nihil quæ ad te attinent? Vult ergo Apostolus, ut manibus ipsi suis victum sibi acquirant, præsertim ii, quos res angusta domi premeret, ne otio, &

Que paratur fuga curiositatis.

Re otii.

tio & torpore marceri, alii negotium faceſſant, in illorum res, ut ſere ſolent deſides, inquirendo, aut ad extraneorum opem conſugere neceſſe habeant, ut in ſequentibus dicitur. Idem præceptum copioſius tractatur. 2. Epist. cap: 3. ver. 10. 11, 12. Ex quo loco cauſa ejus tradendi apparet. Dicit enim ibi Apoſtolus, audire ſe, eſſe inter ipſos nonnullos otioſos, rebus inanibus occupatos, quam famam apparet iam tum quoque ad Apoſtoli aures perveniſſe. Quare eos monet, ut labori incumbant honeſto, nec alii ſint moleſti, victum videlicet ab illis emendicando, quem propriâ indiſtriâ optimè poſſent ſibi comparare. ſicut vobis præcepimus. i. e. quemadmodum etiam antea cum apud vos eſſemus, vos monuimus, ac vobis injunximus. Dum antehac ſe dicit præcepiſſe Apoſtolus, tum ne ignorantiam qui prætexere audeat, occurrit; tum verò neceſſitatem præceptorum indicat; ut qui non videatur fuiſſe res exigui momenti tam ſerid, idq; ſapiùs inculcaturus.

v. 12. Ut ambuletis honeſtè ad eos qui foris ſunt. Præceptum ſuum comprobat, à fine, ſeu potius effectu. Sensus eſt: ut vitam tranſigatis decenter, & cum quadam veluti dignitate, ratione inprimis habita extraneorum, ſeu à doctrina Evangelica & Eccleſia alienorum; ne nimirum illi vos meripſos contemnendos quodammodo ac vilipendendos propinètis, ſi ad illorum opem conſugere cogamini. Huc enim Apoſtolum propriè reſpicere, oſtendunt ſequentia: Quanquam alias, & ratio ipſa, & verba ita ſunt

Deſides enim curioſi.

Ratio præcepti à fine ne ad extraneorum opem ob inoptam conſugere cogati, illorum ſe contemptui & inſultationi exponant.

comparata, ut latius extendi queant, & nominatim ad ea, quæ proximè antecesserunt, de vitanda πολυπραγμοσύνη, & rerum alienarum cura; quasi dicat Apostolus: ut ita vos geratis, ut homines à fide alieni cernentes vos nec ambitionis vento agitari, & ab alienarum rerum cura alienos vestrum negotium curare, & propriis manibus victum vobis acquirere, nec aliene opis indigere, vos & admirentur, & nullam occasionem vos vilipendendi, aut vobis detrahendi habeant. Sed prius, ut diximus, Apostoli menti magis est consentaneum. Sequitur enim explicandi quodammodo gratiâ: et nullo opus habeatis. Vox nullo, ad homines extraneos videtur hoc loco propriè pertinere; quasi dicat: ita nimirum, ut nullius extranei ope indigeatis, nec ad eorum auxilium, vitæ sustentandæ causâ, confugere cogamini, qua in re consistit τὸ ἔνχρημον seu honestum illud, de quo modò dixi, eavé nititur. Etenim qui ad alienam opem confugit egestate adactus, ù ei se submittit, & occasionem illi præbet se contemnendi, & sibi insultandi, atque exprobandi, hominibus præsertim impotentis animi, & alienis à Christi religione, quòd sine ipsorum ope vivere non possit. Quodsi ob ignaviam etiâ Christianorum id accidat, causa illis præbetur tantò major, ut ipsis in probrum id vertant.

Altera pars capituli, doctrinam de resurrectione adeoq; summa felicitate piorum continens,

v. 13. Non volumus autem vos ignorare. Altera capituli pars, in qua doctrinam de piorum resurrectione, de qua non satis fuerant Thessalonicenses instructi, proponit, collocans illam in medio præceptorum

ptorum ad pietatem ducentium, quia illa sit velut fundamentum, cui pietas nostra innitatur, & nihil nos ad eam potentiùs incitare possit, atque vite future spes. Ad hunc autem locum doctrinam illam potissimùm videtur reservâsse, quia traditurus adhuc erat præceptum de sobrietate ac vigilantia, quæ virtutum omnium Christianarum veluti custos est. Hujus verò fundamentum quoddam est spes, & expectatio adventus Christi, mortuos resuscitaturi, & unà cum illis etiam superstites pios ad se collecturi, atque in cælum delaturi, cujus adventus tempus ignotum esse velit. Quare Apostolus ignorantiam Thessalonicensium circa resurrectionem mortuorum erudiens, rem totam illis breviter explicat, & effectus adventus Christi hoc capite expositis, initio sequentis capituli de tempore illius nonnihil addit, hoc est, id nobis ignotum esse asserit, & hac ratione præceptum de sobrietate ac vigilantia subjicit huic fundamento superstructum, atque ita ad interruptum præceptorum cursum revertitur. Reliquo igitur hoc capite Thessalonicenses de resurrectione meliùs instructurus, initio rem, de qua sit acturus, proponit: deinde eam explicat simul & comprobat: tum tacite illorum cogitationi occurrens, totam rationem, quâ omnes pii olim, sive mortui, sive vivi, sint ad supremam felicitatem perducendi, uberiùs declarat. Tandem finem hujus doctrine in ipsa propositione positum i. Eam tractaturus, initio rem proponit.

Cur hoc loco
contradatur.

choat verbis sibi usitatis, cum de re locuturus est, illis ad quos

Quodd sit de
his acturus,
qui sunt in
Domino
mortui.

2. Finis hu-
jus tracta-
tionis ne a-
nimo con-
tristentur.

Ut gentiles
qui sunt
sine spe.

ad quos scribit scitu vel necessaria, vel saltem utili,
ut 1. Cor. 10. 1. & 12. 1. 2. Cor. 1. 8. De his qui ob-
dormierunt. i. e. Nolo autem vos in ignorantia
versari eorum, quæ pertinent ad statum ac conditio-
nem eorum, qui fide Domino Iesu ad extremum vite
halitum servatâ mortui sunt. Ii enim in sacris litte-
ris Novi fœderis obdormivisse dicuntur, qui mortui
sunt in Domino: Metaphora pleniori, quia non secus
è morte, atque è somno in vitam revocabuntur. Etsi
enim in Veteris Fœderis scriptis, impiis quoque mori-
entibus idem verbum tribuitur, id tamen fit tan-
tum propter ἐν φημίαν, metaphora diluitori. ut nō
contristemini. i. e. ne ita ob eorum obitum animo
afficiamini, itaq; eos lugeatis, tanquam actum de il-
lis esset. Gravius enim mortem hominis chari eum
ferre necesse est, qui eum periisse iam existimat,
quàm qui scit, eum haudquaquam periisse, sed cer-
tam melioris vite spem ei superesse. Quanquam &
suâ causâ tritari poterant Thesalonicenses, ne &
ipsi morte abrepti perirent. Qui enim pios mortuos
periisse putat, de seipso, præsertim cum mortem sibi
imminere videt, non potest non esse sollicitus. ut &
reliqui. scilicet gentiles, qui spem non habent.
sibi videlicet à Deo factam, ut Tit. 3. 7. cui scilicet
tutò innitantur. Causam finalem in his verbis, ut
non contristemini, assert, qua ad doctrinam hanc
de resurrectione tractanda fuerit invitatus. Verifi-
mile autem est, Thesalonicenses, cum audirent, Chri-
stianos in adventu Domini Iesu premia reportatu-

ros, ſæpiusq; illi inculcarentur, perpetuò eos ad ad-
ventum illum paratos eſſe debere; id ipsis adhuc ſu-
perſtitibus futurum animo præſumpſiſſe: quod etiam
nonnullos iis perſvadere conatos, ex ſecunda Episto-
la conſtat. Vnde cum interim viderent, alios Chri-
ſtianos, & ſibi forte ſanguine junctos, mori; & pro-
pter illos mœrore conſciebantur, inſelices eos eſſe
exiſtimantes, quia unà cum cæteriſ mortalibus peri-
ſſent: & ſibiipſis proculdubio metuebant, ac pro-
pterea in ſummo animi angore & cruciatu erant,
ne eos ante adventum Domini mors occuparet.

v. 14. Si enim credimus. Rem ipſam explicat,
& argumento à reſurrectione Chriſti ſumpto futu-
ram eorum, qui obdormierant, reſurrectionem pro-
bat. Argumentum ex loco parium ductum eſt. Vult
quippe dicere: Si Chriſtus, cum eſet mortuus, reſur-
rexit, it etiam, qui membra ipſius ſunt, licet morian-
tur, reſurgent. Atqui prius verum, ergo & poſterius.
Porro oratio Apoſtoli verbis ἀνὰ τὸ αὐτὸν ἔſt eſt. Ra-
tio enim connexionis aliud requirere videbatur con-
ſequens, ex iſto Apoſtoli antecedente aptum. Ita
nempe videtur concludere debuiſſe: Si credimus, quòd
Ieſus mortuus eſt, & reſurrexit; etiam credere de-
bemus, quòd Deus eos, qui dormiunt, per Ieſum ad-
ducat cum eo. At conſequens ab Apoſtolo expreſſum,
ſic & eos qui obdormierunt per Ieſum, ducet
cum eo, huiusmodi revera requirebat antecedens;
quemadmodum Ieſus mortuus eſt & reſurrexit: Non
autem iſtud quod hic ponitur: Si credimus, quòd

3. Reſurre-
ctionis no-
ſtra certi-
tudo ex re-
ſurrectione
Chriſti.

Iesus mortuus est & resurrexit. Sed nimirum concisâ hac loquendi ratione voluit simul & antecedentis ipsius, in quo tota vis argumenti sita est, manifestam apud ipsos veritatem exprimere, & consequentiae simul rationem ostendere. Ac illud quidem voce credimus, hoc verò vocula & sic, sic, quae similitudinis ac paritatis inter nostram & Domini resurrectionem nota est, praestitit: ita ut in hac enunciatione Paulina tacite includantur rationis subsidia, seu antecedentis & consequentiae probatio. quasi dicat: Si enim verum est, quod Christus, cum esset mortuus, resurrexit. ut sane verum esse omnes, qui Christi nomen profitentur, vosq; unâ nobiscum certissimis argumentis convicti creditis; etiam illud verum est, quod Christiani, etiamsi moriantur, resurgant: Si quidem par est huius & illius ratio, itaq; sunt haec inter se connexa, ut illud verum esse non possit, nisi etiam hoc sit. In antecedente autem istius propositionis hoc amplius est observandum, in vocibus mortuus est & resurrexit, esse *Ev d'ia d'vo*, pro, cum esset mortuus resurrexit: quae loquendi ratio frequens est sacris scriptoribus. Neque enim Apostolus duo voluit resurrectionis nostrae argumenta adferre, mortem Christi, & ipsius resurrectionem: sed resurrectionem tantum, morte tanquam necessario antecedente illustratam. In consequente verò causa resurrectionis efficiens, quam non expresserat in antecedente, nominatur; nempe Deus. Vocibus verò qui obdormierunt per Iesum, descriptio Christiano-

rum continetur, & voce Iesu, Metonymicè doctrina seu religio ab ipſo tradita intelligitur. quaſi dicat: qui obdormierunt in religione Chriſtiana; ut idem ſit per Ieſum, & in Ieſu, ſeu cum Ieſu, ejusvè religione. Nam per pro cum uſurpari, frequens eſt. Vide Rom: 2. 27: 4, 11: 14. 20: 2. Cor: 3, 11. Quemadmodum autem Chriſti nomen pro ejus religione non raro ſumitur, ita & nomen Ieſu nonnunquam. Vide Ephes: 4. 21. ducet cum eo. i. e. quemadmodum illum reduxit, puta ex mortuis, ita reducet & ipſos. Hac enim eſt vñ hujus loquendi rationis, cum eo, ut oſtenditur alibi. Vide inter alia Rom: 8. 32. Videtur autem vox ſimplex $\alpha\chi\epsilon\iota$ poſita pro $\alpha\chi\epsilon\iota$, qua voce in eadem materia utitur alibi ſcriptura. ut Hebr: 12. 20. Rom: 10. 3. Niſi quò malit poſitum pro $\pi\rho\sigma\alpha\chi\epsilon\iota$, aut $\sigma\upsilon\nu\alpha\chi\epsilon\iota$, qua ratione ſenſus eſet: Deum eos, qui in Chriſto obdormierunt, ſimul cum Chriſto ipſo ad ſe adducturum, vel congregaturum. ſed prior ſententia veriſimilior eſt.

v. 15. Hoc enim vobis dicimus in verbo Domini. i. e. Hoc enim vobis aſſevero & confirmo, non meis, quæ forte in dubium vocare quiſpiam auderet, ſed ipſius Domini Ieſu verbis, tanquam ſi ex ore ipſius Chriſti id audiretù, ego enim id ab ipſo audivi. Vocula in redundat: Descendit ad uberiorem totius hujus myſterii explicationem, & primò quidem dictis ſuis autoritatem verbis jam explicatis conciliat. Deinde iterum tacite illorum cogitationi occurrens, quia nihilominus putare poſſent inſelicio-

Vide lib. 1.
de Uno Deo
Patre Sec 3a
c. 8. pag. 4416
442.

res esse mortuos, quàm futuri sint quas vivos inveni-
 et adventus Domini; ne id quidem dici posse ostendit,
 quia vivi minime in præmio accipiendo priores iu,
 qui obdormierunt, futuri sunt. Quia, vel potius,
 quòd nos viventes relictī in adventum Do-
 mini. i. e. quòd illi quicunq; vixerint usq; ad adven-
 tum Domini, sive ego, sive vos, sive quicunq; tandem
 futuri sunt, quibus viventibus adveniet Dominus Ie-
 sus. Neq; enim in prima persona ideò hæc effert, quòd
 persuasus omnino sit, aut se, aut illos Thessalonicen-
 ses, ad adventum usq; Christi victuros: sed cùm utriq;
 tum temporis adhuc viverent, se quoq; illi hominum
 generi accensent, quos in adventu suo deprehendet
 Christus: seu ut clariùs rem exprimamus, vocibus il-
 lis, nos viventes, nō speciem aut individua hæc, hoc
 est se ipsum, & Thessalonicenses, aliosq; Christianos
 eo ipso, quo hæc scribebat, tempore vivētes intelligit,
 sed genus, seu homines ejusdem generis, hoc est, Chri-
 stianos viventes, è quorum numero ipse unā cū
 Thessalonicensibus tum temporis erat. Solet enim
 Scriptura sacra, non semel vocibus nos, vos, ac simi-
 libus, non quidem illa ipsa individua que loquuntur,
 aut ad que sermo fit, denotare, sed idem individuorū
 genus, seu ejusdem generis singularia. Vide inter
 alia multa. Iud: 2. 1. 6. 8, 9: 1. Sam: 17. 8. & Act: 7. v. 53.
 Vide quoq; Socinū contra Palæologum part. 1. cap: 4.
 pag: 76. & sequen: edit: secundæ. relictī in adven-
 tum Domini. i. e. superstites usq; ad adventum Do-
 mini. Nam & is positum est pro mē xpi. Non præve-
 niemus

niemus eos, qui obdormierunt. i. e. non prius accipiemus, seu non accipient ii, qui tum vixerint, premium, quam mortui: imò ut in eo Christiani vivi mortuis quodammodo superiores erunt, quòd mortem non gustabunt, ita mortui priores quodammodo in acceptione præmii futuri sunt. Dico quodam modo: quia tamen non prorsus & omnino posteriores illi vivi futuri sunt, ut ex sequentibus apparebit, ubi de modo & ordine ad felicitatem pios, tum vivos, tum mortuos perducendi plenius agetur.

v. 16. Quoniam ipse Dominus. Confirmat quòd antecedente versiculo asseruerat, & simul totam resurrectionis, atq; adeo præmii fidelibus dandi rationem aperit. Primò enim ipsum præmii datorem exprimit. Deinde quæ præparatio, quiq; accessus ad tantum opus sit futurus exprimens, majestatem hujus habentis depingit. Tertio demum ordinem & modum, quo in præmio unicuiq; assignando sit usus explicat. ipse Dominus, nempe Iesus Christus. Hic enim est iudex vivorum & mortuorum à Deo constitutus. Vocula ipse non est otiosa, sed hanc vim habet, ut significet, non per alios hac perfecturum esse Christum, sed ipsummet è cælo, ubi tanquam in regia nunc habitat, descensurum ad opus tantum, quo nullum cogitari potest illustrius, perficiendum: ut ita omnibus pateat, per ipsum tantam nobis à Deo felicitatem dari, utq; illius majestas etiam illi pateat, qui ipsum antea contempserant, aut etiam, ut scriptura loquitur, confixerant; atq; ita cernant, jure se impi-

etiam

etatis suae penas nunc dare, & ab illo, quem scelera-
 re vel in ipsiusmet corpore, vel in membris mystici
 corporis confixerant, se nunc confici & maclari.
 Descendet de caelo. Haec preparatio & accessus
 est ad tantum opus. Descensus de caelo, in quo nunc
 degit ad dexteram patris confidens, in mediam hanc
 aëris regionem, ut ex v. 17. apparet: in quo cum di-
 cuntur fideles in occursum Domini in aëra raptum
 iri, non obscure asseritur Dominum in ipsam usq; ter-
 ram non descensurum, sed in aere cum suo caelesti co-
 mitatu substiturum: Descendet autem illo ultimo
 die, quem pater constituit, ut justè judicet orbem
 terrarum, per virum quem definiit, fide palam fa-
 cta omnibus, illo à mortuis excitato, quemadmodum
 asseritur. Act: 17. v. 31. In hortationis clamore,
 in voce Archangeli, & in tuba Dei. In pro-
 cium, ut alibi saepe, id est, cum leta & ingenti caele-
 stis exercitus sui acclamatione, & veluti triumphan-
 tium oratione, cui praebit Archangelus, unus vide-
 licet è principibus militiae caelestis ductoribus, voce sua,
 quae erit instar sonorae cujusdam, & inter homines
 inusitatae, ac Deo ipso dignae tubae. Pertinet id ad
 majestatem adventus Domini, seu maiestatis ipsius Do-
 mini advenientis demonstrandum, de qua plura le-
 gemus alibi, & imprimis Matth: 24. v. 31. vox κελύ-
 σματος οὐρανῶν propria, vel etiam nautis, qui sub-
 lato clamore sese incitant, ut uno eodemq; impetu
 remis incumbentes navem impellant, praesertim ubi
 portum ingrediuntur, aut illo egrediuntur. Ita tum

Sidelicet

videlicet cœlestis ille exercitus, sedibus suis, à Duce suo, summum gloriæ suæ fastigium imposituro, & majestatem suam ac potestatem universis terrarum populis ostensuro, excitus, mutua semet acclamatione, velut ad properandum, & jussa ejus exequendum cohortabitur, vel potius certissima jam spe triumphum mox sequuturum præsumens ovabit. Porro tubæ nomine non videtur quid diversum ab illa Archangeli voce intelligendum; quam etsi hîc distinctè à tuba commemoret, in priori tamen ad Corinth: cap: 15, ubi etiam totam hujus mysterii rationem plenissimè persequitur, solius tubæ meminit: quam vocat Dei tubam, ad distinctionem humanarum tubarum, quia non vulgaris illa tuba erit, sed divina, non quali duces aut reges terreni utuntur, sed quæ nemini nisi Deo, aut proximum à Deo locum tenenti, & ejus personam sustinenti, convenit. Tubam h. e. Tubæ sonum vocat illam Archangeli vocem, quia tubæ sono erit similis, sonora, clara, penetrans, & digna tanto duce ac rege. Est ergo in tubæ nomine metaphora cùm metonymia conjuncta. Accomodabit Christus adventus sui tam illustris rationem humano quodammodo ingenio ac consuetudini. Solent enim duces, cùm exercitibus præsertim, ac copiis advenientes, itemq; Reges cùm magno comitatu locum aliquem ingredienti, tubarum sono adventum suum significare, & populum velut ad spectaculum evocare, aut convocare. sic Deus olim vel potius Angelus, Dei nomine legem laturus, cum sono tubæ in mon-

rem Sinai descendit: quia ut summus rerum Monarcha, & ut Rex populi Israelitici, maiestate venerandus advenit, & ea ratione populum velut ad spectaculū convocavit, & ad legem audiendam excitavit, qua de re vide Exod: 19. 16 & Hebr: 12. 19. Et mortui in Christo. i. e. qui mortui sunt religionem Christianam constanter profitentes, & ei ad extremum usq; spiritum adherentes, resurgent primum. i. e. prius illi à mortuis excitabuntur, quàm premium reddatur illis, quos vivos adventus Domini reperiet: resurgent autem incorruptibiles, ut testatur idem Apostolus, 1. Cor: 15. v. 52. Explicat id, vel potius probat, quod asseruerat, viventes minime in accipiendo premio prevertentur eos, qui obdormiverunt; cùm contra potius futurum sit, ut pii qui obdormiverant, prius resurgant, quàm immutentur vivi. Quare mortuos eatenus feliciores viventibus futuros innuit, nedum ut quinquam illos infelices esse autumare debeat, & propter eos nimium, ut Thessalonicenses fecisse apparet, afflicteri.

v. 17. Deinde nos viventes relictī. i. e. tum demum postquam illi fuerint resuscitati, nos etiam, seu ii, quos vivos adventus Domini invenerit, simul cùm illis rapiemur. Tres veluti gradus in premio fidelibus reddendo constituit: in quorum primo mortui vivos antevertent: in duobus reliquis cùm illis plane conjungentur. Primus gradus erit mortuorum quidem resuscitatio, viventium autem immutatio. Sed viventium mutatio conjungetur cùm altero felicitatis

licitatis gradu, nempe cum raptu ipſorum in aere. Dum enim una cum piis reſuſcitatis abripiuntur in nubibus, immutabuntur, & corpore glorioſo induentur, ac immortales evadent. Ait igitur: Simul cum illis, jam nimirum reſuſcitatis, rapiemur in nubibus, quæ tanquam vehiculum quoddam erunt, quo ſubvehamur in altum, quæ ſubvexerunt etiam Dominum, imò in quibus ipſe Dominus quoque veniet. Rapiemur autem in occurſum Domini in aera, ut Domino occurramus, qui tum in aere ſubiſtet, nos velut expectans, ut teterrimo hoſtium noſtrorum jugo exempti ad illum veniamus. Tertius atque ultimus gradus felicitatis noſtræ exprimitur illis verbis, Et ſic ſemper cum Domino erimus. Deducemur enim inde in cœleſtia, in quibus nunc habitat, palatia, ubi vita nunquam finienda, omnibusque delitiis & voluptatibus plena fruemur. Neque enim aer ſedes noſtra eſt, ſed cœlum illud unde Chriſtum ſervatorem noſtrum expectamus, ubi noſtra eſt Reſpublica. Phil: 3. 20. Vide etiam Iob: 12. 26: 14. 2, 3: 17. 24. Summam autem hac tota in re videmus Dei æquitatem; Nam quia pii vita ſancti inſeliciores videntur eſſe vivi; mors enim ſine dolore non advenit, & non immerito terrorem omnibus incutit: (unde cupiebat Paulus non exui, hoc nimirum mortali corpore, ſed ſuperindui, corpore nimirum immortalis, ut abſorberetur mortale ab illa vita 2. Cor: 5. 4.) ideò prærogativa illis aliqua reſpectu viventium concedetur in adeunda felicitate futura. Siquidem prius reſurgent

gent incorruptibiles, quam vivi incorruptibilitatem induant, et hoc pacto illis compensabitur infelicitas illa, ac dolor, quem in subeunda morte sustinuerunt. Hac porrò ratione vivi jam equati, in ceteris felicitatis gradibus illos non antevertent, sed pari, ut ita dicam, passu cùm illis ad supremum felicitatis fastigium progredientur. Simul illi ad Christum in aërem rapiuntur, simul illum aspicient, simul ab illo in caelestes beatasq; sedes deducuntur, & ad Dei conspectum admittentur, unâ cùm illis eternum victuri.

v. 18. Itaq; consolamini alii alios in verbis illis. i. e. Istâ ergo doctrinâ, quam jam vobis proposui, nimium vobis merorem excutite, quem capitis ex mortibus aliorum fidelium, praesertim amicorum, & sanguine vobis, aliavé necessitudine junctorum, & metum quoq; ac sollicitudinem, si quæ vos coquit, dum horretis ne ante adventum Domini, mors aliquem vestrum preveniat.

IN CAPUT V.

Partes capituli tres.

Capituli hujus partes sunt tres. Initio de incertitudine temporis adventus Domini disserit. Deinde ad adhortationes ad pietatis officia redit. Tandem post votum et admonitiones specialiores, Epistolam familiari sibi salutatione concludit.

Nexus cum superiorib.

v. 1. De temporibus autem Quia de resurrectione fidelium disserens, dixerat ipsum Dominum Iesum è cœli venturum, ut & mortuos resuscitatos, & vivos ad se translatos, ad suprema gaudia perdu-

cat: de adventus autem illius tempore nihil prorsus desinierat; ne & hic suspensi essent, aut erronea aliqua cogitatione illaquearentur, de eo etiam aliquid adijciendum putavit. Itaq; & affinitate materie huc Apostolus fuit invitatus, & ea ratione de qua superius diximus, quod hoc pacto commodiorem aptioremq; habiturus esset transitum, seu magis reditum ad cetera pietatis officia explicanda, ac nominatim ad vigilantiam Theſſalonicensibus commendandam. Ut enim spes adventus Domini Iesu est fortissimum ad persuadendam pietatem argumentum: ita illius incertitudo, ad excutiendum torporem, & procrastinationem; ingenerandam autem vigilantiam & indefessum pietatis studium. Ita igitur hujus doctrine tractationem moderatur, ut sensim ab uno ad aliud transfiliens, fundamentum prius sequentium adhortationum structura ponat, deinde iis, que constituerat, alia super edificet. quasi dicat: Modum quidem & ordinem, quo ad felicitatem supremam tum mortui, tum vivi sint perducendi, aperui vobis, & in adventu demum Domini totum id futurum indicavi. Verum de illius ipsius tempore, ejusq; articulo, puta anno, mense, die, nihil addo, neque enim opus est, ut ea de re quicquam ad vos scribatur.

v. 2. Ipsi enim accuratè scitis. i. e. Ipsi enim probè cognitum & exploratum habetis, statimq; ab initio id à me didicistis. Superiorem assertionem confirmat ex adjuncto, incertitudine videlicet adventus Domini; quam describit à simili. quia seu

G

quòd

Pars capituli
prima ad
v. 6. incertum tempus
Christi ad
judicium
adventus
docens.

Quia dies
ille Dominus
improvisus
ingruet.

Ut fur no-
ctū solet.

Voces in
nocte quo
modo acci-
pienda.

quòd, dies Domini, dies videlicet iudicii ille ulti-
mus, & decretorius, quo Christus veniet jura fato-
rum daturus. sicut fur in nocte, ita veniet: i. e.
ita improvisus & inexpectatus, præterq̄ omnium
spem & cogitationem ingruet, atque sur noctu veni-
re solet: quamq̄ incerta est hora & momentum furis
noctu venientis; (aucupari autem solet id temp^o fur,
quo minimè omnium expectetur aut sentiatur) tam
est incerta hora & momentum adventus Domini
Iesu. Vox enim in nocte, non determinatio est tem-
poris adventus Christi, seu non jungi debet cum die
Domini, quasi innueret, noctu venturum Domi-
num, ut quidam ariolantur; sed cum proximè præce-
denti voce furis: ut sensus sit; sicut fur noctu ita ve-
nire solet, (nocturnum enim tempus furis est ac-
comodatissimum, & à furibus potissimum captari
solet) ne hora & momentum adventus ejus præscia-
tur: ita & adventus Domini improvise homines op-
primet. Id quod ex verbis ipsius Domini hac ea-
dem similitudine utentis manifestissimè conspicitur.
Matth: 24. 43. Luc: 12. 39. Quanquam & ex Apo-
stoli verbis, eorumq̄ positu, res satis hoc loco patet.
Nam si voces in nocte, deberent jungi cum die
Domini, non cum nomine furis; non debuisset sub-
jici particula sic ante verbum veniet: sed simplici-
ter dicendum fuisset: dies Domini ut fur noctu ve-
niet. Sed de hoc plus satis. Eadem similitudine utitur
& Petrus 2^o Ephes: 3. v. 10. & Apoc: 3. 3. & 16. 15.
quibus duobus locis Christus seipsum furi adveniēti
habita

Habitā nimirum ratione incerti temporis, comparat.

Ex locis autem illis omnibus causa satū intelligitur, ob quam Deus incertos nos esse voluerit de tempore adventus illius definitio; nempe ut semper parati essemus et intenti, nunquam securi, ac proinde semper nosmet in officio contineremus, nec quicquam de pietatis studio unquam remitteremus.

v. 2. Cū enim dixerint, assertionem suam demonstrat, hoc est, ostendit ita adventurū illum diem atq; sur noctu venit. Ut enim ille tum maximè advenire solet, cū homines maximè securos & somno solutos esse putat: ita cū dixerint, puta impii, vel homines generatim omnes, quia generatim omnes impii sunt futuri: Pax, securitas, i. e. cū minimè sperabunt, imò cū maximè securi erunt, & vel omnino nō futurū (quales homines exituros indicat Petrus) vel adhuc longè abesse adventū Domini, atq; ideo nil mali sibi imminere putabunt; tunc repentinus eis superveniet interitus i. e. tū illos opprimet adventus Domini, qui illis perniciem & interitū adferet. Effectum, nempe pœnam atque interitum, pro causa, nempe adventu Domini ponit, seu majori unā cum effectu causam intelligi vult. Satū enim ex re subjecta apparet, de illo interitu hic sermonem esse, quem Domini adventus impiis adferet. Sub tempus autem ultimi judicii, maximè securos, & nimis sibi blandientes futuros homines impios, docet ipse Dominus Matth: 24. 37. Et si autem simpliciter dictum fuerit diem Domini instar furis adventu-

Cur rē
pus adven
tus Domi
ni ignora
re nos so
luerit Deus

Cū minimè spera
bitur.

Repentē
impios ope
primet.

qui tum e
runt maxi
mè securi

rum; significat tamen Apostolus, id respectu impiorum revera intelligendum esse, seu illorum tantum respectu rem illam vim esse habituram. Nam licet adeo incertum sit adventus Christi tempus, adeoq; improviso sit adfuturus Christus, ut fur noctu: ob perpetuam tamen piorum vigilantiam fiet, ut illi non videatur fuisse improvisus, nec opprimat inexpectato. Quemadmodum enim fur nunquam circumspetto patrisfamilias improvisus advenit, ut ipsum incautum opprimat, nec operæ pretium adventu suo facit, nisi ubi aedes negligentis & securi patrisfamilias invasit, ita & hic eveniet. sicut dolor in utero habentis. Alia similitudine idem illustrat; & in hac quidem similitudine duo sunt, quæ in priori desunt. Alterum est, quod prægnanti certus instet partus, licet tempus sit incertum: Furi autem adventus prorsus incertus est, & potest etiam nunquam advenire. Alterum est, quod certi iiq; graves prægnantem dolores maneant; quemadmodum certus imminet impij in adventu Christi cruciatus atq; interitus. et nõ effugient scil. interitum. Additum id ad certitudinem pœnæ, quæ maneant impios, indicandam, simulq; inter hujus seculi pœnas, quas multi sepe impij effugiunt, & illius discrimen insinuandum.

Atq; prægnanrem, dum partus tempus nondum adesse putat, dolores invadunt.

Nec effugient interitum, ut solent aliquando temporales pœnas

Thessalonic. tamen et p̄is omnibus minime id metuedum.

v. 4. Vos autem fratres. Occurrit tacite piorum cogitationi. Poterant enim Thessalonicenses denunciatione tam insperati adventus, certissimum hominibus incautis exitium allaturi, perterrefieri,

atque

atque ita ſibi etiam metuere. Liberat igitur ipſos hoc metu Apoſtolus, in eadem metaphora perſiſtendo. quaſi dicat: Et hoc quidem impiis metuendum eſt: vobis verò minimè, ſi modò ſtatui ac conditioni veſtre convenienter vos gerati. Non eſtis in tenebris. i. e. non enim verſamini in caligine ignorantie voluntatiſ divine, que homines ſecuros & oſcitantés reddit: ut dies vos tanquam fur comprehendat. i. e. ut in hac ignorantie tanquam nocte, dies ille ultimus, adventus videlicet Domini, tanquam fur inopinatò vos opprimat. Vbi dies & lux eſt, ibi nox & tenebræ non ſunt. Apud vos dies eſt, quia eſtù illustrati luce veritatiſ Evangelicæ. Quare nox apud vos eſſe non poteſt. Quodſi nox eſſe non poteſt, non eſt quod vobis metuatiſ, ne vos Chriſtus inopinantes tanquam fur noctu adveniens opprimat. Removit initiò ſecuritatem, nunc removel etiam nimium metum.

Quia non ſunt in tenebris ignorantia, quæ ſecuros facit.

v. 5. Omnes vos filii lucis eſtis, & filii diei. Idem hic eſt lux & dies. Lux enim tanta diem efficit, ſeu conſtituit. Senſus eſt: omnes enim vos participes eſtis lucis & diei. Nam filium eſſe rei alicujus, phraſi Hebraica, eſt participem eſſe alicujus rei ad eamvè pertinere. Sic filium eſſe regni, filium thalami, eſt ad regnum aut thalamum pertinere, & ejus aliqua ratione participem eſſe. Filium eſſe incredulitatiſ ſeu inobedienciæ, eſt eſſe inobedientem, adeoq; inobedienciæ participem. Participes autem lucis diſit, quia cognitione veritatiſ divine erant imbuti,

Sed ſunt filii lucis.

Filium eſſe rei alicujus quid ſit?

Matth. 8. 12.

9. 15.

Ephes. 2. 2.

Theſſalonicenſes cur filii lucis.

que illa lux est, ut apparet ex loco Eph: 5. ver. 8. 9. Ostendit hiis verbis Theſſalonicenſes non eſſe in tenebris, à contrario, quod ſimul eſt adjuñctum Theſſalonicenſum, nempe cognitione voluntatis divina. Non ſumus noctis neque tenebrarum, ſcilicet filii. Illuſtrat id quod dixerat, iterum à contrario. Loco ejus autem quod antea in ſecunda perſona dixerat, omnes vos filii lucis eſtis: nunc in prima perſona loquitur; non ſumus noctis. &c. ut & ſe, & ceteros omnes eandem Chriſti religionem profiſcentes comprehendat, & eandem omnium hac in parte rationem eſſe oſtendat; ſartè etiam propterea, quia ſubjuncturus eſt dehortationem à ſecuritate, & adhortationem ad vigilantiam ac ſobrietatem. Mollior autem eſt adhortatio in prima perſona concepta, cum is qui hortatur ſe quoque ipſum includere videtur.

*Tertiam
perſonam
cur in pri-
mam mu-
let.*

*Participis
altera ad
v. 29.
quod adhor-
tatur eos
prinò in
genere ad
vigilantiam*

v. 6. Nempe igitur. Superiori argumento ſuperſtruit jam adhortationes ſuas: Argumentum eſt ex loco diſſentaneorum, ſi predicatum reſpicias; ſi autem ſubjectum, ex loco adjuñctorum. Inprimis autem, in eadem metaphora perſiſtens, dehortatur eos ab oſcitantia & ſecuritate. Non dormiamus ſicut & reliqui. i. e. ne ſimus ſecuri & oſcitantes, ne in negotio religionis, pietatis, ac ſalutis dormitemus, ſicut faciunt illi, qui voluntatis divinae ſunt expertes, & in Cimmeriis ignorantiae tenebris verſantur. Tranſlatio eſt à corpore ad animum; vel ex vulgato adagio, quo qui ſecurus eſt, in utraq; aurem dormire

dormire dicitur. Particula *ux* comparationi ſervi-
ens quodammodo redundat, ut & cap. 4. v. 5. 13. Sed
vigilemus, ſimus circumſpecti, officio noſtro unice
intenti, etiam atq; etiam providentes, ne dies Do-
mini nos incautos opprimat, quantoq; certius, quā a-
liquis paterfamilias ſurem, venturū ſcimus diem Do-
mini, horam autem adventus ipſius omnino ignora-
mus, tanto magis omnem veternum menti excutia-
mus, ne dormientibus obrepat. & ſobrii ſimus. i. e.
ab immoderato potus uſu abſtineamus. Altera virtus
jam ſpecialior, quæ inſtrumētum eſt, imō mater que-
dam prioris; Vt enim in corpore ebrietas immodera-
ti ſomni, ſobrietas vigilantie cauſa eſt, & ad illam
tum acquirendam, tum conſervandam certiffimum
medium; ita & in animo. Conſer cūm hoc loco illud
Chriſti, Luc. 21. 34. & 1. Petr. 4. 7.

v. 7. Qui enim dormiunt, noctu dormiunt,
& qui inebriantur, noctu inebriantur. i. e. Nam
qui ſomno indulgere, & ebrietati vacare ſolent, no-
ctu id facere conſueverunt. Eſt major propoſitio ra-
tionis Apoſtolicæ, cujus aſſumptio & præceſſit v. 5, &
ſequitur mox in parte v. 8. Concluſio v. 4. præceſſit.
Ratio huic mundi ſenio, ſicut & illa D. Petri Act. 2.
v. 15. (ad ruborem depravati ſeculi noſtri) non foret
accomodata: Sed quicquid hodiè fiat, illud certum eſt
tam ſædam eſſe ebrietatem, ut meritò lucem fugere
debeat, ac proinde nullum ibi habere locum ubi per-
petuò dies, perpetuo lux eſt. Nihil autem hujus ar-
gumenti firmitati obſtat, quod Apoſtolus luci ac

ux abundat.

Subjungens
ſpecialem
virtutem
ſobrietatem

Ratio utri-
uſque ad-
hortatio-
nis.

Hoc mundi
ſenio minus
plauſibilis.

Firma ca-
men.

diei *improprie sic dictæ*, hoc est cognitioni veritatũ, opponat noctem *proprie sic dictam*. Cũ enim ait, Nam qui dormiunt, noctu dormiunt &c. noctis nomen *proprie sumit*. Robori, inquam, argumenti id nihil detrahit, orationi autem elegantie plurimum addit. Nam tacita hĩc latet comparatio. Nam si luci aut diei *proprie dictæ* non convenit somnus *proprie dictus*, nec ebrietas; multò minùs convenit somnolentia in re pietatis ac salutis, luci seu diei *improprie dictæ*, hoc est, ei tempori quo veritatis luce sumus collustrati: similiter nec ebrietas huic tempori convenit.

v. 8. Nos autem diei existentes filii, sobrii simus. Vox $\nu\acute{\nu}\phi\omega\mu\epsilon\upsilon$ generalis est, & tam vigilantia, quàm sobrietati significandæ servit. Repetit fundamentum totius hujus sue ratiocinationis, ut tantò feliciùs reliqua, quæ intendit, superstruat, annexens finem hujus ipsius vigilantie & sobrietatis, quo continetur adhortatio brevis & nervosa ad omnia Christianorum officia. Transit autem sensim ad aliam metaphoram, vigilantiam istam, de qua hucusq; dixerat, ad certam speciem restringendo, nempe eam quæ militum est, rationemq; qua eam obire debeant explicat, induiti thoracem fidei. i. e. Vigilate autem ita armati & muniti, atq; solent ii, qui hostes sibi imminere sciunt, cũ sciatis vitam vestram esse militiam, & imprimis induite thoracem. i. e. pectus vestrum munite, ne facilè ad ictus hostium pateat. Thoracem fidei & charitatis. i. e. thoracem, qui est

Vigilantia
Christiano-
rum qualis.

Obeunda in
armis.

De bent e-
nim pectus
munire tho-
race: cujus
partes duæ.

est fides ac charitas, seu quod eodem redit, fide ac charitate constat. Genitivus est speciei, si fides ac charitas junctim sumatur: nam aliàs partes sunt illius thoracis. Sic Eph: 6. dicitur thorax justitiæ, scutum fidei, id est, thorax qui est justitia, scutum quod est fides. Prior ergo hujus thoracis pars est, Fides: firmissimus doctrinæ Evangelicæ assensus; ne videlicet quicquam animo dubitationi & hesitationi de illa soveatis: sed de illius veritate & certitudine persuasi, ab illa nullis hujus mundi minis, nulli calamitatibus, vos abduci & absterreripatiamini. Ad Ephesios scuto fidem comparat; sed ibi paulò fusiùs atq; accuratiùs *πνευολίαν*, Christianam persequitur: quanquam scuti eadem quodammodo quæ thoracis partes sunt, ut videlicet ictum à pectore repellat. Posterior thoracis hujus pars est charitas, videlicet erga proximum. Quam ita quidem latè hic sumit, ut omnia præter fidem & spem officia nostra, per Synechdochen speciei in se complectatur, quo pacto sumitur & alibi 1. Cor: 13. ult: Gal: 5. 6. 1. Iob: 3. v. 22. & galeam spem salutis: Postquam munivit pectus, munire etiam jubet caput, jubetq; ei aptare galeam, quæ est spes salutis; non quidem illa, quæ præmium potius est pietatis, ex recta conscientia manans; sed quæ oritur ex assensu doctrinæ Evangelicæ præstito, quæq; inter fidem & charitatem, hic ab Apostolo nominatam, intercurrit, ita ut illius sit consequens, hujus verò causa procreans, ac conservans, quo pacto sumitur. 1. Cor: 13. v. ult. Col: 1. 5. quam

Prior thoracis Christiani pars: Fides.

Posterior pars, Charitas.

Caput autè munendum galeam, quæ est spes salutis.

Ea duplex.

qualis hic
intelligen-
da.

quam ibi metonymice pro re sperata sumitur; & supra cap: 1. 3. Consistit autem in eo, ut qui immortalē sibi vitam, si Deo constanter paruerit, datum iri firmiter persuadeat, summoq; ad eam desiderio seratur. Quanquam pro ipso desiderio salutis, quam tibi datum iri certo confidas, si Deo ad extremum usq; parueris, sumi potest.

Curea capi-
piti impo-
nenda,

v. 9. Quoniam. His verbis ita ultimum adhortationis membrum, de capienda videlicet galea spei salutis, comprobare videtur, ut toti simul adhortationi robur addat; hoc est ad vigilantiam illam nos excitet, de qua hucusq; fuerat loquutus, que excubias spirituales, nobis fide, charitate, ac spe salutis armatis agendas, complectitur, Quanquam nihil prohibet, Apostolum simul etiam ad superiora oculum intendisse, quibus nimium piis metum eximere voluit, inde ortum, quod improvise adventu suo Christus & incautos oppressurus, & exitium sit allaturus iis, quos securos deprehenderit: Inde enim sibi quoq; ac sue salutis metuere poterant. Hunc igitur metum hic ita temperat Apostolus, ut ostendat alium longè illorum ac hominum impiorum statum ac conditionem esse, adeo ut, modo sibi ipsis deesse nolint, interitum possint effugere. Et hæc causa est, cur spem, licet media inter fidem & charitatem intercurrat, ultimo loco posuit; ut sit illa hoc loco velut quoddam superiorum cum inferioribus vinculum. Ratio autem sumpta est à fine, quem Deus sibi habuit propositum, sive in suo de Christianis vocandū consilio, sive in ipso fa-
cto &

Quia Chri-
stianos vo-
cando Deus
non pœnz
destinavit,

No & vocatione. Verba enim ista, non posuit nos
 Deus in iram, tam ita possunt accipi, non id fuit
 consilium Dei, non id Deus intendit & sibi proposu-
 it de Christianis, ut eos puniret ac perderet: quam
 (& quidem melius) ita; non ideo nos vocavit, atq; in
 hoc statu, ut nempe ejus doctrine assentiremur, velut
 posuit ac collocavit, ut nos perderet, & exitii pœ-
 nam, quam commeriti eramus, nobis irrogaret. Ita
 pro pœna seu supplicio, & quidem ultimo atq; æter-
 no, causa nempe pro effectu ponitur. Sed in acqui-
 sitionem salutis. i. e. sed ut acquireremus salutem,
 nempe illam æternam, quam D. Petrus animarum
 vocat. Sensus est, quasi dicat: Ideo verò salutis spem,
 tanquam galeam capiti vestro imponere, & in ad-
 ventum Domini, quo ea vobis offeretur, intenti vigi-
 lare debetis, thorace fidei ac charitatis induti, nec
 fracti metu, nec securitatis somno velut sopiti; quia
 non id in consilio suo, quod olim de Christianis fecit,
 constituit, neq; id porro cum nos per Evangelii do-
 ctrinam ad se vocaret, & in eo quo nunc sumus statu
 collocaret, spectavit Deus, ut nos in ira sua perderet,
 & in exitium precipitaret: sed potius ut salutem ex
 ejus misericordia consequeremur. Quod ipsum ut
 metum, ita securitatem etiam & torporem ac veter-
 num spiritualem excutere unicuique debet; cum sci-
 amus, in nostra jam esse manu, ut exitium effugia-
 mus, eam esse conditionem nostram, ut salutem con-
 sequi possimus, modo advigilare velimus. Iure autem
 Apostolus asseruit, Deum non posuisse nos in iram, seu

Sed salute

1. Pet: 1. 2.

ut nos perderet, sed in acquisitionem salutis: quia ipsa vocationis nostræ ratio, seu promissa Evangelica, illustribus documentis confirmata, id clarissime comprobant, uti ex sequentibus aliqua ratione intelligitur. Per Dominum Iesum Christum. i. e. & eam viam, quam Dominus Iesus Christus præscripsit ac ostendit, & vi promissionum, quas ille primus nobis à Deo attulit, & sanxit, & denique ejus misericordia, potentia, ope interveniente. Mediam salutis nostræ causam subjicit, ut aditum sibi sternat ad probationem ejus, quod de consilio & intentione Dei, ratione habita status nostri, vel, si mavu, de statu, in quo nos per Christum collocavit, aseruerat.

Idq; per Dominum Iesum.

Quod & mors ipsius demonstrat,

quam pro nobis suscepit.

quomodo id intelligendum.

v. 10. Qui mortuus est pro nobis. i. e. qui nostram causam mortem oppetiit, ut videlicet nos mortis servitute ereptos, in veram vitam libertatem asereret. Descriptio est Domini Iesu ab effectu, quo comprobatur, tale esse Dei de nobis consilium, talem conditionem nostram, qualem versu superiori dixerat. Mors enim Christi pro nobis suscepta, medium est nostræ ab interitu liberationi, ac salutis acquisitioni, destinatum, & ejusdem certissimum pignus. Vi ergo præcedenti capite ex Christi resurrectione spei nostræ firmamentum petiit; ita nunc ex morte. Porro cum sacræ litteræ dicunt, Christum esse pro nobis, seu nostræ salutis causam mortuum, id duas præcipue partes habet. Prior est, quatenus morte sua nobis plenum jus ad remissionem peccatorum acquisivit, dum promissa Novi Fœderis de remissione peccatorum ac
vita

vita ſempiterna ſanxit. Poſterior, quatenus per ſanguinis fuſionem in cœlum ingreſſus poteſtatem ac munus nos à pœnis peccatorum liberandi, & exitio ereptos ſalute æterna donandi eſt adeptus. ut ſive vigilemus ſive dormiamus. Finem mortis Chriſti uberiùs expreſſurus, ſtatim noſtrum per diſtributionem ita deſcribit, ut ſignificet neutrum ſaluti noſtræ, modò ſpirituales illas vigilias ſeu excubias, de quibus antea dixerat, agamus, obſuturum. Qua in re objectionem tacitam diluit, ut paulò poſt intelligetur, ubi verba ipſa explicuerimus. Poſſunt autem ea tam propriè accipi de ſomno & vigilia, quàm impropriè de vita & morte: ut ſenſus ſit; Ideò Chriſtus noſtrâ cauſâ mortem ſubiit, ut ſive adventus illius nos vivos, ſive mortuos, vel ſive vigilantes, ſive dormientes invenerit, ſimul cum illo vivamus. i. e. non ſecus atque ille vivit, vitam nempe beatam ac ſempiternam, nos etiam vivamus, ut cap: 4. v. 14. oſtendimus. Non eſt autem abſurdum utrumque ſenſum conjungi; cùm videatur Apoſtolus alludere volens ad ſomnum illum & vigiliam, de qua ſuperiùs loquutus eſt, conſultò ejusmodi vocibus uſus eſſe, quæ ad omnem vitæ noſtræ ſtatim reſerri & accommodari poſſent: ut oſtenderet, in quocunq; tandem ſtatu nos adventus Chriſti reperturus eſſet, ſive vi-ventes, ſive mortuos, ſive vigilantes, ſive dormientes, nihil nobis metuendum eſſe, ſi modò illum, de quo nos ſuperiùs monuit, ſomnum excuſſerimus, vigiliam verò intenderimus. Occurrere enim videtur tacite
cuidam

Finis pro-
pter quem
pro nobis
Chriſtus
mortuus.

Ut ſimul
cùm illo vi-
vamus.

quomodo id
intelligen-
dum.

Senſus duo
recepti.

cuidam objectioni, metuiq̄, piorum. Potuisset enim quispiam cogitare: si, ut interitum effugiamus, vigilare nos oportet, quid nobis fiet, si dormientibus nobis adveniret Christus, aut etiam iam mortū sopore oppressis? Neque enim natura nostrae fert imbecillitas, ut corpore perpetuò vigilemus. & aliquando non obdormiscamus. Huic objectioni hoc loco occurrit Apostolus, dum in utroque statu salutem nos consequi posse docet, & hoc pacto significat, cum vigilare nos antea iussit, & somnum excutere, si interitum in adventu Domini effugere velimus; non de eiusmodi vigilantia loquitur, quae somnum naturae nostrae refocillandae necessarium excludat, nec somnum illum naturalem, aut soporem mortū nobis noxium fore, sed somnum securitatis ac negligentiae in re pietatis, somnum peccatorum. Hunc si excuserimus, nil nobis obsuturum, vel illum corporis somnum, vel soporem mortū, etiamsi nos hoc illoq̄ somno oppressos Christus deprehenderet. Affertur & tertia huius loci explicatio, quā priora verba, nimirum vigilandi & dormiendi, de somno & vigilia proprie dicta accipiuntur, vivere autem cum Christo, non de vita immortalis, sed de vitae pietate; quasi dicat: ut, sive dormiamus, sive vigilemus, ita vitam nostram componamus & traducamus, atque Christus olim vixit & nunc vivit, id est, ut eum imitemur, ipsiq̄, similes integritate ac sanctitate vitae simus. Id quod respectu vigiliae planum est. Respectu verò somni explicari solet ita, ut nimirum religiosi ad somnum etiam
 acceda-

Tertius repudiatus.

accedamus, non tantum precibus nos Deo commen-
dantes, sed jam jam in somnum ituri religionis pleni
simus; ut hanc velut scintillam igni spirituali somni
favilla ad tempus sepeliat (quemadmodum circum-
spectis patribus familias cubitum se conferentibus
moru est) statim ubi evigilaverit, leni statu excitandam.
Verum haec interpretatio coactior videtur, & concionanti
potius, quam Apostolica intentioni apta. Satis enim apparet
Apostolum in his verbis spem salutis nostrae, de qua hucusque
disseruerat, confirmare voluisse. Ista vero interpretatio ad
securitatem tantum excutiendam pertinet, quasi significet
Apostolus, tantum a nobis pietatis studium requiri, ut ne
somnus quidem noster ea prorsus vacare debeat. Id quod
metum potius, quam spem excitat.

v. 11. Ideo hortamini alii alios. Ex superiori-
bus novam adhortationem educit, quasi dicat: Cum
igitur tam leta sit conditio vestra, qui Christo nomen
dedistis, nolite vobismet ipsis deesse: sed subinde
& vobis ipsis, & aliis omnem veternum animo excu-
tientes, mutuo vos ad iter pietatis strenue & inof-
fenso pede decurrendum adhortemini, vel consolamini
alii alios, ne videlicet metu frangantur. Nam
& ita vox $\pi\alpha\rho\rho\alpha\lambda\epsilon\iota\tau\epsilon$ verti potest, ut sit velut
repetitio ejus quod sub finem cap: 4. dixerat; quan-
do quidem spem salutis nostrae uberius nunc confirma-
vit, morte quoque Christi velut in subsidium vocata:
cum capite praecedente resurrectionem revera tan-
tum urſiſſet, mortem autem non nisi resurrectionis
gratia

Concionanti potius
convenit,
quam inten-
tioni Apo-
stoli.

Altera ge-
neralis hor-
tatio.

Ut se mutuo
sive admo-
neant.

sive conſo-
lentur.

et instru-
ant.

Cujus rei
laudem eis
tribuit.

quare?

Adhortatio
specialis al-
tera ad cu-
ram Pasto-
rum.

quos tripli-
citer de-
scribit.

gratiâ commemorasset: & ædificate unus unum i. e. instruite; quâ mentem interiori rerum divinarum notitia imbuendo, quâ voluntatem ad pietatem studiosè capessendam flectendo & impellendo; & quidem subinde aliquid huic structure adijciendo, donec fastigium operi imponatur; ut ratio metaphore istius postulat. Sicut & facitis. i. e. quod etiam facitis. Adhortationi laudem subjungit, ut calcar currentibus addat, & simul suspitioni eorû occurrat, ne forte existiment hanc adhortationem esse tacitam officii intermissi ac negligentie exprobrationem.

v. 12. Rogamus autem vos fratres. Nova adhortatio, & ex specialibus hoc capite propositis secunda, ad honorem & curam pastorum: quam blandè proponit, obsecrans potiùs quàm admonens, ut ipsa hac ejus lenitate, tantò citiùs animis eorum illaberetur: præsertim quia apud eos, qui huic rei nondum assueverant, videri poterat officium hoc servitutem aliquam resipere. Quia verò velut novam adhortationis telam orditur, ideò illos compellat fratres. ut noritis, i. e. ut consideretis, & ante oculos habeatis laborem ipsorum, & quid ipsi agant diligenter expendatis. Nisi cum quibusdam malis verbum nosse per metonymiam accipere, pro colere ac debitâ reverentiâ prosequi, qui laborant in vobis. i. e. inter vos. Laborant autem, vos docendo ac monendo, ut paulò post ait. Presbyteros intelligit ac pastores, quorum officium describit, & præsumt vobis in Domino i. e. qui vobis in iu, quæ ad Domi-

num pertinent, que ad religionis negotium ſpectant, præſunt, Eccleſieq; gubernacula tenent. Cujus autem generis ſint labores iſtorum, explicat. Et admonent vos, i. e. veſtri vos officii ſubinde admonent, à vitiiſ advocant, ad virtutes cohortantur. Quanquam hoc nomine comprehendenda eſt etiam aliorum Chriſtiane religionis capitum, ſeu ſententiarum, quibus pietas Chriſtiana ſuperſtruitur, explicatio: omnia enim hæc ad v. 8. & ix. ſeu admonitionem tandem ſpectant.

v. 13. Et ducatis illos ſuper ex abundantia in charitate. Hic eſt effectus ac finis ejus, quod antea dixerat, ut noritis eos. Duplici autem modo id poteſt explicari: vel, & æſtimateſ ſtatuateſq; eos præ cæteriſ & ſupra omnes charitate veſtra eſſe digniſſimos, atq; omne genus honoris & obſequii iſſis deferati, rebusq; ac neceſſitatibus eorum præ cæteriſ proſpiciatiſ; ut charitas ſit id, quo illos admodum dignos judicare ſeu æſtimare debeant. Vel, ut eos præ cæteriſ æſtimateſ, & honore ſummo proſequamini, ex charitate, ſeu charitate erga eos impulſi atq; inflammati, ut charitas ſit cauſa efficiens honoris illiſ exhibendi. propter opus illorum. i. e. propter illorum munus & funktionem, cauſam ſubijcit admonitionis, ſeu quare d
 mavis rei ipſius quam ſenioribus præſtare jubet. O- Opus pro
 pus pro funktione Ioh: 17. 4. 1. Cor: 16: 10. 1. Tim: 3. 1. funktione.
 Pacem habere in vobis ipſis. i. e. Inter vos au- Adhortatio
 tem mutuo pacem & concordiam colite. Tertium of- ſpecialis
 m ſpeciale. tertia ad
 concordiam

Quarta ad-
hortatio
specialis
quadrupartita.

1. monere
inordinatos
inordinatos
qui.

2. Consola-
ri pusillos.
qui tales?

quando ma-
ximè.

quomodo?

v. 14. Rogamus autem vos fratres. *Quarta*
adhortatio specialis, quadruplex officium continens,
ad aliorum utilitatem atq; edificationem spectans,
ex charitate erga illòs manans. Officia enim illa di-
versa & varia esse debent, pro diversitate & varie-
tate subjectorum, ut videlicet uniuscujusq; salutis,
prout cuiq; opus est, consulatur. Et primùm quidem
inquit, Monete inordinatos, i. e. eos qui à via pi-
etatis aberrant, nec eam, quam debebant, officiorum
orbitam premunt, salutaribus monitù vestris in viam
reducite, & ut pietatis tramiti insistere velint ad-
monete, cum delictorum gravitate ac turpitudine,
et pœnarum, quæ ipsos maneant, acerbitate, tùm pre-
mii, si recte se gesserint, præstantiâ ob oculos positâ.
Deinde consolamini pusillanimes, i. e. Cum iu-
qui vel ob ante actæ vitæ peccata ac scelera, vel eti-
am ob præsentis infirmitates & lapsus, animum eri-
gere non possunt, aut spem sibi gratiæ divinæ ac salu-
tis sempiternæ, indignitatem suam expendentes, &
cum futuræ felicitatis magnitudine contendentes,
facere non audent; (Quod cum aliis non rarò con-
tingit, tum sæpiùs iis, qui morti sunt vicini, eamq; pro-
pè ante oculos versari cernunt) vel ob afflictionum,
quibus propter nomen Domini premuntur, acerbita-
tem animo sunt dejecto & pusillo: cum iis, inquam, i-
ta agite, ut consolationibus vestris animos eorum e-
rigatis; misericordiam videlicet & fidelitatem Do-
mini illis ob oculos ponendo, propter quam ille pecca-
ta quidem, quæ aliacunq; tandem fecerint, sit ipsis re-
missa.

missurus, si pro virili ea vitaverint, & si quid imposte-
 rum etiam restiterit temporis, id secundum man-
 data Domini transigentes, integritate sua expiave-
 rint; in afflictionibus vero, si modo sese ipsi penitus
 commiserint, minimè eos sit deserturus, & vel finem
 afflictionibus allaturus, vel levamen adhibiturus,
 vel vires ad eas fortiter perferendas subministratu-
 rus. Tertiò Sustinete infirmos. i. e. Eos verò, qui
 ob exilem rerum divinarum notitiam, in rebus fun-
 damenta salutis non subvertentibus errant, neq; ex-
 actam religionis habent notitiam, tolerate: non sta-
 tim videlicet illos reiiciendo, aut usurpatione liber-
 tati Christiane à vobis abalienando, & propter ex-
 actiorem, qua estis præditi, rerum cælestium notiti-
 am contemnendo; sed potiùs de jure vestro in illorum
 gratiam remittendo, & iis vos accommodando, atq;
 ita eos sensim ad cognitionem rerum exactiorem
 perducendo. Debemus enim, qui firmi sumus, imbecil-
 litates infirmorum portare, ac non placere nobis i-
 psis, ut ait Apostolus Rom: 15. 1. Vide & cap: 14. 21. &
 1. Cor: 8, 9. Posses infirmorum nomine etiam illos in-
 telligere, qui in pietatis stadio decurrere conati, se-
 piùs tamen ex imbecillitate aliqua labuntur. Sed
 credibilius est, illos hic intelligi, quos locis dictis, vel
 infirmos simpliciter, vel infirmos fide appellat. Qui
 vero pietatis habita ratione infirmi sunt, ii sequenti
 præcepto comprehendì possunt. Deniq; Longani-
 mes estote ad vel erga omnes. Præceptum hoc li-
 cèt ad privatam lenitatem ac mansuetudinem, qua

3. Sustinere
 infirmos.

ii qui.

quomodo
 tolerandis

Alia infirmo-
 rum si-
 gnificatio:
 sed non lo-
 ci hujus.

4 Longan-
 mitas erga
 omnes.

quid ea?

nimirum uti debemus erga eos qui nos privatim laeserunt, referri possit; credibile tamen est, illud vel magis, vel certè nō minus, ad publicam, ut ita dicam, lenitatem ac mansuetudinem pertinere, qua uti debent fideles erga eos, qui licet in ipsos privatim non deliquerint, in Dei tamen honorem Ecclesiæq; integritatem aut famam peccant: itemq; in eos, qui errores sorte suos pertinacius defendunt. Itaq; per vocem omnes Christiani homines potissimum videntur intelligendi. Nam de privata mansuetudine erga eos, qui nos ipsos laeserunt, sequens præceptum loquitur. Nisi dicere velis, sequens præceptum huic declarando atq; amplificando subnecti.

Quinta adhortatio ad officia, cum sumus ab aliquo laesi:

quàm diligenter ea observanda

Vindicta hic fugienda.

quomodo.

v. 15. Videte, ne quis. Adhortatio ad mansuetudinis & lenitatis studium, ac curam, ratione effectuum ejus virtutis habitâ. Ita verò hæc verba concepta sunt, ut tam eam curam que alios, quàm eam que nos ipsos etiam respiciat, in se complectantur. Videte i. e. etiam atq; etiam curate (verbum id ad necessitatem, vel simul etiam difficultatem quandam rei, quam præcipit indicandam, additum) ne quis inter vos reperiatur, qui malum pro malo reddat. Moneat videlicet, ut quisque ab hoc vitio sibi caveat, & ne alii fortè ei indulgeant, provideat. malum pro malo reddat. i. e. injuriam ulciscatur, pro dolore dolorem, pro damno damnum reponens. de vindicta loquitur, privatos alloquens, non tantùm eam, quam ipsi privatim repetant, de iis à quibus sunt laesi, sed etiam ea, quam per magistratum repetere queant.

Non

Non tamen ut tollat pœnam, quæ à magistratu ipſo boni ordinis cauſa irrogetur, laſo licet minimè inſtigante, neque etiam ut privatos arceat à legitima ſuorum per magistratū repetitione. Aliud enim eſt. reſtitutionem damni requirere; aliud pœnam: præſertim ſi ita compensationem damni modereris, ut, quantum in te eſt, caveas, ne is, qui te laſit, pœnam incurrat. Addit verò alicui, id eſt, cuicumque, ſive frater ſit, ſive extraneus: ut affectui libenter hic eſſugia querenti frenos imponat, ne quis ad certum tantum genus hominum id præceptum adſtringat, aliterq; ibi cum extraneis, & aliter cum fratribus (quod etiam hodie nonnulli vellent) hac ipſa in re agendum eſſe exiſtmet: id quod ex oppoſita anti- theſi clariùs eluceſcit. Sed bonum ſemper ſectamini. i. e. Sed quoties vobis ab aliquo illata fuerit injuria, pro eo, quod alii vindictam querunt, vos (ut alibi ait,) bonitate veſtra malitiam illorum vincite. Bonum accipitur hic reſpectivè, ut loquuntur, pro utili, quod ſcilicet alteri bonum ſit, ſeu, ut nonnulli vertunt interpretes, pro ipſa beneficentia. et in vos mutuò. ſeu in vos, aut erga vos mutuò, qui eſtis vinculo Chriſtianitatis copulati. Et in omnes, cujus-
 quaque tandem ſint ſtatus, conditionis, ac religionis, quaſi dicat: etiam in extraneos, & à Chriſtiana religione alienos, ubi vos laſerint, beneficentiam exerceatis. Vult ergo Apoſtolus manſuetudinem ita à nobis exerceri, ut etiam beneficentiam exerceamus, & tam longè abeſſe à vindicta cupiditate, ut ejus contrarium etiam faciamus.

quàm laſe
 id extēden-
 dum.

Pro ea, be-
 neficentia
 ſectanda.

R. Gm. 12.
 ult.

erga omnes

6. Adhortatio ad tria officia, cultum divinū respicientia.

1. Gaudium spirituale.

Unde id ostitur.

Gaudendū autē omni tempore.

Et si possit hic eclipsis intervenire, non tamen totalis.

v. 16. Semper sequuntur tres numero adhortationes eiusdem generis, ad ea videlicet officia ducentes, quæ pietatem in strictiori significatione, hoc est, religionem cultumq; divinum respiciunt: quam eorum primum ad ipsos quoque fideles spectat. Id verò est, semper gaudete. gaudio videlicet non carnali, seu ex carnali causa proficiscentes; sed spirituali: quod videlicet in primis ex spe immortalitatis, nobis per Christum à Deo facta, proveniat. De hoc gaudio loquitur idem Apostolus. Rom. 12. 12. Phil. 4. ver. 4. Vult autem isto gaudio Thessalonicenses gaudere, semper. i. e. omni tempore, tam rebus prospere & ad voluntatem fluentibus, quod quidem sponte videtur provenire, in animo felicitati salutisq; sue recto aestimatores, quam in afflictionibus & calamitatibus, & præsertim si eiusmodi incidant tempora, quibus omnia adversus eos conspirare, & velut classicum canere videantur: ut videlicet in maximis etiam angustiis & angoribus constituti sese erigant, nec quantumlibet gravissimis & acerbissimis casibus ita à merore opprimi se patiantur, ut animum despondeant, & se tristitia penitus dedant, atq; ita gaudium istud spirituale amittant; sed potius tanquam palma, tanto acrius contra ea nitantur, & gaudii istius cœlestis vi omnia, quæ ipsos premunt onera excutiant & diiudicant, in quo quidem casu, fatendum est, eclipsin velut quandam & deliquium istius gaudii posse contingere, nō quidem illam totalem, sed tamen talem, ob quam minus vires suas explicet.

explicit, & celeſti ſubſidio ad eas reſovendas & recreandas egeat. Ita quantum in Chriſtianiſmum ſupererit ſpei, miſericordie, & benignitatis divine, beataq; immortalitati, quâ ſe tum ſuſtentent, & recreent, tantum ſupererit iſtius gaudii.

v. 17. Indefinenter orate. Alterum præceptum, de precum aſſiduitate. indefinenter, i. e. quàm creberrime, quàm frequentiffimè. Illa enim dicimur indefinenter agere, quæ quàm creberrimè facimus, & quibus dediti intentiq; ſumus, licet etiam aliquando in iii, natura rei ita ſerente, interjungere cogamur. Quanquam & alia quadam ratione jubemur ſemper orare, & non ſegnescere, ne videlicet animum deſpondeamus, & ab oratione ceſſemus, ſi non ſtatim, in re quam patefactæ a Deo voluntati conſonam eſſe novimus, exaudiamur: ſed potius tanto magis preces intendamus, acriusq; inſtemus, ſcientes, Dominum quandoque non quia preces noſtras ſpernat, o-pem denegare, ſed probandæ fidei noſtræ tantùm differre. Et de hac in precibus aſſiduitate loquitur ipſe Dominus Luc: 18. ver. 1.

v. 18. In omni gratias agite. Tertium præceptum. in omni, ſcilicet tempore. Ad tempus enim illud potius reſpicere, quàm ad objectum, cùm antecedentia præcepta indicant, tum verò quia in malis ac ſuppliciiſ non eſt propriè gratiarum actioni locus, niſi fortè per accidens, quatenus utilitatem aliquam nobis afferre poſſunt. Quanquam ad Ephes: utrumq; conjungit Apoſtolus cap. 5. ver. 20. ſenſu quem hic innuimus.

2. in precibus aſſiduitas.

quomodo id intelligendum.

3. Gratias in omni tempore agite.

et de omnibus.

Ratio omni
um istorum
trium.

innuimus, ibi verò luculentiùs explicuimus. Hæc enim est voluntas Dei. *i. e.* id enim vult Deus, ut supra cap. 4. ver. 5. in Christo Iesu. *i. e.* in religione Christi Iesu, vel, per Iesum Christum tradita, in vos. *i. e.* respectu vestri, vel ad vos spectans: Breuiter, hoc à vobis requirit Deus. Ratio cum hujus ultimi, tum priorum etiam duorum preceptorum.

Adhortatio
septima ad
officia tria
quoad dona
in aliis con-
specta.

1. Ne Spiritus
extinguantur.

quomodo
id fiat.

v. 19. Spiritum ne extinguite. Sequuntur tria alia precepta, spectantia ad officia in rebus de donis spiritualibus, præsertim que in aliis appareant, Quorum primum est. ne Spiritus *i. e.* afflatus diuinos, & dona ex diuina efficacia proficiscentia extinguant: sive in se; tum oscitantia, tum vite impuritate; sive in aliis (nam hoc potius respicere videtur) conatibus videlicet illorum obstando, illos spernendo. Fit enim sæpe, ut etiam si quis maximo Dei dono sit præditus, si videat sua dicta nihili fieri, & se nihil promovere, adeoq; contra torrentem brachia dirigere, velut oppressus animum despondeat, et ab eo, quod caperat, desistat: ex quo tandem & illud consequitur, ut ipsum etiam donum, ubi tanquam ignis velut quodam flatu non excitatur, paulatim desinat & extinguatur.

2. Prophe-
tias ne nihil
faciant.

v. 20. Prophetias ne nihili facite. Alterum hujus generis preceptum, priori velut subserviens, eiq; subjectum. In specie enim, & exemplo quodam declarat, quod generaliter dixerat, quasi dicat: In primis verò Prophetias *i. e.* si quis se Prophetam esse professus fuerit, qui Deo inspirante ac patefaciente, ab-

strusa

strusa in religione Christiana mysteria pandere atque explicare possit. ne nihili facite. i. e. ne contemnite, ne statim rejicite: ita enim spiritum extinguetis, atque ab optimo persepe conatu eum, qui dono aliquo divino præditus est, absterrebitis; sicut ex contrario, ubi quis locum industrie videt, non libenter celat ea, quibus ipsum Deus ornavit.

v. 21. Omnia explorantes. Tertium præceptum, quo occurrit tacite illorum cogitationi & objectioni. Poterant enim dicere: Vis igitur nos statim assentiri, simulac quis spiritus afflatum & Prophetie donum præ se ferens nobis aliquid obtrudere ceperit? Minimè verò, inquit Apostolus. Nec ideo ab uno extremorum vos avoco, ut in alterum pertraham: sed mediam quandam viam vos insistere volo; ut non statim omnia rejicere, sic nec statim cæco quodam impetu approbare debetis. Sed quicquid vobis fuerit oblatum & propositum, explore, & rationes ejus excutite. Explore verò, ad Lydium veritatis illius, quam professi estis, quamq; à nobis didicistis, lapidem: illudq; tandem quod bonum est, i. e. rectum & veritati consonum, tenete. Ita scilicet & à periculosa credulitate vobis cavebitis, & spiritum non extinguetis. Præceptum hoc non Apostoli tantum temporibus unitè necessarium, quibus complures impostores, prophetie & spiritus donum jactabant, periculum verò erat, illa ut statim recipere, ita & statim rejicere, ob ingentium in Ecclesia donorum copiam; sed nostris etiam: partim quidem, ne protinus tan-

3. Omnia
explorent.

quomodo?

Bonum verò
teneant.

Præcepti
hujus necessitas.

quam fanaticum, aut hæreticum damnemus ac repudiemus, si quid à quopiam proferatur de rebus divinis, antea nobis inauditum; partim verò etiam, ne temerè credamus, sed examinis diligenti instituto, rejiciamus falsa, vera ac salutaria retineamus.

Octava ad-
hortatio
generalis,
ut ab omni
specie mali
abstineant.

Species ma-
li h. l. quid?

v. 22. Ab omni. Ultima adhortatio, quæ velut in summam omnia pietatis officia colligere videtur. quasi dicat: Breviter, ut uno verbo dicam, Ab omni specie mali abstinete. i. e. vel ab omni eo, quod licet malum revera non sit, tale tamen esse videatur; nedum ab eo, quod revera malum est: (quod tamen si res per se honesta est, tum tantum locum habet, ubi vel motus est scandali, vel spes majoris adificationis) vel etiam: Ab omni specie mali. i. e. ab omni eo, quodcumque malum est, quamcumque formam aut speciem habeat, ab omni genere malitiæ; ut species idem sit Apostolo, quod forma: Quamcumque faciem & formam improbitas induerit, quali qualis tandem fuerit, ab ea abstinete.

Tertia ca-
pitis pars:
Ejus mem-
bra tria.

1. Votum
magnificum

Nexus cum
superiorib.

v. 23. Ipse autem Deus. Tertia capituli pars: Cujus sunt tria membra. Nam primo votum magnificum ponit. Deinde monita quedam specialiora interserit. Tandem usitatâ sibi formulâ, seu voto Epistolam concludit. Et quod ad votum quidem prius attinget, non tantum illud verbis amplissimis expressit, sed spem etiam in non ambiguam, futurum certo quod volebat, fecit; quasi dicat. Et hæc quidem ego vobis precipio, vosq; proinde pro virili exsequi ea studere debetis, sed Deus ipse conatum utriusq; nostrum.
opera

opera ſua adjuvet, & ad eam vos ſanctitatem, ad quam vos exſtimulo, perducat. Vocat autem eum, Deum pacis, hoc eſt, authorem pacis ac felicitatis omnium. Duplici enim ratione Deus appellatur, Deus pacis: vel quia concordiae eſt author, eaq; vehementer delectatur: vel quia eſt felicitatis omnium author. Vtrumq; enim vox Pacis ſignificat. Priori modo ſumitur 1. Cor. 14: 33. Poſteriori modo ſapius in huius modi votis, ubi non nominatim pax, ſeu concordia optatur fidelibus, ſed ſimpliciter id, quod ad felicitatem eorum pertineat, ut & hoc loco accidit. Deſcriptiones enim huiusmodi accommodatae ſolent eſſe rei, qua de ſermo eſt. Summa autem voti, ſeu rei, quam illi optat, eſt, ſanctificet vos totos, Graece ὁλοῦτε ἅς. quaſi dicat, omni ex parte, ac plane ſanctos atq; inculpatoſ vos reddat, auxilium nempe vobis eam ad rem ſerendo. Neq; enim ita ſanctificat homines Deus, ut eorum ipſorum opera & conatus excludatur. Hoc autem votum poſtea declarat, maxime habita ratione illius perfectionis, quam ſignificaverat voce ὁλοῦτε ἅς. Ea enim duplex eſt: partim quidem habita ratione partium ſubjecti, ſeu hominum ſanctificandorum: partim habita ratione ipſius qualitatis, hoc eſt ſanctitatis in ſubjectū illud introducendae. Ait enim, & integer velleſ ſpiritus, & anima, & corpus, inculpate in adventu Domini noſtri Ieſu Chriſti ſeruetur. Hominem in tres

Deum cum
Vocet De-
um pacis

Summa voti
ut eos
Deus ſan-
ctos reddat,
quomodo
id Deus
praſtat.

et totos
quoad
l. ſpiritus

mentem.

- mentem, quâ Deum, cœlestia, honesta consideramus,
 2. animam. ac cognoscimus: animam, hoc est, voluntatem (sic
 sumitur cùm jubemur ex tota anima Deum diligere;
 quanquam hic appetitum quem voluntas dirigit,
 cùm ea conjungere possumus, vel potiùs debemus,) &
 3. corpus. corpus, seu corporis membra, quibus sententiam
 mentis, ac voluntatis decreta exequimur. Vult au-
 tem ut integer spiritus, anima, corpus, inculcata
 serventur: ne qua pars istarum rerum sanctitate va-
 cet. Sanctitas autem illa exprimitur, dum dicitur, ut
 inculpatè seruetur. Ejus perfectio, ac plenitudo
 quedam, dum additur, in adventu Domini no-
 stri Iesu Christi. Inculcata enim in adventu præ-
 sertim Iesu Christi esse ea non possunt, nisi sint san-
 cta. Quod enim est sanctum, culpâ non vacat. Inculpatum autem
 est integer spiritus, cùm mens atq; intellectus noster
 omni vacat errore, qui ipsum polluere, atq; inquina-
 re aliqua ratione posset. Talis autem error foret, qui
 pietatem aliqua ex parte tolleret, aut labefactaret:
 ut si quis quidpiam præcepti Christi adversum statu-
 eret, aut quod spem futuræ vitæ, qua omnis Christi-
 ani homini pietas nititur, subverteret. Anima seu
 voluntas inculcata est, cùm nihil statuit, nihil desi-
 derat, quàm quod divini mandati est consentane-
 um, & in pietatem ac salutem toto impetu fertur.
 Corpus deniq; inculpatum est, cùm nihil aliud facit,
 nec quicquam membrorum ministerio exequitur, ni-
 si quod cum indem Dei ac Christi mandati conve-
 nit,

Spiritus no-
 ster quando
 inculpatus.

Anima quan-
 do inculpa-
 ta.

Corpus
 quomodo.

nit. Vult autem ea omnia ſervari inculpate in adventu Chriſti. Ita enim coherere videntur verba, ut ſignificetur vera ac ſolida ſanctitas: non ficta, & ſpecie tantum pietatis hominum oculis imponens: non etiam mutila, quæ in adventu Chriſti inq̄ ipſius iudicio conſiſtere, & nos inculpatoſ præſtare non poſſit; ſed talis, quæ coram ipſo Chriſto olim, cum iudicabit mundum, & unicuiq̄ pro operibus reddet mercedem, inculpatoſ nos præſtet, hoc eſt in cauſa ſit, ut ab omni ſupplicio immunes, in regnum cœleſte admittamur. Non arbitramur ergo & hic poſitum pro eis, & hoc ruruſus pro ꝑ̄e Chriſti, quaſi dicat, uſque ad adventum Domini noſtri Jeſu Chriſti, ut nonnulli cenſent, & ſic verba hæc cum ſequenti verbo ſervetur conjungunt, quaſi Apoſtoluſ durationem iſtius ſanctitatuſ eo pacto exprimat. Quanquam nihilominuſ eam durationem hiſ verbis involutam arbitramur. Nam dum ait conſervetur, non tantum partes illaſ hominiſ inculpatoſ ſanctitaſve ſemel effici, ſed eam ſanctitatem conſtanter à Deo ſoveri cupit, eamq̄ fixam ac ſtabilem eſſe optat: Deinde cum vult, ut ea ſerventur inculpate in adventu Chriſti, hoc eſt ita, ut in adventu Chriſti culpaſ nequeant; ſimul indicat ad adventum Chriſti uſque, vel ſaltim uſq̄ ad mortem, ea inculpate ſervari debere. Si enim ante illud tempuſ inculpata eſſe deſinant, in adventu Chriſti inculpata non erunt. Eo ipſo autem dum adventuſ Chriſti ſit mentio, inſinuat animiſ neceſſitas atq; utilitaſ ejuſ ſanctitatuſ,

Inculpate
ſervari
corpuſ, a-
nimam,
ſpirituſ.
in adven-
tu Chriſti
quid ſit.

quam

quam Thessalonicensibus optat Apostolus. Quandoquidem notum erat omnibus Christianis, Christum in adventu suo orbem universum iudicaturum, & cuiusque pro operibus justam mercedem redditurum. Quare & necesse est in adventu illo inculpatum reperiri, & fructum ea res habitura est incomparabilem.

v. 24. Voto expresso, spem quoque facit Thessalonicensibus Apostolus, fore ut, quod ipsis optaverat, consequantur, dum subjicit. Fidelis qui vocat vos, qui etiam faciet. Vbi & causam exponit, unde effectus voti sui manaturus sit, & unde tanti boni spem ac fiduciam capere illi merito possint, deinde & ipsum effectum subjungit. Causa est, Dei, qui Thessalonicenses ad suum regnum ac gloriam vocaverat, fides, hoc est constantia in servandis promissis, omnibusque illis prestandis, que promissionibus ipsius, aut gratie hominibus oblata, sunt consentanea. Quare cum & promissa Dei, & gratia Thessalonicensibus oblata postulet, ut quatenus vires ipsorum deficiant, ope illos sua atque auxilio fulciat, ut sancti atque inculpati in adventu Domini Iesu serventur: fides quoque Dei postulat, ut id prestat. Quare nihil dubitandum est, Deum auxilium illis laturum, ad sanctitatem omni ex parte, constanterque colendam. Describit autem Deum, nomine non expresso, dum ait, qui vocat, aut per Enallagen temporum, vocavit vos, ut significet, quenam sit, aut unde pendeat illa obligatio Dei, ad auxilium illis, ut omni ex parte inculpati evadant, ferendum. Comprehenditur e-

nim ea in vocatione à Deo profecta, aut ex ea pendet. Etenim vocat nos Deus, cum nos ad cœleſte regnum capeſſendum invitât, & aperte declarat, cupere ſe, ut regnum illud aliquando re ipſa obtineamus, ea nimirum via, quam nobis per Chriſtum præſcripſit. Id verò dum facit Deus, ſignificat ſe nos vehementer diligere, omniaq; que ad ſalutem noſtram ſunt neceſſaria, in quibus vires noſtre deſciant, facere paratum eſſe. Nam aliàs, quod verbis offerret, re ipſa negare videretur, ſi, cum viam ad cœlum præſcripſerit, quam nobis ipſis relictâ, & ope ipſius deſtituti, emetiri non poſſimus, nos poſtmodum deſtitueret. Quare vel ipſa hæc ad cœleſte regnum vocatio tacitam quandam complectitur Dei obligationem, ſeu tu maioris promiſſionem, que poſtulet, ut auxilium ferat ad ſanctitatem conſtanter colendam: ſed extant etiam aperta Dei promiſſa, vocationi huic annexa, quibus Deus ſpiritu ſe nos ſuo corroboraturum, & in pietatis curſu nos adiuturum pollicetur. Eſſectum ſubiicit, qui etiam faciet. Particula etiam comparationi parium ſervit: & ſignificat, quemadmodum verum eſt, Deum, qui nos vocavit, fidelem eſſe; ita & illud, facturum eſſe eum id, quod antea Theſſalonicenſibus precatus fuerit, hoc eſt, eos ſanctificaturum totos.

v. 25. Fratres orate pro nobis. Sequuntur nunc alia quedam monita, que privata dicere poſſis: quorum primum eſt, ut pro ſe Deum orent, ut nimirum, quemadmodum in ſecunda ad eodem Episto-

11. Mōnita
privata.

Primum ut
pro Apoſtolo
lo orent.

cap:

cap: 3. scribit, sermo Domini currat, & glorificetur, quemadmodum etiam apud ipsos, & ut eruatur, tum ipse, tum alii laborum socii, ab absurdis & malis hominibus, ut, quemadmodum scribit ad Eph: cap: 6. 19. ipsi detur sermo in aperi-
 one oris ipsius, in libertate, ut patefaciat mysterium Evangelii: ut liberetur à periculis, ut ostium fidei aperiat Deus, & occasionem largiatur commodam Evangelium prædicandi, ut victoriam de ejus hostibus largiatur. Vide etiam Rom: 15, 30, & 2. Cor: 1. 10. 11. Phil: 1. 19.

Alterum, ut omnes nomine ipsius saluentur in osculo sancto.

v. 26. Salutate fratres omnes in osculo sancto. hoc est meis verbis, osculo addito, non profano, sed sancto, ac Christiano, seu ex charitate Christiana profecto, salutate omnes fratres. Præceptum hoc est secundum, ad eos pertinens, qui Epistolam primi essent accepturi, ac lecturi, nempe, ut consentaneum est, seniores; quemadmodum & sequens præceptum. Id autem est:

Tertium, ut legatur Epistola omnibus.

v. 27. Adjuro vos, [per] Dominum, ut legatur Epistola omnibus sanctis fratribus. Graviter illos obtestatur, Domino Iesu Christo veluti teste advocato, & quodammodo etiam vindice, si secus faxint, ut qui primi Epistolam hanc acceperint, legerint vè, eam ne supprimant, aut sibi solis rerum in ea scriptarum notitiam reservent; ceteris vel nihil de eis significantes, vel quantum sibi videatur; sed ut universo fidelium catui eam prælegant, aut prælegant; quandoquidem in illis ea continentur, quæ omnibus

Epist. prior. ad Theſſal.

119

mnibus ſcitu erant neceſſaria, ita ut ſaluti omnium
intereret ea cognoscere. Sanctos vocat fratres,
quod eſſent cognitione veritatis à profano ho-
minum vulgo ſegregati, ac Deo consecra-
ti. Similis loquendi modus eſt He-

Cureoivó-
cet ſanctos.

bra. 3. 1.

7. 28. Gratia Domini noſtri Ieſu Chri-
ſti. De hoc voto, quo Epistola clauditur,
dictum eſt alibi.

iii. Epilo-
gus.

GRATIA TIBI DOMINE IESU.



I

IN PO.

IN POSTERIOREM D. PAULI
AD THESSALONICENSES
EPISTOLAM.

Argumentum.

Scopus E.
pistolæ.

PRecipuus hujus Epistolæ scopus est, Confir-
mare Thessalonicensium fidem, & eos tum
ad progressum in ceteris virtutibus Christi-
anis, tum verò inprimis ad constantiam in patien-
tia ac tolerantia afflictionum ob Christi nomen per-
ferendarum, excitare. Hoc autem ut consequatur, e-
orum fidem, charitatem, sed patientiam maximè,
atq; omnium fusissimè commendat: deq; his virtuti-
bus ipsis gratulatur, sui erga illos studii atq; affectus
argumenta ubiq; interspergens, ut orationem hoc
pacto velut animet, & ad eorum pectora tum conso-
landa, tum ad constantiam permovèda, efficaciorè
reddat. Deinde, quia nonnulli inter eos reperiebantur,
qui jamjam adventum Domini, de quo superiori
Epistolâ disseruerat, instare dicerent, hunc etiam
errorem animis eorum eximit, cum alia quedam,
tum Antichristi adventum diem illū antecessurum,
predicens. Tandem ad præcepta, & cohortationes
ad varia pietatis officia, more suo descendit. Tres igi-
tur sunt hujus Epistolæ partes: quarum singule,
singule

Partes E.
pistolæ.

singulis capitibus continentur. Præter hæc (ut in aliis etiam Epistolis vidimus) ponitur Exordium, & Epilogus.

IN CAPUT I.

Salutatus in exordio, more suo, Thessalonicensibus, virtutes nonnullas ipsorum commendat: omnium autem suffusimè patientiam, ut ad eam illos tanto magis extimulet: tandemq; voto suum erga eos studium exprimit. Ita tria sunt capituli membra.

v. 1. & 2. Paulus. &c. Prima capituli pars, seu exordium Epistolæ, versiculis duobus comprehensum; de quo quid ad priorem Epistolam dixerimus, vide. Isdem enim planè verbis conceptum est.

v. 3. Gratias agere debemus. Incipit ipsa Epistola, & alia capituli pars: in qua gratulatur Thessalonicensibus, de quibusdam eorum virtutibus, commendans inprimis eos à fide & charitate, fundamentis & fontibus omnium pietatis officiorum: quarum magnitudinem & perfectionem à duplici in se ex illis orto effectu arguit. Prior est gratiarum actio, ut assidua, ita ipsorum merito, vel potiùs divinæ erga eos benignitati, unde pietas eorum profluxit, debita. Ait enim: Gratias agere debemus Deo, semper pro vobis, fratres, quasi dicat: gratias, prout quidem debemus, agimus pro vobis semper. Vel & debemus agere gratias, & porro re ipsa agimus. Non magis enim his verbis voluit expressum, quid officii sui hac in parte esset, quàm quid re ipsa faceret; cuius facti quia ratio ipsi constabat, meritoq; id ab eo fie-

Prima Epistolæ pars hoc capite continetur

Capituli membra tria.

1. Exordium.

2. Commendaturus

Thess: gratias pro his se Deo agere asserit.

Idq; tum
propter fi-
dem ipforū.

Tum pro-
pter chari-
tem.

bat, ideo, exprimere id volens, concisa hac loquendi ratione usus est. Quoniam id ipsum denuo mox hū verbis expressit, ita ut dignum est, i. e. sicut sanè decet ac convenit a nobis fieri, seu, æquum est ut fiat. Itaq; alterutrum harum vocum, nempe aut hæ posteriores, aut illa ὀφείλομεν, redundat. quoniam superaugescit fides vestra, i. e. Quoniam maiora subinde incrementa sumit, seu vehementer crescit, sive assensus vester Evangelicæ doctrinæ adhibitus, sive fiducia in Deum ac Christum ex assensu illo manans: ita, ut tum in eorum, quæ semel recipistis veritate magis ac magis corroboremini, tum in fiducia erga Deum quotidie crescatis: spei videlicet vestre anchoram in omnipotentie, misericordie, & providentie eius oceanum profundissimè per Christum demittentes. Vna gratiarum actionis Paulinæ, causa, virtusq; Thessalonicensium prior à Deo profecta, ex qua illos commendat. Altera causa, & posterior virtus; Et abundat charitas. i. e. & charitas vestra erga proximum, non est tenuis, non manca, sed absoluta, & bonorum fructuum copiâ exuberans. uniuscuiusq; i. e. in unoquoq; vestrum. Vt illud ad intensionem, ita hoc ad extensionem, ut ita dicam, charitatis, utrumq; autem ad insignem Thessalonicensium commendationem, & divine erga eos beneficentie laudem spectat: quòd & tam eximia esset illorum charitas, & tanta virtutis laus non esset quibusdam tantum inter eos peculiaris, sed communis omnibus. Ideoq; hū verbū non contentus, insuper ad-

dit vo-

dit vocem omnium, dum ait, uniuſcujuſque omnium veſtrū: quæ licet videatur redundare; non eſt tamen prorsus otioſa. Apertiùs enim oſtendit, quàm latè hæc virtus ejuſq; incrementa in Eccleſia Theſſalonicenſium pateant. Significat quippe, non alicui tantū inter ipſos ordini hominum vè generi eam eſſe propriam: ſed toti Eccleſiæ eſſe communem; non in ſenioribus tantū, verbi gratiã; ſed & in auditorum vulgo conſpici. in inuicem. i. e. erga vos mutuò. De charitate loquitur, quã Chriſtiani Chriſtianos, & quidem ob id ipſum, quòd Chriſtiani eſſent, proſequerentur. Porro generalibus fidei & charitatiſ vocibus videtur per quandam ſynecdochen complecti voluiſſe omnia pietatiſ officia.

v. 4. Vt nos ipſi in vobis gloriemur. i. e. quæ quidem laus veſtra tam illuſtrū & eximia eſt, ut nos etiam ipſi gloriemur de vobis. In hoc loco denotat obiectum, ut & Rom: 5. 3, 11. quemadmodum eſt ab aliis notatum. in Eccleſiis Dei. i. e. coram cæteris omnium fidelium. Eccleſias enim Chriſtianas intelligit, quibus ſolis ſub Novo Fœdere iſ titulus conuenit. Alter effectus, manans ex virtutibus Theſſalonicenſium, & cum illorum magnitudinem, tum ipſorum Theſſalonicenſium commendationem augens. Nec enim vulgare quid & protritum, ſed eximium & excellens ſit, oportet, omniumq; aded vulgarium laudum titulos ſupergreſſum, de quo tantus Apoſtolus cum ſociis tantopore gloriatur. pro patientia veſtra & fide veſtra. i. e. de patientia & fide veſtra:

Quæ tantæ in Theſſalæ fuerunt, ut de illis gloriaretur Apoſtolus in Eccleſiâ.

stra: ὑπὲρ προσηγῆ, ut 2. Cor: 1. 7. & 8. & alibi in eadem Epistola saepius. Explicat quid sit illud, de quo dixerat se gloriari in illis, seu magis quatenus, cujusve rei respectu de iis gloriatur, quaeque sit illius gloriationis materia atque argumentum. Fides nempe & patientia illorum. Fidei vocem in alterutra significationum paulo antè explicatarum sumit, patientiam tanquam ipsius custodem cum illa collocat, & in locum charitatis superius nominatae substituit, tum quod illa maxime illustre esset illorum fidei documentum, magisque ceteris, praesertim longè distitum, quàm ipsa charitas, conspicua: tum quia de illa pluribus dicturus, & ad constantiam in ipsa Thesalonicenses imprimis animaturus esset. in omnibus persecutionibus & tribulationibus quas sustinetis, nempe propter doctrinae Evangelicae professionem. Ad eas enim tantum (ut & sequentia indicant) afflictiones proprie respicit.

v. 5. Indicium certum. Hic jam longius excurrit in patientia ipsorum, ad cuius constantiam eos praecipue excitare atque animare constituit, laudem & commendationem. Haec enim virtus fidei ac porro etiam salutis custos est, eaque Thesalonicenses maximopere indigebant, cum veritatis Evangelicae causam, ab adversariis gravissime premerentur. Commendat autem eam ab effectu revera duobus, quamvis si verborum structuram spectes, unus tantum esse videatur, quia prior, qui huius seculi est, respicit posteriorem, ut in quo tota vis sita est, futuro demum

seculo

Quin & de
patientia
illorum.

in omnibus
persecutio-
nibus.

Patientia
locus.

seculo implendum. Porro in verbis est Solæcophanes: per appositionem enim Dativo ἑλισσίου afflictionibus jungitur ἐνδ' εἰγµαῶ indicium seu demonstratio; sed Hebræorum more potest subaudiri relativum quæ vel quod, & ellipsi aliis quoque lingvis usitata verbum sunt vel est. Unde nonnulli interpretes sic orationem suppleunt: quæ res manifestum est indicium. i. e. luculentum documentum. justii judicii Dei. i. e. illius quod olim justè decreturus est de vobis Deus. Ut digni habeamini vos regno Dei. Explicat quale de ipsis futurum sit Dei judicium, cujus indicium sint afflictiones, quas patientur. Quasi dicat: talis nimirum judicii Dei, ut digni ab ipso censeamini, seu pro dignis reputemini, qui regno & gloriâ ipsius potiâmini. Non enim de ejusmodi dignitate loquitur, quam Deus in nobis sit effecturus eatenus, ut virtutem in nobis producat hoc premio dignam: sed, ut pro summa sua erga nos benignitate, ac secundum promissa sua liberalissima, virtutem ac patientiam nostram tanto premio dignetur. Hanc ejusdem vocis κατὰξίωθῆναι significationem habes Luc: 21. 36. Excludit hæc vox meritum propriè dictum. Censeri igitur & reputari dignum regno illo cælesti, est præcipuus patientiæ fructus. Cui accedit alter, illius veluti prodromus, habere certum quoddam atque indubitatum tantæ felicitatis tantæq; mercedis argumentum. id quod unumquemque animare debet, ut omnia acerba propter nomen divinum perferat & obdures, memor quòd hic dolor

Quæ documentum sint certum

Quòd sint digni regno Dei reputandi.

sit sibi profuturus olim. Vocula εἰς, non tam finem hoc loco significat, quàm effectum potiùs illius iudicii divini, quod iustum appellavit. Pro quo & patimini. i. e. propter quod, videlicet regnum Dei, seu cuius consequēdi gratiã etiã sustinetis has afflictiones. Vel causam insinuat, cur illi digni reputandi sint regno Dei, quia illius gratiã patienter tolerent calamitates varias ac graves: vel significat, ipsorum consilio ac desiderio eventum non desore: consequuturos eos quod querant, & cuius causã tam acerba patiantur. Pati eos, ut regno Dei potiãntur: proinde etiam certò fore, ut potiãntur: Vocũ ὅτι finem denotantiũ clarissimum exemplum.

Vox ὅτι
finem de-
notat,

Quia iustum
est apud
Deum, ut
qui pios af-
fligant, ipsi
ab eo affli-
gantur.

ver. 6. Siquidem iustum est apud Deum, i. e. Dei iudicio ac sententiã. Effectum superiùs expressum confirmat, ab adjuncta iustitia seu equitate, & quidem eiusmodi, ob quam fieri nequeat, quin bonum illud, cuius spem fecerat Thesalonicensibus, in re ipsã obveniat. Iustum enim hoc loco dicitur id, quod ut fiat equum est, seu quod equitas ac rectitudo postulat, sive ob ipsius rei naturam, sive ob decretum aut effatum Dei irrevocabile. Simul autem istud effectum illustrat à contrario. Non solùm enim quid piũ & afflictũ, sed etiam quid impiũ, & pios Christi servos affligentibus eventurum sit docet. retribuere tribulantibus vos tribulationem. i. e. ut in qui affligunt vos & persequuntur, propterea quòd Christo adhereati, reddat, quam sua ista crudelitate merentur, pœnam & afflictionem. In-
telligen-

religendum nimirum nisi respiscant, & ab hac crudelitate desistentes, ipsi potius ob Christi nomen omnia perpeti sint parati. Nam hujusmodi conditionem esse subaudiendam, & tam benignè interpretandam esse hujus decreti divini severitatem, tum alia multa Novi inprimis Fœderis dicta ac promissa, tum exemplum Pauli ipsius evidentissimè docet: de quo vide 1. Tim. 1. Ab uno contrariorum incipit hoc loco Apostolus, eo nimirum judicii divini effectu, qui impios manet: & desinit in altero, eo videlicet, qui piis destinatus est, propter quos hic universus sermo susceptus est.

v. 7. Et vobis afflictis relaxationem. i. e. Qui verd affligantur, requiem æternæ vitæ accipiant.
 Vobis autem, qui ab illis affligimini, liberationem ab omnibus calamitatibus, & requiem illius æterni & nunquam cessaturi gaudii, mercedis veluti loco reddere, æquum est. ἔτι positum pro ἔτι, vel ἔτι. Effectus posterior ex patientia in persecutione profluens, & causa constantiæ, animiq; in afflictionibus invicti. Dicit autem justum esse apud Deum, ut Thessalonicensibus cœlestis regni causâ tanta patientibus, hæc requies detur; non quòd patientia ipsorum tantam felicitatem propriè loquendo mereatur: (quæ enim finiti est ad infinitum proportio?) sed quòd Deus ad hoc premium piis persolvendum promissione ac fœdere sese obstrinxerit. Hunc verò judicii divini effectum illustrat primùm à simili, seu majori à pari, cum ait nobiscum. i. e. mecum & cum aliis mihi similibus, qui itidem Christi causâ affligimur: qua in

re latet argumentum, quo comprobatur effectus ille letus, ad Thesalonicenses olim ex ipsorum patientia rediturus. Nam quemadmodum Paulo afflictiones Christi causa, patienti Deus daturus est premium hujus tolerantie ac constantie, relaxationem nimirum & requiem ab omnibus molestiis; ita & Thesalonicensibus. Deinde eundem effectum illustrat ab adjuncta temporis circumstantia, cum ait: in revelatione i. e. illustri ac conspicuo adventu Iesu Christi. Quam rem amplificaturus revelationem seu adventum hunc uberius describit, & ejus majestatem eleganter depingit, ut ita Thesalonicenses, non modo quando premium hoc accepturi sint, & contra impii ipsos affligentes pœnas sint daturi, intelligant, sed etiam per quem, & quo pacto. Adventum ergo illum Christi describit primum à loco, unde sit venturus, nimirum, è cœlo, ubi ad hunc usq; diem ad Dei dexteram sedens, omnibusq; rebus imperans, ac salutis nostræ curam gerens, habitat ac residet, descensurus inde in hunc aërem, ad judicium vivorum & mortuorum, uti 1. Thes. 4. vidimus. Perinet hoc ipsum ad majestatem judicis illius demonstrandam, quòd è cœlis sit proditurus, utpote non terrenus, sed divinus judex, qui ipsius Dei personam in judicando sustineat. Quanquam simul etiam indicatur locus nostræ quietis ac felicitatis; ut intelligitur ex Phil. 3. 20, 21. Deinde adventum illum Christi describit atq; illustrat ab adjuncto itidem insigni, cum angelis virtutis seu potentie suæ, seu mari suis.

Utrumque
in adventu
Christi fu-
rum.

Qui descen-
det è cœlo.

Cum Ange-
lis potentia,
22.

i. e. cum angelis sui potentibus, robore ac viribus insigniter pollentibus. Vnde fortes robore dicuntur *pellantur*. Psalmo 103. Genitivus est adjuncti, & Hebraismus, dum genitivus pro adjectivo ponitur, & pronomen *ἐν τῷ*, magis cum remotiori angelis, quam cum proximo potentiae coheret: imò, si sensum spectes, non cum hoc, sed cum illo jungitur. De hoc Angelorum comitatu & ministerio vide etiam Matth: 24.

v. 8. Tertio illustrat adventum illum ab effectu duplici; qui quidem est effectus ipsius Christi adventus, in eoq; iudicii ab eo tum exercendi ratio, ac porro ipsum quoq; Dei iudicium, cuius v. 5. & 6. facta est mentio. consistit. Prior effectus est poena impiorum, in igni flammæ dantis vindictam. i. e. qui vindictam sumet, seu puniet, igni flammante. Non enim haec verba in igni flammæ, ut quidam putant, ad priora referenda, revelationem videl. de caelo, quasi majestatis exaggerandæ causa addantur, diciturq; Christum de caelo cum igni flamma venturum (quanquam id eo sensu ferri possit, si intelligatur cum ita venturum, ut ignis flammam quodammodo secum adferat, seu impiis adveniens immittat) sed ad posteriora, ut modum poenæ impiis irrogandæ exprimant, de quo legimus Math: 13, 42. Vox inposita est pro per, seu mavis ex Hebraismo posita, in Græco redundat. Modum enim seu medium poenæ insigendæ denotat. Porro dare vindictam Græcismus est, aut potius Hebraismus, pro quo Latinis dicitur sumere vindictam. Vindicta verò hic nihil aliud

Tum vindictam sumas de malis.

In igni flammante.

Qui & qua-
les ii.

est quàm pœna, iis qui non noverunt Deum. Describit homines puniendos ab adjuncto, seu maris effectu. Ignorantia enim hæc ita illis inest, ut eorum culpâ insit. Meritum pœnæ hac descriptione exprimit, & tacitè vult ostendere, eos jurè hoc supplicium luituros; quasi dicat: qui cùm possent Deum ita cognoscere, ut illius voluntati & arbitrio sese penitus dederent, habentes occasionem, & audientes prædicationem Evangelii; ad cognitionem tamen Dei animum non adjecerunt, neq; porro illi sese penitus addicere & mancipare voluerunt. Non enim ita generaliter hæc vox poni videtur, ut ad illos etiam extendi debeat, qui ut nullâ penitus Dei notitiâ præditi sunt, ita nullam ad eum cognoscendum occasionem habuerunt. Quod etiam sequentia verba demonstrare videntur, quæ explicationis ergo subjicit Apostolus: & non obedientibus Evangelio Domini nostri Iesu Christi. quasi dicat: hoc est, iis, seu, qui sunt illi, qui oblatum sibi Evangelium recipere noluerunt, aut licèt fortè receperint, ab eo tamen vel penitus per apostasiam resilierunt, vel saltem vita & moribus suis dissentiant, ita ut licèt ipsi non erubescant Evangelium, illud tamen ipsos erubescat. Verùm hic ii potissimùm videntur intelligi, qui Evangelium recipere noluerunt, sed id contumaciter repudiarunt.

v. 9. Qui pœnas luent exitium æternum.

Magnitudo
illorum pœ-
næ.

i. e. Qui exitii æterni pœnâ multabuntur. Magnitudinem pœnæ exprimit, cujus versiculo superiori modum attigerat. à facie Domini. i. e. à Domino,

Vocibus à
facie Do-

cujus

ejus decreto, ſententiâ, ac juſſu, illis iſta pœna irrogabitur. Hypallage eſt Hebræa. Cauſam enim illam ſignifican-
 effluentem, quæ pœnam illam ad effectum deductura
 ſit, emphaticè & cum majestatis Chriſti regali inſi-
 nuatione exprimit; quòd videl. à facie, ſeu ab ore i-
 pſius, tâquam regis ac judicis cœleſtis, decretum iſtius
 pœnæ proditurum, & glorioſis viribus ipſius executi-
 oni mandandum ſit. à facie enim Domini ideo id fu-
 turum dici videtur, quia ſententia ore judicis prola-
 ta velut à facie ejus prodire videtur. Sic Pſalmo 17,
 2. ait David: à facie tua jus meum prodeat. hoc
 eſt: tu ore veluti tuo pronuncia ſententiam de me
 juſtam, jus atq; innocentiam meam tuo decreto aſe-
 re. Quanquam aliàs à facie alicujus, phraſi Hebrai-
 ca, idem eſt quod ab aliquo, ut indicant inter alia
 loca iſta Deut: 20, 19. Pſalmo 17. 2. 1. Paral: 29. 12.
 Eſaie 57. 16. Dan: 2. 18. & 7. 26. Itaq; à facie Do-
 mini, ſimpliciter accipi poteſt, quaſi dicat à Domi-
 no. Quidam modum pœnæ impiis inſtigendæ hiſ ver-
 bis exprimi putant: quaſi dicat, expulſi à facie Do-
 mini, ſeu ita abjecti, ut illi faciem Domini intueri,
 aut coram ipſo verſari non liceat, ſed ab eo procul
 diſjuncti pœnas luant.

ſignificatur?

A facie alicujus fieri quid ſit.

v. 10. Cùm venerit glorificari in ſanctis ſuis. i. e. Illo, inquam, tempore, quo veniet ut quàm glorioſus ſit, appareat, vel laudem ac gloriam inſignem referat, ex eo, quod ſanctis ſuis, hoc eſt, fidelibus ſuis præſtiturus eſt; cùm præmium illorum virtutibus, & inprimis patientiæ, ex promiſſo debitum conſerret. I-
 dene

Punientur autem die ultimo.

Quando
glorificabi-
tur Dominus
in sanctis
suis.

dem tempus iudicii Domini illustrat ab effectu, superiori contrario, atq; ita ad fideles, propter quos in hunc sermonem descenderat, paulatim redit, quod tantò meliùs sequentia cum antecedentibus connectere possit. Glorificandus autem dicitur in die iudicii in sanctis Dominus, quia tùm maxime illius splendor ac maiestas, tùm vera ac solida gloria apparebit, & laus ei maxima ab omnibus tribuetur, cùm suos omnes in vitam revocabit, eosq; immortales & verè gloriosos ac beatos efficiet, quin omnes etiam, qui à condito orbe in Deo fidem suam collocaverant, in possessionem aeternæ illius hereditatis introducet. Et admirabilis fieri in omnibus credentibus. i. e. ut eum in suis fidelibus potentie & imperii sui effectum exserat, quæ summam ipsi admirationem apud omnes conciliet. Maximam enim omnium admirationem excitabit beatissimus ille status ac gloria, ad quam omnes, qui in illum crediderint, tùm temporis perducet. Auget id, quod superius dixerat, amplitudinem gloriæ Domini, quæ tùm sese exeret, exaggerando. (Quia creditum est testimonium nostrum, super vos vel apud vos) Verba hæc in parenthesi ponenda, hiatusq; velut quiddam (quia concisè prolata sunt, nec prima facie, quid illis velit, apparet) explendus. quasi dicat: Et inter illos etiam in vobis, quia & vos in credentium numero estis, ut qui credideritum testimonio nostro. i. e. illi sermone seu doctrine de qua testimonium perhibuimus inter vos. Sub genere enim, hoc est omnibus

omnibus credentibus quorum fecerat mentionem, etiã speciem insertam, hoc est, Thessalonicenses, ad quos & de quibus hic precipuè sermo est, quorumquẽ causa hæc omnia dicuntur, tacitè vult comprehendendi, in die illo, i. e. extremi iudicii. Verba hæc addenda post parenthesin, & jungenda verbo admirabilis fieri, quasi dicat: nempe in die illo. Dies ponitur pro tempore.

v. 11. In quod seu cuius rei gratiã etiam oramus semper pro vobis. i. e. quod quidem, ut vobis eveniat, oramus creberrimè. Ultima hæc est capitii pars, in qua postquam eos ad constantiam in patientia satis animavit, votum etiam suum subjungit, quo id illi re ipsa obvenire cupit, quo eos in officio, & precipuè perseverantia in afflictionibus continere voluit. Quod quidem Apostoli votum, & benevolentie singularis contestatio, ad eos consolandos animandosq; vim haud exiguam habere poterat: quasi dicat: Cujus quidem tam illustris & augusti boni, ut vos etiam compotes fiat, & in numero istorum, in quibus glorificabitur & admirabilis apparebit Dominus, censeamini, adeo vobis roveo & opto, ut vos ad id quod vestrarum est partium ducens, cœleste insuper vobis auxilium implorem, interpellemq; pro vobis identidem, ut vos dignetur vocatione Deus nosse. Vel, ut id in vobis præstet & efficiat, ut dignè vos geratù vocatione vestra, hoc est, ita vivatù, quemadmodum convenit vocationi vestra, seu ut eos decet, qui ad tantam felicitatem sunt vocati; Vel
(quod

Tercia capitii pars
Votum.

Ut Deus eos dignetur vocatione.

(quod magis probamus) ut vos dignos censeat eo, ad quod vos vocavit, nempe resurrectionis & immortalitatis bono, voce vocationis pro ejus objecto, hoc est, re, ad quam vocati essent, per metonymiam adjuncti, ut ab aliis est annotatum, usurpata. Ut tacite simul duo velut argumenta includat, quibus ipsos voti istius haud aegre compotes fieri posse verisimile reddit. Quorum unum est in vocationis nomine, quia videlicet Deus id ipsis bonum sponte obtulerit, & promiserit. Alterum in voce Deus noster, quia videlicet: is, qui eos vocavit, & à quo illis ista voceat, Deus noster i. e. benefactor noster est is, qui se nobis tam propitium, tam saventem, nostrisq; tantopere amantem exhibuit. Esse enim Deum alicujus, est esse ipsius benefactorem, ipsumq; singulari amore ac benevolentia complecti. Et impleat omnem bonam voluntatem seu beneplacitum bonitatis, i. e. ad finem in vobis perducatur illam insignem beneficentiam suam, ex libero eius beneplacito manantem: vel beneplacitum suum ex mera benignitate profectum. Explicat idem quod paulò aliis antè verbis dixerat. Vox $\kappa\upsilon\alpha\theta\omega\sigma\upsilon\upsilon\upsilon\varsigma$ nomini $\epsilon\upsilon\delta\omicron\kappa\iota\alpha\varsigma$ seu beneplaciti subiecta, ut iam innuimus, potest dupliciter accipi: vel pro genitivo causæ efficientis, ut scilicet benignitatem divinam, unde beneplacitum illud, seu decretum divinum liberrimum, amoris ac benevolentiae in homines plenum, quo salutem illis eternam destinavit, profectum fuit: vel pro genitivo effecti; quo pacto significabit effectum beneficentiae, seu benignitatis

Et ad finem
perducatur
suam bene-
ficentiam
ex benepla-
cito libero
profectam.

tem in ipſo effectu conſiſtentem; que quidem ab Ev-
 donice ſeu beneplacito ipſius liberrimoq; decreto
 pendet. Uſurpatur vox ἀγαθωσύνη pro beneficen-
 tia ab Apoſtolo, Gal: 5. 22. Eph: 5. 9. Et opus fidei, Et opus fi-
 dei imple-
 at.
 ſcilicet impleat, hoc eſt, opus totum fidei in Chriſtum,
 ac religionis, in vobis ceptum, ad exitum perducatur.
 Fides enim hoc loco per ſynecdochen metonymi-
 cam totum religionis ac pietatis Chriſti, ut loqui ſo-
 lemus, negotium complecti videtur: ut iterum ſit ge-
 nitivus ſpeciei: quaſi dicat; opus ſeu negocium id, quod
 eſt fides. Quanquam interim non pugnamus, quo mi-
 nus ſtrictius ac magis propriè ſumatur pro ſola fide;
 quaſi dicat: atq; aded in ipſa iſta fide, que tot tan-
 tiſq; erumnis & afflictionibus vobis conſtat, queq;
 medium eſt ad illam felicitatem ducens, confirmet,
 ac corroboret: ne ſub onere ipſarum afflictionum fa-
 tiſcentes, animo concidatis; ſed viribus illius anima-
 ti, inconcuſſo animi robore, afflictiones iſtas perſe-
 ratis, fidemq; Domino ad extremum integram & il-
 libatam in patientia ſervetis. Non multò aliter O-
 pus fidei ſumptum fuit cap: 1. prioris Epiſtolæ, v. 2.
 pro fide magno certamine parta ſuſceptavé. Non ſo-
 lum ipſis vovet à Deo finem ipſum, hoc eſt, beatitatem
 ſempiternam, ſed etiam medium quod ad illam du-
 cit. Præſtat autem id Deus cum non ſolum mentes Quomodo
 hæc Deus
 præſtat.
 noſtras ſermonis Evangelii luce magis magiſq; indi-
 es colluſtrat, promiſſorumq; ſuorum amplitudinem
 mentibus noſtris oſtendit, & tum hac ipſa ratione,
 tum aliis beneficiis nos ſibi devincit, & media varia
 K augenda

augenda fidei nostrae servientia subministrat, sed etiam spiritus sui gratiam nos confirmat, & isto auxilio coelesti nos cum contra carnis & mundi, tum ipsius denique Satanae impetus munit & suffulcit. in potentia i. e. cum potentia, seu potenter, aut per potentiam. Iungenda est haec particula cum verbo impleat: quasi dicat. Deus istud efficiat potentiam viribus suis.

Finis Voti.

v. 12. Vt glorificetur. Causam finalem voti seu rei, quam illi optabat, subiicit, quae ipsum ad preces huiusmodi pro illi fundendas, idque quod jam diximus, illis votendum impellat. Ea vero duplex est. Prior, quae respicit caput nostrum gloriosum, nempe Christum: Posterior, quae nos ipsos. Et illa quidem huius seculi magis propria est, haec vero potius futuri. Est vero illa in his verbis, ut glorificetur nomen Domini nostri Iesu Christi in vobis. i. e. ut per vos vestramque in fide, pietate, ac patientia constantiam, nomen Domini fiat illustre, ipseque dignis maiestate sua laudibus & honoribus concelebratur ab omnibus, qui masculum hunc & malis infractum spiritum, adeoque integram vitam vestram ad vere honestatis amussim exactam propius inspexerint; animadvertentes inde veritatem ac vim Christianae religionis, quae huius tantae constantiae ac pietatis sit causa. In vobis. Idem valet quod per vos, aut propter vos, quod eodem recidit: propter ea, quae in vobis cernuntur, ut paulo superius versu 10. Et Gal: 1. 24. Haec est et vos in illo. i. e. & vos vicissim per illum glorificemini

1. Glorificatio Domini Iesu.

2. Glorificatio piorum.

ficemini, cum ex hujus vite mortisq; ergaſtulo liberatos in libertatem cœleſtis regni ſui transferet, & corporis hujus exuviis detractis glorioſo corpori ſuo conſimiles reddet. ſecundum gratiam Dei noſtri. i. e. id quod eventurum eſt non ex noſtro merito, ſed ex gratia ac benignitate Dei, qui tantum nobis bonum, ex mero gratuitoq; favore obtulit ac promiſit. Reſertur hoc ad proximè præcedentia, hoc eſt, ad glorificationem Chriſti in nobis, quam in immortalitate ac felicitate cœleſti nobis danda conſiſtere diximus. Ideo autem hoc adjeciſſe videtur, quia proximè antè, nomen Domini Ieſu, in illis ſeu per illos glorificandum eſſe dixerat, & huic glorificationi, quæ ab illis proficiſci debeat, glorificationem ipſorum à Chriſto profecturam ſubjecerat, tanquam illius præmium ac mercedem. Verendū enim erat, ne fortè gloriam, quæ à ſe in Dominum Ieſum proficiſcatur, hanc glorificationem ſeu ſalutem propriè mereari exiſtimarent. Quare hæc verba addit, ut oſtendat glorificationem illam noſtram ex pura gratia et miſericordia in nos Dei profecturam; de quo docuimus alibi. Adjungit autem gratiæ Dei gratiam etiam Domini Ieſu, cum ait, et Domini Ieſu Chriſti. Expectamus enim, ut Iudas ait, miſericordiam Domini noſtri Ieſu Chriſti ad vitam æternam. Cum enim ille Dominus ſit immortalitatis conſtitutus, & in ipſius manibus ſalus omnium hominum ſit poſita, ut vivificet quem vult, ab ipſius quoq; gratia felicitas noſtra ſempiterna pender.

Ex gratuito
Dei favore
profecta.

IN CAP: II.

Secunda E-
pistolæ pars.

Capitis
partes
duæ.

Prima pars
cap: erro-
rem detem-
pore advē-
tus D. con-
futans.

Qui aded
noxius ut
ruinam fi-
dei Theſſ:
minaretur.

Ideoq; il-
lum evulſu.

Hoc capite secunda huius Epistolæ pars continetur. In qua primò errorem de tempore adventus Domini inter illos spargi cœptum refutat; non priùs illum adfuturum indicans, quàm Apostasia in Ecclesiam fuerit inveſta, & Antichriſtus tyrannidem in ipsa occupaverit. Cuius hic et ingenium seu mores ac facta, et finem seu eventum describit. Deinde, tum consolatione adversus malum istud, seu nimium mali illius ingruentis metum ipsos præmuniens: tum ad constantiam admonens, in voto desinit.

v. 1. Rogamus autem vos fratres. Prima capituli huius pars extenditur ad ver. 13. Cujus sunt duo membra. Nam priùs errorem inter illos de jam instantis adventus Domini tempore disseminari cœptum confutat. Deinde, quòd sit illum præcessura generalis quedam defectio, indicat; atque inde occasione sumpta, de Antichriſto, illius defectioſi capite ac principe, diſerit. Refutat autem errorem illum, sublatis fundamentis, quibus niti videbatur, seu rationibus, que prætexebantur, convulſis. Rogamus autem vos. Quia magni momenti res erat, & erroris istius admiſſio ruinam fidei ipsorum minabatur, ideo & compellat ipsos, & admonitionis genere blandiſſimo, atque ad perſvadendum (considerati utrorumque personis) potentiſſimo, ipsos aggreditur. Sanè enim si hunc errorem imbibissent, & pro Apo-
ſtolica

Stolica doctrina receperunt, et verè postea rem aliter habere animadvertissent; facile de veritate totius religionis Christianæ dubitare, ac tandem ut falsam penitus abjicere, atque ad Ethnicismum relabi potuissent. Per adventum Domini nostri Iesu Christi, vel potiùs, de adventu Domini nostri Iesu Christi, seu quod attinet ad adventum. Ὑπὲρ προπεπῖ, ut supra cap. 1. ver. 4. quem locum vide. et nostræ congregationis ad ipsum, vel potiùs, & de nostrâ congregatione, seu quod ad nostram congregationem attinet, de qua egit superiùs, Epistola priori cap. 4. 13. Subjunxit autem hujus mentionem adventui Christi, consolationis ergò; ut ostenderet adventum illum Christi longè exoptatissimum & desideratissimum esse, ut Thessalonicensibus, ita omnibus Christianis; quandoquidem tum temporis omnes omnium temporum ac locorum homines pii sint ad Christum aggregandi, ut ab eo ad cœlestia gaudia deducantur.

v. 2. Ut non citò moveamini à mente, seu sensu. i. e. ne tam citò, cum videlicet à nostris adhuc sermonibus caletis, aliud vobis persuaderi patiamini, vosq; abduci ab eo, quod semel a nobis edocti, sentire ac statuere cepistis, quod semel animo fuistis amplexi. Voces autem illæ ut non citò, non eò spectant, quasi significare velit Apostolus, licere illis aliquando a sententia ex ipsius ore ac doctrinâ hausta discedere, modò id non fiat citò: sed pertinet ad rei indignitatem exaggerandam, & ad ostendendam levita-

rus blandè
& potenter
iplos ag-
greditur.

Adventum
Christi piis
desidera-
tissimus.

Ratio mo-
nitionis A-
postolicæ
ab absurdo.

rem, quæ in huiusmodi sententiæ mutatione cernatur. q. d. ne dimoveri vos patiamini à sententiâ, præsertim (ut à vobis fieri aliqua ratione video, vel ne fiat vereor) tam citò. A vera sententiâ abduci, semper turpe est; sed citò abduci, turpissimum. similem locum habes, Gal. 1. 6. Apparet autem hinc, non multò post abitum Apostoli à Thessalonicensibus, irrepsisse impostores, qui contrarium doctrinæ Apostolicæ de tempore adventus Domini urgerent, illi q; persuadere niterentur. Neq; terreamini. Terror hic ac mentis perturbatio, vel inde oriri poterat, quòd contraria eis, quæ semel audierant ac crediderant, sub speciosis titulis obrudi viderent, atq; ita de certitudine ac veritate doctrinæ quam imbiberant, dubitare quodammodo cogentur; vel inde, quòd licet adventus Domini summam cõsolationem fidelibus adferat, fieri tamen vix posset, quin ipsius propinquitas terrorem incutiat, iis præsertim qui nondum sunt satis ad eum parati, nec usquequaq; sibi bene conscii: quia ut pii felicitatem summam, ita impij extremum supplicium atq; infelicitatem adserer: ut taceam, res admodum terribiles, quemadmodum Christus prædixit, eum proximè antegressuras. neque per spiritum i. e. neq; si quis à spiritu sancto id sibi revelatum inspiratumq; dicat. neque per sermonem i. e. neq; si nos id dixisse docuisseq; quispiam asserat, & velut ex ore nostro exceptum confirmet. neque per Epistolam. i. e. neq; si vel Epistolam tanquam à nobis ad vos, aut etiam aliorum scriptam ostendet.

Adventus
Christi cur
& quibus
terribilis.

Modi, quibus impostores viventibus Apostolis sua somnia hominibus obrudebant, &c.

& hæc

& hac ratione id vobis perſuadere conetur. Tollit
 omnia iſtius errorum præſidia ac firmamenta, quibus
 illum impoſtores quidam adſtruere nitebantur, ne
 vana earum rerum ſpecie moverentur Theſſaloni-
 cenſes, ſeq̄, à vera ſententia abduci paterentur. Ap-
 pareret impoſtores illos divinam authoritatem ſuis
 ſermonibus prætexiſſe, atque nonnullos quidem
 Spiritus Sancti afflatum & revelationem jaçtãſe,
 alios & impudentiſſimè Apoſtolorum ea de re ſer-
 mones aut Epistoſas à ſe confictas oſtentãſe. Viderint
 hic quàm lubrico nitantur fundamento, qui tradi-
 tionibus per manus acceptis tantum in religionis ne-
 gotio tribuunt, ut eas cum illis, quæ ab Apoſtoliſ ſcri-
 pro conſignata eſſe, nec ipſi diffitentur, non ſolùm
 componere, ſed etiam aliqua ratione illis antepo-
 audeant, & ſacram ſcripturam ad illarum normam
 intelligendam eſſe contendant. Ecce vixdum di-
 greſſo à Theſſalonicenſibus Apoſtolo, vivente adhuc
 certè, ex quo fraudem citò detectum iri facilè ſub-
 odorari poterant, auſi tamen ſunt quidam Spiritum
 Sanctum, alii verò ſermones traditionesq̄, Apoſtoli-
 cas, nonnulli etiam Epistoſas ipſius ad homines illa-
 queandos, fingere & venditare: Et nunc poſt tot non
 annorum tantùm, ſed etiam ſeculorum decurſum,
 tanti ſcilicet fiet à cordato, traditionum nullo ſcri-
 pro fide digno comprehenſarum authoritas, ut con-
 tra illam ne hiſcere quidem audeat? Quid enim, ſi
 aut multis poſt Apoſtolorum abitum ſeculis pleræ-
 que illarum pullulãrint? aut ipſorum Apoſtolorum

Traditio-
 num, quæ
 vocant, &
 ſerbi non
 ſcripti fun-
 damentum
 quàm lu-
 bricum.

veritate, ab hoc hominum genere, quod hic notat Apostolus, in Ecclesiam intruse, & postmodum in illa confirmatae fuerint? Certè cum hic videamus fuisse, qui ipsorum Apostolorum tempore talia auderent, quis eum jurè accusare poterit, qui vereatur ne id in aliis quoque factum fuerit. In aliis sanè jam tùm quoque factum fuisse, id satù ostendit, quod Apostolus paulò post dicit, jam tùm, cum hac scriberet, mysterium iniquitatis operatum fuisse; id est, jam tùm Antichristum in Ecclesie visceribus conceptum fuisse. Quamquam præterea omnem illud dubitationem eximit, quòd videamus traditiones illas contrarias esse iis, quæ verè Apostolica esse inter omnes convenit, hoc est, iis, quæ litteris ab Apostoli prodita omnes agnoscunt. Sed de his alibi. quasi inster dies Christi, i. e. quasi præ foribus sit adventus Domini, & jam jam adfuturus, maximeq; vicinus. Diem pro tempore posuit, ut 1. Theß. 5. 2. monuimus. Hic est ille pestilens error, quem Theßalonicensium animis eximit, sublatis illius cibiciniis, quibus ipsum sui patroni fulcire tentabant.

Error autè
fuit iste,
quòd putarent
pro foribus esse
adventum
Domini.

v. 3. Ne quis vos seducat ullo modo. i. e. Cavete ne quis ullo prorsus, quicumque tandem sit, modo vobis imponat, & mox venturum Dominum persvadeat. Alterum hic incipit primæ partis membrum. Eandem enim propositionem repetit iterum, ut tantò altiùs eam eorum animis infigat: Simulq; remotiorem esse, quàm illi ariolabantur, adventum Domini, probat ex eo, quod ipsum necessariò esset antecessurum.

recessurum. Id verò est Apostasia: cujus caput ac Patronus & promotor est Antichristus ille magnus: Quoniam nisi venerit. Oratio Elliptica; quæ dupliciter impleri potest. vel ita: quoniam non instabit, scilicet adventus Domini, nisi venerit discessio primùm, ut periodum videlicet inchoet; vel ut superiùs inchoatam continuet, ita, ne quis vos seducat ullo modo, quòd venturus nempe sit dies Domini, nisi venerit discessio primùm: Sensus eodem redit. Vult videlicet ostendere, non priùs Christum ad iudicium illud extremum adventurum, quàm facta fuerit Apostasia, hancq; illum omnino precessuram. Apostasia autem seu discessionis voce intelligitur generalis quædam orbis, qui Christum pro rege & Domino suo agnoscebat, ab ipso defectio, sive crassior illa, quâ iugo Christi penitus excusso eius religio apertè deseritur, & alia in ipsius locum substituitur, qualem videas in Machometanis; sive aliquantò subtilior, quâ prioris Domini, Christi videlicet nomine retento, hostis ipsius imperium revera agnoscitur, & sub religionis Christianæ titulo ac specie alia ipsi adversa colitur. Consistit autè in eorum dogmatum assertionem, quæ fundamentum nostræ salutis subvertant, eaq; tum cultus divini, tum vite ratione, quæ legibus à Christo traditis repugnat: Non respexisse autem Apostolum ad illam crassiorem, & id svadere videtur, quòd caput illius describens, in templo ipsum Dei seſsurum dicat: hoc verò non nisi improprie de Machomete dici potest,

Apostolus verò ostendit Apostasiam præcessuram.

Apostasia nomine quid intelligatur?

Non respexit Apostolus ad Machometem primariè.

eum is non animo tantum, sed castris etiam ipsis ab Ecclesia dissideat, ab eaq; penitus secesserit. Ut taceam, ea, quae de adventu Antichristi hinc ab Apostolo dicuntur, ad hunc vix accommodari posse, qui armis potius & tyrannide deliria sua promovit, quam signis & prodigiis, quae tanta à Pseudochristi et Pseudopropheta, (istius puta satellitibus, vel potius ipso) editum iri ipse Dominus asseveravit, ut in errorem inducerentur, si fieri posset, & electi, quales certe nihil à Machomete editum legimus, etsi nonnulla, sed ridicula & leviuscula, attentârit. Non debet tamen & Machometes hinc penitus excludi, utpote, qui id quod Antichristi spiritus in Ecclesia aliquantò occultius majoriq; arte cepit, apertius postea in certis Christiani orbis partibus perfecit. Corruptâ enim jam Christi doctrinâ ab Antichristi partim prodromis, (quos jam sua aetate fuisse queritur Divus Ioannes) partim a seclis & sincero Dei cultu ex Ecclesia sublato, legibusq; Christi proculcati, Machometi velut janua ad Ecclesias Orientis aperta fuit, & robur ipsius imposturi ad leves alioquin Orientalium animos à Christo penitus abducendos additum, adeo ut omnes ipsius successus isti jure adscribi non tantum possint, sed etiam debeant. Et revelatus fuerit, i. e. & aperte extiterit, ac se mundo conspiciendum exhibuerit. Revelari enim in sacris litteris id dicitur, quod licet antea quidem aliqua ratione fuerit, sed relictum & quasi in suis causis latens, in apertum prodit, & se omnibus conspiciendum praebeat. Et certe
 jam

Licet nec ille penitus hinc sit excludendus.

Apostasia caput Antichristus.

Revelari in S. L. quid dicitur?

jam tūm jactis iſtius defectionis ſeminibus, & ſurtim
 in Eccleſiam irrepentibus erroris nefarii ſentibus,
 fuiſſe intra ſuas cauſas magnum illum Antichriſtum
 dici poteſt: cūm jam ipſius ſpiritum in mundo extare,
 & præcurſores eſſe, conqueratur Apoſtolus.

1. Ioh. 2. 18.
 4. 3.
 2. Ioh. 7.

Porro in deſcribendo iſtius defectionis capite, i-
 ta procedit Apoſtolus, ut primò generaliter, quale-
 nam illud futurum eſet, & quò finis illum maneat,
 indicet. Secundò, ſpecialiùs illum, ab adjunctis ſeu
 moribus depingit. Tūm, tempus illius tyrannidis inſi-
 nuat. Quarto, exitium illius deſcribit. Quintò, artes
 quibus imperium ſuum ſtabiliturus & propagaturus
 eſſet, aperit. Deniq;, cauſam quæ orbem in illius ty-
 rannidem deductura eſet, indicat. Generalis tum
 morum tum eventus illius delineatio eſt; illorum qui-
 dem in his verbis, Homo peccati. i. e. peccati man-
 cipium: omnium peccatorum genere pollutus & con-
 taminatus. Hujus verò iſti, ille filius perditionis.
 i. e. qui eſt exitio deſtinatus, quem eventus triſtiſſi-
 mi exitii manet: qua ratione & Iudas filius perdi-
 tionis dicitur Ioh: 17. 12. Quem Antichriſti eventum
 prædicit & Daniel cap: 7. 26. ſub typo ejus Epiphane.
 Voce verò eadem, in deſcribendo, falſorum doctorum
 qui in Eccleſia eſſent orituri, ſupplicio, utitur Petrus
 2. Epist. 2. 3; quos ad hanc damnationem deſcriptos
 eſſe ait Iudas. v. 4. Ceterùm caput iſtius Apoſtaſie,
 & principem, ſeu Antichriſtum, tanquam unam ali-
 quam perſonam deſcribit: non quò omnino velit
 Antichriſtum unum aliquem ſingularemq; hominem
 futu-

Antichriſt^{us}
 homo pec-
 cati.

ſilius perdi-
 tionis.

Voce Anti-
 chriſti nom-
 ſignificatus
 una perſo-
 na.

Cur tanquā
una persona
in S. L. in-
troducatur.

Exempla si-
milis loquu-
tionis.

futurum, ut nonnulli ariolantur, & ex ista loquendi ratione, ac in primis articuli sepius repetiti vi, concludi debere putant: sed quia uno decedente, alter in alterius locum successurus, & unum omnium regimen, idemq; regiminis scopus futurus esset, & unius instar omnes censerī non immeritō possent. Qua ratione videmus à Daniele Propheta quatuor regna seu monarchias vocari quatuor reges cap: 7. v. 17. confer v. 23, 24: & Græcorum imperium, vel potius eorum imperatores, tanquam unum quendam considerari: licet multi essent, aliq; aliis continua serie succederent: Dan. 8. 21. ubi ait hircum caprarum esse regem Græcorum, & postea tamen de cornu, quod erat inter oculos illius, ait illum esse Regem primum: apertè vocem regis aliter & aliter usurpans, & posteriùs quidem certam personam, nempe Alexandrum, priùs verò Monarchiam Græcorum, seu maiù ordinem regum, qui monarchiam illam tenuerunt, intelligens. Eundem vocis usum, deprehendere licet & Apoc: 17. 10. & seqq. Quin & ille locus Mosis Deut. 18. 15. Prophetam è medio tui, è medio fratrum tuorum, ut ego sum, suscitabit tibi Iehova Deus tuus, etsi sensu mystico de certa persona, Christo videlicet, intelligendus est, sensu tamen litterali ad quemlibet Prophetam legitimum referri, & de illo, ut antecedentium & consequentium circumstantiæ indicant, accipi potest & debet. Idem deprehendes etiam in voce Pontificis, Hebr. 9. 7. 25: 13. 11. in voce Mendacis, & Antichristi, & seductoris 7.

Ioh. 2. 22: 2. Ioh. 7. Quibus in locis, nominibus illi est in Greco præfixus articulus: ut faciliè cuivis pateat, falsum esse quod vulgò aseritur, articulum illum individui certi notam esse. vide etiam Matth. 12, 35: 19. 19.

v. 4. Qui adversatur, nempe Christo, qui Ecclesie caput & Dominus est; unde & Antichristus dicitur. Hic jam ulterius ipsum ab adjunctis, moribus videlicet, describit, & quasi vivis depingit coloribus. Quorum primum est, quòd sit Christo velut è diametro oppositus, eiq; contrarius. Dupliciter autem aliquis oppositus & contrarius esse alicui potest. Vel aperte, id est, tam ore quàm corde factusq; ipsis: vel occultius; ut licet ore ipsi blandiatur, animo tamen ac factis ab illo sit aversus. Quod autem occultius quis facit, aded non excusat, ut aggravet potius augeatq; hostilitatis crimen; cum tanto nocentior tantoq; abominabilior hostis sit, quantò ob hypocrisin & fictæ benevolentie simulationem tectior est, & quantò facilius minùs cautis amicitie specie imponere potest. Quicquid igitur aliquis lingvâ Christum pro Domino suo agnoscat, ipsiusq; in terris negotium se promoverè simulet; si modò ostendi potest, illum plurima, que ad majestatem Christi convellendam spectant, facere, dum videlicet dominium sibi atq; imperium in Christi subditos eorumq; conscientias arrogat, & decreta ipsius rescindendo, imperium ipsius quantum in se est convellit atq; abrogat, & sua in illorum locum substituendo, ad eam reverentiam atq; honorem,

Specialior
Antichristi
ab ejus moribus de-
scriptio

1. Christo
contrarius.

Hostis tan-
tò gravior,
quanto te-
ctior.

rem, quem Christo debent omnes, sibi præstandum adigit; hostis utique est & adversarius Christi, & quidem tantò gravior, quantò magis odii erga ipsum sui virus fictæ reverentiæ velo celare nititur. Et effertur supra omnem, qui dicitur Deus i. e. & sese effert supra omnem cuicumq; is titulus competit ut Deus vocetur. Vetus interpretes legit supra omne quod, sensu eodem. Alterum hoc est ex Antichristi adjunctis, immanis ipsius superbia; quam Apostolus tantam futuram ait, ut se se supra omnes omnino homines, & Reges, & Monarchas, angelos, ipsumq; adeò Dei filium, ejusq; Patrem elaturus esset. Ii enim sunt qui isto titulo gaudent. Quod velut meliùs explicatur^o, addit, aut numen, *Græcè* ὁ θεὸς καὶ υἱὸς. i. e. cuicumq; cultus aliquis, etiam religiosus, & humano major competit. Concretum de homine, sed qui inter Ethnicos numinis haberet opinionem, nimirum de Cesare seu Imperatore Romanorum, usurpat Lucas Act: 28. v. 26. Ac supra omnes homines titulo isto à Deo ipso condecoratos extollit seipsum, qui se nulli omnino homini subesse, à nemine iudicari posse, adeoq; supra jus omne se esse credit. Deum ipsum ejusq; filium, ac consequenter administratorios illos spiritus quod attinet, id ex collatione prophetiæ Danieli de Antiocho Epiphane, ad quem locum videtur hic Apostolus respexisse, conjici haud difficulter potest. Nam de Antiocho Antichristi typo dicitur Daniel: 8. v. 11, 25. eum etiam usq; ad Principem fortitudinis, hoc est, ad ipsum Deum altissimum pervenis.

Antichrist^o
effertur su-
pra omne
quod dici-
tur Deus.

Antiochus
Epiphane
typus An-
tichristi.

venisse, seu contra eum surrexisse, & ab eo tulisse iuge sacrificium, & deiecisse locum sanctificationis ejus: quo ipso sanè supra eū se, quantum in se fuit, extulit, & veluti victor strolia ei in terris detraxit. Vnde dicitur cap. 11. 36. eo nimirum loco, ad quem satū apertè hic alludit Apostolus, faciet secundum voluntatem suam & elevabitur, & magnificabitur adversus omnem Deum, & adversus Deum Deorum loquetur magnifica. Quocirca, si aliquem, cui reliquæ hic ab Apostolo enumeratæ Antichristi notæ conveniant, doceri possit, iuge sacrificium, hoc est, verum ac sincerum Dei cultum sustulisse, idolatriam in ejus locum substitutam, veram ejus Ecclesiam, locum sanctificationis divine evertisse, leges divinas suis stabilitis abrogasse: quis non videt, de eo jurè dici posse, quod se etiam supra Deum altissimum in terris, quantum in se fuit, extulerit. Ita ut ipse in templo Dei, i. e. in Ecclesia. Hæc enim est templum Dei, ut patet ex 1. Cor. 3. 16, & 6. 19. Vt supervacua sit illa subtilitas in voce vocis argutantium, & de templo aliquo materiali vocem istam accipientium. Licet autem Ecclesia illa, in qua Antichristus præsidet, Ecclesia verè adeoq; templum Dei non sit, ideo nihilominus templum Dei dicitur, vel quòd antea templum Dei revera fuerit, (retinent enim res sæpe nomina, eo, ob quod illa fuerant sortita, mutato, ut Matth. 21. 31. & 26. 6. in voce leprosi. & Job. 9. 17.) vel quòd adhuc nomen Ecclesie & sic templi Dei sibi usurpet. Et positum est pro eo

Antichristi
sedes tem-
plum Dei
quomodo

ut Marc: 2. 1. Act: 23, 11. nisi ita verba malis verte-
re, ut se in templum Dei collocet. Tanquam Deus
sedeat. i. e. id sibi jus & eam potestatem usurpando:
que solius Dei est. Locum, in quo Antichristus sedem
suam fixurus esset, indicat, ut simul summum ipsius
superbiæ culmen exprimat: quam etiam uberius ex-
plicat, cum addit: ostendens seipsum quòd sit
Deus, sive titulos Deo proprios sibi usurpando, sive,
rem illi expressam ad se trahendo: exempli gratiâ, si
quis regis regum in suos subditos jus adeò sibi vendi-
cet, ut etiam si infinitas animas secum in infernum
traheret, nemo ei debeat dicere, quid facis? aut in se
summum utriusq; potestatis, tam secularis videlicet
quàm spiritualis, apicem esse credat, aut se posse mu-
tare quadrata rotundis, per ministros suos orbi
persuadere velit.

Ostendet se
ipsum esse
Deum.

v. 5. Non meministis. Instituta de Antichri-
sto narrationi interserit hujus versiculi verba, ut fi-
dem dictis suis conciliet, simulq; eos perstringat taci-
tè, qui eorum non satis memores se fuisse ostende-
rent, dum aures præbuerint iis, qui diem Domini jam-
jam instare docebant. quasi dicat: Hæc verò omnia
non nunc demum vobis dico: ne quis aut errori suo i-
gnorantiam prætexat, aut in dubium ista, quasi nunc
demum ad sententiam de vicino adventus Christi
tempore evertendam conficta, vocare audeat. Ipsi e-
nim meminisse potestis, me, cum adhuc vobiscum ver-
sarer, & Christianæ religionis capita ac mysteria
vobis traderem atq; explicarem, ista etiam inter a-
lia vobis indicasse.

v. 6. Et nunc obſtaculum, vel potiùs id, quod obſtat ſeu retinet, cohibet, (In Græco enim eſt partici-
 pium τὸ κατέχον) ſcitis: i. e. quin & illud eſtis à
 me edocti, quid ſit in cauſa, quominus ille ſtatim ve-
 niat, quidq; ipſius adventum remoretur. In vocibus
 eſt trajectio quædam. Non enim vocula nunc ver-
 bum ſcitis reſpicit; quaſi nunc demum id illos reſci-
 ſe dicat Apoſtolus, ſed potiùs vocem obſtaculum,
 ſeu id quod obſtat: ut illos id etiam ſcire aſſerat,
 quod obſtet ac impediatur, quominus hoc ipſo tempore
 quo hæc ſcribat, aut quandiu illi vivant, Antichri-
 ſtus compareat. Obſtans igitur nunc, eſt quod
 nunc obſtat. Occurrit autem hæc tacite objectioni
 aut cogitationi Theſſalonicenſium. Poterant enim
 dicere: Cur ergo non apparet Antichriſtus ille? Re-
 ſponder Apoſtolus, eſſe adhuc aliquid, quod obſtet quo-
 minus in apertum prodire poſſit, quod ipſi non igno-
 rent; nondum ad eſſe tempus quo ille emergere debe-
 at; cum id fore, ubi obſtaculum ipſis notum, fuerit ſub-
 latum. Eo ipſo autem ſimul tacite cogitandum re-
 linquit Apoſtolus Theſſalonicenſibus, quid de tempo-
 re adventus ipſius Chriſti ſentire debeant. Si enim
 nondum advenerat tempus adventus Antichriſti, &
 impedimentum adhuc ei obſtabat, quod non admo-
 dum citò videbatur amovendum, facile inde pote-
 rant colligere, non adeò vicinum eſſe adventum ipſi-
 us Chriſti, qui Antichriſti demum adventum, atq;
 Apoſtaſiam per illum orbi invehendam, debeat ſubſe-
 qui, eamq; tollere. ut reveletur. i. e. manifeſte exi-
 ſtat

Adeoq; ſci-
 re quid i-
 pſius adven-
 tum remor-
 retur.

Cujus tem-
pus defini-
tū.

stat atq; appareat suo ipsius tempore. i. e. tempo-
re ad id destinato; non quod Deus illius adventum
per se ac simpliciter procuraverit, ideoq; tempus ipsi-
us adventus præcisè definerit; sed quia causis ipsius
jam in genere humano existentibus, ipsoq; in ipsius
Ecclesie visceribus concepto, & velut latente, ita
rem moderatus sit, ut tūc demum ipsum prodire &
caput suum efferre voluerit, cū omnia ipsius ad-
ventui propter hominum improbitatem parata et
matura essent, & orbis jam satis habuisset temporis
atq; occasionis, ut veritatem Evangelicam incorru-
ptam suscipere, ac porrò, cū eam impiè sprevisset,
dignus esset qui in mendacia atq; errores ab Anti-
christo induceretur.

Et vivente
iam Apo-
stolo ipsius
virus occul-
tè se Eccle-
siaz visceri-
bus insinua-
bat.

v. 7. Nam mysterium iniquitatis jam ope-
ratur. In Græco est trajectio quædam. vox enim ini-
quitas à nomine mysterii, cum quo jungitur sen-
su, dirempta est. id est: Impius Antichristi domina-
tus, seu Apostasia per eum penitus introducenda ac
firmanda, jam per viscera Ecclesie latenter serpit,
virusq; illius occultè se ipsi insinuat: jam ejus semina
iacta sunt, seq; exserere paulatim incipiunt. Pergens
in temporis, quo patefieri debebat Antichristus, insi-
nuatione, illustrat & confirmat præcedentia, occur-
rens cogitationi ex superioris versiculi assertionem
suborienti. Quia enim dixerat esse aliquid, quod
Antichristum cohibeat, ut suo tempore reveletur, po-
terat aliquis cogitare: num ergo Antichristus jam
extat? Neq; enim id dicitur cohiberi, quod nullo pa-
cto est.

Non est, sed quod aliqua saltem ratione extat, & pro-
 gredi ulterius nititur. Cui rei & revelandi verbum
 sabet, quo Apostolus de Antichristo est usus. Quare
 Apostolus respondet, ita omnino se rem habere: Anti-
 christiane impietatis semina iam extare, & funda-
 menta securae Apostasiae Satanam in Ecclesia oc-
 cultè moliri. Eo ipso autem monet tacitè Thessaloni-
 censes, ne sint securi, neve existiment, quia nunc ob-
 certum impedimentum emergere non possit, sua
 tempora ab illius impietatis contagione prorsus fore
 immunia, et sibi nihil ab eo esse metuendum periculè;
 sed sibi caveant, scientes jam malum illud in Ecclesie
 visceribus occultè serpere, & Antichristum, ejusvè
 impietatem jam veluti conceptam intus latere, tùm
 in lucem prodituram, ubi obstaculum fuerit amo-
 tum. Agebat enim jam tùm Satanas suum in Eccle-
 sia negotium, mysteriumq; iniquitatis. i. e. ini-
 quitas mystica seu occulta, & vulgo ignota, nec cui-
 quam nisi patefaciente Dei spiritu cognita, tùm e-
 tiam operabatur. i. e. sese exerebat, sed clam. un-
 de mysterium dicitur. Quod verò de obstaculo dix-
 rat superius, id repetit, & rem ipsam indicat, sed ita
 tectè, ut insinuet potiùs tacitè, & in memoriã revo-
 cet, quod coràm apertius ipsis dixerat, & versiculo
 superiori illos scire asseruerat. Ait enim Solùm ob-
 stans seu tenens nunc, donec è medio fiat. Te-
 nentis, seu eius qui obstat, vel retineat aut cohibeat
 nomine, idem intelligit, quod superius obstaculi, seu
 ejus, quod obstat nomine expresserat. quasi dicat: Ee

Apertè rem
 gesturus im-
 pedimentò
 sublato,

tamdiu quidem nefarius ille latebit, neque caput suum efferet, donec fiat è medio. i. e. tollatur & aboleatur. qui nunc tenet. i. e. qui nunc ei obstat quominus emergere possit. Verùm quisnam ille sit, non exprimit; sed illis, tanquam iam antea ea de re edoctis, memoriâ repetendum relinquit. Quisnam verò ille $\kappa\alpha\tau\epsilon\chi\omega\nu$ fuerit, qui conatus Antichristi moraretur, de eo duplex est inter eruditos sententia. Putant enim quidam, illius nomine Apostolos ipsos intelligi, qui quamdiu supereissent, non poterat negotium Satane ita succedere, ut palàm & aperte doctrinam Christi doctrinæ contrariam in Ecclesiam inveheret; sed si quid ejusmodi fuerit, id tamen clam, & sub ipsorum pretextu ab hominibus nequam intruderetur. Et verum id quidem est, si rem ipsam respicias, ipsos etiam Apostolos maximè Satane conatibus impedimento fuisse, neque tam audacter impostores illos sese ipsis opponere ausos fuisse. Quamquam nonnullos etiam aperte illis sese opposuisse, ex ipsorum Apostolorum scriptis constat, & quidem eos, qui Antichristi prodromi censei debebant, quique Antichristiano spiritu afflati, viam ei preparabant, ut ex Iohanne intelligitur. Sed tamen plurimos auctoritas Apostolorum cohibuit, qui illis vitâ desunt. Et caput sustulerunt, ut testatur Egesippus vir Apostolicis temporibus proximus: & Apostolus ipse senioribus Ecclesie Ephesinæ prædixit: ut Actor. 20. legitur. Verum enim vero non videtur eò Apostolus hoc loco respexisse. Quorsum enim ita obscure loquere-

Per quod
& Apostoli
ipsi intelli-
gi possunt.

1. Ioh: 2. 18.

22.

2. Ioh: 7.

Euseb. hist.
Ecc. lib. 3.
cap. 26.

Non tamen
id respexit
Apostolus.

tur, si se & suos in Apostolatu socios intelligeret? cur non rem tantam aperte, & sine circuitione aut verborum involucris explicaret? Assentimur igitur aliorum sententia, qui καὶ ἑξ ἑχούτος nomen denotare putant, Imperatorem Romanum Ethnicum; seu potius Imperatores Ethnicos; qui quamdiu habenas imperii moderarentur, tamdiu in cavernis suis serpens iste delitescere cogebatur, nec emergere ad tantum potentia fastigium poterat. Quin & illud dici potest, quamdiu Roma Imperatorum sedes fuit, tamdiu ad summum imperii culmen ascendere Antichristum, licet in Ecclesia jam exclusum atque in lucem editum, non potuisse; ita, ut si verba hęc Apostoli accipere velis de ultima dominatus Antichristiani perfectione, iure dicere possis, imperium hęc vetus intelligi, ab Ethnicis imperatoribus constitutum, ipsosq; adeo imperatores, qui in veterum illorum potentiam successerunt.

ver. 8, Et tunc revelabitur. i. e. et tunc palam existet, tunc emerget, & se conspiciendum omnibus præbebit. Impius ille. In Græco est ἀνομιή & propriè exlex; quia videlicet nullis legibus subesse, nullius imperio coerceri velit, sed omnia divina humanaq; iura proculcet, suoq; unius arbitrio subiciat. Tempus illius conspicue in Ecclesia existentia & imperii exprimitur, de quo quid sentiamus, versiculo superiori diximus. Ortu illius descripto, & tempore ejus rei indicato, etiam exitum seu interitum exprimit: quod quartum esse diximus eorum, quæ in hac

Qui obstantis nomine videtur Imperatores Ethnicos intellexisse.

Antichristo exlex, cur?

Antichristi interitus.

Antichristi descriptione ab Apostolo explicantur. In descriptione autem hujus interitus ita progreditur, ut & authorem illius exprimat, qui est Dominus Iesus, & modum quo sit ab eo perimendus, nempe jussu ac robore ipsius, & deniq; tempus, quo id futurum sit, aperiat. Quem Dominus nempe Iesus (quod etiam vulgata addit, sed in Græcis codicibus non est vox Iesu) perdet, seu abolebit. Spiritu oris sui, i. e. potenti jussu ac decreto suo. Est enim hic antropopathia seu metaphora ab hominibus potentibus desumpta, aliquid fieri jubentibus, quod effectui à ministris statim detur, ita ut ipsa propemodum voce ac spiritu seu halitu, (qua voce hic Piscator in Germ. utitur) rem conficere videatur. Sic sumitur spiritus oris Domini Psal: 33. ver. 9. quasi dicat: simulac halitum oris emisit, constitit omnis ornatus caelorum, omnes stellæ instar exercitus exstiterunt. vide Vat. ab. Esaie cap. 11. ver, 4. (ad quem locum hic, ut omnes doctiores interpretes animadverterunt, respicit Apostolus) de Christo justè iudicaturus dicitur: Percutiet terram virgâ oris sui. hoc est, justo suo decreto ac sententiâ, quam ore proferet, tanquam virgâ percutiet, & pœnam irrogabit orbi impio, & spiritu labiorum suorum interficiet impium, hoc est, simulac halitum oris emittet, sententiam pronuncians, & pœnam decernens, eum perdet. Et hic est ille gladius anceps, qui progreditur ex ore ejus, qui percutit gentes Apoc: 1. 16. 2. 16. 19. 15. Et illustri adventu suo abolebit. i. e. Radicitus exstirpabit.

cum

A quo.

Quomodo.

Spiritus oris Christi quid?

Quando.

cum venerit ad reddendum unicuique secundum opera sua. Quem adventum illustrem vocat, quia tum maxima ipsius majestas & potentia conspicietur, omniumque sese oculis inseret. Veniet quippe cum omnibus angelis potentie sue, in nubibus, multis illustribus sui adventus signis premissis. Patet hinc non debere ejusmodi ruinam Antichristi ante Christi adventum sperari, ut ille penitus tollatur, nullosque sui sectatores habeat, cum illustri demum adventu Christi dicat abolendum. Sed nimirum, ut aliquandiu iam conceptus latuit, & occulte tantum negotium suum promovit, & jam in lucem editus, non protinus ad summum potentie apicem pervenit, nec statim tantam, quantam postea, in conscientias hominum tyrannidem exercuit: ita ad eas iterum incitas redigetur, ut ista, qua nunc terribilis & intoleranda est, autoritate & potentia exutus, etsi aliquos sui cultores retineat, a plerisque tamen pro impostore agnoscat, (hecticam laboranti similem, qui vivas quidem, & aliquando etiam vires & sanitatem se recuperare, morbo autem relevari putet, interim tamen sensim conficiatur & absumatur,) donec decretorius ille adventus Domini dies venerit, quo penitus emoriatur, & supplicio ignis sempiterni conficiatur.

v. 9. Cujus est adventus. Quintum in hac Antichristi descriptione. Indicat enim hic Apostolus quibus artibus tantam corruptionem in Ecclesiam Christi invecturus, eamque sibi potentiam sit stabilitu-

Antichristus ad Christum
adventum
duraturus
quomodo.

tus. Poterant enim Theſſalonicenſes tantam Anti-
 chriſti impietatem, ſcleriq; importunitatem ac
 magnitudinem ex Apoſtolo audientes cogitare, qui
 fieri poſſit, ut tam ſcleratus homo in Eccleſiam Chri-
 ſti tanta veritatis luce colluſtratam irrepat, & fide-
 lium animis obrepat, ſeq; ita illis venditet, ut ab eo
 non protinus abhorreant atq; reſiliant, & tanquam
 monſtrum quoddam horrendum fugiant. Quare ut
 dubitationem atq; admirationem iis demat, oſten-
 dit quibus artibus ſibi tantam authoritatem ſit in
 eccleſia etiam ipſa, apud homines Chriſto. initiatos,
 conciliaturus, & ad tantum potentie ſaſtigi-
 um aſcensurus. Et primò quidem indicat unde vires ſit
 habiturus, quibus ſubnixus rem tantam aggreſſurus
 ſit, cum ait adventum ipſius fore ſecundum ope-
 rationem Satanæ. quaſi dicat: nec verò mirari
 quiquam debet, illum rem tantam perſecturum. Ad-
 ventus enim ipſius cauſa erit operatio Satanæ, vel
 erit conjunctus cum operatione Satanæ; ipſe Satanæ
 unâ cum ipſo operi manum admovebit, ejusq; viribus
 & auxilio fretus Antichriſtus emerget, caputq; ef-
 feret. Notandum eſt hoc loco, relativum Cujus non
 referri ad ſubjectum proximum, quod eſt Dominus
 ſeu Chriſtus, ſed ad remotius, quod eſt Antichri-
 ſtus. Idem ſit inter alia loca etiam 2. Iob: 7, qui locus
 cum de Antichriſto agat, huic eſt propè geminus. De-
 inde in ſpecie explicat Apoſtolus rationes & media,
 quibus res ſuas promoturus ſit Antichriſtus, ſeu que-
 nam & qualis illa Satanæ operatio futura ſit. In
 fronte

Vires Anti-
 chriſti un-
 de.

Artes quib;
 Antichriſt;
 reſtu; s pro-
 moturus eſt.

fronte autem collocat verba In omni virtute i. e. cum omni virtute seu potentia. In ponitur pro cum, quanquam alii pro per positum malunt. Indicat Apostolus, potentiam ipsum ac viribus Satanae hac in re usurum, & viribus quidem longe maximis. Unde non simpliciter dicit adventum ipsius futurum in potentia, sed cum ejusmodi additione in omni, ut significet, vires Satanam suas omnes explicaturum, & Antichristo imperituum; quicquid potentiae habeat eo conversurum, ut Antichristum ejusque conatus adjuvet, & imperium ejus promoveat. Vox enim omnis accommodatae ad materiam subjectam est accipienda, & restringenda ad eas vires, quae a Satana suppeditari homini possint. Quo autem pacto hac tantam potentiam, quam eum Satanas sit instructurus, usurus sit Antichristus ad homines seducendos ac sibi subjiciendos, statim subjicit Apostolus, dum ait: & signis & prodigiis mendacii. i. e. mendacibus, fallacibus, seu falsis. Non tam enim novum revera medium, & a priori diversum in his verbis exprimit Apostolus, quam prius ex suo effectu proprio declarat. Unde doctissimi quidam interpretes notarunt, hic esse ἐν δεικτικῶν in potentia & signis, pro cum potentia signorum ac prodigiorum scilicet edendorum. Miracula nimirum editurus erat Antichristus diabolicam potentiam adjutus, ad homines in fraudem pertrahendos, atque ad auctoritatem sibi conciliandam, ac potentiam suam adstruendam. Nihil enim ad persuadendum aliquid, praesertim in rebus ad religi-

Miracu-
la.

onem cultumq̄, divinum pertinentibus, efficacius est miraculis. Emulaturus nimirum erat Antichristus subdolè Christum, & quo mediorem genere hic in veritate Evangelii hominibus commendanda est usus, eodem ille ad homines in fraudem inducendos, fidemq̄ sibi ipsi conciliandam usurus erat. Christus prodigiis & miraculis potissimum orbem terrarum ad credendum Evangelio adduxit: Iste etiam, ne fraus sua deprehenderetur, cum his accessit, atq̄ si Dei ac Christi ipsius causam promoveret. Ut autem discrimen inter Antichristi, & Dei Christi, miracula indicaret, addidit vocem mendacii, non tam quia multa falso jactaturus esset, quæ non essent omnino patrata, (etsi nec id excludi debet, certumq̄ est, multa ab ipso consingi facta, quæ nunquam sunt facta) quàm quia non essent vera, seu divinitus profecta (pro qualibus venditarentur) miracula: sed Diaboli efficiat ac fraude perfecta; quare falsa mendaciiq̄, signa ac prodigia jure dicuntur. Huc referri possunt & apparitiones quædam ac visiones, spectra, aliq̄, ad sensus externos internosq̄, fallendos terrendosq̄, pertinentia; quin & alia paulò majora, ut sanationes quorundam morborum, aliq̄, his similia. Etsi enim multa Satanas præter naturæ cursum patrare potest, non tamen talia ac tanta, quanta olim per Christum & Apostolos, aliosq̄, veros Dei prophetas fuerunt edita. Quocirca, cum Romanenses Ecclesie sua auctoritatem miraculis & prodigiis, quæ hic, vel illic à suis mystis fieri jactant, propugnare solent.

Quæ à Christi miraculis diversa, quòd mendacia.

Cur mendacia vocat Apostolus.

Quid de miraculis quæ hodie jactari solent, sentiendum.

lent; adeo non est confugiendum eò, quo pleriq; confugere solent, ut illa omnia penitus conficta esse dicamus, (etsi id quoq; majori ex parte verum est) ut potiùs inde argumentum ad eos convincendos capiamus; cùm veritas quidem Evangelica nulli hodie miraculis indigeat, Antichristi autem fraus indigeat; unde eum plurima editurum signa ac miracula hic prædictum videmus. Nec illa ipsorum miracula sunt tanta, ut divinorum nomen revera mereri possint; utpote in quibus fiant quidem aliqua præter naturæ cursum, (etsi id quoq; præsertim hodie admodum raro) non tamen tanta, quæ non nisi ab ipso Deo fieri possint. & quæ omni suspitione collusionis cum Satana vacua.

v. 10. E in omni deceptione injustitiæ. Pendent hæc unà cum superioribus ex illis versiculi præcedentis verbis: cujus adventus erit &c. in omni deceptione: hoc est, cū omnis generis fraudibus, fallaciis, ac decipiendi artibus conjunctus. Dicitur autem hæc deceptio seu fraus injustitiæ, quia ad injusticiam seu impietatem deducatur, ut sit genitivus objecti, seu majoris scopi & finis, vel (nam eodem res recidet) effecti. Pertinet enim fraus Antichristi ad homines ad apostasiam seu defectionem à Deo ac Christo ejusq; vero cultu, ac vitæ pietate ab eo præscripta, sollicitandos ac pertrahendos. Apostasia vero hujusmodi summa est impietas. Quare etiam fraudes, quibus ad eam impellantur homines, admodum impias seu cum summa impietate conjunctas esse necesse est.

11. Fraudes
& deceptions
generis
omnis.

Etq; cum
summa im-
pietate con-
juncta.

cesse est. Vnde possis deceptionem injustitiæ, per Hebraismum usitatum, accipere pro deceptione ac fraude injusta, vel ut nonnulli, pro mendaci, ac fallaci, seu impia. His verbis complectitur Apostolus cetera media, quibus Antichristus præter miracula ad potentiam ac dominatum suum, impiaq; sua dogmata stabilienda, sit usurus; quod nimirum strophis ac sal-laciis, iisq; variis & mirabilibus, imò omnibus que-cunq; tandem excogitari possunt, homines sit circumventurus capturusq;. Quod si ne aliquando in Ecclesia Christi factum, aut potiùs in quam sit factitatum, utinam majorem nunc inquirendi necessitatem haberemus! nunc vel cæcus ista omnia digito monstrare potest. in iis qui pereunt. Addit ista verba ut occurrat tacite objectioni, simulq; limites aliquos Antichristi successibus ponat, & apud quosnam suis istis artibus & technis aliquid profecturus sit, indicet; ne quis sortè cogitaret, in fidelibus etiam Christi servis, fraudibus istis & signis ac potentiâ suâ aliquid profecturum, eosq; sibi mancipaturum; putetq; fieri non posse, quin ii quoq; quantamcunq; adhibeant diligentiam, capiantur irretianturq;: quasi dicat: Id autem, quod dico, ad eos tantùm extendi debet, qui pereunt. i. e. qui digni sunt ut pereant; in his plurimum proficiet Antichristus, non in hominibus piis. Cujus ipsius rei mox causam subnectit. eò quòd charitatem veritatis non receperunt, ut salvi fierent, quasi dicat: Ideò autem peribunt, aut digni sunt, qui pereant, quòd cum illis Deus veritatem Ev-

Apud quos
 ista valitu-
 ra.

Nempe eos
 qui digni
 sunt ut per-
 eant.

Quare di-
 gni.

tem Evangelicam patefaceret, & ejus amorem illi inferere vellet, variis eam modis confirmando ac commendando, noluerint ita eam amare, ut eam amplecterentur, cum tamen ea ratione salutem sempiternam essent consequuturi. Summa haec fuit eorum hominum impietas, quod cum illis veritas divina nullo errore admixta patefieret, divini insuper miraculis confirmaretur, eam tamen contempserint ac repudiarent, imò ejus professores exquisitissimis suppliciis affecerint, cum eam amplexi felicitatem sempiternam possent consequi. Possis haec cum superioribus ita etiam connectere, ut non pendeant à proximo tantum participio τοῖς ἀποδυνάμεις, ut nimirum causa reddatur, cur illi sint perituri, sed à sententia tota precedente, nimirum quod Antichristus sit venturus cum omni deceptione injustitiae in eis, qui pereunt: quia nimirum illi veritatem repudiarent, ideo & digni sunt & opportuni, ut Antichristi fraudibus circumveniantur. Quod si admittas, particula et, in verbis proximè sequentibus poterit sumi pro nam. quasi dicat: Nam propter hanc causam, hoc est, impium Evangelii contemptum, mittet illis Deus efficaciam erroris. Sed priori connectendae ratione admissa, vim connectendae consuetam retinebit. quasi dicat: Et sanè ob hanc ipsam causam mittet illis Deus efficaciam erroris.

ver. 11. Et propter hoc mittet illis Deus. Ex occasione ejus, quod in fine versiculi superioris dixerat, descendit Apostolus ad rei longè maxime explicationem.

Cur Deus
tantos suc-
cessus in sua
Ecclesia
Antichristo
permisur⁹.

plicationem, ansamq; aperit, cur nefario isti tantos
succesus, & tyrannidem Deus esset in eos permisur-
rus, quorum saluti tanto studio antea invigilasset.
Nam si attendas ea, quae Deus eo sine fecit, ut homi-
nes vere felicitatis compotes faceret, posset quis mi-
rari, cur tantopere Satanam in eos grassari, remq;
eo deducere, ut Ecclesia Christi tyrannide Antichri-
sti opprimatur, permisurus esset. Huic igitur cogita-
tioni occurrens Apostolus, ostendit Deum malitiâ &
ingratitude hominum illius seculi irritatum, non
tantum id permissurum esse; sed certo quodam modo
etiam ita fieri velle, utq; fiat, curaturum esse; non
quidem quasi eo homines esset impulsurus ipse, ut An-
tichristi jugum reciperent; sed quia Satanam, quo-
minus vires suas omnes in illis experiretur, non esset
prohibiturus, passurusq; eum pro suo libitu cum homi-
nibus agere: qui cum, sole veritatis Evangelicæ cla-
rissime ubique terrarum lucente, rerum terrena-
rum amore, atque afflictionum, quae veritatis pro-
fessores comitari solent, metu praepediti, manus
Christo dare noluisent; ad eam tamen postmodum
jam pace florentem, & imperatoribus ac viris ma-
gnis conspicuam, non tam veritatis amore compul-
si, quam hac illius felicitate tracti, sese contulerunt.
Vnde cum in religione non id quererent, quod ipsis e-
rat querendum, amplecti quidem illam eos voluit
Deus, sed tum demum, quando jam esset depravata,
& receptaculum hostis ipsius facta: ac proinde non ut
servarentur, sed ut nihilominus perirent, etiam
Chri-

Christiani utcumq; evasissent. Noluit nimirum Deus eos, qui veritatem nudam, inopem, afflictam, cum ja-ctura rerum omnium amplecti recusaverant, imò alio eo nomine afflixerant, eandem pace florentem, opibus circumfluentem, ac probè veluti dotatam, sine ullo periculo, sine pulvere ac sudore reperire, & tam facili ratione salutis viam ingressos, ad salutem eternam pervenire. Quare Christianam religionem tenebris involvi permisit, antequam tam facilis, tam latus ad eam aperiretur omnibus aditus; ut qui abjecto paganismo interitum effugisse sibi jam viderentur, in eum hic nihilominus incurrerent. Et hæc est illa operatio seu efficacia imposturæ i. e. efficacia seducendi vim habens; vel, ut nonnulli volunt, per hypallagen Hebraicam, deceptio efficax, quam Deum ipsis immisurum ait, id est, minimè impediturum, dum Satanas ipsam explicaret.

v. 12. Ut judicentur, i. e. damnentur punian-
turq; omnes. Finis tam horrendi divini judicii, quod
amplecti quidem illos voluerit religionem Christi,
sed jam ab Antichristo pollutam & contaminatam.
Hic autem est, ut id cedat in pœnam ac supplicium
illorum ingratitude & malitie, per quam à salu-
tari & nondum corrupta doctrina oculos animosq;
suos averterant. qui non crediderunt veritati,
sed beneplacitum habuerunt in injustitia. Im-
pia illorum hominum contumacia, quâ pœnam hujus-
modi sint commeriti, exprimitur. Summa videlicet
fuit ista perversitas, quod veritati Evangelicæ præ-
tule-

Finis tam
horrendi
judicii di-
vini.

rulerunt mendacium, & errores suos impios quibus assueverant. Mendacium enim injustitiam vocat, quia cum impietate sit conjunctum, aut genus quoddam injustitiæ seu improbitatis. Nisi forte simplici-
us ipsam vitæ impietatem velis hic intelligere, que veritati Evangelicæ ideo potest opponi, quod hæc omnis generis virtutem, ac pietatem præcipit, inculcat, urget. Similem oppositionem habes Rom. 2. 8.

Altera pars capituli, quæ primò eos consolatur ne ob dicta concidant animo.

v. 13. Nos autem debemus. Altera pars Capituli, in qua occasione sumpta ex eo, quod ultimo loco de tam horrendo Dei judicio dixerat, primò consolatur Theſſalonicenses, & de eorum felicitate ipsis gratulatur: deinde monet ac hortatur; tandem votum etiam suum adjungit. Poterant videlicet Theſſalonicenses talia de tanta in homines ira Dei audientes sibi etiam ipsis metuere, & cogitare an non ipsi etiam in numero pereuntium essent futuri. ideo ipsos erigit & solatur, ostendens minimè id ipsis verendum aut pertimescendum esse: cum ipsorum ad Christum conversio, seu receptio doctrine Evangelicæ tam funesta & horribilia tempora antecesserit. Nisi quis ista cum antecedentibus simpliciter connectere velit in hunc modum, quasi dicat: Quod cum ita sit, tantaq; in religione nox, aut potius tanta ira Dei immineat mortalibus; tanto ardentiores nobis agenda sunt gratiæ pro vobis, adeoq; vos tanto feliciores vos censere debetis, quod longè ante illa tempora simulac aures vestras attingit veritas, illam obviis ulnis receperitis. Ut autem beneficium istud quod

illū obtrigerat à Deo, exaggeret, illosq; tantò meliùs erigat atq; conſoletur, non ſimpliciter rem ipſam deſcribit, ſed quodam circuitu utitur. primò cū ait, ſe pro illis gratias agere debere Deo, & quidem ſemper. Bonum enim, & quidem non vulgare ac tralaticium ſi oportet, de quo tam ardentè gratias agat agereq; debeat vir tantus. Deinde, cū ipſos vocat à Domino dilectos. Nō eſt enim quòd ſecum male aut agi aut actum iri putent, quos Dominus ipſe diligit. Tūc rem ipſam aperit, & cauſam ob quam gratias agere Deo perpetuò debeat, atq; ad eò materiã gratiarum actionis, exprimit, eadẽm q; operã docet & cur dilectos à Domino dixerit, & cur ipſi contriſtari animoq; concidere non debeant, audientes de tyrannide Antichriſti, & iudicio divino in homines contumaces ac veritatis Evangelicæ contemptores.

Quòd elegerit vos, puta ex numero reliquorum hominum, gentilitiis ſuperſtitionibus & idololatrie deditorum. ab initio, puta prædicati inter gentes Evangelii, & ante illa tempora miſera & acerbã, quibus Antichriſtus dominari debet. in ſalutem, hoc ipſo fine, ut vobis ſalutem animarum olim largiretur. in ſanctificatione Spiritus, & fide veritatis, i. e. per ſanctificationem ſpiritus, & fidem Evangelicæ veritati adhibitam, ſeu, dum vos ſpiritu ſuo ſanctificavit, & ex reliquorum numero ad ſibi ſervendum ſegregavit, poſtquam veritati fidem adhibuiſti, eiq; aſſenſi eſti. Genitivus veritatis nomini fidei ſubjunctus objectum ſignificat. Quod ſi Hebrai-

Ut pote dicitur
lecti à Deo

Et electi autem
te illa tempora
luctus
osa.

ca consuetudine pro adjectivo positum velis, quasi dicat & fide vera; non pugnabimus; licet illud verius putemus. Verbi in salutem, explicat finem electionis, qui opponitur fini v. 11. nominato, ut judicentur; ut ostendat longè aliam esse conditionem horum temporum quibus illi crediderant, & illorum de quibus prophetaret; seu mavis, longè aliam ipsorum esse conditionem, & eorum, quos esset Antichristus fraudibus suis circumventurus, & in suas partes pertracturus. ipsos enim esse ad salutem à Deo electos, hos damnationi ac interitui destinatos. Verbis verò in sanctificatione & fide, explicat formam istius electionis, & media ad illum finem, salutem nimirum eternam ducentia: quorum unum est ex parte Dei, sanctificatio spiritus, oppositum verbis mittet illis operationem erroris. Alterum ex parte nostri, nempe fides veritati adhibita, oppositum verbis ad credendum mendacio & beneplacitum habentes in injustitia.

Per quæ
media id
Deus perfecit,

ver. 14. In quod vocavit vos. i. e. Atque id quidem ut perficeret et ad exitum perduceret, hoc est, ut vos ad fidem Evangelio adhibendam pertraheret, ac pertractos spiritu suo sanctificaret, atque hoc pacto ad salutem eternam eligeret, vobis Evangelium per nos annunciari curavit, & ad tantum bonum capeßendum, vos invitavit. vel; nec alio, quàm quem jam dixi, sine, vos ad se invitavit, per Evangelium nostrum, seu per prædicationem doctrine Christi, meâ operâ perfectam. Amplius consolationi insistens,

ſens, qua ratione electio iſta illis obvenit, indicat; & ejus certitudinem animis illorum inſinuat. in acquisitionem gloriæ Domini noſtri Jeſu Chriſti. i. e. nempe ut acquiratis gloriã, quam Chriſtus ſuis fidelibus Dei nomine promiſit, quamq; ipſemet jam poſſidet, & aliquando ſuis re ipſa eſt daturus. Finem vocationis atque electionis Theſſalonicenſium, voce ſalutis verſiculo ſuperiori expreſſum, reperit.

v: 15. Nempe igitur fratres ſtate. i. e. conſtantes eſtote in eo, quod ſemel credidiſtis, nec patiamini vos ab eo unquam, nedum tam cito, ut facere ceperatis, dimoveri. Conſolationi ſubjungit exhortationem, quam ex ſuperioribus deducit. Tam autem promanare poteſt ex principali hujus capituli theſi, quaſi dicat: cum igitur videatis quo pacto vos in errorem inducere voluerint impoſtores iſti, conſtanter illud quod ſemel recepitiſtis, tenete; quam ex conſolatione proximè precedente; quaſi dicat: cum igitur videatis, quàm auguſtus ſit vocationis veſtræ finis, perſtate in ea quam ſemel Chriſto dediſtiſtis fide, nec eam ulla ratione ſubrui patiamini, ne tanto ſimul bono excidatiſtis. Videtur tamen illud potiùs reſpexiſſe. et tenete traditiones. Inſiſtit inſtituto, & illam conſtantiã aliqua ratione explicat. quaſi dicat: Conſtantes autem in fide veritati adhibita eritiſtis, ſi traditiones tenueritiſtis. Traditiones vocat doctrinam ſuam, quam illis tradiderat, quamq; ex ipſo

Secundò
monet ut
ſint conſtan-
tes in fide.

Et traditi-
ones ipſius
teneant.

Quænam
illa.

ideo addit: sive per sermonem. i. e. sive viva voce explicatas, cum ipse vos coram alloquutus sum: sive per Epistolam nostram. i. e. cum ad vos scripsi. Hunc locum credant Pontificii traditionibus suis patrocinari, & insufficientiam Scripturarum arguere, quia Apostolus præter Epistolas suas teneri velit etiam ea, quæ per sermonem Theſsalonicensibus tradiderat, non facturum proculdubio, si in Epistolis omnia creditu aut factu necessaria continerentur. Sed non vident isti, minimè ad universam Scripturam torqueri posse, quod de solis Epistolis ad Theſsalonicenses scriptis ab Apostolo dicitur. Non enim sequitur, quia nonnulla ad salutem creditu factuve necessaria in Epistolis ad Theſsalonicenses scriptis non continentur, ideo ne in universo quidem sacrarum litterarum codice esse scripta. Ne de eo nunc quicquam dicam, quod quas illi traditiones nobis obtrudunt, eæ verbo Dei scripto, quod irrefragabilis esse authoritatis unà nobiscum fatentur, repugnant. Sed de his dictum ab aliis fusiùs alibi.

Deniq; sub-
jicit Votum
ut opem co-
litus accipi-
ant ad ea
præstanda,
adquæ ipsos
hactenus ex-
citaverat.

v. 16. Ipse verò Dominus noster. Restat votum, quo affectum erga eos suum ac benevolentiam singularem ostendit, dum videlicet ad ea de quibus eos monuit præstanda, divinitus illis opem ferri cupit. quasi dicat: verbis autem meis pondus adsit cœlitus, dictaq; mea sanciat Deus et Dominus Iesus, ut ea præstetis, ad quæ vos sum hortatus. Votum verò ita concipit, ut personas, a quibus ista, quæ versiculo sequenti expressit, vovet, describat ab eiusmodi ad-

junctionem

ſuncti, quæ veriſimile faciant, obventura Theſſalocenſibus omnia ea, quæ illi voveret. Perſonas nominat duas, Deum videlicet Patrem, & Dominum Ieſum. Ab hoc autem incipit, tanquam nobis quodammodo conjunctiori, & eo, per quem fides & ſpes noſtra tum à Deo proficiſcitur, tum ad Deum viciffim porrigitur, & per quem à Deo omnia ſpiritualia bona in nos conferuntur. Hunc Dominum noſtrum vocat, non tantum honoris ipſius cauſa, ſed ut inſinuet, cum ſit noſter Dominus, nos autem ipſius ſervi & peculium, non utique ſuos deſerturum, ſed nobis in omnibus quæ ad obſequium ipſi præſtandum pertinent, adſuturum. noſter. i. e. qui idem meus, & veſter, imò omnium Chriſtianorum Dominus eſt. et Deus. eſt altera perſona, ſons & principium tum noſtri quod Chriſto debemus obſequii, tum eorum omnium, quæ per Chriſtum in nos proficiſcuntur, donorum. Quem hic ſpaviſſimè, & ad propoſitum ſuum accommodatiſſimè deſcribit, cum primò ait: ac pater noſter. i. e. qui eſt Pater noſter. Vocula enim *uſq;*, explicandi hic vim habet, non autem diverſa conſectendi. Ut autem vocabulo Dei potentiam, ea quæ voveret præſtandi, ita vocabulo Patris voluntatem notat; quaſi dicat: *uſq;* qui nos adeò tenero affectu dilexit, ut nos pro filii ſui receperit, patremq; ſe noſtrum eſſe pronunciet. Cujus documenta ſtatim addit ab effectibus paterni ejus in nos affectus, quæ arguant illud etiam ipſis ab eo, quod optabat, collatum iri, cum ait: Qui dilexit nos & dedit conſolationem

spes Christi-
 anorum
 bona cur?

nem æternam. i. e. Qui nos ita dilexit, ut daret nobis id, quod nos in æternum solari, & beatos ac felices reddere potest. Spem nobis dedit bonam, hoc est, promisit nobis vitam æternam, ejuſq; spem certam & inconcuſſam animis noſtris inſeruit. Spem autem illam bonam vocat, quia & ſummi ſit boni expectatio, & certa atque indubitata. Duo enim illa ad ſpei bonitatem ac præſtantiam pertinent, magnitudo boni futuri, et certitudo. Hoc autem totum ut ex dilectione paterna proſectum eſſe tantò melius inſinuet, addit: in gratia ſeu per gratiam. i. e. non ullo noſtro merito aut dignitate impulſus, aut invitatus; ſed ex ſola gratia, miſericordia, benignitate.

v. 17. Conſoletur corda veſtra. ad verſus afflictiones videlicet & metum malorũ impendentium, ne afflictionibus propter nomen Chriſti preſſi, fortè etiam ob metũ inſtantis Apoſtaſie, animo concidatis; ſed potiùs erecti, & alacres ſiti; certi, omnia iſta nihil vobis officium veſtrũ facientibus nocitura. Et ſtabiliat in omni ſermone. i. e. viresq; vobis addat, quò & dicatis & ſociatis ea, quæ ſunt bona, voluntati videlicet ejus conſentanea. Hoc voto comprehenduntur omnia, quæ ad officium Chriſtianorum pertinent, & etiam ea nominatim, ad quæ Theſſalonicenſes hortatus fuerat Apoſtolus. Nam dum eos cupit ſtabiliri. in omni ſermone bono conſtantiam illis optat in doctrina ſalutari, quam ab ipſo acceperant, ad quam fideliter tenendam illos antea excitavit.

ravit. Sed quia constantia in doctrina pura, sine vite pietate eaq; plena simul ac constanti, nil prodest; ideo etiam optat ut stabiliantur in omni opere bono. Nam vox omni non ad sermonem tantum, sed etiam ad opus bonum referri debet.

IN CAP: III.

IN tertia hujus Epistole parte, quam hoc capite contineri diximus, primò seipsum precibus Theſſalonicensium commendat, atque inde sumpta occasione eos consolatur, & voto suam erga illos benevolentiam denuo testatur. Deinde hortatur ad certa pietatis officia. Tandem Epistolam votu & salutationibus sibi familiaribus ita concludit, ut notam ac signum apponat, ex quo genuinas ipsius Epistolas ab adulterinis ac supposititiis discernere queant.

Tertia Epistolæ pars.
Capitis membra tria.

ver. 1. Quod reliquum. Primum capituli hujus membrum, quo continetur admonitio ad preces pro se instituendas, per modum cujusdam obsecrationis proposita. Exprimat autem & id quod à Deo petere debeant, & causam cur id petere debeant. Conneditur caput hoc cum superiori his verbis: quod reliquum. quasi dicat: Et hæc quidem ego vobis à Deo Patre, & Domino Iesu, roveo & opto, quod etiam ipsum facturum certò mihi persvadeo, si modò vobis ipsi deesse nolueritis. Quare illud unicum restat, ut vestrorum officiorum sitis memores, ad idq; quod vobis à

Primum capituli membrum ad v. 6.

Nexus cum superiori capite.

bu à Deo voveo, pro virili amplectendum, totū ipsi
 viribus connitamini. Inter quæ illud quoque est, ut
 mei in precibus sitis memores. vel brevius: Et hæc
 quidem quæ hucusque dicta sunt, potissimum vobis
 scribenda putavimus; sed ut quæ adhuc supersunt
 attexam, illud vos primū oro, ut mei in precibus
 sitis memores. orate fratres pro nobis. i. e. fun-
 dite ad Deum preces pro me, meosq; illi labores in
 Evangelio hominibus annunciando commendate.
 Duo autem hic exprimit, quorum illos in precibus
 pro se sundendū meminisse vult, quorum prius vide-
 tur esse finis posteriorū; & hoc quidem primò perso-
 nam Apostoli ejusq; sociorum concernit. illud primum
 gloriam Dei. Continetur autem verbis versiculi hu-
 jus. ut sermo Domini currat. i. e. ut Evangelium
 quod à nobis prædicatur, citò & sine ullū impedi-
 tis inter homines propagetur, & omnes terrarum
 oras pervagetur, nec quiquam sit quod illius cursum
 sistere & sufflaminare possit. et glorificetur. i. e.
 laudetur, approbetur, ac prædicetur ab omnibus; om-
 nes Evangelium cum quadam veneratione susci-
 piant, omnes admirentur, sit in omnium, ad quorum
 aures notitia eius pervenerit, oculū gloriosum: ita
 quidem, ut qui illud amplexi fuerint, pro summo id
 bono suo ducant, votivamq; sibi conditionem obri-
 gisse videntes, Deum pro eius oblatione debitū lau-
 dibus venerentur; ceteri verò qui recipere nolue-
 rint, admirentur tamen, ac suspiciant, adeò ut vo-
 lentes nolentes, illud honorifica mentione prosequi
 cogantur

Rogat The-
 sal ut orent
 pro ipso.

2. Ut sermo
 Domini
 currat.

rogantur. sicut & apud vos. *i. e.* et glorificetur
 ita, quemadmodum glorificatum est in urbe vestra.
 Exemplo ipsorummet Thessalonicensium rem illu-
 strat Apostolus, ut tantò meliùs intelligant, quid il-
 los hac in parte à Deo petere velit.

v. 2. Et ut liberemur ab importunis & ma-
 lis hominibus *i. e.* Et ut liberemur à variis machi-
 nationibus hominum cum iudicio perverso prædico-
 rum, tum moribus pravis contaminatorum, ne ab il-
 lis impediamur, ne cum illis nobis sit luctandum ac
 conflictandum: quod non modò molestissimum est vi-
 ris piis, sed & magnum ipsorum laudibus ac conati-
 bus adfert impedimentum, & multorum hominum
 saluti obstat. Est alterum quod pro se orare vult
 Thessalonicenses; remotio unius ex præcipuis cursus
 Evangelii remoris ac impedimentis. Hominum im-
 portunorum seu ἀνόμων nomine intelliguntur ii
 quorum mens prava est, & iudicium corruptū, ac per-
 versum; distortumq; qui absurdè de rebus sentiunt,
 nec se in certum veritatis iter, ob contumaciam ac per-
 caciam animi, flecti patiuntur. Hi multum negotii
 verbi divini doctoribus facessere, & veritatis cursui
 obistere solent. Mali autem sunt homines vitâ im-
 probi, & moribus corrupti; præsertim si animo quoq;
 malitiam ita imbiberint, ut virtutem in aliis ode-
 rint, ac doctrinam pietatis ferre non possint, ad in-
 jurias aliis inferendas, ad persequendum pios, & in-
 primis pietatis doctores, sint proni. Non enim o-
 mnium est fides. Posterius ex iis, quæ sibi à Deo

2. Ut libe-
 retur ab
 hominibus
 importunis

Quinam illi

Cur hoc sibi
 à Deo velit
 impetrare

impetrari per eos cupit, objectione tacitâ occupatâ confirmat. Ratio autem hæc pro duplici antecedentium verborum acceptione dupliciter explicari potest. Vel enim importunorum & malorum hominum nomine eos intelligit, qui professione Christiani essent, & hac ratione gremio Ecclesiæ continerentur; quomodo sensus erit: Non omnes enim, qui fidem pro se ferunt, verè credunt; sed multi fidem tantùm simulant. Vel extraneos, & ab Evangelica doctrina prorsus alienos. unde sensus emerget talis: Non omnes enim idonei & apti sunt ad fidem, hoc est ad doctrinam Christi amplectendam. Qui sensus melior esse videtur, cùm nihil cogat verba absolutè prolata ad certum tantùm genus hominum restringere. Occurrit autem his verbis tacitæ Theſsalonicensium cogitationi. Poterant quippe mirari, cur ab illis liberari tantopere cuperet, quos erudire & in viam reducere ipsius muneris esset. Id igitur se non posse præstare his verbis indicat: atq; simul causam, cur ab illis liberari cupiat, demonstrat. Non sunt autem omnes fidei capaces, non per se & naturâ suâ; cùm omnes Deus ad agnitionem veritatis pervenire, atq; ita salvari cupiat, omnesq; qui modò non sunt mente capri, naturâ suâ & credenda intelligere, & præstanda facere, si modò velint, possint; sed ob susceptam & acquisitam sponte animi improbitatem; quâ in habitum versâ, id quod naturâ suâ erat possibile, redditur quodammodo impossibile. Breviter: facultatem ab illis remover proximam, ut vocant, non remotam: illa enim est voluntatis; hæc naturæ.

Fidei nõ omnes capaces.

v. 3. Fidelis autem est Dominus. Quia superioribus verbis Apostoli consternari, atq; ita secum cogitare poterant: si tantus Christi Apostolus, tantopere à perversis hominibus liberari cupit, nec fieri potest ut illi emendentur; quid nobis tandem fiet, quorum vires longè viribus Apostolicis sunt imbecilliores? Forte ejusdem farinae homines, improbitati ac perversitati suae cuniculi mœnia fidei nostrae subruent, atq; ita actum erit de salute nostra: Eximit hunc scrupulum Apostolus, & solatur ipsos protectionis & custoditæ Domini Iesu spe; quam superstruit constantiæ in promissis servandis Domini Iesu; quasi dicat: Cum verò & me tantopere expetentem liberari à perversis hominibus, & causam hujus meae petitionis auditis, non debetis animo concidere, & de vestra salute desperare. Is enim, sub cujus vexillo mereris, cuiq; fidem dedisti, nempe Dominus Iesus, fidelis est: i. e. in eo quod promissis præstando verax ac constans. Promisit autem opem suam omnibus quicumq; sese ei dediderint; quo in numero & vos estis: ac porro fide ipsius ita postulante, auxilium vobis feret, ut omnes tentationes sustinere ac vincere possitis, ne à fide vos depellant ac dejiciant. qui confirmabit vos. Effectus hic est fidelitatis Christi; quasi dicat: qui tantum roboris, tantum constantiæ vobis inspirabit, ut in veritate semel agnita & recepta immoti persistere possitis, nec ab ea vos abduci, nisi per ignaviam armis abjectis herbam hostibus ultro porrigere velitis, patietur. & custodiet à malo. i. e. & providebit ac

Quod tamē non debet ad cōsternationem Christianum provocare.

Quia D. Iesus est fidelis.

Qui promittit custodiam a malo.

bit ac procurabit, ne quicquam vobis Satanas fraude sua affricet, itaq; vos circumveniat, ut veritatem Evangelicam vel penitus deseratis, vel errorem amplectamini salutis vestre noxium. Mali vox in masculino genere potius, pro Satana malorum principe ac capite, quàm in neutro genere, pro re mala, sumenda videtur; quemadmodum & in precatione Dominica: ut, quia malorum hominum superiori versu meminit Apostolus, ad vocem alludens, malitie ipsius & improbitatis fontem, qui extra hominem est, tangat. Quod nonnulli interpretes animadvertentes, ita reddunt verba stabiliet vos: & tuebitur ab illo malo, exprimentes vim articuli qui hoc loco est $\delta\iota\alpha\ \chi\rho\iota\sigma\tau\acute{o}\varsigma$, & malum $\kappa\alpha\tau'\ \epsilon\phi\omicron\chi\eta\nu$ sic dictum denotat.

Ut nec hæc
ingenerare
debet tor-
porem & ne-
gligentiam

v. 4. Confidimus autem in Domino super
VOS. i.e. sumus autem persuasi de vobis, ope Domini,
quem fidelem esse diximus, & auxilii ipsius spe freti.
Ne superiorem consolationem ita interpretentur,
ut sibi esse securis licere arbitrentur, Dominumq; ip-
sos sine ulla ipsorum opera & labore confirmatu-
rum ac custoditurum putent, hæc addit verba, quibus
torporem & securitatem excutiat, quemadmodum
superioribus metum ac desperationem; minimeq; ip-
sos aut ob hominum perversitatem animo frangi,
aut ob custodiae divinæ spem in studio pietatis relan-
gvescere debere doceat. Artificiose autem id eis tri-
buit ad quod eos hortari volebat, & pro eo quod
monere debebat ut sibi ipsis etiam advigilarent, nec
sine inter-

sine interveniente etiam ipsorum studio illos confirmaturum Deum crederent, spem de illis quod id facturi sint, se concepisse ait; quasi dicat: cum verò Dominum vos custoditurum à Satana dico, non existimo vos mea verba ita interpretaturos, quasi Deus id non sentientibus & dormientibus vobis sit confecturus. Persuasus enim sum, imò credo firmissimè, vosmer ipsos auxilio Domini invocato, ejusq; ope fretos, & facere quantum in vobis, & facturos porrò ea que vobis prescribimus; ut qui sciatis id esse officii vestri ad quod estis vocati.

v. 5. Dominus autem, nempe Iesus Christus, quem voce ista absolutè posita ab Apostolo designari notum est, & in his ipsis epistolis aliquoties vidimus. Subjicit votum benevolentie in eos sue (cujus ex- promende nullam occasionem prætermittit) plenissimum, ut stimulos ipsis acriores ad ea facienda subdat, ad que eos artificiose versiculo superiori fuerat hortatus. q. d. quod quidem ut præstare etiam porrò possitis, officioq; vestro advigilantes omnem Sathane insultibus ad vos aditum intercludatis, atq; ita mea de vobis fiducia sit perpetua & stabilis, ea vobis ab eo qui Dominus nostrum omnium est, & quidem benignissimus eoq; ut nobis mancipiis ejus bene sit providet, opto & voveo, quorum ubi compotes facti fueritis, meum etiam desiderium implebitis, & nihil quod ad illius mali fraudes præcavendas fuerit necessarium vobis de esse patiemini. Charitas nimirum Dei & expectatio Christi, que duo hic ipsis vo-

Votum con-
tinens me-
dia studiū
pietatis in
nobis exci-
tantia.

vet, sunt

vet, sunt media ad unumquemq; nostrum in officio continendum studiumq; vera pietatis in nobis quâ excitandum, quâ augendum, & fovendum ut certissima ita potentissima. Quando enim quisq; majore Dei Opt: Max: flagrabit amore, ipsumq; amandi causas quanto pervidebit acrius, tanto impensius eum sibi demereri studebit, & quanto majori adventus Christi desiderio tenebitur, tanto studiosius ut sibi veniat propitius elaborabit. Dirigat corda vestra. i. e. omnia cogitata & consilia vestra eò convertat, ita illa temperet, eumq; vobis animum qui nunc in vobis est porro conservet, imò cœlesti favore suo in dies magis ac magis firmet & augeat. in charitatem Dei. i. e. ut ardentissimo amore & charitate feramini in Deum, eumq; tam altè condatis pectore quàm altè descendere debet admiratio simul & consideratio ac memoria cùm aliorum ejus in numerorum in vos beneficiorum, tum hujus vel maxime cujus per nos estis facti participes; cùm nobis predicantibus conversi estis ad ipsum ab idolis; per quod quidem ex statu deterrimo & miserrimo in felicissimum & latissimum aserti & translati estis. Et expectationem Christi Gracè ὑπομονήν. Vetus interpretes Patientiã Alii patientē expectationem. Vox enim ὑπομονήν, ut annotant interpretes, significat perseverantiam in re quapiam non sine molestia sed rursum cum expectatione premii, aut certè finendi mali. i. e. ante oculos verò semper habentes venturum de cœli Christum, ut judices mundum in justitia &

1. Amor
Dei.

a. Expectatio
adventus
Christi.

stitia & reddat unicuique secundum opera sua: eo vos in cruce confirmetis, ipsumque ut finem omnium afflictionum & miseriarum vobis allaturum & ab ira ventura vos liberaturum, patienter expectetis. Posuit autem expectationem Christi, pro expectationem sui antecedens pro relativo per Hebraismum sacris scriptoribus usitatum, quem habuimus, & priori Epist. cap. 3. v. 12. Dirigit vero Dominus Iesus corda fidelium in charitatem Dei & expectationem sui non vim illis cui resisti nequeat inferendo aut oscitantibus & securis ista obrudendo, sed sponte in ea incitatis imò currentibus, blandè & suaviter quàm per verbum, quàm per spiritum S. suum cum causas & fructus eorum animis obijciendo, tum magnitudinem simul & suavitatem eorum penitus aperiendo; quibus veluti stibellis quibusdam affectus isti in iis excitati quotidie magis ac magis inardescant, & flamma ipsa ab iis ipsis quæ eam peperere alimentum semper capiente velut augeantur.

v. 6. Præcipimus autem vobis fratres. Sequitur altera hujus capituli pars, in qua præcepta quedam Theßalonicensibus tradit, atque ea imprimis quæ ad ecclesiasticam quam vocant disciplinam sancientiam spectant. Primum autem præceptum illud & proponit et confirmat, quod hujus loci est præcipuum, & cujus occasione cætera quoque interseruntur, quo nimirum præcipit ut à familiari eorum qui inordinatè se gerunt, commercio ac familiaritate absterneatur. Deinde alia duo præcepta adjicit, quorum alterum

2. Cap. paræ præcepta in primis ad ecclesiasticam disciplinam spectantia, continens.

1. Ut absterneatur commercio familiari inordinatè ambulantium.

Cui authoritatem ini-
tio cōciliat.

Quare?

alterum ad eos spectat qui ita ut dictum est ab aliis
notari merentur; alterū ad eos qui illos notare & ab
eorū conversatione abstinere jubentur. Deniq; præ-
ceptum primū aliqua ratione repetit, & uberiùs ex-
plicat atq; illustrat. Præceptum principale ita propo-
nit, ut authoritatem ei statim cōciliet, dū nō simpli-
citer ait: præcipimus autē vobis fratres, sed ad-
dit in nomine Domini nostri Iesu Christi i.
e. authoritate ac jussu ipsius Domini Iesu Christi. hu-
jus enim est hoc mandatum, ab ipso profectum, ad Ec-
clesiæ disciplinam stabiliendam; non meum hoc est
placitum aut consiliū quod negligi absq; peccato
fortē possit, aut posse à quopiam putetur. Non frustra
authoritatem hujus præcepti ita stabilit Apostolus,
quia plerisq; hīc obrepit aut negligentia quædam, aut
nimia quædam lenitas. Alii enim existimant satū es-
se si ipsi suum officium faciant, parum pensi habentes
quid ceteri agant, quoq; modo se gerant. Alii, licet
monendos existiment & ceteros ut & ipsi officium
faciant, non tamen tam duriter putant in eos con-
sulendum, si officium facere noluerint, ut in eos quo-
quo modo animadvertant, ab eorumq; familiari
convictu abstineant, præsertim si alia quædam illi a-
micitiæ vincula cum ipsis intercedant, aut tales sint,
quorum amicitia ipsis videatur appetenda. Quare,
ne quid hujusmodi obstaret apud Thesalonicenses
hujus præcepti observationi, authoritate Christi in-
terposita illud munit, quæ cum sit prorsus irrefragabi-
lis atq; inviolabilis, siquidem est Dominus no-
ster,

ster, qui divinum in nos absolutumq; habet imperium, nulla quantumvis speciosa ratio efficere debet, ut ejus mandata negligamus. Ipsum autem mandatum continetur illis verbis: ut subducatis vos ab omni fratre qui inordinatè ambulat. hoc est, ut abstinatis à familiaritate, convictu, consuetudine fratris hujusmodi. Fratrem hoc loco appellat quemvis Christianum, qui nimirum salutarem Christi doctrinam unà nobiscum profitetur. 1. Cor. 5. 11. ubi de eadem re agens, ait: si quis frater nominetur. Appellabatur autem frater à Christianis, quisquis & ipse Christianus esset, seu Iesum profiteretur esse Christum, ejusq; religioni addictum se esse testaretur. Itaq; hoc præceptum non obstringit nos ad vitandum commercium aliorum hominum vitiosorum, ac peccatis aliquibus deditorum, si à religione Christiana sint alieni, uti Apostolus eodem loco. 1. Cor. 5. expresse monet. v. 10, 12, 13. Quod idem hodie quoq; statui potest de iis qui licet Christianam religionem profiteantur, & Christiani tum ipsi nominari velint, tum ab aliis dicantur, pro nostris tamen fratribus vulgè non habentur, neq; ad ecclesiam sese nostram aggregant, aut unquam adjunxerunt; præsertim si eadem de religione sententias nobiscum non profiteantur. Nam ad eos qui ad ecclesiam non pertinent, animadversio etiam ecclesiastica non pertinet: quid enim, inquit Apostolus, mea interest etiam extraneos judicare? 1. Cor. 5. 12: nec eorum improbitas ecclesie nocere, vel saltem non tantopere nocere potest, sive infami-

Quousq; hu-
jus præcepti
pomeria
extendenda.

am species, que ad ecclesiam ipsamq; veritatem divi-
nam ex mala eorum vita redundet; sive contagio-
nem, que ad ceteros manare queat. Interim tamen,
si quis eandem nobiscum religionem profiteatur, un-
de etiam vulgò pro fratre nostro habeatur, etiamsi
ad ecclesiam alioqui non acceperit, si tamen sepius
monitus non resipiscat, ejus consortium est vitandum.
Nam aliqua saltem ratione jam ad ecclesiam perti-
net, & infamia quedam ad veritatem divinam, &
Ecclesiam que eam profitetur, ex ejus peccatis re-
dundat, & contagio aliorum est metuenda: Majori
tamen lenitate (nisi fortè vita hominis hujusmodi
sit prorsus infamis) utendum, & diutiùs ferendus est
hujusmodi frater, vel saltem diutiùs ferri potest,
quàm si se ecclesie adjunxisset. Minor enim sere solet
esse Ecclesie ex hujusmodi hominis moribus infamia,
& minor contagionis metus. Etiamsi autem non ju-
bemur hoc loco vitare commercium hominum malo-
rum extra Ecclesiam: tamen & ipsa honestatis ratio,
& pietatis amor postulat, ut quantum ejus fieri po-
test, vitemus eorum familiaritatem quorum vita est
infamis, licet pro fratribus nostris non habeantur. Se-
cùs si quis faxit, non quidem in hoc, quo de nunc agi-
mus, præceptum Apostoli peccat, sed in illud quod ab
eodem traditur 2. Cor: 6. Ne alienum jugum tra-
hamus cum infidelibus & que sequuntur. Porro,
quid sit inordinatè ambulare, ipse Apostolus ali-
qua ratione explicuit verbis sequentibus, dum addit.
& non secundùm traditionem quam accepit
à nobis

Quid de cõ-
mercio ho-
minum ex-
tra Ecclesi-
am malorũ
sentiedum.

Inordinatè
ambulare
quid sit.

à nobis. hoc est, qui non ita se gerit quemadmodum postulat doctrina quam vobis tradidimus, quamq; & ipse unà cum aliis à nobis accepit. i. e. didicit, amplexus ac professus est. Per traditionem enim doctrinam intelligi, alius propositam atq; explicatam, vidimus superiori cap. v. 15. Qui ergo id non facit quod doctrina Apostolica præcipit, aut facit quod illa prohibet, ù inordinatè ambulat, ù extra orbitam à Deo & Christo nobis constitutam evagatur, & disciplinam morum violat. Loquitur autem hic Apostolus non tam de singulis delictorum adversus doctrinam Christi admissorum actibus, quam de habitibus seu mavis consuetudine peccandi. Nam & verbum ambulandi hanc vim habere videtur, & res ipsa id postulat. Etenim si de singulis peccatorum actibus id esset intelligendum, quoruscumq; foret qui ad familiarem convictum ac consuetudinem admitti deberet? Ita sanè citò dilaberetur Ecclesia, imò vix constitui unquam posset. Interim tamen quia nonnulli peccatorum actus ita sunt graves, itaq; enormes, ut jure dici possit eos vitiosis peccatorum aliquanto leviorum habitibus equipollere sententia hujus præcepti etiam ad eos extendenda est, qui huiusmodi actus committunt, & in eos acies huius animadversionis stringenda, præsertim, si eos publica quædam infamia comiteretur, sequaturve. Nam & infamiam Ecclesie conciliant, & ignominie labem veritati aspergunt huiusmodi flagitia, dum vulgo sunt nota, & nisi animadversione aliqua coërceantur, in ex-

Loquitur autem potissimum de habitu in delictis.

Et si nec actus quidam penitus excludendi.

emplum ire facile possunt, & efficere, ut minoris estimentur, & facilius ab aliis admittantur. Quare huic mali animadversione severiori occurrendum est, & non tam usitata verborum huius precepti significatio, quam mens & sententia Apostoli, aut ipsius potius Christi, qui hanc Ecclesie sue disciplinam constituit attendenda. Erratur autem hic non leviter ab iis, qui existimant tam severe cum illis agendum non esse, qui tale quippiam faciunt, quod per se ac simpliciter consideratum à Christo eiusve Apostoli prohibutum non est, sed tamen cum infirmorum scandalo & offensione extraneorum non exigua est coniunctum & infamiae labem veritati divine & Ecclesie Christi aspergit. Etenim licet id quod faciunt, per se ac simpliciter consideratum peccatum non sit, nec cum doctrina Christi & Apostolorum pugnet, tamen cum huiusmodi circumstantiis spectatum, vere peccatum est, & cum Christi doctrina omnino pugnat, si modò illi videre ac cernere possint, offensionem huiusmodi facile sequuturam. Doctrina enim Christi precipit, ut omnia quaecunque facimus, ut ut per se adiaphora sint, & simpliciter spectata, nec precepta sint, nec prohibita, ad gloriam Dei faciamus, simulq; absque offensione & Iudæis, & Græcis, & Ecclesie Dei, ne per nos fiat, ut bonum nostrum, ut inquam religio nostra sanctissima, ut Dei sermo blasphemetur; ut omnia ad edificationem faciamus, alioqui contra charitatem facturi, & quantum in nobis est perdituri alios: ut omnia faciamus, quæ bone sunt

Imò nec illæ actiones, quæ licet per se non prohibentur à Christo, infirmiores tamen offendere possunt.

1. Cor. 10.
32.

Jacob. 2. 7.

1. Cor. 14.
26

Rom. 15. 2.
Philip. 4. 8.

ne sunt fama, si quæ gloria, si quæ laus, ut ea meditemur, & re ipsâ sequamur: ut honesta coram omnibus hominibus procuremus, exemplo Apostoli, qui honesta procuravit non tantum coram Domino, sed etiam coram hominibus. Quod si ergo factum aliquod licet per se licitum, ob circumstantiarum tamen rationem ad offensionem aliorum faciat, & in causa sit ut religio nostra divinaq; veritas blasphemetur, si cum bona fama pugnet, si in reprehensionem, præsertim gravem, apud omnes incurrat, si infamiam conciliet, certè cum doctrina Apostolica pugnabit, ac proinde qui illud committere solet, inordinatè ambulat, ut qui nec Dei gloriam ita ut debeat amet, nec proximorum suorum saluti ita studeat, ut pietas à Christo eiusq; Apostoli præscripta postulat; cum & gloriæ divinæ & aliene salutis causâ suam quoque vitam deberet impendere, nedum aliquod commodum aut voluptatem, aut quidpiam simile ei postponere. Vnde intelligitur in huiusmodi hominem legis huius Apostolicæ severitatem iure stringi posse, vel potiùs debere, & tantò quidem severiùs cum eo agendum, quanto maiori cum offensione, dedecore, atque infamia factum eius est coniunctum. Quod si tale sit ut vulgò apud omnes valde enorme, flagitiosum, atque impium censeatur, quia nimirum sua natura aliquam habeat cum rebus valde flagitiosis, & à Deo severè prohibitis cognationem; contrarium autem eius virtuti & honestati admodum sit consentaneum; nulla videtur esse causa cur non possit

quispiam ob unum huiusmodi factum à familiaritate fidelium arcerit; præsertim si præmonitus fuerit, & sæpius quidem, ita ut eius contumacia etiam accesserit. Si enim enormia peccata severiori animadversione sunt digna, & licet singularia sint facta, tamen leviorum peccatorum consuetudinem æquant; idem etiam de hoc peccatorum genere statuendum est, quod ob circumstantiarum rationem ut peccatum est, ita & enorme esse potest. Sed hæc obiter. Iam ad verba Apostoli redeamus; in quibus postquam vidimus quinam ii sint in quos Ecclesia animadvertere, & censoriam virgulam stringere debeat, iam nonnihil etiam dicamus de animadversionis genere quo in eos uti debeat. Vidimus autem illud contineri eo, ut nos subducamus ab huiusmodi fratre, & quidem ne profopolepsie hic sit locus. ab omni. seu quovis qui inordinate se gerat, qua de re postea nonnihil dicemus explicatius.

Profopolepsia hic locus nullus.

Quid sit non commisceri cum inordinate ambulanti.

Quod hic dicit subducere se ab huiusmodi fratre id inferius versiculo 14. dicit: non commisceri cum eo, hoc est, familiaritatem non colere, cum eo commercium ac consuetudinem non habere, quo eodem verbo eadem in re utitur Apostolus 1. Cor. 5. 9. 11. quo loco etiam ostendit quomodo sit vitanda huiusmodi hominum consuetudo ac familiaritas: cum ait: cum huiusmodi fratre neque edendum esse, hoc est, non alia tantum facta ac negotia quibus familiaritas colatur fugienda esse, sed ne communem quidem cibum cum eo capiendum, licet id a-

liquo

liſſi arctæ familiaritatis argumentum non ſit, vel non adeo magnum. Sunt enim longè maiora arctioraq; vincula, quibus familiaritas conſtat, quàm communis cibus, quem non raro etiam cum alienis capimus. Non ergo in eo ſolo, hæc animadverſio ſita eſt, ne cibum unà cum huiusmodi fratre capiamus; ſed etiam in fuga aliarum rerum, quibus familiaritas conſtat, ut ſunt amplexus, & (ubi id conſuetudo fert,) oſcula, crebri congreſſus, colloquia ac ſalutationes etiam, tum inſtitutæ, cum nec ulla urget neceſſitas, nec ad delinquentem ea corrigendum adhibeantur, miſſiones munuſculorum, non neceſſitati alienæ, ſed ſolius amicitiæ reſtanda cauſa inſtitutæ, et ſi quæ huiusmodi ſimilia. Apparet autem diligenter hæc eſſe cavenda, ut etiam ſi ſeſe nonnunquam offerat occaſio cum huiusmodi homine colloquendi, uq; ſeipſum nobis offerat, aut nos invitet, nos tamen eius congreſſum ac colloquium ſubterfugiamus; niſi, ut dictum eſt, neceſſitas aliqua, aut eius hominis emendatio eò nos adigat. nam & hoc ſignificant verba Apoſtoli, cum iubet ſeſe ſubducere ab huiusmodi homine (is enim ab aliquo ſe ſubducit, qui ut ut forte alter ipſum ad ſe invitet, eum vè ſectetur, ſubterfugit eius cõvictum ac conſuetudinem, & ſibi ab ea caret) & illud quoque argumento eſt, quòd Apoſtolus eum in finem id fieri vult, ut is pudeſcat, id quod non fieret, niſi ad eum modum conſuetudo eius vitaretur, & quidem ita, ut id ipſe animadvertere poſſit, ac probè intelligere, ſe indignum quodammodo aliorum converſatione ob

Animadverſio iſta non in eo ſolo ſita, ne cibum cum eo capiamus.

Quàm longè à familiaritate inordinatè ambulantis fratris recedendum?

Subducere ſe ab aliquo quid.

facta sua censei. Argumento est & illud, quod ea familiaritate nobis cum fratre inordinatè ambulante interdicit Apostolus, quam nobis cum hominibus à Christiana religione alieni, licet idololatriis, scortatoribus, rapacibus, ebriosis, conviciatoribus permittit, 2. Cor: 5. 9. 10. Atqui ne cum illi quidem iugum trahere nobis licet, nec ita illis adherescere debet animus noster, ut cum nulla prorsus necessitas, nulla honesta utilitatis ratio, atque imprimis pacis conservandæ studium postulat aut suadet, cum illis vivere ac versari cupiamus. Siquidem ipsa honestatis ratio, & virtutis ac pietatis amor ab huiusmodi hominis consuetudine nos avocare ceteroqui debet, quemadmodum supra diximus. Cum ergo Apostolus doceat, ne illud quidem familiaritatis genus cum fratre inordinatè ambulante, nobis permixtum esse, quod cum infidelibus, seu à Christiana religione alieni, permixtum nobis est, facitè est intelligere, quàm longè à fratris inordinatè viventis consuetudine sit recedendum, quàmq; diligenter sit ipsius commercium ac familiaritas vitanda.

Questiones

A.

I.

Sed hic quatuor potissimum in disquisitionem veniunt, à nobis breviter explicanda, Primum, Utrum quivis Christianus à quovis inordinatè vivente sese subducere vi hujus præcepti Apostoli debeat, utrum etiam uxor à marito, liberi à parentibus, servi à Dominis, subditi à magistratibus; vel contra. Quin etiam utrum pares à paribus semper omnino discedere, & alii aliorum consortium vitare debeant.

Secun-

Secundum: Annon casus aliqui incidere possit, ut ci- 2.
 bum cum homine inordinate se gerente, capere lice-
 at ei, cui commercium eius interdicit Apostolus. Ter-
 tium: An protinus sit vitandus frater, qui inordina- 3.
 tē se gerit, an verò & monendus prius, & mora ali-
 qua interponenda, ut se emendare possit. Quartum 4.
 Quid illi faciendum fratri, qui à familiari fratrum
 conversatione segregatus, respiscere noluerit, sed in
 pristina vivendi, ac malè agendi consuetudine perse-
 veraverit. Qua in re illa etiam continetur quæstio,
 supersitné, præter hanc qua de nunc agitur, alia a-
 nimadversio, quâ Ecclesia hodie uti possit aut debeat
 in eos, qui in suis peccatis ac vitiis perseverant, &
 non tantum moniti, sed etiam ita ut hoc loco jubet
 Apostolus, notati atque à familiaritate cæterorum
 fidelium remoti, respiscere nolunt.

Ad primam quæstionem respondemus. Non esse
 consentaneum, præceptum hoc ad omnes planè sim-
 pliciter, seu maxè respectu quorumvis inordinate
 ambulantium, extendendum esse, ita ut quivis in ec-
 clesia à quovis, quocunque tandem modo sit cum ipso
 conjunctus sese subducere, ejuſq; consuetudinem vi-
 tare debeat; sed ad illos id spectare, in quorum pote-
 state cæteroquin est, cum aliis vel commercium habe-
 re, vel non habere. Nam primùm nullo modo conce-
 dendum Apostolum velle, ut illi, qui aliis ita sunt vel
 divino vel humano jure devincti, ut indissolubilem
 cum iis vitæ consuetudinem colere, aut iis parere, &
 quoties jubent, adesse, ac sermonem cum iis sociare,

r. Anquivis
 Christianus
 à quovis in-
 ordinate
 ambulante
 recedere
 debeat.
 Resp. nd.
 negativè,
 quia præce-
 ptum Apo-
 stoli ad il-
 los tantum
 pertinet, in
 quorum id
 propriè po-
 testate, cõ-
 mercii cum
 aliquo ha-
 bere, vel nõ
 habere.

resvè alias unà cum illi obire tenentur, ut ab iis, si in ordinatè se gerant, discedant, & eorum consuetudinem vitent. Nec enim Christus aut Apostolus, ejusmodi ecclesie prescribit animadversionem, quæ cum injuria cujusciam sit conjuncta, seu id cuiusciam deneget, quod ipsi jure debeatur. Debetur autem, v. g. marito ab uxore, ut arctissimam cum eo colat per universam vitam consuetudinem; similiter & parentibus debetur à liberis, Dominis à servis, ut hi cum illi præsertim omnino volentibus ac jubentibus versentur, iis ad manum sint, colloquia eorum nequaquam subterfugiant, aut communem cum illis cibum capere detrectent. Idem & de magistratibus respectu subditorum statui debet, & tanto quidem magis, quanto majus eorum aut absolutius est in nos imperium. Hinc porrò intelligitur, Statuendum esse idem de iis, qui cum inter se sint pares, invicem tamen ita sunt colligati, ut vitare alter alterius consortium, sine illius, aut alterius cujusciam injuria nequeat: ut si duo ministri eidem Domino serviant, quorum alter ab ecclesia notatus, ceteroqui sit vitandus; aut si duo pluresvè societatem victus acquirendi gratia inter se inierint, quæ familiarem ipsorum convictum ac consuetudinem omnino postulet. Intelligitur etiam nec uxoris consuetudinem marito esse fugiendam; cum non uxor tantùm marito, sed & maritus uxori vicissim arctissimo, atq; indissolubili (nisi adulterium hujus interceserit) vinculo sit copulatus: & etiamsi tandem uxor consentiret in separationem, quam vo-

Quare nec
liberis, à pa-
rentib. nec
subditis à
magistratu
&c.

Nec marito
ab uxore re-
cedere licet

cant,

tant, thori, seu convictus diffidium, (divortium enim uno tantum adulterii casu licitum est) alia tamen ratio separationi huic posset obstare, de qua mox dicemus. Parentibus in liberos, Dominis in servos plus licet. Non enim aequè parentes liberis, Domini servi sunt obstricti, ut hi illis. Itaq; nonnunquam licet, non nunquam etiam decet parentes aut Dominos ut à familiari convictu arceant liberos aut servos. Verùm tamen cause non nunquam justè obstare possunt, quo minus hujusmodi separatio instituat. Earum prima jam dicta est, si jus alterius partis licet inferioris, obstet, quo minus separatio fiat. Nam & inter Dominum & servum potest esse mutua obligatio, & quidem ejusmodi, quæ non permittat ut Dominus pro arbitrio suo servum à convictu suo removeat, præsertim si servi nomine mercenarium intelligas, aut ministrum certo precio ad certum tempus conductum. Neq; verò ea, quæ justa causa est cur ecclesia quempiam notet, & à sanctorum communionem arcendum statuat, protinus etiam justa causa est, cur Dominus servum abdicare & à suo convictu arcere possit. Idem aliqua ratione etiam de liberis est statuendum. Nam etiamsi parentibus liceat nonnunquam arcere à suo convictu liberos, quin etiam, si ita mereantur eos penitus abdicare, non tamen quamvis ob causam, aut quovis tempore licet. Quare videndum est, utrum tam gravis sit illa causa ob quam ecclesia eorum familiaritatem fugiendam statuit, ut etiam à parentum consuetudine, quorum amicitiam liberis natura

Magis licet parentibus a liberis, & Dominis a servis.

Nisi obstet

i. jus partis inferioris.

Non continè qui ab Ecclesia excommunicatus & à domesticis arcendus.

a. Indigen-
tia piorum
etiam inter
pares.

natura ipsa primum conciliavit, sint amovendi. Sed præter hanc, & alia potest esse causa, quæ diremptionem convictus ac familiaritatis jam instituta impediatur, quæ inter pares etiam locum habere potest. Ea vero est, indigentia, sive utriusq;, sive alterius partu, ac porro quædam necessitas, quæ alteram partem alteri ita devinciat, ut eam ab ea divelli, vix ac ne vix quidem patiatur. Etenim non est credibile Apostolum ita præcepisse fugam familiaritatis ac convictus cum inordinatè ambulatibus, ut vellet etiam pios propterea magnum aliquod detrimentum incurrare, & iis se se commodis atq; usibus privare, quos illis præstare debeant, ii qui inordinatè se gerunt. Itaq; consentaneum non est voluisse eum omnino, ut parentes liberos, aut Domini servos non rectè se gerentes à se arcerent, & sic eorum ministerio se se privarent quo indigent. Hoc pacto non raro contingeret, ut pius noceret huiusmodi animadversio, ipsis nocentibus seu inordinatè se gerentibus prodesset. Atqui hos, non illos pœna hac (si eam licet ita appellare) affici vult divinus spiritus. Vnde jam intelligitur, etiamsi tandem alie rationes non obstarent quo minus maritus ab uxoris inordinatè viventis convictu discederet, eam tamen rationem sufficere, si maritus uxoris consuetudine atque officio carere nequeat. Eodem locum habere potest inter eos, qui societatem jam inter se inierunt ejusmodi, quæ convictum ac familiares congressus frequentiores postulet, si sine notabili incommodo suo pius à nocente discedere non possit.

Alioquin
hæc pœna
impiis infli-
cta, magis
noceret piis

poſſit, etiam ſi id ſine huius injuria facere poſſit. Quamquam autem dictum eſt, ſenſum huius animadverſionis, aut (ſi ita appellare licet) pœnae, ad eum redundare totum debere, qui meruit; hoc eſt ad eum qui ex præſcripto Chriſti & Apoſtolorum vitam ſuam non inſtituit; non eſt tamen concedendum, velle Apoſtolum ut ab eccleſia (de civili enim aut domeſtica diſciplina hic non agitur) tam ſeverè cum eo agatur, ut is etiam commodis ſuis fraudetur, & honeſta ei victus querendi ratio eripiatur, atq; in anguſtias conjiciatur rerum ſuarum. Neq; enim aliud in hac animadverſione ſpectavit Apoſtolus, quàm ut hac ratione pudore ſuffundatur frater inordinate vivens, v. 14. quia nimirum ii qui ſamiliarius alioqui, cum illo verſari ſolerent, poſtea ab ejus congreſſu abſtineant, eumq; ſua conſuetudine ob morum improbitatem indignum judicent. Adde quod aperte cavet Apoſtolus, ne eum ceteri pro inimico habeant, ſed ut fratrem moneant. v. 15. Quin & ver: 13. non obſcurè indicat, ne huiusmodi quidem hominibus neceſſaria prorsus vitæ ſubſidia eſſe neganda, ut illic videbimus. Quare non eſt credendum, Apoſtolum ita velle ſeparationem illam inſtitui, ut damno ſimul afficiantur, & honeſta victus ratione, alii vè commodis protinus priventur. Quod ſi alioqui ſuo delicto civilem pœnam mereantur, aut, ſi ſub patrisfamilias poteſtate ſint, domeſticam aliquam animadverſionem incurrant, aut in privatorum commoda peccantes digni ſint ut ſuo aliquo commodo viciſſim priventur, id hoc

Nec ipſe
nocens com-
modis ab
Eccleſia
fraudan-
dus.

Non enim
habendus
pro inimi-
co.

loco non attenditur, ubi de ecclesiastica tantum disciplina censuraq; agitur, quae civilis ac domesticae potestatis jura sibi non vindicat, sed aliis relinquit. Deniq; & illa potest esse justa causa, cur convictus jam institutus inter domesticos nō dirimatur, & nec parens liberos, nec dominus servum à se amoveat, aut qui societatem iniiit cum altero, eam non dirimat, si spes sit, fore, ut i qui exorbitat in orbitam citò redeat; praesertim si & illud accedat, ut metus sit, ne, si deseratur, deterior evadat, aut veritatem etiam penitus deserat. Atq; ut summarim videamus quod ad questionem illam penitus dissolvendam pertinet; non eos hoc Apostoli praecipuum simpliciter obligat qui in eadem familia vivunt, aut illos, qui peculiari jure sunt inordinatè viventibus obligati, ut sine eorum injuria ab illis subducere se nequeant, sed eos qui in diversis vivunt familiis, & qui sine violatione juris alieni possunt ab aliis discedere, utpote in quorum arbitrio situm est cum illis versari vel minùs, idq; tum, cum nulla eos ad colloquia ac congressus adigit necessitas, nec civilis concordiae ac pacis ratio eos huc compellit. Itaq; & cognati à cognatorum, affines ab affinium familiaritate, cum diversas familias constituunt, abstinere debent, quatenus civilis honestas ac vitae concordia permittit. Et quia inter eos qui in eadem familia vivunt, aut societatem aliquam inierant, vel major vel minor esse potest conjunctio, ut inter ministros ejusdem heri; etiamsi ab iis qui inordinatè ambulant discedere vel non

3. spes citæ
emendatio-
nis.

Regula in
hujus qua-
stionis so-
lutione o-
mnibus in-
venienda.

non possint, vel ut discedant consultum non sit; e-
atenus tamen sese ab illis subducere debent, quatenus
ullo pacto licet, & minus tamen arctè cum illis vive-
re, quàm aliàs victuri essent, omnibusq; modis osten-
dere, quantopere sibi illorum mores displiceant: qua
in re quia plùs licet superioribus in inferiores, plùs e-
tiam paribus in pares, quàm inferioribus in superio-
res, plùs etiam hac in parte facere debent.

Ad secundam quæſtionem respondemus, acci-
dere non nunquam posse, ut eidem mensæ, u-
nà cum inordinatè ambulante, absq; violatio-
ne hujus præcepti Apostolici, affideas, & com-
munem cum illo cibum capias, v. g. si contingat
ut inviteri à patrefamilias ad cibum capiendum,
cujus vel uxor, vel filius, vel servus, ab aliorum fideli-
um consortio sit remotus; aut hospes adveniat, qui in-
vitatus, ab eodem patrefamilias eidem mense ac-
cumbat. Neq; enim ille confesſus protinus familia-
ritatis, cum inordinatè ambulante indicium est, præ-
sertim si illi ipsi fratri inordinatè ambulanti, non
præbibus, aut præbibenti, responsurum te modestè ne-
ges, & prout locus, tempus, aliæve circumstantiæ fe-
runt, conditionis tue, & illius ipsum admoneas, nec
sermone, nisi fortè quibus illum admoneas ac repre-
hendas cum eo, præsertim tua sponte, jungas, & qui-
bus possis modis ostendas, te ejus conversationem su-
gere, ac vitare. Interim tamen satius est si modò ho-
nestè possis, istiusmodi mensas ac convivia fugere,
quibus ù interfit, qui est ab Ecclesia ad eum modum
benda.

2. An possit
aliquis ca-
sus incide-
re, ut cibum
unà cum in-
ordinatè
ambulante
capere li-
ceat ei, cu-
id interd-
ctum est?
& Affirma-
tivè.

1.
Cautio.

- notatus, præsertim si verendum sit, ne vel ille qui inordinatè ambulat, vel alii infirmiores, id in familiaritatis argumentum trahant, aut tu ipse hoc pacto familiaritatis cum ipso versari isuescas. Atq; hac in re tantò major est adhibenda cautio illi, quorum major est in ecclesia authoritas, & quorum exemplum vel prodesse, vel nocere aliis plus potest. Præter hos autem casus possent & alii accidere, ubi nõ videtur illicitum cum ejusmodi fratre cibum capere, ut si ad nuptias suas aut liberorum suorum, vel cognatos suos invitet, vel alios, quorum opera carere, eo tempore vix ac ne vix quidem possit. Neq; enim credibile est velle Apostolum, ut hujusmodi tempore necessaria illi humanitatis officia denegentur. Neque verò extraordinarius hic convictus pro familiaritate jure potest haberi. Nobis autem familiaris tantum cum inordinatè ambulatibus usus ac consuetudo est interdicta; cibus verò communis eatenus, quatenus est conversationis ac familiaritatis vel pars vel argumentum. Itaq; etiam interdum ut majus evitetur incommodum, v. g. rixæ, pugnae, aut quidpiam simile, cibus cum inordinatè ambulante communis capi posse videtur, qua in re & prudentia, & timor Domini, veneratioq; præceptorum ejus adhibenda est, boniq; ratiocinatores officiorum esse debemus, ut medium inter nimiam facilitatem nimiumq; rigorem teneamus. Illud etiam probabile est non prohibere Apostolum, quominus inordinatè ambulantem, si in ades nostras vel ultro veniat, & cibum una nobis-

sum capere velit, à mensa nostra arceamus, vel si videamus eum alibi divertere sine suo incommodo non posse, eum invitare in edes nostras non audeamus. Etenim satis esse videtur, si cum illo ita hac in parte agamus, quemadmodum Iudæi cum Ethnicis, ac publicanis, quorum exemplum hac in parte nobis proponere videtur Christus. Matth: 18. At Iudæi licet ad Ethnicorum mensas ipsi non accederent, eorumve cibis uti horrerent, à suis tamen mensis accedere volentes non arcebant. Quare ne illud quidem in usitatum fuisse videtur, ut Iudæi Ethnicos, cum ea re indigere eos viderent, ad mensam suam invitarent; ut nihil videatur esse absurdi, si frater fratrem inordinatè ambulantiem ad se invitet, ubi viderit eum hoc humanitatis officio indigere; quia ut antea dictum est, beneficentia ipsi necessaria nequaquam hoc Apostoli præcepto est verita. Interim tamen etiam hinc modus est, & cautio adhibenda, ne in familiaritatem res abeat, & quâ licet, aliter cum hujusmodi fratre, aliter cum aliis hospitibus agendum. Sunt enim & officiorum humanitatis, ac hospitalitatis gradus; & alii majoris sunt familiaritatis, alii minoris. Breviter, familiaritas cum inordinatè viventibus, ita est vitanda, ut nec beneficentiam in eos, cum eorum necessitas eam requirit, negligamus, nec pacem ac concordiam, civilem aut domesticam violemus. Interim tamen non est quevis offensio fratris inordinatè ambulantis, pro violatione concordie aut pacis habenda; & si id a-

Cautio

Regula

gatur

gatur ab altero, ut in se disciplina Ecclesiastica nervi laxentur, & vel nemo, vel certè nonnulli, vitare ipsius consortium non audeant; fortius obstitendum est, & cum quodam etiam periculo, nulla habitata ratione istiusmodi offensionu, ab ejus commercio abstinendum. Majoris enim momenti apud nos esse debet, ordo ac disciplina Ecclesie, gloriaq; divina, quam hujusmodi hominis offensio, nostruè periculum.

9. An pro-
cinus sit vi-
tandus qui
inordinate
se gerit, an
mora iater-
ponenda, ut
se emenda-
re possit.

De in enor-
mibus & que
non facile
reperi so-
lent, moram
nullam ad-
hibendam.

Ad tertiam questionem respondemus: In enormibus delictis, atq; in que semel admissa nec facile reperi solent, nec emendari possunt, qualia sunt matrimonia cum idolatris contracta; moram ejusmodi adhiberi non posse, vel non debere, sed statim animadversionem adhibendam esse: præsertim si quis jam antea præmonitus satù fuerit, aut enormitas, facinorosi tanta sit, ut Christiani hominis animus ab eo, nullo etiam monente, ita abhorrere debeat, ne unquam id audeat committere. Talia sunt, abnegatio veritatis, homicidium, latrocinia, incestus, adulterium, & alia his similia. Nam cum vel unicus hujusmodi scelerum actus, hujusmodi animadversionem mereatur, absurdum fuerit expectare hujusmodi hominis facinorosi emendationem. Etenim vel statuendum esset, ejusmodi hominem non esse arcendum, à piorum conversatione, nisi sæpius idem facinus repetierit; quod absurdum esse, facile homines pietati amantes videre possunt, multaq; inde consequerentur in commoda, in gloriam divinam, humanamq; salutem redundantia; vel tum demum esset

arcen-

arceſſendus à conſortia piorum, ubi ſe ſe emendaſſet, & per reſiſcentiam ſacinus ſuum quodam modo expiaſſet; quod inſidem abſurdum eſſe qui viſ facile cer- nit. Quomodo enim auderes eum emendatum arce- re à familiaritate tua, quem non dum emendatum arce- re non fueris auſus? Animadverſio hec ad omen- dationem delinquentiſſi potiffimum ſpectat, unde eã ſubſequutã tolli ſolet. Quare abſurdum foret, eam tandiu diſſerre, donec is qui deliquit ſe ſe emenda- verit, & per reſiſcentiam, prioris vite labem, glo- rie divine, veritati celeſti, & eccleſiæ aſperſam elu- erit. Sed in aliis minùs gravibus delictorum generi- bus, & vulgo uſitatis in quæ faciliſ ac pronior eſt lapsus, & quæ inſamiam Eccleſiæ non tam facile aſ- ferunt, mora eſt adhibenda, & monendus priùs eſt frater, ut ſe ſe emendet, & emendatio aliquouſq; expectanda, antequam ab ejus convictu, ac con- ſuetudine abſtineatur. Docet id ipſe Apoſtolus non obſcurè, dum de hominibus otioſis, quorum cau- ſa atque occaſione potiffimum hoc Theſſalonicenſi- bus de diſciplinâ Eccleſiaſtica præceptum præſcri- piſſe eum apparet, ait ver. 14. Quodſi quis non auſcultat noſtro per epistolam ſermoni, hunc notate: & ne commercium habete cum eo. Vult ergo eũ priùs ſermonem ſuum ſeu præceptum in hac epistola expreſſum, nimirum ut cum quiete ope- rantes, pane ſuo veſcantur, proponi, & demum eos notari, atq; à familiari conſuetudine piorum arceri, ſi non auſcultarint huic ſermoni. Ut autem conſtare

In mino-
bus & vulgo
uſitatis de-
lictis, non
ſtatim ad a-
nimadverſi-
onem ipſam
deſcendam.
dum.

Quanta mo-
ra interpo-
nenda, ex di-
lecti gravi-
tate judican-
dum.

posset utrum auscultarent nec ne, mora aliqua postquam illis precepta Apostolica fuissent proposita, interponenda erat. Quanta autem mora sit adhibenda, ex gravitate aut levitate delicti, itemq; ex ejus qui monetur, aut ad obsequendum promptitudine, aut contraria contumacia, atq; aded ex spe, quam de ejus emendatione habeas, vel non habeas, aestimandum est. Nec mirum est, si non nunquam optimorum etiam in Ecclesia virorum judicia, hac in parte discrepent. Res enim illa prudentie est, nec generali aliqua ratione ita comprehendi potest, ut non sit neceſse ex circumſtantiarum ratione eam definire. Vnde fit ut in eodem quoq; delicti genere, ita exigentibus circumſtantiis, aliter atq; aliter agi non tantum possit, sed etiã debeat. Verum ita, ne proſopolepsia locum habeat, & rerum ipsarum ratio, ac cause meritũ, disciplinæq; hujus scopus attendatur.

De loco
Marth: 18.
ubi est præ-
ceptum de
eo, qui fra-
trem offen-
dit.

Possemus jam ad ultimam questionem transire, nisi nobis difficultatem adhuc objiceret locus Marth: 18, Vbi videtur Christus precipere, ut is, qui fratrem aliqua in re offendit, si & privatim semel atq; iterum monitus & ab ecclesia publicè reprehensus ac convictus, culpam agnoscere, atq; emendare nolit; habeatur seu tractetur ut Ethnicus ac publicanus. Quia in re illud videtur comprehendendi, quod hoc loco precipit Apostolus, ut ejus consuetudo ac familiaritas vitetur. Quamquam enim vel ex hoc ipso loco apparet, cum frater in fratrem peccavit, non protinus eum à consortio ceterorum esse amovendum, sed pri-

us monendum, & aliquantisper saltem ejus emenda-
tionem expectandam; tamen & illud videtur inde
apparere fratrem etiam ob unum delictum in fra-
trem admissum, licet non enorme, si id agnoscere no-
lit, nec id sibi dolere testetur, ab ecclesie consortio,
arceri non tantum posse, sed etiam debere: id quod
non satis videtur consentire cum iis, quae & superius
in explicatione Apostolici praecepti, & eorum prae-
cipue verborum ubi inordinatè ambulantes comme-
morat, & paulò ante in hujus ipsius quaestioni tra-
ctatione diximus. Sed nihil dictis nostris contrarium
ex illis Christi apud Matth: verbis elici potest. Nam
cum dicimus, in levioribus delictorum generibus non
ob singulos peccatorum actus homines esse à commu-
nitione fidelium removendos, sed ob malè agendi con-
suetudinem, actusvè crebrò repetitos; non volumus
eum ferri fratrem, qui cognitione praeceptorum
Christi instructus quidpiam deliquit, & peccati con-
victus satis superq; tum privatim tum publicè fuerit,
culpam tamen agnoscere nolit, & non testetur id si-
bi dolere, ac velle imposterum vitare; sed eum qui
culpam agnoscat, & spem correctionis atq; emenda-
tionis faciat; utut fortè ob fragilitatem, aut in ve-
teratam consuetudinem, aliaq; peccati irritamenta
iterum postea peccet, & in eundem lapidem saepius
impingat. Nam si quis culpam licet demonstretam,
ita ut eam, nisi affectus ac pertinacia eum excaca-
verit, non possit non agnoscere, agnoscere tamen ac
fateri nolit, eamq; defendere quam corrigere ma-

Tit, cum si justa ei mora fuerit concessa, ut se se recolligere possit, nec nos ferendum esse existimamus, nec Apostolus precipit. Iam enim non error amplius aut fragilitas, sed contumacia, sed malitia ac perversitas est, quae lenitate ecclesiae fovenda non est, sed severiore animadversione emendanda. Dicimus autem nihilominus, moram huiusmodi homini aliquam esse concedendam, ut se recolligere, & rem melius considerata, sequestratoque affectu, qui nebulam iudicio ipsius offuderat, emendare errorem possit. Neque enim id verba Christi prohibent, & alias equitas jubet severitatem legum, cum verba & res patitur, minuere potius quam augere ac intondere, & in mitiorem potius partem sententiam flectere, quam in duriores. Non dicit autem Christus, ea protinus hora, aut die, quo ecclesia primum suam de controversia inter fratres seu injuria alteri ab altero illata sententiam dixerit, habendum esse eum inflar Ethnicis & Publicanis, qui deliquerit, si non protinus ecclesiae sententiae subscripserit, eamve non audierit. Possunt enim verba illa si non audierit ecclesiam laxius aliquantò sumi; nimirum, si nec steterit, nec moram justam interpositam ecclesiae auscultaverit, ejusque sententiam ac iudicium sequutus fuerit. Neque verò Christus nullum prudentiae, equitatis, lenitatis, longanimitatis locum hic reliquit fratribus in fratres lapsos, quorum servandorum causa venit, animamque suam posuit; cum alias ipsius lenitatem ac longanimitatem erga delinquentes imitari jubeat.

mur, quanquam probè novimus, id absq; relaxatio-
 ne nervorum discipline fieri debere. Hujusmodi au-
 tem mora si non sit nimia, ad emendationem mo-
 rum multum facit, & pœnam, quæ postea sequitur
 contumaciam ejus, cui spatium respicientia datum
 est, magis intendit. Cùm autem prudentie atq; equi-
 tati locum hic relictum esse dicimus, illud etiam in-
 telligi volumus, ne vel privatim læsi, quas liber eti-
 am levissimas offensas suas velint ita urgere, ut ad
 ecclesiam omnes deferant, vel ecclesia quasvù & sus-
 cipere, & ob eas non agnitas velit à communione
 sua delinquentem excludere: Sed illas demum quæ
 alicujus sint momenti, & quas agnoscere quivis, vul-
 gari licet judicio sit præditus, possit. Cætera enim
 tegere potius, ac non nunquam dissimulare, aut ro-
 lerare, alii in alii debent, ita tamen ut privatim e-
 orum correctioni studeant, caveantq; ne à levioribus
 injuriis ac delictis ad graviora fiat progressus. Est
 autem & illud observandum, illa delicta quæ ad pa-
 cem ac concordiam fratrum turbandam ac diri-
 mendam pertinent, quales sunt injuriæ fratribus il-
 latæ de quibus ait dicto loco Christus, si cætera sint
 paria, aliquantò severius esse cohibendas, ne in pu-
 blicum ecclesie malum, ejusq; dissipationem tandem
 erumpant. Plurimum enim ad salutem cùm totius
 ecclesie, tum singulorum ejus membrorum, in pace ac
 concordia situm est. Quare proportio inter alia deli-
 cta, & inter injurias fratribus illatas ita est institu-
 enda, ut cum demum ad alia delicta id extendatur,

N. B.

quod Christus ait, eum, qui ecclesiam non audiverit esse habendum instar ethnici & publicani, cum ea sua gravitate injuriarum fratribus illatarum gravitatem atq; incommoda æquant ac compensant. Nihil de eo nunc dicimus, quòd verba Christi apud Matth. sit tibi tanquam ethnicus & publicanus, quando quidem ad eum sunt directa, qui ab altero est offensus, possint ita accipi, ut magis quid liceat significant, quàm quid fieri omnino debeat, quasi dicat, licet tibi cum eo postea agere, ut cum ethnico ac publicano; quemadmodum viri quidam doctissimi censuerunt: quo pacto, non ageretur hic de publica ecclesie in peccatorem animadversione, ad disciplinam morum stabiliendam pertinente, sed facultas tantum daretur lesò, ut non majorem jam amplius hujusmodi fratru, quàm hominis extranei haberet rationem. Sed sequentia verba valde faciunt verisimile, verba hæc licet ad lesum fratrem sint directa, ut pote ad quem præcedentia quoq; pertinent, de re tamen loqui que non minùs ad alios in ecclesia, quàm ad ipsum pertineat.

¶ An repetiatur aliud præter hoc animadversionis Ecclesiasticæ genus.

Restat quarta questio; de qua ita sentimus; non reperire nos aliud aliquod animadversionis generis, Ecclesie aut præscriptum, aut in perpetuum permisum, quo uti possit aut debeat in eos, qui ita ut hoc loco docemur, ab ecclesia notati, ac consignati respiscere noluerint, præter hanc ipsam eorum à consorcio fidelium separationem atq; exclusionem; licet arbitramur hanc ipsam pœnam intendi aliqua ratione pos-

ne posse, imò interdum etiam debere; si homines ejusmodi, in impietate longius progrediantur, & deniq; si veritatem etiam abnegent, & Christianam religionem deserant, aut alioqui prophani aut piorū hostes evadant, ut tanquā anathemata quedam vitentur. Nam si quis existimet id quod est apud *Matth.* sit tibi tanquam ethnicus & publicanus diversum quoddam genus ab eo, de quo hic agimus, ecclesie precipere, & eo quidem gravius ac severius, quo nimirum extrema quedam à cætu fidelium exclusio contineatur; in inde errorem suum facile potest animadvertere, quòd hæc pœna ei sit infligenda, qui vel semel illatâ fratri injuriâ, eam privatim publiceq; monitus agnoscere ac deprecari dato ad resipiscentiam spacio non vult. Atqui hujusmodi hominem protinus esse habendum pro extraneo, ea nimirum ratione qua non nulli crediderunt, absurdum sanè foret dicere; cùm Apostolus ne in idololatrias quidem, scortatores, rapaces, aliam *1. Cor. 5.* pœnam constituat, quàm ne cum illis hominibus commercium habeatur, aut cibus cum illis capiatur. Itaq; nec verba illa sit tibi tanquam ethnicus & publicanus, etiam si præcepti vim habere censeas, à qua sententia nos non sumus alieni, tam latè erunt extendenda, ut omni ex parte ethnicis & publicanis hujusmodi homo comparetur, sed habita ratione conversationis ac convictus; ut nimirum ita ab eorum consuetudine abstineamus, quemadmodum *Judæi* solerent abstinere à consuetudine ac convictu ethnico-

rum ac publicanorum. Verum tamen, quia dictum est, posse eò rem devenire, ut ab hominibus in ordine ambulanti- bus, tanquam ab anathemate quodam sit abstinendum; hoc ipsum ultimæ ex ecclesiæ exclusioni seu ex communicationis loco esse potest.

Ecclesiæ nõ est præceptum, ut aliquem Sathanæ tradat.

Illud vix est commemorandum, ecclesiæ præceptum nusquam esse, ut peccantes Sathanæ tradat. Nam tale præceptum ostendi nusquam potest, imò ne exemplum quidem, quòd ecclesiæ ipsa quempiam aliquando Sathanæ tradiderit; sed cum hi ea de re legamus 1. Cor: 5. v. 3. 4. 5. & 1. Tim: 1. v. 20. Utrobique tradendi actio Paulo Apostolo tribuitur; licet in priori loco ecclesiæ veluti consensum ac conspirationem, hominem illum ecclesiæ ejicienti, velit accedere. Fuit nimirum ea res potestatis Apostolicæ, quæ miraculosum soleret habere effectum, primorum illorum temporum proprium; de qua potestate loquitur inter alia Apostolus 2. Cor: 10. 6. & deinceps & cap: 13. 7. 10. Sed de hi hæcenus. Nunc ad Apostoli verba revertamur.

Rationem præcepti reddit, à suo exemplo.

v. 5. Nam ipsi scitis quomodo oporteat. Exposito præcepto, ad disciplinam morum in Ecclesiâ sancendam spectante, iam ratione illud munit, & per prolepsin quandam, causam adfert cur id Thesalonicensibus tradat ac perscribat. Ratio petita est ab Apostoli ipsius exemplo: cui altera sed specialior annectitur ab ipsius præcepto, antea Thesalonicensibus coram tradito, cuius sancienti causa exemplo illis suo præire voluerit. Et exemplum quidem suum
primò ge-

primò generaliter proponit hoc verſic. deinde ſpe-
 cialiùs in ſequenti explicat. Ait ergo. Nam ipſi ſci-
 tis. Vim hoc addit rationi, quòd res eſet eiùs modi,
 quam ipſi probè noſſent, & qua non nunc demum illis
 eſet perſuadèda, ſed iam dudum perſuaſa quomo-
 do oporteat nos. i. me (nam de ſe loquitur) imita-
 ri quàm diligenter meum vitæ exemplum omnibus
 ſis ſequendum, dandaq; opera ut mores actioneſq;
 meas exprimant, & ad eas ſe quoq; ipſos & actiones
 ſuas conſorment. Quanquam vox quomodo ita
 quoq; accipi poſſe videtur, ut nullam maiorem vim
 habeat, quàm ſi ſimpliciter dictum eſet, quòd oporteat,
 &c. quoniam non inordinatè ambulavi-
 mus inter vos, i. non diſceſſimus ab orbita honeſta-
 riù, virtutù ac pietatù, non deſleximus à norma do-
 ctrine Chriſti, ac noſtrù ipſorum præceptù qua aliùs
 præſcripſimus: ſed qua mandavimus aliùs, & ipſi ſeci-
 mus. Docet hiù verbis, & iurè ſe velle ut Theſſaloni-
 cenſes ſuum exemplum ſequantur, & qua in re exem-
 plum ſuum ſequi debeant. Ait autem inter vos, non
 quòd alibi aliter ſe geſerit, ſed quòd rem illis ipſis
 probè cognitam ac perſpectam ante oculos ponere
 voluerit, & vim exemplo addere ad eos tantò magis
 excitandos. Segniùs enim irritant animos demiffa
 per aures, quàm qua ſunt oculis ſubjecta fidelibus.
 Que alibi eſſent acta à Paulo, quidvè egieſet, igno-
 rari à multù poterant, à pertinacioribus fortè etiam
 negari. Itaque quorum ipſi oculati fuerant te-
 ſtes, ea ſola commemorat, aliùs omiſſis qua tamen il-
 liù ſimilia

liū similia erant, & ex iis quæ oculis subjecta erant, facile poterant æstimari.

v. 8. Neq; enim gratis panem edimus à quoquam scilicet acceptum: quam vocem nonnulli interpretes perspicuitatis causa inserunt verborū contextui. Exemplo speciali declarat id quod dixerat; se inordinatè non vixisse inter Thesalonicensēs; non quòd, si gratiū accepisset a quoquam ipsorum panem, inordinatè revera fuisset ambulaturus, seu violaturus doctrinam Christi (docet enim in sequentibus id se jurè facere potuisse, si modò jurè dici potest gratis edere panem alteriūs, qui eum in doctrina Evangelica instituendo victum abundè meretur) sed quòd in cæteris id sit inordinatè vivere, & ipse si ab aliis victum accepisset, nec labore manuum acquisivisset, speciem quandam præbere potuisset, inordinatè ambulantiū. Panem pro cibo simpliciter sumi, atq; adeò pro rebus quibus vīs ad vitam tolerandam necessariū, vulgo quoq; usitatum est; atq; ita in precatione Dominica sumitur. Videtur enim hoc loco, etiam amictus eo nomine comprehendī, per Synecdochen sive partū, sive speciei. gratis hoc est labore proprio non acquisitum, aut pretio justo non comparatum. Sed cum labore & ærumna nocte & die operantes. A contrario illustrat vocem gratis, seu manū aliqua ratione demonstrat, se panem à quoquam acceptum gratiū non edisse, quia dies ac noctes manibus suis laboraverit summo studio, nec minore molestia victus acquirendi gratia. Rem exaggerat.

*Panis pro
victu & a-
mictu.*

gerat, vel potiùs magnitudinem laboris huius explicat, dum & contentionem, seu intensionem, & assiduitatem eius exprimit. Illam, dum non contentus voce laboris & ærumnam commemorat, quæ molestiam apertius significat quàm illa. Hanc cum ait, nocte dieq; se operatum, hoc est quicquid temporis superfuerat prædicationi Evangelii, & necessariæ corporis ac virium refectioni, hoc est cibo ac somno, quarum rerum parcissimus fuerit, id totum et interdium & noctu se laboribus manuariis impendisse. Erat autem scenopega seu opifex tabernaculorum, ut legimus Act. 18. 3. Nequenquam vestrum gravaremus. Finem explicat huius tanti laboris, tantiq; studii in victu acquirendo: ne cuiquam Theſſalonicensium onerosus, molestus ac gravis esset, victum ab eo petens, aut stipendium accipiens; quæ de re dictum est etiam in priori Epist. cap. 2. v. 9.

v. 9. Non quòd non habeamus potestatem finem ulteriorem huius sui & laboris & abstinentiæ à victu ab aliis petendo, expositurus, prolepsis utitur. Potuisset enim aliquis cogitare; non mirum esse, te manuum labore victum tibi comparasse, nec eum à nobis postulando atq; exigendo, quenquam nostrum gravare voluisse; nam ne poteras quidem jure, non licebat tibi gratis à nobis victum exigere. Respondet Paulus, imò verò licuisse; nec ideo se ab ea re abstinuisset, quòd non liceret sibi exigere ab auditoribus victum: justissimum enim est, ut qui Evangelium docent alios, ab illis necessariis vitæ subsidia mercedis

211 Comment. in Caput III.

mercedū cuiusdam loco referant; dignus est operari
mercede sua: & leve est si qui aliis seminant
spiritualia, metant eorum carnalia, qua de re proli-
xè disputat Apostolus 1. Cor. 9. Aliam ergo hujus rei
causam sibi fuisse indicat, & mox aperte docet. Ad-
dit hæc res magnum exemplo Apostolico pondus.
Nam si Apostolus ab aliis gratis acceptum panem
non comedit, cum summo jure posset eum ab illis
postulare; si tam diligenter labori manuum incubu-
it, cum abstinere ab eo posset: quanto minùs alii de-
bent victum ab aliis gratis petere aut sumere, qui
nullo jure petere possunt, quantoq; magis labore suo
vitam tolerare aut sustentare debent? Quæ ergo in-
quies causa fuit id faciendi, quod omittere poterat,
quodq; non cum tanta molestia erat conjunctum? id
exprimit Apostolus. Sed ut nosmet ipsos exem-
plar demus vobis ad nos imitandos, ut nostro
exemplo doceremus vos, non esse vobis otio indul-
gendum, sed labore assiduo victum acquirendum,
utq; ad id faciendum vos incitaremus. Si enim ut
paulò ante dictum est Apostolus labore manuum vi-
tam toleravit, qui poterat stipendium ab aliis acci-
pere, & eorum sumptibus vivere: quanto magis ca-
eteri suis laboribus victum sibi querere debebant? I-
taq; Apostolus suo exemplo laborandi necessitatem
quandam imposuit. Non est autem intelligendum
hunc solum fuisse finem cur Apostolus labore manu-
um victum quereret, qui hoc loco exprimitur. Habe-
bat enim & alios, huic tamen admodum consenta-
neos,

Cur Paulus
manibus su-
is labora-
vit.

ne os, nimirum ut suspicionem avaritiæ à se amoliretur, ne fortè putaretur lucri tantùm ac questus sui causa Evangelium prædicare, præsertim apud homines divites, inq̄, urbibus opulentis, qualis erant Thessalonica, Corinthus, Ephesus, in quibus Evangelium prædicavit; Quare ne hac ratione cursum Evangelii impediret, stipendium non accepit; simul etiam ut præcideret ansam gloriandi falsis quibusdam doctoribus, qui Apostoli labores ac laudem sibi vindicabant, cum interea lucrum captarent, & avaritiæ, ambitioniq̄, sue velificarentur, qua de re disserit, 1. Cor: 9. 12. 18. d. & 2 Cor: 11. 7. 12. & d. & cap: 12. 14. Sed hos fines nunc non commemorat, eo contentus solo qui ad rem præsentem facit, qui quidem fuit unus ex primariis; & fieri facile potest, ut cum a libi, aut in Achaia, quam nominatim hac in re commemorat, & Macedoniæ quodam modo opponit, illum potissimum finem respiceret quem in Epist: ad Corinth: explicatum videmus, apud Thessalonicenses hunc potius respexerit; quia plures ibi deprehenderet otio indulgere, qui exemplo essent ad labores adducendi.

v. 10. Etenim cum essemus apud vos. *Causam* hic adfert Apostolus proximè præcedentium, sed simul etiam superiora aliqua ratione illustrat ac confirmat. Docet enim cur laborando & victum hoc pacto sibi querendo exemplum aliis præbere voluerit, & incitamento iis esse ad se se imitandum. Nempe quia præceperat verbis, ut qui vii labore honesto vi-

dum

Cur laborando exemplum aliis præbere voluerit.

etum sibi quereretur, eumq; ab aliis si laborem fugeret,
 ne auderet exigere. Quare quod verbis docuerat
 facto etiam docere ac sancire voluit, licet alioqui
 id facere non teneretur. Norat enim efficacius doce-
 re exempla, quam precepta; facta verbis esse ad com-
 movendos hominum animos validiora. Noluit ergo
 verbis facta, & precepto exemplum de esse, omnemq;
 alius excusationis ansam & otii pretextum praece-
 dere voluit. Iisdem autem verbis simul etiam illustrat
 ac confirmat Apostolus quae dicta sunt v. 6. Nam &
 exemplo quodam speciali illustrat id, quod de inor-
 dinatè ambulantiis, ac non secundum doctrinam à
 se traditam, dixerat, & causam explicat, cur hoc ge-
 nus inordinatè ambulantium mereatur notari, & à
 consuetudine aliorum arceri, quia iam antea praece-
 ptum hac de re acceperint, cum illis coram adestet,
 ita ut ignorantiam pretendere non possent. Si quis
 nolit operari, etiam non edito. Non ait Aposto-
 lus simpliciter, si quis non operetur. Fieri enim
 potest, ut quis ob virium imbecillitatem sive natura-
 lem, sive ex morbo, sive obsenectutem, sive alio ali-
 quo casu contractam non laboret; quia nimirum non
 possit, non quia nolit; cui homini victus nequaquam
 est denegandus. Sed si quis operari nolit, cum ni-
 mirum possit: si quis inquam otio indulgeat, & a la-
 bore absteineat, non virium defectu, sed voluntatis ac
 studii, is dignus est qui etiam non edat; indignus qui
 ab aliis alatur. Etenim cum victus non nisi labore ho-
 minum queratur, & ipse Deus olim dixerit Adamo
 (quae con-

(quæ conditio est etiam ipsius posterorum) in sudore vultus tui comedes panem: qui laborem subterfugit, jure etiam fructu laboris, hoc est victu caret, & injuriâ eum ab aliis exigit. Latet in hoc præcepto uno duplex quodammodo præceptum: alterum quod præcipuè intendit Apostolus, ut qui vis laboret, & hoc ad officium nostrum potissimum pertinet: alterum aliquo modo ad pœnam, ne is qui laborare non vult, panem seu victum ab aliis exigere audeat. Id enim esse videtur, dum ait etiam non edito: quanquam etiam simpliciter accipi potest; quasi dicat, dignus est qui non edat, unde sequitur victum ei ab aliis negari jure posse.

v. 11. Audimus enim quosdam inter vos ambulantes inordinatè. &c. ambulantes participium, ponitur pro infinitivo ambulare, Græcorum more. Hic causam reddit, ut diximus, tum præcepti superius traditi, de vitanda familiaritate inordinatè ambulantium, tum eorum, quæ illius confirmandi ac stabiliendi causâ hucusq; disseruit: idq; per quandam prolepsin. Poterat enim aliquis dicere: Quid causæ est, cur nobis inordinatè ambulantes fugiendos esse præcipias, & victum labore acquirendum inculces: Nunquid enim ea re nos tantopere indigemus: aut estne inter nos quispiam, qui contra faciat. Respondet Apostolus omnino audire se quosdam hujus generis homines, inter ipsos, seu in ipsorum Ecclesia versari, & hanc esse causam, cur hæc illis præcipiat atque inculcet. Audimus, inquit,

Causa præcepti superioris de vitanda familiaritate inordinatè ambulantium.

nō scimus, quia absens erat, quosdam inter vos, ne omnes accusare videretur: qui inordinate ambularent, seu non ita ut decet, non ita ut precepimus, se gerant: quo autem pacto, explicat dum subjicit: Nihil agentes, seu nulla honesto labore, quo victum comparent, occupati. Sed inaniter satagentes hoc est, rebus non necessariis occupatis; occupati rebus supervacaneis, inutilibus, aut ad se nihil pertinentibus, operose nihil agentes; ut faciunt ii, qui alienis se ingerunt, turbis se immiscent, & sub specie curandæ Reipublicæ, aut ambitioni vacant, aut otii tantum pretextum ac laborum diverticulum querunt; aut studiis vanis, vel ad ostentationes tantum, vel ad inanem oblectationem spectantibus dediti sunt; quo in numero etiam illi collocari possunt, qui atatem in carminibus ludicris scribendis aliisve argutiis consumunt, aut id quod $\pi\alpha\rho\epsilon\pi\gamma\omicron\nu$ studiorum esse debebat, tanquam $\epsilon\pi\gamma\omicron\nu$ tractant. Vide etiam illa, quæ dicta sunt prioris Epistolæ cap. 4. ver. 11, 12. In Græcis verbis paronomasiam esse elegantem, notarunt doctiores quidam Interpretes.

Alterū præceptum otiosis, ut laborent,

v. 12. his autem, qui sunt huiusmodi, præcipimus. Sequitur alterum huius loci præceptum, ex precedentibus veluti enatum; illi hominum generi, quod versiculo precedente notaverat, nimirum otiosis nominatim propositum. Etiam si enim ad omnes revera spectet, (omnes enim cum quiete operantes, pane suo vesci debent) tamen id hominibus otiosis hoc loco solis inculcat, tanquam eare indigentibus.

gentibus: Qui enim officium hac in parte iam faciē-
bant, illos ea de re monere nihil erat neceſſe. Ut au-
tem apud huiusmodi homines otio aſuetos, & labo-
rem fugientes, tantò plùs ponderis habeat hoc præ-
ceptum, auctoritatem ei conciliat, dum addit & eos
admonemus per Dominum noſtrum Ieſum
Chriſtum. h. e. auctoritate Domini Ieſu Chriſti
interpoſita, ejuſvè nomine ac juſſu. Ejuſ enim eſt hæc
voluntas, hoc mandatum. Sic paulo antè auctori-
tatem conciliavit, præcepto de vitanda hominum in-
ordinate viventium familiaritate. v. 6. De ſimili u-
ſu particule Per vide 1. Theſſ: 4. 2. ubi ait præce-
pta vobis tradimus per Dominum Ieſum.
Præceptum autem ipſum hiſ continetur verbis ut
cum quiete operantes veſcantur pane ſuo.
Cum quiete ait, ut à turbis recedant, nec ſe negotiis
aut alienis aut publicis, à quibus abeſſe honeſtè poſ-
ſunt, & utilitatis parum habent, ingerant, ſed
quantùm licet ea fugiant, & intra ſeſe veluti rece-
dant. Opponitur enim hæc quies τὴν πόλιν πρᾶγμα-
τῶν, Vide que hæc de re dicta ſunt, dicto paulo
ante loco. 1. Theſſ: 4. 11, 12. Suo inquit pane veſcan-
tur, non alieno, non emendicato, non ex aliena libe-
ralitate vivant, aliisvè ſint graves, facorum inſtar,
qui mel ipſi non colligunt, ſed apum labore ac ſeduli-
tate collectum, otioſi, aut rebus vanis occupati abſu-
mant. Panis iterum omnia ad victum, vitæq; ſuſten-
tationem ſpectantia, per Synecdochen complecti-
tur, ut paulo ante v. 8.

Quod præ-
ponit, au-
thoritate
Da. Ieſu in-
terpoſita.

Tertio præceptum, ne tamen propterea in beneficentia studio legnescant, qui benefacere possunt

v. 13. Vos autem fratres ne legnescite in benefaciendo. Tertium præceptum, non jam hominibus otiosis propositum, sed aliis qui labore manuum tantum parassent, vel re ab aliis relicta ita abundarent, ut etiam in alios liberales esse possent. Natum autem hoc præceptum ex proximo est, in eoq; errori, quem nonnulli inde trahere possent, occurritur. Cum enim audirent Apostolum velle, ut homines otiosi (ceterorum autem eandem esse rationem qui vis videt.) cum quiete operantes, suo pane, non gratis ab alio accepto vescantur: cogitare poterant, nihil jam opus esse elemosyna ac beneficentia in alios; siquidem unus quisq; suo labore sibi victum comparare, & seipsum sustentare debeat. Itaq; de beneficentia studio, cuius nomine eos superiori epistola commendaverat, facile poterant remittere, inq; ea re legnescere; præsertim cum aliàs quoq; molestum sit, suam liberalitatem cum aliis communicare, & suis sese commodis aliorum causa privare. Quare ne id fiat Thessalonicenses monet. Etenim licet omnes victum sibi ipsis labore querere debent, non tamen omnes possunt, aut vix ac ne vix quidem, vel ob virium imbecillitatem, vel ob casum aliquem atq; infortunium, vel ob liberos multitudinem possunt. Itaq; his saltem beneficentia succurrendum est. Præceptum enim Apostoli de victu proprio labore acquirendo non nisi eos obstringit, qui laborare ac victum parare possunt, & quatenus possunt; & otium tantum voluntarium prohibet. Itaq; nequaquam prohibet ad alienam liberalita-

Quibus benefaciendum.

beralitatē confugere, cū ipsa urget necessitas, & calamitas quempiam huc compellit; tantū abest, ut alienam liberalitatē ac beneficentiā restringat aut coerceat. Illis autem qui beneficentiā aliena indigent, etiā illi accenseri possunt, qui cū hucusq; otiosi fuerint, postea ad laborem quidem sese accingunt, sed vel vires eos deficiunt, vel saltem non ea est illis facultas, ut se suosq; sine aliena liberalitate sustentare possint. Itaq; licet liberalius eis largiri debeamus, qui laboribus honestis perpetuò vacarunt, nec suæ paupertatis fortunæ ipsi sunt fabri: tamen ne illis quidem necessaria benignitas est neganda, qui vellent quidem se se labore suo alere, sed iam non possunt amplius. Atq; ad hoc quoq; Apostolum respexisse, ne quaquam à veritate alienum est. Addi potest & illud, ne otiosis quidem eò usq; negandum esse victum, ut eò adigantur, ut veritatem divinam abnegent: Satiùs enim est otiosum fratrem, utut tenuiter alere, eumq; corrigere, & ad laborem subinde incitare, quàm permittere, ut a veritate inopia adactus, penitus deficiat. Verbum ἐκκονεῖν significare etiā segnescere, notatum est a doctissimis quibusdam interpretibus, quia κωνός etiā ignavum significat.

Vide Piseat.
& Vorst.

v. 14. Quòd si quis non auscultat sermoni nostro per epistolam. Præceptū his duobus v. 12. & 13. interiectis ad primum v. 6. propositum quodammodo redit, & ad certum illud hominum inordinate ambulanti-

his debe-
bant exe-
qui.

Verba per
epistolam
cum quib.
iungenda.

ambulantium genus, hoc est ad homines otiosos ex-
plicatum, quo pacto executioni mandari a Theſſalo-
nicenſibus debeat, ostendit. Ait ergo eum qui huius
præcepto, quo otiosis hominibus præcipit, ut labore
honesto victum sibi querant, (nam de hoc sermone
hic nominatim loqui videtur) non pareat; notari ab
illis debere, & a consuetudine ipsorum arceri, seu
mari ipsos consuetudinem eius fugere debere. Rectè
autem monent doctissimi quidam interpretes, verba
per epistolam non cum sequentibus, sed cum præce-
dentibus connectenda esse, quasi dicat Si quis non
auscultat nostro per epistolam sermoni, hunc
notate, & hoc quidem modo ambiguitatis tollende
causa, interpretes illi verba in ipso contextu colloca-
runt. Rationes attulit Iohannes Piscator in suis su-
per hunc locum annotationibus, has. Primùm quia
non dicit σημείνετε, id est significate sed ση-
μειῶδε id est notate. deinde quia proximè se-
quentia præcipiunt, quomodo se gerere debe-
ant erga sic notatum, hoc est excommunicatū.
tertio quia non dicit indefinitè δι' ἐπιστολῆς
sed διὰ τῆς ἐπιστολῆς articulo innuens episto-
lam certam, nempe hanc ipsam epistolā. quar-
tò si illud διὰ τῆς ἐπιστολῆς cohæret cum ver-
bo σημειῶσε etum pronomen, τῶν potius præ-
cederet ad hunc modum τῶν διὰ τῆς ἐπιστο-
λῆς σημειῶσε. quibus addi & illud potest, quanquā
in secunda ratione ab illo allata, quodammodo com-
prehensum

prehenſum; nullam apparere ſati gravem cauſam, cur Apoſtolus velit ſibi nominatim indicari, qui nam eſſent illi, qui ipſius ſermoni non auſcultarent, Quid enim? num forte ut ipſius hac de re iudicium exquirerent, & tum demum ab eius conſuetudine abſtinerent, ubi eius conſenſus acceſſiſſet? Atqui ſtatim precipit ut ita notatum vitent; & fruſtra ſane vellet Apoſtolus precepto generali Theſſalonicenſibus ea de re dato, ſuam demum de ſingulis exquiri ſententiam, & quidem abſentiu; cum res ex preſentium iudicio pendeat. Præterea cum Apoſtolus per varias & longè diſſitas terrarum oras Evangelii prædicandi cauſa diſcurreret, & non nunquam longè a Theſſalonicenſibus abeſſet, longum fuiſſet & Apoſtolo per litteras rem proponere, & eius demum expectare ſententiam; cum & illi ignorare poſſent ubi nam verſaretur, & commoda mittendi epistoſas de eſſet occaſio. Ita cunctando res ipſa elapſa ſepe fuiſſet è manibus, & impune ii qui excludi a communionẽ fidelium mererentur, fuiſſent in eccleſia verſati, ac nervo ſoluta laxata fuiſſet Eccleſiæ diſciplina. Adde, quod ſi volebat ſibi Apoſtolus iudicium de ſingulis in eccleſia Theſſalonicenſium relinquere, nulla eſt cauſa, cur non etiam de cæteris Eccleſiis ab ipſo collectis idem ſtatueremus. Atqui nec ullum eius rei indicium apparet, quod idem a cæteris quoque eccleſiis fieri voluerit; quin potius videmus, eum Corinthios graviter obiurgare, quod inceſtum illum e cætu non eieciſſent: & non eſt conſentaneum, cum cæterarum eccleſiarum iudicio,

Nempe ut
epiſtola A-
poſtoli pro-
poſita, offi-
cii commo-
neantur
primò.

exclusionem inordinatè ambulantium permetteret, solù eam facultatem Theſſalonicenſibus negaſſe, eorumvè hac in parte iudicio fuiſſe diſſiſum. Ergo niſi Apoſtolus ſuper eſſet, non poſſent illi Eccleſiæ diſciplinam tueri? Vel ergo Theſſalonicenſium quoq; iudicium hanc permiſiſſe cenſendus eſt, vel ceteris quoq; Eccleſiis negaſſe, Fuiſet autem res immenſi laboru, ſi Apoſtolus de ſingulis à qua vñ Eccleſia excludendis iudicium ferre debuifſet. Quæ etiam cauſa eſt inter alias, cur non ſit exiſtimandum, id eò eum nomina illorum qui inordinatè viverent ad ſe perſcribi voluiſſe, ut eos ipſe priùs moneret. Nam & hoc infiniti fuiſſet laboris; & fieri ſepe non potuiſſet, & deniq; facile apparet, id factum non eſſe. Infinitis enim Epiſtoliis ad eam rem fuiſſet opus, quas nec itinera nec labores Apoſtoli ſerebant. Sed nihil opus eſt pluribus. Ex hiis autem Apoſtoli verbis iam ſuperius in quaſtionis tertiæ explicatiõis concluſimus, non præcepiſſe Apoſtolum, ut protinus excluderentur a familiaritate fidelium ii, qui hucusq; inordinatè ambularent, ſed voluiſſe iis priùs hanc epiſtolam ac præcepta in ea comprehenſa proponi, eosq; ut parere moneri; tum demum ubi non paruiſſent, a conſuetudine aliorum arceri. Hunc notate, i. e. ſententia in eum veſtra animadvertite, cenſoriam veluti virgulam in eum ſtringite, & quaſtione ac iudicio publico inſtituto, mores eius tales eſſe pronunciate, qui ferri in Eccleſia, ſeu in Chriſtiano homine non poſſint aut aut debeant, & hac velut nota ſententiis veſtris illi inuſta,

Tum notetur, & com-
mercium
tam illis nõ
habeatur.

inusta, eius consortium postmodum vitate, quemad-
 dum statim subijcit Apostolus. Notatio ergo illa in
 sententia adversus eum lata, quae illi quodam modo
 sit ignominiosa, seu qua indignus cōmunionē ac con-
 sortio fidelium pronuncietur, consistit, quam postea
 sequi debet ipsa castigatio. & ne commiscemini
 cum illo. i. e. ne cum eo commercium habete, cum
 eo familiariter nolite versari, quae de re iam supra
 dictum est, v. 6. ubi similem loquendi modum addu-
 ximus ex 1. Cor. 1.9.11. Ut pudeat. Finem exprimit
 huiusmodi animadversionis, charitate ac lenitate
 Christiana dignum, qui est, ut frater, qui inordina-
 tē hucusq; se gesserat, hac castigatione correptus, &
 quadam veluti ignominia à ceteris notatus atq; affe-
 ctus (ignominiosum enim est, bonorum ac piorum
 hominum, Deoq; consecratorum consuetudine indi-
 gnum iudicari) pudore suffundatur, itaq; pudefactus
 respiscat. Etenim per metonymiam Synechdochicā,
 una cum pudore ac confusione, eius etiam consequēs,
 seu effectum, nimirum emendatio ac correctio ho-
 minis huiusmodi comprehendere debet. Neq; enim ali-
 ās pudorē cuiusquam querere iubet Christiana cha-
 ritas ac mansuetudo. Finis hic ostendit etiam, quo-
 usq; in hac animadversione progrediendum sit, &
 quamdiu durare debeat. Etenim cūm is qui peccave-
 rat ad frugem redit, eaq; de re certis argumentis ac
 testimoniis constat, pœna illa tollenda est. Fine enim
 posito cessant media, quorum praesentia ad finem il-
 lum tuendum necessaria non est. Cūm verò in levio-

Finis anim-
 adversionis.

Quandiu
 hæc anim-
 adversio
 durare de-
 beat.

rum delictorum genere, inde emendatio eius qui peccaverat potissimum sit aestimanda, si is ea non repetat, licet occasionem forte ac invitamenta ad ea perpetranda habeat; quaedam delicta, aut ita sunt enormia, aut alias eorum natura ita comparata est, ut repeti non facile possint, aut soleant, quorum in numero est matrimonium cum idololatris contractum: non ex eo aestimanda est eius qui peccavit emendatio, si eandem rem non repetat: sed partim ex eo si & verbis constanter per tempus haud exiguum testetur, sibi factum suum vehementer displicere, sibiq; dolore, praesertim si & lachrymae verbis accedant, & alia doloris signa; & ex tota hominis vita appareat, eum ita mutasse animum in melius, ut etiamsi similem habeat peccandi occasionem, peccatum tamen istud aut aliud simile, commissurus non videretur. Itaq; tam diu detinendus est frater qui peccaverat, nec ad familiaritatem fraternam admittendus, donec iudicium ea de re ab ecclesia probabiliter (nam certum ac indubitatum de ea iudicium, Deo tantum ac Christo $\alpha\epsilon\pi\delta\upsilon\upsilon\gamma\omega\varsigma\eta$ competit) ferri potest. Quae in re etiam eius rei iure habetur ratio, ut videatur, sitne labes illa infamiae atq; ignominiae, quae ecclesiae ac veritati divinae hominis illius facta fuerat aspersa temporis diuturnitate, & Ecclesiastica censura ac castigatione iam quodammodo deleta atq; obliterated; & exemplo in ecclesia ita satisfactum, ut non facile videantur alii exemplo illius incitati, idem facinus ausuri. Etenim licet illius qui deliquit, correctio vel

inprimis

inprimis in huiusmodi animadverſione ſit ex praecepto Apoſtolicò ſpectanda; non eſt tamen exiſtimandum, hanc ſolam eſſe huius caſtigatiònis cauſam. Nā partim res ipſa, partim dicta quaedam Apoſtolica, ſatis oſtendunt, ideò adhiberi eam correptionem, ne Eccleſia aut doctrina Chriſti malè audiat, neve ceteri exemplo corrumpantur, ſed potiùs animadverſa hac ſeveritate in alijs, & ipſi ſibi metuant. De quo poſteriori vide 1. Cor: 5. 6. 7. & confer cum precedentibus, & 1. Tim: 5. 20.

v. 15. Et non ut inimicum ducite. Per proleptin quandam praeceptum aliquo pacto declarat, & certos veluti limites ſeveritati huius animadverſionis, qua in fratres peccantes ſit utendum, ponit, ultra quos progredi non debeat. Occurrit nempe errori, qui fortè ex praecepto priori non ſatis rectè intellecto oriri colligiq; poterat. Audientes enim Theſſalonicenſes, hominem ejuſmodi eſſe vitandum, nec ad familiaritatem piorum admittendum, cogitare poterant, eum inimici loco habendum, & pro homine extraneo reputandum, nec amplius fraternè ut ſe corrigere velit, monendum, ſed inſtar anathematis fugiendum. Hoc ergo ne cogitarent, neve ſacerent Theſſalonicenſes, haec verba apponit, & novo veluti praecepto, priori certos cancellos circumdat, certuſq; limitibus ſeveritatem illius circumſcribit. Non vult hominem ita notatum, & à communiōe ac conſortio fidelium excluſum, pro inimico Eccleſiae aut veritatis haberi, ita ve cum illo agi, ut cum

extraneo

Non tamen
iſta cenſura,
notatus ini-
mici loco
habendus,

extraneo ac inimico (quanquam ne hic quidem odio est habendus, aut ullum hostilitatis genus in eum exercendum) liceret. Licet autem inimicum non monere: imò si verendum sit, ne, ut Christus ait, porci instar non modò margaritas sibi projectas pedibus conculcet, verùm etiam in nos conversus, nos laniet, ac discerpatur, ne decet quidem eum monere. At hic ut frater monendus est. Addit enim Apostolus: sed admonete ut fratrem: hoc est ut Christianum, & vobiscum professione conjunctum, & eatenus adhuc ad ecclesiam pertinentem. Quam diu enim veritatem cœlestem amplectitur ac profitetur, nec pietatis aut piorum evadit hostis, nec ad prophanam prorsus vitam delabitur; ad huc pro Christiano, quanquam ægro, ac morbis animi laborante habendus est. Nam & in aliqua ad huc gratiæ divinæ parte hæret, nec à salutis via tam longè abest, quin ad eam aditum habeat, nisi sorte contumacia acceperit, & morâ malum inveterascens ita induretur, ut iam vix ac ne vix quidem sanari possit. Quare in aliqua etiam amoris fraterni parte hæreere debet, & officium illi fraternum, quod in admonitione ac correptione, amica consistit, ei non est negandum. Quia frater inimico seu hosti opponitur, apparet non tantùm communionem professionis ac religionis eo nomine intelligi, sed & eius communionis consequens, hoc est amicitia sacratioris vinculum ac conjunctionem eiusmodi, quæ amorem singularem & extraneis non communem postulet. Non ergo ita fugienda est fratris hu-

Sed monendus ut frater.

ris huiusmodi consuetudo, ut ne colloqui quidem eius corrigendi causa sustineas; ut supra quoque monuimus. De aliis rebus colloquia, cum necessitas ipsa non cogit fugienda sunt. Similiter autem intelligendum est, nec alia humanitatis ac benignitatis officia ei etiam deneganda, praesertim si ad opem ille nostram confugiat; cum ea ne inimico quidem sint neganda, hic autem magis quam inimicus diligendus est.

Quin & alia officia humanitatis illi non deneganda, si ad nostram opem confugiat.

v. 16. Ipse autem Dominus pacis; Restat iam ultima hujus capituli & epistola particula, voto ac salutatione rem totam ita concludens, ut signum ostendat Apostolus Theſſalonicensibus, cujus indicio possint genuinas ipsius epistolas ab adulterinis ac subpositivis dignoscere, ne circumveniri à quopiam praetextu auctoritatis Apostolicae, & in errorem induci possint. Votum autem triplex est, vel potius ter diversis verbis repetitum. Salutatio enim ipsa voto continetur. Primum optat, ut ipse Dominus pacis, det illis pacem per omnia, seu semper (Graece est $\delta\ \iota\acute{o}\ \pi\alpha\upsilon\tau\omicron\varsigma$ scilicet $\chi\rho\acute{o}\nu\varsigma$, per omne nimirum tempus) omni modo $\pi\alpha\upsilon\tau\iota\ \tau\omicron\pi\omega$ pro quo, vetus interpres habet omni loco, ut appareat eum pro $\tau\omicron\pi\omega$ legisse $\tau\omicron\pi\omega$, una littera omisa. Quae lectio etiam si viris quibusdam doctis probeatur, haud scio tamen, an melior sit vulgarium codicum Graecorum lectio. Nam cum ad Theſſalonicenses solos scriberet Apostolus, qui eodem loco eademve in urbe viverent, non est credibile eum voluisse optare ut pax illi in omni loco concedatur. Plus enim videntur si-

Tertia & ultima capituli pars continens i. Votum.

Idque ter diversis verbis repetitum.

gnificare

gnificare verba in omni loco, quàm ut ad eos accommodari possint, qui eadem in urbe versentur. Alia ratio est loci, 1. Cor: 12, ubi non modò ad Cor: scribit, sed etiam ad ceteros, qui per totam Achaiam nomen Christi invocarent, ejusq; religionem amplecterentur. Conser locum dictum cum inscriptione posterioris ad eosdem Corinthios Epistolæ. cap: 1. v. 1. Cùm ait Ipse autem Dominus pacis, perinde est ac si dixisset, & hæc quidem ego vobis præcipio ad felicitatem vestram scientias; sed ipse Dominus pacis cætera sua ope, auxilio ac benignitate suppleat; vel, quod reliquum est, ipse Dominus Iesus vos beet. Etenim per dominum pacis intelligit Dominum nostrum Iesum Christum: quem eodem modo appellat pacis Dominum, quo Deum vocare solet Deum pacis, hoc est Pacis authorem. Pacis autem nomine ut alibi in hujusmodi votis solet, Hebræorum more felicitatem intelligendam putamus; licet nihil prohibeat quo minùs concordia eo nomine intelligatur. Quo pacto videretur ad præcedentia respexisse, ubi præceperat, ne fratrem notatum pro inimico haberent, sed ut fratrem admonerent: id quod ad concordia rationem aliquatenus pertinet. Sed altera significatio magis convenire videtur. Hoc pacto meliùs hæc Christi descriptio quadrabit cum descriptione rei, quam illis optat Apostolus, ut mox in explicatione verborum sequentium apparebit. Quomodo Christus author sit pacis, & felicitatis satis notum est. Est enim proxima illius secundū Deū causa tanquā unicū illi

1. Optat à
Domino se-
su pacem.

Quem vo-
cat Domi-
num pacis.

Cujus no-
mine, feli-
citatē in-
telligit.

eius ille Dominus per quem omnia. Vnde Apoſtolus
 toties gratiã & pacem ſeu felicitatem à Deo patre
 & Domino noſtro Ieſu Chriſto fidelibus optat. Det
 vobis pacem ſemper omni modo: hoc eſt, ſeli-
 ces vos reddat, vos beet, & ſemper & omni ex par-
 te. Perfectionem nimirum huius felicitati exprimit,
 dum & perpetuam eſſe vult, & plenam. Po-
 teſt enim qui eſſe beatus (quatenus quidẽ in hac mortalitate
 beato cuiſpiam eſſe licet) ad tempus tantum; vel per-
 petuò quidem, ſed non omni ex parte. Etiamſi autem
 felicitas hic ſpiritualis potiffimum ſit intelligenda;
 nihil tamen prohibet, quominus & corporalem atq;
 terrenam, ſed que ſpiritualem haud quaquam ever-
 ſat aut labefactet, eadem voce comprehendat. Ha-
 bet enim felicitas ſpiritualis ſuas quãdam partes.
 Nam & plena rerum divinarum myſteriorumq; cœ-
 leſtium cognitio ad eam pertinet, & ſolida vite pie-
 tas ac conſtantia in veritate, & ſpes firma felicitatis
 ſempiternæ, animi tranquillitas, lætãq; conſcien-
 tia, & gaudium ſpiritus ſancti, ac guſtus voluptatum
 cœleſtium, aliãq; divini ſpiritus dona, que in primæ-
 va illa Chriſti Eccleſia vigeant. Non parùm etiam
 huic pertinet totius Eccleſiæ concordia, ſummaq; a-
 nimorum conjunctio, & ſelix labor circa rem gloriæ
 divinæ, & ſalutis humanæ ſucceſſus. Dominus cum
 omnibus vobis ſcil: ſit. Alterũ votum ſeu voti prio-
 riſ repetitio, cum quodam argumento. Etenim cum
 in verbis precedentibus felicitatem Theſſalonicen-
 ſibus precatus eſſet, & conſtantem ſeu perpetuam ac
 plenam

Eamq; perfe-
 ctam.

Felicitas
 ſpiritualis
 in hoc ſe-
 culo qua.

plenam omnibusq² numeris (quatenus quidem in hac vita licet) absolutam : hic iam etiam precatur ut quam possit latissime pateat, omnibusq² illius Ecclesie membris sit communis. optat enim ut Dominus, i. e. dominus noster Iesus Christus (hunc enim suo more simplici hoc nomine & quidem articulo in Graeci notato intelligit) a quo pacem illis seu felicitatem fuerat modo precatus ; illis omnibus adsit, nempe gratia, favore, benignitate, ope atq² auxilio. Idem enim est Dominum Iesum esse cum aliquo, & gratiam Domini Iesu (que una cum suis effectis, nimirum auxilio ac beneficiis inde manantibus intelligenda est,) esse cum aliquo. Ideo quod hic dicit Dominus sit cum omnibus vobis, paulo post, ut & alibi dicit: Gratia Domini nostri Iesu Christi sit cum omnibus vobis. seu vobis omnibus adsit. Hac autem in re felicitas humana revera continetur. Quem enim Dominus Iesus gratia, favore, ac benignitate sua prosequitur, cui ope & auxilio suo adest, is non potest non esse felix ac beatus.

2. Ut illis Domin⁹ adsit gratia sua

2. Signum, quo debebant veras Apostoli epistolas ab adulterinis discernere.

v. 17. Salutatio mea manu Pauli. Hic veluti obiter Theſſalonicensibus, signum ac notam quandam ostendit, ex qua veras ac genuinas ipsius epistolas agnoscere, & a falsis seu adulterinis ac suppositiciis distinguere queant. Vidimus enim supra c. 2. v. 2. impostores quosdam, ut suos errores Theſalonicensibus persuaderent, autoritate Apostoli inter alia fuisse abusos, & alios quidem dicere ausos fuisse, illa que dicerent, se ex Apostoli ore audivisse, alios etiam

litteras

litteras tanquam ab ipſo ſcriptas conſingere, ac proferre auſos fuiſſe, ac Theſſalonienſibus pro genuinis obruſiſſe. Quare ne hac fraude circumveniretur, oſtendit hic illis certam quandam ſuarum Epistolarum notam, quæ ſi in aliqua Epistola non extra-
ret, eam non admitterent, ſed tanquam ſuppoſitici-
am repudiarent. Poſſunt autem hæc verba & ad ſequē-
tia & ad præcedentia referri; & de ſequentibus qui-
dem dubium eſt nullum, quãdoquidem dicat, ſic ſcri-
bo, ſubjectū protinus huius verbū. Gratia Domini
noſtri Ieſu Chriſti &c. Idem ſit in Epist. ad Coloſſ:
ubi ſcripta extant verba, quæ ad ſequentia non ad
præcedentia referri illic poſſunt. Col: 4. v. 18. Salu-
tatio mea manu Pauli. Gratia vobiscum &c.
Sunt tamen nonnulli, & doctiſſimorum interpretum,
qui etiam ad præcedentia referre videntur, dum ita
paraphraſticè hæc verba reddunt: Hanc ſalutem
ego Paulus mea ipſius manu adſcribere volui.
Hoc enim ſignum eſt omnibus Epistolis no- Vorſius.
ſtris, hæctenus annexum, quo veræ ac germa-
næ à falſis ac ſuppoſiticiis ſecernantur. Ita-
que ſic ſcribere ſoleo, gratia Domini no-
ſtri Ieſu Chriſti adſit vobis omnibus. Et no-
bis quidem iſta ſententia non planè diſplicet. Et-
enim non eſt incredibile, Apoſtolum, cum primo voto
ſubjeciſſet ſua manu votum brevius Dominus cum
omnibus vobis; hac occasione voluiſſe eos de ſigno
epistolæ ſuæ veluti impreſſo monere, & ut tanto re-
dius adhuc manum ſuam agnoſcerent, idem poſtea
votum

votum aliquantò plenius manu sua exprimere ac subscribere. Quod si quis absurdum putet, Apostolum his sua manu idem votum voluisse subscribere, & cum de superioribus jam dixisset, ea sua manu esse scripta, denuò subjicere, ita se scribere solere. Gratia Domini nostri Iesu Christi &c. cum ille nequaquam pugnabimus. Et hoc si sequamur, perinde erit, atq; si post salutationem, ab amanuensi, quem vocant, descriptam; ita subjiceret: saluto vos ego Paulus verbis mea ipsius manu adscriptis: Vel; salutationem ego Paulus mea ipsius manu nunc appono: (quod signum est cuius Epistola mea appositum) Sic autem scribo Gratia Domini nostri Iesu Christi &c. Apparet ex his verbis, Apostolum consuevisse Epistolas ad Ecclesias aut certos ex fidelium numero homines, dictare, alienaq; manu descriptas, & postea salutatione suâ manu subjecta notatas mittere. Quod etiam nominatim in Epistola ad Romanos videmus c. 16. eius Epist. v. 28. ubi dicitur: saluto vos Tertius, qui scripsi seu descripti hanc epistolâ. Epistolam ad Gal: sua manu totam scripisse Apostolum, inde apparet, quòd c. 6. v. 11. ait, videte quantis vobis litteris (hoc est quàm prolixam vobis epistolam.) scripserim mea manu Quod quia commemorat tanquam argumentum singularis sue erga illos benevolentie ac studii; ex eo ipso facile intelligitur, eum alias Epistolas, præsertim aut equè prolixas, aut etiam prolixiores quàm est illa ad Galatas, non consuevisse sua manu scribere: qua de re eo

Paulus in scribendis epistolis aliena manu solebat uti.

Tantum eorum tam notam his subjicerebat propria manu, ut illius esse notaretur.

loco dictum est. Ceterum quod ad notam hanc attinet, nō est intelligendum hæc sola verba Gratia Domini nostri Iesu Christi sit cum omnibus vobis, esse certam Paulinarum Epistolarum notam: quod tamen haud pauci viri doctissimi videntur statuere, qui exinde quoque colligunt, Epistolam ad Hebræos Paulinam esse, quia habeat notam Epistolæ Paulinæ appressam; quia sub illius finem adjiciatur, Gratia cum omnibus vobis: quasi verò non potuerint alii Apostoli, aliiq; divini viri eadem verba suis Epistolis subjicere. Videmus sanè Iohannem eadem prorsus verba quæ hic exprimit adThesal. Apostolus, apocalypsi subjicere; cùm alibi Apostolus, ut paulò post dicemus, aliquantulum sua verba variet, & author Epist: ad Hebr: longius adhuc à consuetudine Apostolica recedat. Etenim nullam invenies Apostoli epistolam ad universam aliquam Ecclesiam scriptam, in qua ipsum Domini Iesu Christi nomē non sit expressum, præter eam quæ est ad Coloß. ubi dicit salutationem suâ manu esse scriptam. Hæc sanè nota admodum fuisset dubia atq; incerta. Quid enim? Annon & alii, non modò pii viri, sed etiam impostores illi, imitatione Apostoli, poterant eadem aut similia verba epistolæ suæ subjicere? sanè tantò magis id fecissent homines fraudulentæ, si rescivisset (rescire autem id vel ex hac epistola publicè lecta facile potuissent) hanc notam suarum Epistolarum Apostolum esse voluisse, ac porrò sub hac nota facile se posse Theßalonicensib. Epistolas à se confectas obtru-

Quenam illa nota.

247 Com. in Cap. III. Ep. post. ad Thes.
dere, ac pro Paulinis venditare. Nō ergo hæc verba,
aut etiam sententiam huius voti, simpliciter voluit
haberi pro nota germanarum suarum Epistolarum,
sed sententiam hanc sua manu descriptam. Itaq; cū
ait sic scribo, nō tantū ad verba aut sententiā i-
psam eos vult attendere, sed etiam ad litterarum fi-
guras ac ductum. Si ergo viderent votum hoc litte-
ris planè huiusmodi, seu in ita similibus, ut solent e-
iusdem hominis litteræ diverso tempore scriptæ in-
ter se similes esse, descriptum, & epistola alicui sub-
iectam esse, tum demum eam pro Apostolica agnosce-
rent. Itaq; si quis ex illo voto Epistolæ ad Hebræos sub-
jecto colligere velit eam esse Paulinam, ei necesse es-
set ostendere, illa verba ipsius Pauli manu fuisse scri-
pta. Deinde & illud notandum est, quod iam paulò
antè indicavimus, non eadem ubiq; verba Paulum
suis Epistolis annumerare, sed sententiam, nunc bre-
viùs, nunc pluribus paulò aut paulò aliis verbis con-
ceptam. Vide finem Epistolæ ad Corinth. præsertim
posterioris, & ad Galat. Ephes. Colos. & Tim. Tit.
Philem.

GRATIA TIBI DOMINE IESU.



INDEX RERUM PRÆCIPUARUM
quæ in hoc libro continentur.

A.

- Accipere pro edocere 40
 Accipere Traditionis cor-
 relatum 69.
 Admonitio manua 111.
 Adventus Christi ad ju-
 dicialium tempus incertum
 97. improvisus ingruet. i-
 bid. ut fur nocte solet 98.
 cum minimè sperabitur
 99. impii tam maximè
 securi 99. qui tum repē-
 te opprimuntur, nec effu-
 gient, ut alia judicia dei
 solent. 100.
 Adventus Christi tempus
 cur nobis incognitum 99.
 Adventus Christi expecta-
 tio parit pietatē 20. cur
 à fidelibus expectari debe-
 at 21.
 Adventus Christi piis desi-
 deratissimus 149. cur &
 quibus terribilis 150.
 de Adventu Christi error
 maximè noxius 148.
 quòd putarent illum esse
 præforibus 152.
 in Adventu suo Christus
 glorificabitur in sanctis
 suis 142.
 Adveniens ad iudiciū Chri-
 stus descendet de caelo cū
 clamore hortationis, inba-
 Dei & voce archangeli 92
 A facie alicui⁹ fieri quid
 sit 141-
 Afflictiones Christiano-
 rum sunt certū documen-
 tum illorum futura felici-
 tatis 135.
 ἀγίασμα Vocis signifi-
 catio latior & strictior 70.
 71.
 ἀκαθαρσία 76.
 Amor Dei 190.
 Angeli potentiae Christi
 139.
 Anima nostra quando in-
 culpata 124.
 Antecedens pro relativo
 66.
 Antichristus homo pecca-
 ti 155. filius perditionis ib.
 Antichristi voce non signi-
 ficatur una persona 155.
 cur tanquam una perso-
 na in s. l. introducatur
 156. exempla similis lo-
 quutionis 156.
 Antichristi descriptio spe-
 cialior 157.
 Antichristus effertur supra
 omne quod dicitur Deus
 158
 Antichristi sedes templum
 dei

R

Dei, quomodo 159
 Antichristus seipsum esse
 Deum ostendet 160.
 Antichristi adventum tē-
 pore Apostolorum qua re-
 morabantur 161. 164. 165
 tempus ei⁹ definitum 162
 Antichristus exlex 165.
 Antichristi interitus 165.
 à quo 166. quomodo 166.
 quando. ibid.
 Antichristus ad Christi ad-
 ventum duraturus 167.
 Antichristi vires unde 168.
 Antichristi artes quib. res
 suas promoturus est 168.
 Antichristi miracula di-
 versa a miraculis Christi
 170. mendacia Vocat A-
 postolus 170. fraudes &
 deceptiones generis omnis
 171. ea³ cum summa im-
 pietate conjuncte 171. a-
 pud quos ista salitura 172
 Antichristo cur Deus tan-
 tos successus in Ecclesia
 permittens 174. finis tã
 horredi iudicii divini 175
 Apostasia Christi adven-
 tum præcessura 153. quid
 ea 153.
 Apostasia caput Antichri-
 sti 154.
 Apostasia virus vivente ad

Index

huc Apostolo occultè se & i-
 scribitur Ecclesia insinua-
 bat 162.

Apostolica præcepta qui
 spernit, Deum spernit 78.
 Auxilio Deum nobis fu-
 turum quis doceat 127.

B.

Benefaciendum etiam o-
 tiantibus & inordinate
 ambulantiis 128.

C.

Charitas erga fratres 79.
 TheSalonicensium in ea
 profectus tantus, ut velut
 à Deo ipsam docti vider-
 entur ibid.

Christi adventus ad judi-
 ciũ. Vide Advent⁹ Chri-
 sti ad iudicium. Chri-
 stus pacis dominus 238.

Christi mors pro nobis
 quomodo 108. 109.

Christi resuscitatio fidei
 nostre fundamentum 20.

Christi providentiæ & in-
 vocationis exemplum 64
 Christus descendet de cæ-
 lo cum angelis potentia
 sua 138. in igne stãm an-
 te 139.

Christus glorificatur fide-
 lium pietate 146.

Christus cur spes nostra 7.
 Christus fidelis 187. pro-
 misit

Rerum præcipuarum.

misit custodiam à malo
187.
Christiana religionis sum-
ma 18.
Christiana religionis diffe-
rentia specifica 20.
Christianos Vocando Deus
non pœna, sed saluti de-
stinavit 106.
Christiani sunt in hoc po-
siti, ut afflictiones pati-
antur 36.
Concordia 113.
Consolatio monendi vim
habet 37. Constantia 79
in Contractibus non cir-
cumveniendus frater 73.
74. 75.
Corpus quomodo inculpa-
tum 124.
Curiositatis fuga 82.
D.
Desides curiosi 82.
Deus cum absolute voca-
tur Pater, relatio fere
habetur ad nos 4.
Deus cur dicitur vivus &
verus 19.
Deus Christum excitavit à
mortuis 20.
Deus confert dona sua fi-
delibus non sine illorum
opera 66. 145. quomodo
nos sanctos reddit 123.
Deus cur vocetur Deus pa-

cis 123.
Deus obtulit nobis regnum
& gloriam 38.
Dei voluntatem esse ut
Christiani patiantur
quomodo intellig. 56.
Dies pro tempore 143. 152.
δὲ λευεῖν pro λατρεῖν
εἰν 19.

E.

Ebrietatis sæditas 103.
εἰς pro μεχρη. 90.
Electio infirmior & vo-
catio idem 9.
εἰν pro δὲ 4.
ἐπὶ pro εἰς 77.
Epistola ad Theſſalonicen-
ses prioris occasio 1. sco-
pus. 2. partes ibid. Poste-
rioris scopus 130 partes ib.
Epistolas Paulus sua ma-
nu non scribebat. tan-
tùm certam notam ma-
nu propria subiciebat,
ut illius esse noscitur are-
tur. 241
Excommunicatio.
Quàm longè à familiari-
tate inordinate ambu-
lantis fratris recedendum
199. Subducere se ab ali-
quo quid. 199. Non tamen
à quodam

Index

- à quodvis inordinate ambulante recedi potest & recedere licet* 201. 202. 203.
- Excommunicatus ab Ecclesia non illico à domesticis arcendus** 203.
- Excommunicatus non est cōmodis ab Ecclesia fraudandus** 205. Non habend⁹ pro inimico 205. cast⁹, quibus licere possit cū inordinate ambulante cibum capere 207. 208. 209. regula hic observanda 209. in enormib⁹ facinorib⁹ nulla mora interponēda: sed statim animadvertendū. 210. in leviōribus interponenda 211. quanta autē, ex delicti graditate iudicandum 212. de loco Matthæi 18. ubi præceptum de eo qui fratrē offendit 212. Nō tamen omnes injuria ad Ecclesiam deferenda, aut ab Ecclesia urgenda 215.
- Præter Excommunicationem non reperitur aliud animadversionis genus.** 216. præceptum quomodo executioni mandandum 231. 232. quādiu hac animadversio durare debeat 233.
- Excommunicatus non habendus inimici loco** 235. sed monendus ut frater 230 & alia humanitatis officia illi non deneganda, si ad opem nostram confugiat 237
- Expectatio adventus Christi** 190.
- ne Extraneorum subleatione egeamus, quare curandum** 84.
- Evangelium cur dicatur Domini Iesu** 16.
- Evangelium pro prædicatione Evangelii** 55.
- F.
- Felicitas spiritualis in hoc seculo qua** 339.
- in Felicitate priorū exprimenda tres quasi gradus constituit Apostolus** 94
- Fidei opus** 145.
- Fides in prædicando tripliciter solatur** 27.
- Fides non omnes capaces** 186. non tamen id Christianū turbare debet 187.
- Fidelium felicitatis sedes, non aer, sed cælum** 95.
- Filium esse rei alicujus quid.** 101.
- Finis actionum nostrarum quis & quomodo cōsequen-**

Rerum præceptuarum,

sequeendus 69.
Fornicatio quid, quàm
inter gentiles usitata, &
à Christianorū Sulgo pro
adiaphora olim habita 71.
omnium voluptatum scē-
dissima ib.

G.

Galea Christianorū Spēs
salutis ros cur capiti im-
ponenda 106.

Gaudendum omni tempo-
re 118.

Gaudiū spirituale 118. unde
oritur Ibid.

Gratiarum actio omni tem-
pore & de omnibus 119.

Gratia Domini Iesu 240

H.

Humanitas Vera modesti-
am in se includit 30.

I.

Idola propriè imagines 19.
sed & demones ibid. le-
lu nomen pro eius religi-
one 89.

Importuni qui 185.

Impii sub tempus aduentus
Christi maximè erunt se-
curi 99.

Impostores Apostolorum
tempore quibus modis su-
a sententia hominibus ob-
trudebant 150.

Impostura duplex 26.

In pro cum 26. 72. 73. 98.

169 pro Per au propter 176

In finem quid sit 46.

Infirmi tolerandi 125. quo
modo ibid. quinam si ibi

Injuriam non omnes ad Ec-
clesiam deferenda 215.

Inordinati monendi 114.
quinam ii. ibid.

Inordinatè ambulantiū
familiaritate abstenen-

dum 191. quanti id præ-
ceptum faciendum 192a

quousq; eius pomeria ex-
tendenda 193. loquitur

autem Apostolus maximè
de habitu in delictis 195.

Et si nec actus quidam ex-
cludantur 195. imò nec il-

le actiones quæ licet per se
non prohibita a Christo

infirmiores tamen offen-
dere possunt 196. pro sopo-

lepsia hic locus nullus 198
quid sit non commiscerit

cum inordinatè ambu-
lantibus 198.

Vide Excommunicatio
ὕπερ pro πῆρι 134.

ὕπερ finē denotās 136. 142

Ira Dei pro pœna 21. 107.

Iudæi increduli, nec Deo
um curant, & omnibus

adversantur 44. 45.

Index

unde nec Evangelium gen-
tibus annunciari sunt passi
45. Christum occiderunt
43. & prophetas suos 44.
Apostolos persecuti 44.
sed non impune id eis e-
rit 46.

Judicium ultimum nemo
effugiet 101.

Ius commutativum in
aequalitate 74.

Iustitia societatis Vincu-
lum 75.

K.

καὶ abundat 103.

καὶ ἔχοντες & voce quid
denotes Apostolus in a-
postasia descriptione 163.
164.

L.

Laborare debent otiantes
226.

Lamed & Beth Hebraei non
nunquam permutantur 34.

Longanimitas erga o-
mnes 115. quid ea 116.

M.

ad Machometem in de-
scriptione Antichristi non
respexit primario Aposto-
lus 153. etsi nec ille exclu-
dendus 154.

Mali specie omni absti-
nendum 122.

Mali sub adventum Chri-
sti maxime erunt securi
99.

Malus pro Satana 188.
de Miraculis quae hodie
patrari solent quid senti-
endum 170.

Miracula Antichristi di-
versa à miraculis Christi
170.

Mors Christi pro nobis
suscepta quomodo 108.

Mortis Christi pro nobis
finis 109.

Mortui in domino cur ob-
dormivisse dicantur 86.
ob mortuos in domino non
debemus contristari ut
gentiles 86. mortuos non
praesentem & in acci-
piendo praemio & ita ater-
na 90. 91. resurgent enim
illi prius 54. cum & in u-
na cum illis rapiantur in
nubibus ad dominum 94.

O.

Obtestari proprie quid 37

Omne pro perfecto 62.

Omnia exploranda, bo-
num tenendum 121.

Opus pro functione 113.

Orare Thessal. pro se vult
Paulus 127. 184.

Orandum ut sermo domi-
ni currat 184. & libere-

mnr

Rerum præcipuarum.

mur ab importunis homi-
nibus 185. cur 185.
Orandum esse indefinen-
ter, quomodo intelligen-
dum 119.
¶ Particula ubi desit, e-
xempla 40.
Osculum sanctum 128.
Otiosi fuga 82. Otiosi curio-
si 83.
Otiosi laborare debent 226
P.
Panis pro victu & amictu
220.
Pastorum cura 112. qua-
lis & quanta 113. quare
113. descriptio eorum 112
Patientie propter nomen
domini gradus tres 14.
Patientia laus 134.
Paulus Apostoli titulum
cur non apponat in priori
Epistola 3.
Pauli fortitudo in Euan-
gelio predicando 24. cau-
sa illius Fides & Sinceri-
tas in predicando 25.
Pauli pro iis quos Christo
lucris fecerat in precibus
assiduitas 5. 62.
Paulus alienus ab omni
impostura, cupiditate,
fraude, dolo 26. ut qui
Deo, non hominibus in
predicando placere stu-

duit 27. ideoque nulli Thes-
salonicensium supparasi-
tatus 28. ipsis etiam te-
stibus 29. neque prædicati-
one ad avaritiam abusus
29. Deo ipso teste 29. nec
gloriam ex eo venabatur
a quoquam 30. unde nec
pro potestate sua victum
ab iis exegit 30.

Pauli in Thesalonicenses
lenitas & humanitas 31.
egit cum illis ut soles ma-
ter cum prole sua 32:

Pauli laborum toleran-
tia & in munere obeun-
do diligentia 33.

Pauli labores manuum
graves & assidui 33. no-
te & die ibid. cur susce-
pit 34.

Paulus Sancte, Iuste, &
inculpate inter Thes-
alonicenses vixit 35.

Pauli paterna pro iis so-
licitudo expressa hortan-
do, obtestando, consolan-
do 36.

Paulus absentium Thesal.
desiderium ferre non po-
tuit 47. 48. ardentissi-
mo eorum visendorum de-
siderio flagrans 49. sed
quominus id faceret à
Satana fuit impeditus 49

R 4

quomo de

Index

- quomodo ibid.*
Paulus crebatur ne Sazanas per absentiam suam Thesalonicenses seduceret
Paulus cur manibus suis laboraverit 222. cur laborando exemplum alii prabere voluerit 223.
Paulus in scribendis epistolis aliena manu solebat uti, tantum certam notam subiiciens propria manu ut illi esse noscitur 245
quanam illa nota 246.
Paulini amoris erga Thes., magnitudo 32. 131. gratiis pro iis Deo semper agendis expressa 5. 39. 61.
Peccatorum mensuram implere quid 46.
Per pro Cum 89.
Per Dominum Iesum pro, auctoritate D. Iesu 70.
Persequutores Christianorum affligi iustum apud Deum 136. nisi tamen resipiscant 137.
Persequutio piorum quomodo causa illis vitata aterna 137.
Pietatis studium excitantia media 189.
Pii glorificantur aliorum pietate 146.
Pœna impiorum magnitudo 140. quãdopuniendi 141.
 ΠΟΛΛῦ pro magna 14.
Plurali numero utitur **Paulus** de se unico loquens 54.
Precum assiduitas 119.
Prophetia non nihili faciende 120.
Pusillanimes consolandi 114. quando maxime ibi. quomodo. ibid. qui tales ibid.
 Q.
Quieta vitæ studium 81. quomodo paratur 82.
 R.
qui Religionem Christianam afflictam recipere noluerat, eos pace florentem recipientes voluit Deus perire 173. 174.
Resurrectionis doctrina 84. 85. & seqq. cur Thesalonic. tradita 85. resurrectionis nostra certitudo pendet ex certitudine resurrectionis Christi 87. resurrectionis nostra ratio & ordo in premio fidelibus assignando 90. 91
Revelari in s. l. quid dicatur 154.
 S.
Sanctitatis Christianorum perfectio 123. 124.
 Sanctos

Rerum præcipuarum.

Santos cur vocet Theſſalonicenſes 129.

Satanas appellatur qui tentat 58.

Satanas quomodo impedi- rit Paulum ne Theſſaloni- cēſes reſiſeret 49. 50.

Satanæ aliquem ut tra- dat non eſt Eccleſiæ præ- ceptum 218.

Scriptura ſolet indiſſiduis & perſonis tribuere quod eidem generi ſeu populo competit 40. 90.

Si pro quoniam 61.

Signum quo debebant ve- ras Apoſtoli epiſtolas ab adulterinis diſcernere 240.

Sobrietas 103.

Specie mali omni abſti- nendum 122.

Spes Chriſtianorum bona cur 182.

Spes ſalutis duplex 105.

Spirit⁹ ſanctus ſcintilla ſi- milis 15. *Apoſtolos prædi- cantes inſuadebat, & lin- guam eorū dirigebat* 11.

Spiritus S. donum viſibile in primitiua Eccleſia om- nibus generatim dari ſolium 12.

Spiritus non extinguen- di 120. *quomodo id fiat. ib.*

Spiritus noſter quando inculpatus 124.

Sylvanus idem qui Silas 4.

Sylvanum & Timotheum cur ſibi Paulus adiungit in ſalutatione prioris Epi- ſtolæ 3.

T.

Theſſalonica urbs Mace- donia præcipua 16.

Theſſalonicenſium Vir- tutes. Fides 6. 132. *Cha- ritas, eaq³ laborioſa* 6. 132. *Patientia* 7. 13. 134.

quæ tanta erat ut eſſent credentibus exemplaria 15. *Theſſalonicenſium conver- ſationis ratio* 18.

Theſſalonicenſium in reci- piendo Eſangelio alacri- tas 38.

Theſſalonicenſes recepe- runt Eſangelium, non ut ſermonem hominum, ſed tanquam Verbum Dei 40 *quomodo id intelligen- dum* 41.

Theſſalonicenſes imitato- res Eccleſiarum in Iudæa exiſtentium quoad pati- entiam 42.

Theſſalonicēſes Pauli ſpes, gaudium, corona gloria- tionis 50.

Theſſalonicenſes filii lucis


Index


- | 101. | P. |
|---|--|
| inter Theſalonicenſes e-
rant multi deſides 226. | Vas, pro inſtrumento 72. |
| Theſalonicenſes Pauli me-
moriam ſequebantur 59. i-
pſum videre deſiderabant 80 | Vas poſſidere in ſanctitate
& honore, quid 73. |
| Theodorus qui 80. | Verbum auditus 40. |
| Thorax Chriſtianorum
104. partes eius dua Fi-
des & Charitas 104. 105. | Vigilantia Chriſtiano-
rum qualis 104. in ar-
mis obeunda ibid. |
| Timotheus miniſter Dei
cur 55. cooperator Pauli
in Evangelio 55. cur Theſ-
ſalonicam à Paulo miſſus
ibid. | Vindicta fugienda 116.
quomodo 116. quàm late
id extendendū 117. bene-
ficentia pro ea ſeclanda
177. |
| Traditionū & Verbi non
ſcripti fundamentum
quàm lubricum 151. | Vocati qui 9. |
| Traditiones Pauli 179. | Vocationis noſtra natura
ut impuritatē fugiam⁹
76. |
| Tuba clanger in adventu
Chriſti 92. cur Vocetur
Tuba Dei 93. | Vocando Chriſtianos Deum
non pœna ſed ſaluti deſti-
nabit 106. |
| | Voluntas pro objecto ſolu-
tatis 70. |
| | Votum precationis ſim-
babet 64. |




Errata quæ per negligentiam operarum & absentiam authoris in textum irrepperunt sic corriges.

Pag. 6 in marg. *Prima virtutes.* 7 in marg. *Gratiarũ actionis.* 9 & 2 à domino antiquã. 12 & 10 *alii, cursivã* 13, 24 seu, *cursivã.* 20. 15 *judicaturus.* 22. 1. *regnare.* 24. 9 *alterum.* ib. 10 *pro rationem, lege catenã.* ib. 22 *suspensione.* 34 & 21 *dele ipsorum.* 35 in marg. *inculpate.* 45 & 22 *cap. 19 & 9.* 54. 6. *insideretis.* ib. 7 *putarem.* 69. 8. *sic Gambuletis.* 73 ult. *spectant* 75. 1. *utuntur.* 76. 1 *indicamus.* ib. 21 *exerceamus.* ib. 23 *is tantum vitii ab Apostolo.* 80 penult. *quis erant.* 81. 1. *e-rant* 85. 11 *deducturi.* 90. 13 *accenset.* 92. 3 *cum dicatur.* ib. 19 *oratione.* 97. 28 *incertitudine videlicet tem-poris adventus.* 98. 7 *aucupari enim.* ib. 18 *improvisò.* 102 in marg. *Secundam personã.* 114. 13 *pœnarum quæ* 117. 12 *sibi* 126. 22 *dele Quare.* 132. 5 *alterutra.* ib. 27 *vanta* 134 in marg. *patientia laus* 142. 15 *q̄d.* 143. 2 *speciem certam.* 149. 17 *defectio à fide.* 149. 1 *verò.* 150 ult. *alios.* 165. 4 *nomine denotari.* 185. 20 *cõnfirmaciam ac perdicaciam.* 189. 25 *composes.* 199. 13 *amicitiæ testandæ.* 207 post ult. *v-notatus* 207. 1 *ante ar-ceamus non.* 216. 19 *utpote.* 218. 2 *inordinatè.* 218. 25 *prescribat.* 219. 14 *i. e.* 220. 18 *quibusvis.* 221. 21 *est.* 224. 7 *desse.* 23 homini. 226. 6 *quibusvis.* 26 post *indigemus?* 26. 17 *πάρρηγον,* ib. 18 *εργον* 227. 20 *τῆ πολυπραγμοσύνη.* ibid. ult. *cõplectitur* 230. 10 *per epistolam antiquã.* 230. 18 *σημειῶθε* ibid. 21 *ἐπισολῆς.* ibid. 22 *ἐπισολῆς* ib. 24 *ἐπισο-λῆς* ib. 25. *σημειῶθε* ib. 27 *ἐπισολῆς σημειῶθε* 232. 23 *consuetudine.* ib. in fine & 28 *deleatur a & in i-nitio seq. ut* 234. 21 *καρδιογνώση.* 240. 29 *supra positis.*







Biblioteka Jagiellońska



stdr0026766

